

ბ. სარიშვილი

სკოლა და სახალხო განათლება რევოლუციამდე ოსეთში

წინასიტყვაობა

ოსეთის სახალხო განათლებისა და სკოლის ისტორია ჯერ არ დაწერილა. ცალკეული ოსი, რუსი თუ ქართველი მკვლევარების ნარკვევები უმთავრესად აღნიშნული პრობლემის ამა თუ იმ მხარეს შეეხებიან, მაგრამ სრულიად ბუნებრივია, რომ ოსეთის სკოლისა და სახალხო განათლების განვითარების გზებზე ისინი მთლიან წარმოდგენას მაინც ვერ იძლევიან.

ჩვენთვის, ქართველებისათვის, მით უმეტეს საინტერესოა ვიცოდეთ, როგორ, რა გზების გავლით ხდებოდა ჩვენს ხალხთან მრავალსაუკუნოვან ისტორიულ მეგობრობაში მყოფი მეზობელი ოსი ხალხის კულტურული ზრდა-განვითარება. ჩვენს ინტერესს შეადგენდა განსაკუთრებით დიდი ოქტომბრის სოციალისტურ რევოლუციამდელი პერიოდი, რის შემდეგ სსრკავშირის სხვა ერებთან ერთად ოსმა ხალხმა წარმატებით უზრუნველყო ფორმით ნაციონალური და შინაარსით სოციალისტური კულტურის ნამდვილი აყვავება.

ოსეთის სწავლა-განათლების ისტორიისათვის მასალების პირველი წიგნის გამოქვეყნება ჩვენ შეეძლო 1952 წელს, რამაც ქართულ პრესაში (გაზ. „საბჭოთა ოსეთი“, 1952 წ. 22 ნოემბერი, გაზ. „კომუნისტი“, 1953 წ. 5 ივნისი, ჟურნ. „მნათობი“, 1953 წ., № 4, გვ. 153—155) სათანადო გამოხმაურება ჰპოვა.

ოსთა სწავლა-განათლების ისტორიის საკითხებს ჩვენ შესაფერი გაშუქება მივეცი 1955 წელს სამხრეთ ოსეთის სახელგამის მიერ გამოცემულ პატარა მონოგრაფიულ ნაშრომში: „კოსტა ხეთაგუროვის პედაგოგიური შეხედულებანი“, რომელსაც ქართული პედაგოგიური პრესა (იხ. გაზ. „სახალხო განათლება“, 1955 წ. 28 დეკემბერი, ჟურნ. „კომუნისტური აღზრდისათვის“, 1955 წლის № 4, გვ. 84—89, ჟურნ. „მნათობი“ 1956 წ. № 4) კმაყოფილებით შეხვდა. გარდა ამისა, სკოლის ისტორიის საკითხებს სამხრ. ოსეთში ცალკე თავი მიუძღვნით საქართველოს განათლე-

ბის სამინისტროს სამეცნიერო მეთოდ-კაბინეტის გამომცემლობის მიერ 1956 წ. გამოქვეყნებულ ნარკვევში „სკოლა და პედაგოგური მიმდინარეობანი რევოლუციამდელ საქართველოში (1901 — 1921 წწ.)“.

წინამდებარე ნაშრომში: „სკოლა და სახალხო განათლება ოქტომბრის რევოლუციამდელ ოსეთში“, ცვდილობდით გაგვერკვია ისეთი საკვანძო პრობლემები, როგორცაა:

1) ქართველთა და ოსთა კულტურული ურთიერთობის ზოგიერთი საკითხი აღრინდელი ფეოდალური წყობისა და მსხვილ სამთავროთა გაერთიანების პერიოდში (III—X სს.);

2) ქართული კულტურის გავლენა კავკასიის მთის ხალხებზე საქართველოს სამეფოს გაძლიერების ხანაში (XI—XIV სს.);

3) კულტურული ვითარება ოსეთში XV საუკუნიდან ოსეთის რუსეთთან შეერთებამდე;

4) ორივე მხარის ოსთა სწავლა-განათლების მდგომარეობა საქართველოს რუსეთთან შეერთებიდან ცარიზმის დამხობამდე;

5) მასწავლებელთა შემადგენლობა ოსეთის სკოლებში;

6) გამორჩენილი ოსი მოღვაწეები სკოლისა და ახალგაზრდობის აღზრდა-განათლების შესახებ;

7) მშრომელთა მოთხოვნებიანი და ახალი სკოლისათვის ბრძოლა ოქტომბრის რევოლუციამდელ ოსეთში.

ამ წიგნზე მუშაობის პროცესში, ჩვენ, ბევრი საარქივო დოკუმენტი, სკოლის ხელმძღვანელ უწყებათა ანგარიშ-მოხსენებები, ქართულ-რუსული პრესის მდიდარი მასალები, მრავალრიცხოვანი ისტორიულ-ლიტერატურული და კრიტიკული ნარკვევები და სხვა წყაროები გამოვიყენეთ. ამასთან ერთად, ცვდილობდით ფაქტებს კრიტიკულად მივედგომოდით და მარქსისტულ-ლენინურ მეთოდოლოგიაზე დაყრდნობით, მისთვის შესაფერისი გაშუქება მიგვეცა.

თითოეული ისტორიული ფაქტი, რომელიც ოსი ხალხის კულტურული მდგომარეობის ამა თუ იმ ეტაპს ეხება, მოვლენათა რეალური განვითარების ფონზე, ხალხთა ძმური ურთიერთობის ასპექტშია განხილული. ამით ჩვენ გვსურდა გარკვეული წვლილი შეგვეტანა კავკასიელ და რუს ხალხთა შორის მეგობრობის შემდგომი

განმტკიცების დიად საქმეში. რამდენად შეეძელით დასახული მიზნის მიღწევა, განსჯა პირუთენელი მკითხველისათვის მიგვინდვია. ჩვენი მუშაობა ამ მიმართულებით მომავალშიაც გაგრძელდება. ამიტომ, მკითხველის სამართლიან შენიშვნებს ავტორი ყოველთვის უდიდესი მადლიერების გრძნობით მიიღებს.

აზბოდი

თ ა ვ ი

ქართველთა და ოსთა კულტურული ურთიერთობის ზოგიერთი საკითხი აღრინდელი ფოლკლორული წარმონა და მსხვილ სამთავროთა გაერთიანების პერიოდში (III—X საუკ.)

ისტორიული წყაროებიდან ცნობილია, რომ ქართველებსა და ოსებს ჩვენი წელთაღრიცხვის დასაწყისიდანვე გარკვეული ეკონომიური, სამეურნეო და კულტურული ურთიერთობა ჰქონდათ.

ბუნებით ლამაზი, მდიდარი და კულტურულად ძლიერი საქართველო შორეული წარსულიდანვე იქცეოდა როგორც გარეშე ქვეყნების, ისე კავკასიის მთის ხალხთა ყურადღებასაც.

მსოფლიო საზოგადოებრიობისათვის ძველთაგანვე იყო ცნობილი ქართული მწერლობა, მისი ისტორია, ხელოვნება, ფილოსოფია და მატერიალური კულტურა, იმ ერის მონაპოვარი, რომელიც არა მარტო ითვისებდა და სწავლობდა ყოველივე საუკეთესოს, რაც მოწინავე ქვეყნებს კულტურის სარბიელზე შეუქმნია, არამედ თითონაც დაუზარებლად უზიარებდა სხვებს საკუთარი ძალებით მოპოვებულ თავის კულტურულ მემკვიდრეობას. საქართველოს მეზობლად, კავკასიის მთის კალთებზე დასახლებული, ქართულ ყოფაცხოვრებასთან, ზნე-ჩვეულებასა და კულტურასთან დაახლოებული ოსები ქართველების მხრივ ღრმა სიმპათიას და გულწრფელ თანაგრძნობას ხვდებოდნენ.

დ. ლავროვის გადმოცემით, გარდა სომხებისა, ოსებს ძველთაგანვე მჭიდრო კავშირი ჰქონდა ქართველებთან. ჰუნებისა და სხვა დამრბევთა შესევის პერიოდში ოსები ნელ-ნელა მიიწევდნენ კავკასიის სამხრეთის მთებისაკენ¹, რაც საქართველოსთან არა მარტო

¹ Сборник материалов для описания местностей и племен Кавказа. Изд. упр. Кавк. уч. округа, 1883 г. вып. III, стр. 200. იხ. დ. ლავროვის ნარკვევი: „Заметки об Осетии и осетинах“.

ტერიტორიული, არამედ სულიერი დაახლოების საფუძველსაც წარმოადგენდა².

ძველი წყაროების მიხედვით, ქართველებისა და ოსების დაახლოებისა და ერთი სარწმუნოების ქვეშ მათი გაერთიანების საქმეში დიდი როლი შეუსრულებია ცნობილი ქართველი ქალის წმინდა ნინოს (314—325) ოსეთში მოღვაწეობას, რომელიც დარწმუნების ყველა საშუალებას მიმართავდა მთის ხალხში ქრისტიანული სარწმუნოების გავრცელებისათვის³.

ს. ვ. ფარფოროვსკის მოსაზრებით: „IV საუკუნის დასაწყისში ოსეთში წმინდა ნინო ავრცელებს ქრისტიანულ განათლებას, რომელიც აქ საქართველოდან მოვიდა“⁴.

მთის ხალხები, რომელთაც ფეოდალურ წყობილებამდე ჯერ კიდევ საკმაო მანძილი დარჩენოდათ, პირველ ხანებში ქრისტიანობას არ ელტვოდნენ. ძველი მემკვიდრის ცნობით, როდესაც ნინომ ქსნისა და არაგვის ხეობის მთიულებს ქრისტიანობა უქადაგა, მათ კბილთა ღრქენა დაიწყეს და ზურგი შეაქციეს⁵, მაგრამ ერისთავებისა და მეფის ჩარევით მთიულებში „შიშით მოსცნეს კერპნი მათნი დაღეწად“ და ქრისტიანულ „განათლებასაც“ მეტი გასაქანი მიეცა.

ქრისტიანობის გავრცელება როგორც საქართველოში, ისე კავკასიის მთიანეთში მონათმფლობელობის შერყევას და ფეოდალიზმის განვითარებას ემსახურებოდა. წარმართობასთან შედარებით იგი პროგრესულ იდეოლოგიას წარმოადგენდა. რომელიც ხელს უწყობდა კავკასიის ხალხებს შორის „კულტურული კავშირის“ განმტკიცებას.

როგორც ცნობილია, ჩრდილოეთ კავკასიის მინდვრებსა და მეზობელ მხარეებში ძველთაგანვე ცხოვრობდნენ სარმატები, ალანები (ოსები), ჰუნები და მეჯოგეთა სხვა ტომები, რომლებიც საძოვრებისათვის ერთი ადგილიდან სხვა ადგილებისაკენ მოძრაობდნენ, ხოლო ზოგჯერ საშოვრისათვის სამხრეთის კულტურულ ქვეყ-

² ისტორიული წყაროებით, კავკასიის სამხრეთ კალთებზე ოსების დასახლება არა ჩ. ვ. III საუკუნეს, არამედ ჩვ. წ. ა. უფრო გვიანდელ პერიოდს მიეკუთვნება.

³ Сборник материалов для описания местностей и племен Кавказа. 1883 г., вып. III, стр. 200.

⁴ „Журнал Министерства народного просвещения“, Январь, 1917 г., стр. 88., იხ. ს. ბ. ფარფოროვსკის სტატია: „Народное образование у осетин“.

⁵ ბ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწილი I, 1946 წ., გვ. 91.

ნებშიაც გაიღვებდნენ. ამ ტომების გულად და მამაც ნაწილს დაქირავებული ჯარის სახით ამა თუ იმ მდიდარი კუთხის მმართველები შემოსეული მტრების წინააღმდეგ იყენებდა.

IV—V საუკუნეებში საქართველოსა და საერთოდ, კავკასიის მეზობელ ქვეყნებში დიდი ცვლილებები მოხდა. IV საუკუნის დამლევს რომი ორ ნაწილად გაიყო. აღმოსავლეთ ნაწილის დედაქალაქად იქცა ძველი ბიზანტიონი — კონსტანტინეპოლი. დასავლეთ რომის იმპერიის მოსპობის (მეხუთე საუკ. დამლევს) შემდეგ არსებობას განაგრძობდა აღმოსავლეთ რომის იმპერია, რომელიც VII საუკუნიდან ფეოდალური ბიზანტიის სახელწოდებით გახდა ცნობილი. რაც შეეხება ჩრდილო კავკასიას, აქ IV—VI საუკუნეებში ჰუნები მძლავრობდნენ. VI საუკუნის დამლევებიდან ჰუნები ხაზარებმა შესცვალეს. VI საუკუნის დამდეგს ბიზანტიამ ქართველების, ეგრისელებისა და აბაზგების გამოყენებით და, ბოლოს, ხაზარებთან მოკავშირეობით შესძლეს სპარსეთის ძველი სახელმწიფოს განადგურებამდე მიყვანა და ამიერკავკასიაში ბიზანტიის გავლენის განმტკიცება. საქართველოსთან ერთად ოსეთიც ბიზანტიის გავლენის ქვეშ მოექცა⁷. ს. ვ. ფარფაროვსკის აზრით: „ამ დროიდან იწყება ფეოდალიზმის განვითარებაც. ისტორიული ცნობები ადასტურებენ, რომ ოსეთი VI საუკუნეში ბიზანტიის გავლენის ქვეშ იმყოფებოდა, რომელიც მისიონერების გზით ხალხში ქრისტიანულ განათლებას ავრცელებდა“⁸.

ამგვარი მდგომარეობის მიუხედავად, კავკასიის მიწა-წყალზე მცხოვრებ ხალხთა კავშირურობითობა მაინც არ შეწყვეტილა. სამეურნეო-პოლიტიკური და კულტურულ-საყოფაცხოვრებო ხასიათის საერთო საფუძვლები ხალხში ქმნიდა ეროვნული კავშირისა და ერთობის შეგნებას.

„ეროვნული ერთობის ეს შეგნება შენარჩუნებულ იქნა საქართველოს სამეფოს დაშლის შემდეგაც, იმ ხანაშიც კი, როცა ქვეყანა ყველაზე დიდ სამეურნეო და პოლიტიკურ დაქვეითებას განიცდიდა“⁹.

⁷ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწილი I, 1946 წ.

⁸ იქვე, გვ. 136—137.

⁹ „Журнал Министерства народного просвещения“, Январь, 1917 г., стр. 88. იხ. ს. ვ. ფარფაროვსკის: „Народное образование у осетин“.

⁹ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. I, გვ. 11.

ისტორიული წყაროებიდან ცნობილია, რომ საქართველოს ტერიტორიაზე და მის გარეშეც, ქართული კულტურა დიდი ცხოველმყოფელობით ვრცელდებოდა. ეკლესია-მონასტრებზე, ფეოდალურ ციხე-სიმაგრეებსა და სხვა ნაგებობებზე დაცული ძველი ქართული წარწერები, სიგელ-გუჯრები, მხატვრულ-კერამიკული ნაკეთობანი და სხვა ძეგლები აშკარად მოწმობენ ქართული კულტურის უდიდეს გავლენას, მის როლს სხვადასხვა ეროვნებათა და ხალხთა კულტურულ განვითარებაში. როგორც საქართველოს სხვა კუთხეებში, ისე „ოსეთში, სხვადასხვა ძველნი ნაშთებიც მრავლად არის ნაშენნი. უმეტესად ქართველ მეფეთაგან გაკეთებული კოშკნი, ეკლესია და მონასტრები. ბევრს ქართული მინაწერიც აქვს, ბევრი შემუსვრილ არს მტერთაგან“¹⁰.

ზ. ჭიჭინაძის გადმოცემით, ოსებს, ქრისტიანობის გავრცელებასთან დაკავშირებით შეუსწავლიათ „...საყდრების შენებაც... მისი ოსტატობა, ხელოსნობა, ხელოვნებანი და სხვანი. ამის გარდა წერაკითხვაც კარგად იცოდნენ“...¹¹

დოქტორი პეტრე შახმურაძის შეხედულებით (რომელსაც ის თავის ნაშრომში „ოსეთის ძველი ისტორიის მასალებში“ აწვითარებდა). ძველად კავკასიის მთიანეთში, განსაკუთრებით ოსეთში „აქა-იქ ვრცელდებოდა წერაკითხვის ცოდნა, რასაც მოწმობენ ოსეთის ეკლესიების ნანგრევებში ნაპოვნი წარწერები“, ხოლო ლავროვის აზრით „...იმის გამო, რომ ეს წარწერები თითქმის მთლიანად ქართულ ენაზე კეთდებოდა, წყაროთ ასეთი დამწერლობითი განათლებისა უნდა მივიჩნიოთ საქართველო“¹².

ამრიგად, ფაქტია, რომ ქართველებსა და ოსებს საერთო სარწმუნოება, უცხოელ დამპყრობთა წინააღმდეგ ერთიანი ბრძოლის იდეა და კულტურული ერთობის მნიშვნელობის შეგნებისაკენ მისწრაფება აკავშირებდათ.

ისტორიული სინამდვილე აუცილებელს ხდიდა მეზობელ ერებთან და ხალხებთან ჩვენი ერისა და ხალხის სამხედრო-პოლიტიკურისა და სამეურნეო-კულტურული კავშირის განმტკიცებას.

¹⁰ ზ. ჭიჭინაძე, ოსეთის ისტორია, ქართულის ისტორიულის წყაროებით, სურათებით, თბ., 1913, გვ. 8.

¹¹ იქვე, გვ. 70.

¹² Сборник материалов для описания местностей и племен Кавказа, вып. III, 1888 г., стр. 207. ციტირებულია დ. ლავროვის ნაშრომიდან: „Заметки об Осетии и осетинах“.

თავდამსხმელი მტრის წინააღმდეგ ქართველები და ოსები, პირველი წინამძღოლობით საერთო ძალით იბრძოდნენ და ურთიერთთან მკიდრო თანამშრომლობით მოქმედებდნენ. ქართველები მუდამ ცდილობდნენ, რომ მეზობლებთან ძმური ურთიერთობა ჰქონოდათ. ჯერ კიდევ ვახტანგ გორგასალის დროს (მეხუთე საუკუნის მეორე ნახევარში) ქართველთა ინიციატივით, სომეხთა, ოსთა და ქართველთა შორის მშვიდობიანი ურთიერთობა დამყარდა: „და მიერთაგან იქმნეს მოყუარენი სომეხნი და ქართველნი და ოვსნი და ხამნივე ერთობით ბრძოდეს მტერთა“¹³.

ქართველები და ოსები ერთმანეთს ძმურ დახმარებას უწევდნენ მტრების წინააღმდეგ ბრძოლაში.

ჯუანშერის გადმოცემით „ვახტანგ გორგასალის ლაშქარნი ოვსეთის შემდგომ განვიდეს პაქანიგეთსა, რამეთუ მაშინ მუნ იყო პაქანიგეთი მოსაზღვრედ ოვსეთისა მდინარესა მუნ ოვსეთისასა წიად და ჯიქეთი მუნვე იყო“¹⁴.

ქართველთა და ოსთა მეგობრობაზე მეტყველებს ის ფაქტიც, რომ როდესაც „დაესრულა მეფობაი ქართლისაი და... ქართლსა შინა სპარსნი გაძლიერდეს და [ჰ] ერეთი და სომხეთი დაიპყრეს, ხოლო უმეტესად დაიპყრეს და კავკასიანთა შევიდეს და კარნი ოვსეთისანი აიღეს და ერთი დიდი კარი ოვსთივე და ორნი დვალეთს და ერთი პარჭუანს დორძოკეთისა და იგი მთიოლნი გომარდად დაადგინეს“¹⁵,—ქართველები, მაშინაც არ შემდრკალან და ოსთა მონაწილეობით მთელს თავიანთ ძალებს რაზმავდნენ საერთო მტრის განდევნა-განადგურებისა და მოძალადეთაგან სამშობლოს განთავისუფლებისათვის. ქართველებსა და ოსებს გარკვეული კავშირი ჰქონდათ აგრეთვე კავკასიის მთიელთა და მთეულთა მოსახლეობასთან. რომლებსაც ისინი ხშირად თავიანთ სამხედრო-პოლიტიკური და სამეურნეო-კულტურული ამოცანების განხორციელებისათვის იყენებდნენ¹⁶. მთეულებად იწოდებოდნენ არაგვისა და თერგის ხეობასა და კახეთის ჩრდილოეთ ნაწილში მცხოვრები ყვე-

¹³ ივ. ჯავახიშვილი, საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები, 1950 წ., გვ. 21—22.

¹⁴ იქვე, გვ. 272.

¹⁵ იქვე, გვ. 276. შდრ. „ძველი საქართველო“, ტომი I, 1909 წ., გვ. 11—12.

¹⁶ ივ. ჯავახიშვილი, ქართველი ერის ისტორია, წიგნი II, 1948 წ., გვ. 38—39.

ლა ტომი, ხოლო მთიელები გუდამაყრის ხეობის ჩრდილო-დასავლეთით არაგვსა და ქსანს შორის სახლობდნენ. ამგვარ ტომთა შორის ცნობილია „წანართა“ ტომი „რომელთა ქვეყანაში არის კარი ალანთა (დარიალანი) და წილკანის კარი (წელქანდურ) წილქანდურ)“¹⁷. ალანთა (ე. ი. ოსთა) გვერდით მცხოვრები მოსახლეობა საქართველოს ისტორიული განვითარების გარკვეულ ეტაპებზე მკვიდროდ იყო დაკავშირებული ქართველებთან და ამჟამად, განიცდიდა ქართული კულტურისა და მეცნიერების გავლენას, რომელიც ძველთაგანვე გზას იკაფავდა და როგორც კავკასიაში, ისე მის ფარგლებს გარეთაც ფართოდ ვრცელდებოდა.

ამრიგად, ბუნებრივია, რომ კავკასიის მთის სხვა ხალხებთან ერთად ოსეთის მოსახლეობა თავიდანვე დაინტერესებული უნდა ყოფილიყო არა მარტო მრავალსაუკუნოვანი ქართული კულტურის შესწავლით, არამედ მასთან მეგობრული კავშირის განმტკიცებითაც.

ქრისტიანობის გავრცელებამ ქართლში ხელი შეუწყო საეკლესიო ქრისტიანული კულტურისა და სწავლა-განათლების ახალ სარწმუნოებრივ საფუძველზე გაშლას.

ქართული კულტურის ისეთი შესანიშნავი ძეგლები, როგორცაა იაკობ ცურტაველის „შეშანიკის წამება“, „ესტატე მცხეთელის წამება“, კოლხეთის ფილოსოფიური სკოლა (სადაც, სწავლის მისაღებად ახალგაზრდებს აღმოსავლეთი რომის იმპერიიდანაც კი გზავნიდნენ), შემდეგ საუკუნეებში გელათის, გრემის და იყალთოს აკადემიები, ხელს უწყობდნენ ქართული ფილოსოფიური აზროვნების, მწერლობისა და კულტურის ფართოდ გავრცელებას და ყოველივე ამის შესწავლით ოსი ხალხის დაინტერესებას.

პროფ. კ. კეკელიძის გადმოცემით „მეექვსე საუკუნის გასულს, როგორც „ეპისტოლეთა წიგნიდანა“ ჩანს, ქართლში გაჩაღებული ყოფილა წირვა-ლოცვა და ღვთისმსახურება ქართულ ენაზე. ქართლის კათალიკოსს კირიონს მიმოწერა ჰქონია არა მარტო სომხის, არამედ იერუსალიმის და რომის პატრიარქებთან“¹⁸.

VII — VIII საუკუნეებში საქართველოსა და ამიერკავკასიის ხალხებს ორმხრივი ბრძოლა უხდებოდა: ერთი არაბთა ბატონობის, ხოლო მეორე ბიზანტიელ მოთარეშეთა წინააღმდეგ. „გაგულისე-

¹⁷ ივ. ჯავახიშვილი, ქართველი ერის ისტორია, წიგნი II, 1948 წ., გვ. 39.

¹⁸ კ. კეკელიძე, ქართული ლიტერატურის ისტორია, ტ. I, გვ. 82.

ბული კეისარი ცდილობდა მოექართაშა ალანები, რათა ისინი შესე-
ოდნენ აფხაზეთს, ეგრისსა და ქართლს და ბიზანტიის მიმართ ურ-
ჩობის გამო ეს ქვეყნები აეოხრებინათ¹⁹. მაგრამ ქართველებთან
ერთად ბიზანტიელთა და არაბთა პარპაში კავკასიაში არც ალანებს
მოსწონდათ, რის გამოც ისინი დამპყრობელთა წინააღმდეგ ბრძო-
ლებში მეტწილად საქართველოს ორიენტაციას იცავდნენ. ყოველივე
ამის მიუხედავად დოქტორ პფაფის გამოთქმით, ოსეთი VIII—X
საუკუნეებში ბიზანტიელთა და არაბთა სხვადასხვა სარწმუნოებისა
და „კულტურის“ გავლენას განიცდიდა.

X საუკუნის ნახევრამდე ოსეთი რელიგიური მხრივ კონსტან-
ტინეპოლის საპატრიარქოს ექვემდებარებოდა. „სახალხო განათლე-
ბის ისტორიისათვის საინტერესოა ის ფაქტი, რომ 931 წ. ფეოდა-
ლური არეულობის დროს ყველა მღვდელი გაძევებულ იქნენ ოსე-
თიდან და ქრისტიანულმა განათლებამ იწყო დაცემა“²⁰.

გარეშე და შინაური მტრების წინააღმდეგ განუწყვეტელი
ბრძოლების მიუხედავად, კავკასიის მოსახლეობის გამრავლებისა და
მეურნეობის გაფართოების გამო საჭირო ხდებოდა სხვადასხვა
კუთხეების მოსახლეობის დაახლოება და მათ მიერ დამზადებული
სხვადასხვანაირი საქონლის ურთიერთ მიწოდება.

„მთიელები ბარში ჩადიოდნენ პურისა და ღვინისათვის და
თან მათ თავისი მეურნეობის ნაყოფი ჩაჰქონდათ. მესაქონლეობაც
ხელს უწყობდა მოძრაობას; ჯოგებს საზაფხულო საძოვრები ერთ
ადგილას ჰქონდათ, საზამთრო კი — მეორეგან... ყოველივე ეს
იწვევდა... სხვადასხვა თემების ურთიერთობას, შინაგან გაცელა-
გამოცელასა და აღებ-მიცემას“²¹.

ამასთან ერთად, მაშინდელ საქართველოს სავაჭრო ურთიერ-
ობა ჰქონდა ბევრს მახლობელ და შორეულ ქვეყნებთან, ხოლო
კავკასიის მთიანეთის ოსეთი ვაჭრობისა და აღებ-მიცემობის მხრივ
საქართველოსთან მჭიდროდ იყო დაკავშირებული.

VIII—X საუკუნეებში ქართული ლიტერატურა მრავალფერო-
ვანი გახდა, ქართული კულტურა საქართველოს ფარგლებს გასცდა.

¹⁹ ნ. ბერძენიშვილი, ივ. ჯავახიშვილი, ს. ჯანაშია, საქარ-
თელოს ისტორია, ნაწ. I, გვ. 140.

²⁰ „Журнал Министерства народного просвещения“, Январь—
1917 года, стр. 88.

²¹ ნ. ბერძენიშვილი, ივ. ჯავახიშვილი, ს. ჯანაშია, საქარ-
თელოს ისტორია, ნაწ. I, გვ. 151—152.

როგორც ზემოთ აღვნიშნეთ, ჯერ კიდევ IX საუკუნეში, როგორც ქართლში, ისე ტაო-კლარჯეთში, ქართული ენა იყო შწერლობის, სახელმწიფო მართვა-გამგეობის, სამოქალაქო ურთიერთობისა და ეკლესიის ერთადერთი ენა. მაგრამ, ამასთან ერთად, „ქრისტიანობის საშუალებით ქართული ენა გადავიდა ჩრდილოეთ კავკასიაშიც. პირველ რიგში ჩერქეზებსა და ალანებში“²².

ქართული კულტურის შესწავლას დაეწაფა არა მარტო ქართველი მოსახლეობა, არამედ ჩერქეზები, ოსები და შთის სხვა ხალხები.

VIII—X სს. კიდევ უფრო გავრცელდა ქართული საეკლესიო-სამონასტრო მსახურების წესები. ასე, რომ IX—X საუკუნის მოღვაწენი პირდაპირ ამბობდნენ: „ქართულად ფრიადნი ქვეყანაი აღი-რიცხების, რომელსაცა შინა ქართულითა ენითა ჟამნი შეიწირვის და ლოცვაი ყოველი აღესრულების“²³.

ზემოაღნიშნულსა და მის შემდგომ საუკუნეებშიაც ქართლად იგულისხმებოდა ფართო მიწა-წყალი „ყოვლისა ქართველთა ნათესავისაი“²⁴, სადაც საკმაოდ იკიდებდა ფეხს ქართული სალაპარაკო ენა, იზრდებოდა ქართული კულტურის, მეცნიერებისა და ხელოვნების გაცნობა-შესწავლისადმი ლტოლვა და ინტერესი.



²² ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. I, გვ. 158—159. ხაზგასმა ჩვენია.

²³ კ. კეკელიძე, ქართული ლიტერატურის ისტორია, ტ. I, გვ. 43.

²⁴ ივ. ჯავახიშვილი, ქართველი ერის ისტორია, წიგნი II, გვ. 26.

**ქართული კულტურის გავლენა კავკასიის მთის
ხალხებზე საქართველოს სამეფოს გაქლიერების
ხანაში
(XI—XIV სს.)**

X საუკუნიდან საქართველო, ეკონომიური, პოლიტიკური და კულტურული დაწინაურების გზას დაადგა.

XI—XII საუკუნეებში ქართული კულტურის სხივები საქართველოს ფარგლებს იქითაც სწვდებოდა. ისმოდა „ქებაი და დიდებაი ქართულისა ენისაი“²⁵. ქართულად დაიწერა შესანიშნავი თხზულებები: ბასილ ზარზმელის „სერაპიონ ზარზმელის ცხოვრება“, გიორგი მერჩულის „გრიგოლ ხანცთელის ცხოვრება“ და სხვა, რომ არაფერი ვთქვათ საქართველოს ფილოსოფიური აზროვნებისა და პოეზიის ისეთ შესანიშნავ შედეგებზე, როგორცაა, „სიბრძნე ბალავარისა“ და „ვეფხისტყაოსანი“, რომლებმაც საუკუნობრივი ბრძოლების ცეცხლს გაუძლეს და დღემდე „ხელი-ხელ საგოგმანებ“ მარგალიტებად ითვლებიან მსოფლიო კულტურის საგანძურში.

ქართველ ხალხში მწიგნობრობის სიყვარული, ცოდნისა და კულტურისაკენ მისწრაფება სისტემატურად იზრდებოდა.

მცხეთის გარშემო მცხოვრებთ შორის ამალღდა წიგნის ცოდნის სიყვარული. იგი, იმდენად გავრცელდა, რომ მან ერთობ დიდი გავლენა იქონია თვით მთის ხალხზე და მეტად ოსებზე. „მცხეთა და მის მცხოვრებთ წიგნის გავრცელების საქმე გახდა ოვსთა მაგალითადაც და მოკლე დროის განმავლობაში ოვსთაც ისევე შეისწავლეს წერაკითხვა, როგორც მცხეთას და მის ახლო-მანლო ქართველთ. ქართლის საქმემ იქამდე მიაღწია, რომ... მთის ქართველნი და ოსეთის ოვსნი ქებულ იქნენ, როგორადაც ადვილად შემთვისე-

²⁵ ნ. ბერძენი შვილი, ივ. ჯავახიშვილი, ს. ჯანაშია, საქართველოს ისტორია, ტ. I, გვ. 159. მწერალ იოანე ზოსიმეს სპეციალური შესხმა—ოდიდან.—ტ. ს.

ბელნი და ადვილად დამსწავლელნი ანბანისა. ქართლს, მთიულეთს და ოვსეთს ანბანი ისე განეფინა და მოირთო... რომ ძველად მოხუცინი ქებითა და დიდებითა და საკვირველებით მოუთხრობდნენ ცნობებს, თუ ძველის-ძველად, როგორ მრავლად იყო მოფენილი წიგნის მცოდნეთა რიცხვი მთის ერსა და ოსეთში ოსებს შორის“²⁶.

როგორ გადაქარბებადაც არ უნდა გვეჩვენოს ზ. კიკინაძის ცნობა მაშინდელ ოსებში სწავლა-განათლების გავრცელების შესახებ, ერთი მაინც ცხადია, რომ ოსებსა და, საერთოდ, კავკასიის მთის ხალხებში ფეხს იკიდებდა ქართული სასაუბრო ენა, ეკლესიებსა და ოჯახებში ქართულ საეკლესიო ენაზე იკითხებოდა სახარება, ბევრ შემთხვევაში ქართულად ხდებოდა საეკლესიო ლოცვებისა და საგალობლების შესრულება.

საეკლესიო ცოდნის, წერა-კითხვის გავრცელებისა და „სასულიერო მსახურთა“ მომზადება-აღზრდის საქმეში მნიშვნელოვან როლს ასრულებდა „ოსეთა და ქართველთა ერთობის ნიშნად“ დაარსებული ნიქოზისა (ცხინვალის ახლოს) და ურბნისის სამონასტრო საეპისკოპოსო კათედრები და ამ მონასტრებთან არსებული სკოლები. „...ამ საეპისკოპოსოების სასულიერო სკოლებში იზრდებოდნენ ოვსთა სამღვდლო შვილები. ოვსნი მძლავრი ყოფილან, როგორც რიცხვით, ისევე სწავლის მიღებითაც. დავით აღმაშენებლისაგან ბიზანტიაში გაგზავნილ 40 მოსწავლეს ქართველებში ოსებიც ერივნენ. XII საუკუნის დამდეგს საქართველოში ოვსთა ნასწავლ კაცების მთელი გუნდი გახლდათ“²⁷.

სრულიად შესაძლებლად უნდა მივიჩნიოთ, რომ საქართველოს მაშინდელი მმართველები ხელს შეუწყობდნენ არა მარტო ქრისტიანობის გავრცელებას ოსეთში, არამედ ოსთა ეკლესიებისა და საოჯახო სკოლებისათვის საჭირო კადრების მომზადებისა და აღზრდის საქმესაც.

ისტორიული ვადმოცემით, ნიქოზის მონასტერთან არსებულ ტაძარს ჰქონდა თავის სასწავლებელი, სადაც ასწავლიდნენ ოსთა შვილებს ქართულ წერა-კითხვას, ოსურს, ბერძნულს, ასურულს და რომაულს, ამზადებდნენ დროის შესაფერის სწავლით და ვისაც სურდა ეკლესიის მსახურება, იმათ მღვდელ-მოქმედებასა და საეკლესიო საქმეებში ოსურის ენითაც სწვრთნიდნენ. შემდგომ სწავ-

²⁶ ზ. კიკინაძე, ოსეთის ისტორია, თბ., 1913 წ., გვ. 78—79.

²⁷ იქვე, გვ. 19.

ლისა და გამოცდისა ნიქოზელი აკურთხებდა და ნიშნავდა ამიერ და იმიერ ოსეთში სამსახურად, მღვდლებს, მთავრებს და დიაკვნებსა²⁵. აქვე, ახალგაზრდობას ასწავლიდნენ ანგარიშს, ლოცვების ქადაგებას ოსურს ენაზე ქართულ და ბერძნულ ენებიდან თარგმნით. თუ გავითვალისწინებთ იმას, რომ XI—XII საუკუნის ქართული პოეზია, კულტურა და ხელოვნება თავისი საკუთარი ტერიტორიის ფარგლებს გასცდა, უნდა ვივარაუდოთ ისიც, რომ საოჯახო სწავლება უმთავრესად ქართულად წარმოებდა, მაგრამ ოს ახალგაზრდობას წირვა-ლოცვასა და ქადაგებაში აგრეთვე ოსურს ენაზედაც წვრთნიდნენ²⁹. ძველად „...ოვსთა დიდებულნი, მეფენი, მთავარნი და მცარებულნი ქართულის ანბანით სწავლობდნენ... სწერდნენ და კითხულობდნენ“. IX—X საუკუნეებში ოსეთის ცალკეული სამფლობელოების შეერთება-შეკავშირების ნიადაგზე შეიქმნა ერთიანი ფეოდალური სამეფო ორდურეს (1019 წ.) მეთაურობით, რომელსაც ამშვენებდა თავისი სატახტო ქალაქი, მმართველობის ცენტრი, ჰყავდა თავისი სასამართლო, ჯარი და ჰქონდა სხვა სახელმწიფოებრივი დაწესებულებანი. ამ პერიოდის ძლიერ ფეოდალურ ოსეთს ახლო კავშირი ჰქონდა ფეოდალურ საქართველოსთან. „ოსეთის სამეფო საგვარეულო, — დ-რ პუფის სიტყვით, — იმდენად ამადლდა, რომ ქართლისა და აფხაზეთის მეფეები ოსეთის მეფეთა ქალიშვილთ ირთავდნენ“³⁰.

ოსეთის სამეფო ტახტის არენაზე XI—XIII საუკუნეებში გამოჩნდნენ ისეთი ძლიერი სახელმწიფო მეთაურები, როგორც იყენენ დორღულელი (ბაგრატი IV-ს მოკავშირე და ცოლის ძმა), ხუდანი (მეფე გიორგი III-ს სიმამრი), დავით სოსლანი (თამარ მეფის მეუღლე), ოსი ბაყათარი და სხვები³¹, რომელთაც მოყვრობამეგობრობა, საქმიანი სამხედრო-პოლიტიკური და ეკონომიურ-კულტურული ურთიერთობა ჰქონდათ თავისი დროის ქართველ სახელმწიფო მოღვაწეებთან. ასევე ქართულად სწავლობდნენ „...ქრისტიანობის მიღების შემდეგ ოვსთა მღვდელნი, დიაკონნი, მთავრები, ბერები და ყველა სასულიერო პირნი. სასულიერო პირთ გარდა

²⁵ ზ. ჭიჭინაძე, ოსეთის ისტორია, იბ., 1913 წ., გვ. 101—102.

²⁹ იქვე.

³⁰ „Сборник материалов для описания местностей и племен Кавказа, 1883 г., вып. III, стр. 206.

³¹ „Древние осетины и Осетия“, сочинение Александра Колзаева, Владикавказ, 1903 г., стр. 78.

ოვსთა მეფენიც ამ ასოებით სწერდნენ ურთიერთშორის შოკითხვის წერილებს, განაჩენთ, სიგელთა და გუჯრებსაც; ქართველ მეფეთა მსგავსად ამავე ასოებით ადგენდნენ ზღაპრებს, ლექსებს, შაირებს და სხვებსაც... ეს გარემოება ოვსთა და ქართველთ დიდად აკავშირებდა და აახლოებდა. ოსეთის დიდებულნი მეფენი და სხვადასხვა პირნი სულ ამ ანბანის ცოდნით იყვნენ განსწავლილნი³².

უნდა ვიფიქროთ, რომ საეკლესიო და საოჯახო სწავლება საშუალო საუკუნეების ოსეთში ქართულად ან ქართულის დახმარებით ოსურად თარგმნით იყო მოწყობილი.

პროფ. ს. მ. ტოტოევის მტკიცებით, X—XIII საუკუნეებში ოსები იცნობდნენ ქართულ და ბერძნულ დამწერლობას, რაც შემდეგში თათარ-მონგოლთა შემოსევებმა მოსპობის პირამდე მიიყვანა³³.

ყოველივე ამის მიუხედავად, XII საუკ. დასასრულს და XIII საუკ. დასაწყისში ოსეთი და საქართველო მაინც მჭიდრო ურთიერთკავშირში იმყოფებოდა და პირველი, ქრისტიანული საქართველოს ძლიერ ზეგავლენას განიცდიდა. „ქრისტიანული სარწმუნოება ოსებისა, თუმც კვლავ შეიცავდა მაჰმადიანური სარწმუნოების სიმახინჯეებსა და კერპთაყვანისმცემელთა სარწმუნოების ნაშთებს, მაგრამ მიუხედავად ამისა, იგი მზა საფუძველს წარმოადგენდა თამარ მეფის საგანმანათლებლო მოღვაწეობისათვის“³⁴. ამით უნდა აიხსნას ქრისტიანული „კულტურისა“ და „განათლების“ სწრაფი გავრცელება, როგორც ჩრდილო კავკასიის, ისე ამიერკავკასიის ოსებში.

ს. ვ. ფარფაროვსკის მიხედვით, ოსეთში ქრისტიანული განათლების განვითარებაზე საკმაო გავლენას ახდენდა ქართული ფეოდალური კულტურა, რომელმაც დავით სოსლანთან თამარ მეფის დაქორწინების პერიოდში თავისი დროის უმაღლეს საფეხურს მიაღწია. სახალხო განათლების ინიციატივა ამ ეტაპზე ისევ ქართველ მისიონერთა ხელში გადავიდა³⁵.

³² ხ. ჭიჭინაძე, ოსეთის ისტორია, თბ., 1913 წ., გვ. 101—102.

³³ С. М. Тотоев, Развитие культуры и общественной мысли в Северной Осетии во второй половине XIX и в начале XX вв., Госизд. С. Ос. АССР, 1950 г., стр. 6.

³⁴ Сборник материалов для описания местностей и племен Кавказа, вып. III, 1888 г., стр. 207, об. д. ლავროვის სტატია: „Заметки об Осетии и осетинах“.

³⁵ „Журнал Министерства народного просвещения“, 1917 г. Январь, стр. 88—89. იხ. ს. ვ. ფარფაროვსკი: „Народное образование у осетин“

ქრისტიანობის მიღების შემდეგ დვალეები (თამარის მეფობის ეამს) მთლიანად შეუერთდნენ ქართველ ხალხს, თუმცა მათ თავის მალალ მთიან ადგილთაგან ბევრი ადგილი დაკარგეს ოსების სამხრეთით მოძრაობისას³⁶. ეს ამონაწერიც იმას ასაბუთებს, რომ დვალეები, ოსები და მთის სხვა ხალხები (განსაკუთრებით თამარის მეფობის ხანაში) კულტურულად ძლიერ ქართველ ხალხთან შედარებით მჭიდროდ იყვნენ დაკავშირებულნი.

ქართველთა ზრუნვა და მეგობრული დახმარება ოსებისადმი სამხედრო-პოლიტიკური და ეკონომიურ-კულტურული მიზეზებით იყო განსაზღვრული. ქართველები და ოსები მტრის წინააღმდეგ ხშირად საერთო ძალებით იბრძოდნენ. 1163 წელს გიორგი III-მ მაჰმადიანთა წინააღმდეგ „გამოახსნა ოვსნი და ქუეყანანი დიდ-ძალნი და მომართა სულტანსა“³⁷.

ქართველები ოსებს, დვალეებს და საერთოდ, კავკასიის მთის ხალხებს თავის თანამეგობრებად თვლიდნენ. ბერი ეგნატაშვილის გადმოცემით, ბაგრატ მეფე თემურ ლენგს თხოვდა: „აწ მომეც სიმრავლენი სპათა თქუენთანი და წარვალ თემთა და სამეფოთა ჩემთა და მოვხადო კაცთა მყოფთა მთის ადგილისათა: მთიულთა, ოსთა, დვალთა, სვანთა, აფხაზთა და ყოველივე მუნ მყოფთა“³⁸.

ქართველთა და ოსთა ურთიერთდახმარებას ხელს უწყობდა, ამ ორი ერის სახელმწიფოებრივ მმართველებს შორის მოყვრობა-ნათესაობის არსებობა.

ყველასათვის ცნობილია, რომ აფხაზეთში მყოფმა ქართველმა მეფემ — ბაგრატ IV, როდესაც ქართლზე მტრის გამოლაშქრება გაიგო, დახმარებისათვის თავის ცოლის ძმას, ოსთა მეფე დორლოლელს მიმართა. ეს უკანასკნელი ორმოციათასი მხედრით გადმოვიდა საქართველოში. მეფემ უფლისწულ გიორგი კუროპალატის წინამძღოლობით მტრის წინააღმდეგ გაგზავნა ქართველთა და ოსთა შეერთებული ლაშქარი.

გამარჯვებულ ოსთა მეფეს საქართველოში დიდი ზეიმით შეხვდნენ. ქართველთა მემკვიდრის გადმოცემით: „ოსთა მეფემ

³⁶ მიომბილველი, ტ. 1; საქართველოს მეცნ. აკადემიის გამოცემა, 1949 წ., გვ. 112—113. პროფ. დ. გერიტიშვილის ნარკვევიდან.

³⁷ ქართლის ცხოვრება, მარიამ დედოფლისეული ვარიანტი, გვ. 376.

³⁸ ახალი ქართლის ცხოვრება, ივ. ჯავახიშვილის რედაქციით, 1940 წ., გვ. 12—13.

ნახა თავისი და — დედოფალი, და სიძე — ბაგრატ მეფე, რომელიც იმ დროს „ტინისხიდს, ქალასა ნადარბაზევისასა“ მდგომი დიდის ამბით მიეგება თავის მეშველსა და ცოლის ძმას. რადგან „მიზეზთა ზამთრისასა“ ოსთა მეფეს და დიდებულებს ეშურებოდათ, ბაგრატმა 12 დღეს გამასპინძლების შემდგომ თავისი სტუმრები უხვად დაასაჩუქრა და სამშობლოში გაისტუმრა“.³⁹

ცხადია, ამგვარი ურთიერთდახმარება შემთხვევითი არ იყო და, უეჭველია, იგი ერთ-ერთ მნიშვნელოვან ფაქტორსაც წარმოადგენდა ამ ორ ერს შორის არა მარტო სამხედრო-პოლიტიკური, არამედ კულტურულ-საგანმანათლებლო კავშირის განმტკიცებისათვის. თუ გავითვალისწინებთ იმასაც, რომ მემატიანის სიტყვით, ბაგრატ მეფე ქველმოქმედი, მწიგნობრობის მოყვარული, მეცნიერი და „სრული სიბრძნითა ფილოსოფოსისათა“ აღჭურვილი ყოფილა, უნდა ვიფიქროთ, რომ ქართველთა ასეთი მეთაურის დაახლოებას ოსებთან არ შეიძლებოდა გარკვეული როლი არ შეესრულებინა ოსთა და ქართველთა კულტურული დაახლოების საქმეში. ეს გარემოება მნიშვნელოვნად უწყობდა ხელს ოსი ხალხის ქართველ ხალხთან დამეგობრებას, ოსეთის კულტურული განვითარების შერწყმას ქართველი ხალხის კულტურულ განვითარებასთან.

ქართველი მასწავლებლები და „წერა-კითხვის ოსტატები“ საქართველოს შორეულ კუთხეებშიაც ასწავლიდნენ ხალხს, მაგრამ მას შემდეგ, რაც (XI საუკ. დასაწყისიდან) საქართველოს მიწაწყალზე გარეშე მტრების შემოსევა გახშირდა „...საქართველოს გარეშე გასულნი ქართველნიც უცხო ქვეყნებიდან სულ შინ იკრეფდნენ თავს და მტერს უძღვებოდენ. ასევე ოსეთიდან დაბრუნდნენ ყველა ის მასწავლებელ — ქართველნი, რომელნიც კი ოსებს ასწავლიდნენ ქართულ წერა-კითხვას, სხვადასხვა ხელოსნობას და ბევრსაც კიდევ სხვა ასეთებს“.⁴⁰

თათარ-მონგოლთა, მათი მემკვიდრეების — ყაბარდოს ფეოდალებისა და თურქეთის აგენტების ბატონობა მთის ხეობის ოსეთში თითქმის ოთხი-ოთხნახევარი საუკუნე (XIV საუკუნი-

³⁹ ივ. ჯავახიშვილი, ქართველი ერის ისტორია, ნაწილი, II, 1948 წ., გვ. 276.

⁴⁰ ხ. ჭიჭინაძე, ოსების ჩამოსახლება ქართლში და ქართველების ამაგი და ღვაწლი მათზედ (ისტორიული მიმოხილვა), თბ., 1916 წ., გვ. 1.

დან—XVIII საუკ. I ნახევრამდე) გაგრძელდა,⁴¹ მაგრამ დიდი ზიანის მიუხედავად, ქართველთა და ოსთა მეგობრობის მოსპობა შეუძლებელი აღმოჩნდა.

მიუხედავად იმისა, რომ XI საუკ. სხვადასხვა პერიოდში საქართველო არაბებისა და თურქების შემოსევას განიცდიდა, ბაგრატ IV-მ მაინც შეძლო ოსეთისადმი ყურადღების მიპყრობა. მან „...ოსეთში ოსებს არაბული სწავლა არ აკმარა, მრავლად გაუხსნა სხვადასხვა სახის სკოლები, მასწავლებლად დაუნიშნა ქართველნი და ბერძნებიც. ბაგრატ მეოთხემ მალე ოსეთი კარგად გააქვეყნა ბიზანტიის წინაშე. ამავე ბაგრატის მიხედვით, ოსთა შვილების რიცხვმა გამრავლება იწყო შიო მღვიმის სასწავლებელში. აქ ბაგრატი მოესწრო იმასაც, რომ მღვიმიდან გამოსულ ოსის ნასწავლ ბერებს ნიშნავდენ ოსეთის სკოლებში და ეკლესიებში მასწავლებლად. მაშინ, შიო მღვიმე ოსთათვის იყო ის, რაც ათონი და ათინა ქართველთათვის.

აქ ოსნი განუწყვეტლივ გადმოდიდოდნენ და სამღვთო სწავლას იღებდნენ, მერე ოსებში ბრუნდებოდნენ. სამღვდელო პირს ნიქოზელი (ქართველი ეპისკოპოსი ნიქოზის მონასტერთახ.— ტ. ს.) აკურთხებდა ხოლმე“.⁴²

იმისდა მიუხედავად, თუ ვის მიერ, როდის და ვისთვის იყო დაარსებული შიო მღვიმის მონასტერთან არსებული სასწავლებელი, ისტორიული ფაქტების მიხედვით შეგვიძლია დავასკვნათ, რომ იგი ამზადებდა სასულიერო ცოდნით აღჭურვილ პირებს ოსთა ეკლესია-მონასტრებსა და სკოლებში საგანმანათლებლო მისიონერული მოღვაწეობისათვის.

ოსთა ახალი თაობის აღზრდისა და უმთავრესად ოსი მოსარლეობის გარკვეულ ფენებში განათლების გავრცელების საქმეში დიდი ღვაწლი მიუძღვის ბაგრატ IV-ს თანამედროვე ქართველ მოღვაწეს, ათონის ქართველთა სავანეში აღზრდილს, სალიტერატურო და სამონასტრო სარბიელზე ექვთიმე მთაწმინდელის საქმიანობის გამგრძელებელს — გიორგი მთაწმინდელს, რომელმაც „...ოსები მთელ ბიზანტიას გააცნო. ამ დღიდან ოსთა შვი-

⁴¹ С. М. Тогоев, Развитие культуры и общественной мысли в Северной Осетии во второй половине XIX века и в начале XX века. Госиздат С. Осетии, 1950 г., стр. 6.

⁴² ზ. კიკინაძე, ოსეთის ისტორია, გვ. 137—138.

ლებმაც იწყეს ათინაზედ (უნდა იყოს ათინაში. — ტ. ს.) სწავლის მისაღებად წასვლა.⁴³

ზ. კიკინაძის ცნობა რომ არ არის სინამდვილეს საესებით მოკლებული, ეს სხვა ისტორიული წყაროებიდანაც დასტურდება. აკად. ივ. ჭავჭავიძის გადმოცემით, ბაგრატ IV-მ საქართველოში სამოღვაწეოდ მოიწვია შესანიშნავი მწიგნობარი, ისტორიკოსი და მთარგმნელი, ცნობილი საეკლესიო მოღვაწე გიორგი მთაწმინდელი, თავის სამეფოში მასთან ერთად იმოგზაურა და ხალხის ყოფაცხოვრებას გაეცნო. ამ დროს (XI საუკ. შუა წლებში) ქართლსა და მის ახლო-მახლო ადგილებში შემშლილობა მძვინვარებდა. გიორგი მთაწმინდელი ხალხს ამხნევებდა, „...უშუწოდ დარჩენილს ბავშვებს ჰკრებდა, ჰკვებავდა და ასწავლიდა“. ამრიგად, ქართველთა მემკვიდრის ცნობით, ხალხი, როგორც იყო „საზარელსა ბოროტებასა მძლე ექმნეს“ და „სიყმილისა სიკუედილსა გადაურჩეს“. იმავე ცნობებით დასტურდება, რომ გიორგი მთაწმინდელი ხუთი წლის განუწყვეტელი სამეცნიერო, სამწერლო და კულტურულ-საგანმანათლებლო მოღვაწეობის შემდეგ გამოეთხოვა თავის ქვეყანას და „...შემშლილობის დროს შეგროვილი 80 მოწათფითურთ ათინისაკენ გაემგზავრა“.⁴⁴ რამდენადაც ამ პერიოდში ქართველებსა და ოსებს შორის მკიდრო კავშირურთიერთობა არსებობდა, ბოლო „სიყმილის“ სიმძვინვარეს ოსეთიც განიცდიდა, სავსებით შესაძლებელია, რომ ათინაში სწავლის მისაღებად გიორგი მთაწმინდელის⁴⁵ მიერ წაყვანილ 80 ყმაწვილში ოსი ახალგაზრდებიც ერივნენ.

ამრიგად, ქართველი ფილოსოფოსები, მწერლები და სხვა სახელგანთქმული სახელმწიფო თუ საზოგადო მოღვაწენი ცდილობდნენ ოსებში სწავლა-განათლების შუქის შეტანას, ოსი ხალხისადმი მატერიალურ-კულტურული დახმარების გაწევას, ოსი მოსახლეობის საუკეთესო შვილთა „დროის შესაფერისად“ აღზრდას. ამგვარი მიზნებიდან გამომდინარეობდა დავით აღმაშე-

⁴³ ზ. კიკინაძე, ოსეთის ისტორია, გვ. 138.

⁴⁴ ივ. ჭავჭავიძე, ქართველი ერის ისტორია, წიგნი II. გვ. 167—191.

⁴⁵ ცნობილია, რომ გიორგი მთაწმინდელს ათინამდე არ მიუღწევია, რადგანაც იგი 1065 წელს მოულოდნელად კოსტანტინეპოლს გარდაიცვალა.—ტ. ს.

ნებელი, რომელმაც; ათინაში, ქართველებთან ერთად, სწავლის მისაღებად კავკასიის მთის ხალხთა შვილებიც გაგზავნა.¹⁶

დაახლოებით ამავე აზრს ადასტურებს პროფ. კ. კეკელიძის ცნობა, რომლის თანახმად გიორგი მთაწმინდელმა საქართველოდან ბიზანტიაში ცოდნის შესაძენად 80 უმაწვლილი წაიყვანა, ხოლო დავით აღმაშენებელმა „...საბერძნეთში გაგზავნა 40 ახალგაზრდა იქაურ სკოლებში სწავლის მისაღებად“.¹⁷

ზ. ჭიჭინაძის ცნობით, დავით აღმაშენებელმა დიდ ქართველ ფილოსოფოსს, გამოჩენილ მწიგნობარსა და მეცნიერული ცოდნით მეტად განსწავლულ გიორგი ჭყონდიდელთან ერთად, ოსეთში „...ოვსთა შვილებისათვის დააარსა სასწავლებლები, დაუწყო მათ აღზრდა, გამოწურთვნა... რასაკვირველია, ქართულის მხედრულის და ხუცურის ასოებით იწერებოდა ყოველივე მაშინ“.¹⁸

ნიკიერი მხედართმთავრის, შესანიშნავი სახელმწიფო მოღვაწისა და ერის კულტურული წინსვლისათვის თავისი დროის შესანიშნავი მებრძოლის — დავით აღმაშენებლის დიდ შემოქმედებითს მოღვაწეობას ადასტურებს. ისტორიული წყაროები, რომლის მიხედვითაც „...მეტის მზრუნველობა ფართოდ სწვდებოდა ქართულ ეროვნულ-კულტურულ კერებს საქართველოშიაც და მის ფარგლებს გარეშეც.

დიდძალი სახსარი დაიხარჯა ცოდნისა და განათლების ახალი კერების მოსაწყობადაც. მათ შორის პირველ ადგილი უჭირავთ გელათის (ქუთაისის ახლოს) და შიო მღვიმის (მცხეთის ახლოს) მონასტრებს, სადაც დღემდეა შემონახული დავითის მიერ აგებული ტაძრები.

დავითს განსაკუთრებით ჰყვარებია გელათი, რომელიც მან მისი ბიოგრაფის სიტყვით „სხვად ათენად“ აქცია. აქ მან დააარსა აკადემია, რომლის გარშემო შემოიკრიბნენ ქართული კულტურის საუკეთესო მოღვაწენი, შუა საუკუნეთა საქართველოს უდიდესი მოაზროვნის, ფილოსოფოსის იოანე პეტრიწის მეთაურობით. გელათის აკადემიამ თვალსაჩინო როლი ითამაშა ქართული კულ-

¹⁶ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, 1946 წ., გვ. 189.

¹⁷ კ. კეკელიძე, ქართული ლიტერატურის ისტორია, ტ. 1, გვ. 75.

¹⁸ ზ. ჭიჭინაძე, ოსეთის ისტორია, გვ. 152.

ტურის განვითარებაში. შიო მღვიმის მონასტერში მუშაობდა ცნობილი მწერალი არსენ იყალთოელი“.⁴⁹

ექვს გარეშეა, რომ საქართველოში და მის ფარგლებს გარეთ ქართველთა სავანეებში გაჩაღებული სამეცნიერო-სამწერლო და კულტურულ-საგანმანათლებლო მოღვაწეობა მოსახლეობის თითქმის ზედა ფენას წვედებოდა, ყოველ ახალ ქართველ მოღვაწეს ან მათს ნამოღვაწეს ხალხი ცხოველი ინტერესით ზედებოდა, ქართული პოეზიისა და ისტორიულ-ფილოსოფიური აზრის ნაყოფი, როგორც ქართველთა, ისე მთელი კავკასიისა და ზოგიერთ სხვა მახლობელ და შორეულ ხალხთა შესწავლისა და კვლევის ობიექტად ზდებოდა. ქართული კულტურის გავრცელებას მეზობელ ქვეყნებში ხელს უწყობდა ისიც, რომ სამხედრო-პოლარიტიკური და სამეურნეო-კულტურული კავშირის იუცილებლობა ამ ქვეყნებს შორის სათანადო მიმოსვლას და, ამრიგად, გზების გამოძებნასაც საჭიროებდა.

„საქართველო შეერთებული იყო გზებით, როგორც ჩრდილოეთთან, ისე, რასაკვირველია, უფრო სამხრეთთანაც: ამგვარადვე გზებს აღმოსავლეთისა და დასავლეთისაკენაც ჰქონდათ მიმართულება“.⁵⁰

ლეონტი მროველის ცნობიდან აშკარაა, რომ ჩრდილოეთთან საქართველოს და კავკასიას აერთიანებდნენ „ორნივე ესე გზანი, რომელ არს ზღუის კარი — დარუბანდი და არაგუის კარი, რომელ არს დარიალანი“.⁵¹ „დარიალის“ ანუ „წილქნის გზით“, არაგვის ხეობით „ნალუარევეთა გზითა“, ან კიდევ სხვა ისეთი გზით, რომლითაც გაქცეულმა ფალდონმა „წარვლო გზა წილქნისა და მიეხვია პირსა არაგვისასა და გაჰყვა ნალუვარევეთა გზით ერწოდ“, სწორედ ამგვარი გზებით იყო დაკავშირებული საქართველოსთან ჩრდილო კავკასიის ხალხი. არსებობდა აგრეთვე „გზაი დუალეთისაი“, „გზაი აფხაზეთისაი“, და სხვა, რომლითაც ჩრდილო კავკასია უკავშირდებოდა საქართველოს, მაგრამ ეს გზები შორეული და შედარებით ნაკლებ სარგებლიანი იყო. მემბტიანეთა ცნობებით, ვახტანგ გორგასალი ოვსეთით „წარმოვიდა გზასა აფხაზეთისასა“, ოვსთა მეფე სადარბაზოდ „წარმოემართა,

⁴⁹ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. I, გვ. 169. .

⁵⁰ ივ. ჯავახიშვილი, ქართველი ერის ისტორია, წიგნი II, გვ. 65.

⁵¹ იქვე.

პიროვნება გზაი აფხაზეთისაი და მოვიდა ქუთათისს“, ნერსე ქართლის ერისთავმა „განვლო კარი ოვსეთისაი, რომელსაც დარიალან ერქუნიის“ და სხვ.⁵² მიუხედავად იმისა, რომ ყველა ეს „გზაი“ პირველთან შედარებით ნაკლებად მისაწვდომი და ძნელად გამოსაყენებელი იყო, ქართველთა და ოსთა შორის მეგობრული ურთიერთობა და კავშირი არა თუ არ შესუსტებულა, არამედ გარკვეულ პერიოდამდე კიდევ უფრო მტკიცდებოდა. ამის შემდეგ, ყველასათვის ნათელი უნდა იყოს გამოჩენილი მკვლევარის აკად. ივ. ჯავახიშვილის მოსაზრება იმის შესახებ, რომ „საქართველოს სხვადასხვა კუთხეების აღდგენისა და გაერთიანებისათვის ბრძოლის დროს, რასაკვირველია, მიმოსვლაცა და ურთიერთგავლენაც გაცხოველდა. მიმოსვლისა და აღებ-მიცემობის გზები იყო აგრეთვე თვალსაჩინო ძალა, რომელიც ერთის მხრივ საქართველოს მრავალს კუთხეს ერთი-ერთმანეთს უახლოვებდა და აერთებდა, მეორე მხრივ უცხოეთის გავლენა, პოლიტიკური თუ სულიერი, შემოჰქონდა, რომლითაც სამაგიეროდ საქართველოს გავლენაც ვრცელდებოდა მეზობელს და შორეულს ერებსა და სამეფოებზე“.⁵³

ქართველთა და ოსთა მეგობრობის აშკარა საბუთს წარმოადგენს ურთიერთნდობა და დახმარება, რაც ამ ერებს შორის, როგორც ომის ვითარებაში, ისე მშვიდობიანობის პერიოდშიაც გრძელდებოდა. ამის ნათელ დადასტურებას იძლევა დავით აღმაშენებლის მიერ „ყივჩალთა უმთავრესისა ათრაქა შარაღანისძის ასულის — გურანდუხტ დედოფლის ცოლად შერთვა“, რის შედეგადაც ქართველებთან ოსთა დაახლოება მოხდა. თუ რაოდენ მჭიდრო იყო ქართველებისა და ოსების ურთიერთობა, ეს იქიდანაც ჩანს, რომ ყივჩალთა მეფის თხოვნა, რომ ქართველებს უზრუნველყო „გზა მშვიდობისა ოვსთაგან“, დავით აღმაშენებლის მიერ წარმატებით იქნა დაკმაყოფილებული.

აკად. ივ. ჯავახიშვილის სიტყვით, „დავით აღმაშენებელი ამის გამო გაემგზავრა ოსეთში და თან წაიყოლა თავისი განთქმული მწიგნობართ-უხუცესი გიორგი ჭყონდიდელი. ოსეთში შემაჯალს საქართველოს ბატონს „მიეგებნეს მეფენი ოვსეთისანი და ყოველნი მთავარნი მათნი და დადგეს წინაშე მისსა“. დავით

⁵² ივ. ჯავახიშვილი, ქართველი ერის ისტორია; წიგნი II, გვ. 65—66.

⁵³ იქვე, გვ. 35.

აღმაშენებელმა ყივჩაღნი და ოსები შეათანხმა, ჩამოართვა „მძევალნი ორთგნითვე ოვსთა და ყივჩაღთა და ესრეთ ადვილად შეაერთნა ორნივე ნათესავნი და ჰყო შორის მათსა მშვიდობა და სიყვარული“. ამიერიდან „კარნი ოვსეთისანი“ და „ციხენი კავკასიის მთისანი“ საქართველოს განკარგულებაში გადმოვიდა. ყოველივე ამის შედეგად განმტკიცდა საქართველოსა და კავკასიის მთის ხალხთა სამხედრო-პოლიტიკური, სავაჭრო-სააღებმეცემო და კულტურულ-საგანმანათლებლო ურთიერთობა⁵⁴.

თუ გავითვალისწინებთ იმას, რომ დავით აღმაშენებელი თავისი დროისათვის შესაფერისი ფართო კულტურით, დიდი სწავლა-განათლებით, ასტრონომიული და ფილოსოფიური ცოდნით, მწიგნობრობის სიყვარულით და ბრძენი პოლიტიკოსის ერუდიციით იყო აღჭურვილი, მაშინ ცხადი გახდება ისიც, თუ რატომ ცდილობდა იგი არა მარტო ქართველთა, არამედ სხვა ხალხთა განათლებისა და დაწინაურებისათვისაც ხელი შეეწყო.⁵⁵

დავით აღმაშენებელი ზრუნავდა არა მარტო ქართველი ერის, ქართული მწერლობისა და მეცნიერების წინსვლისათვის. არამედ თავის თანამომხეთა და მეზობელ ხალხთა კულტურულ პროგრესისათვისაც. ივ. ჯავახიშვილის სიტყვით: „საგულისხმეირო ეს არის, რომ დიდებული გვირგვინოსანის სულიერი თვისება ყოველმხრივი და ფართო ყოფილა; თვით მეფე ხომ კეთილმორწმუნე და უერთგულესი მართლმადიდებელი ქრისტიანი იყო: მაგრამ მას სხვა მოძღვრებისა და სჯულის კაციც უყვარდა. ამიტომაც იყო, რომ მაჰმადიან ისტორიკოსთა სიტყვით, იგი უცხო ეროვნების შვილებსაც თავის განათლებულს და ძლიერ მფარველობას არ აკლებდა“⁵⁶.

ცხადია. დავით აღმაშენებლის ერთ-ერთ უმთავრეს საზრუნავს საგანს წარმოადგენდა მოზარდი თაობის აღზრდა, რომელშიც „უცხო ეროვნებათა შვილებს“ საპატიო ადგილი ექირა. ამგვარი ახალგაზრდობის წრეს ეკუთვნოდა ოსებიც, რომელთა სწავლა-განათლებას დავით აღმაშენებელი არც თუ მცირე ყურადღებას აქცევდა.

დავით აღმაშენებლის ხანაში საქართველოს პოლიტიკურ-კულტურული გავლენა მახლობელ სახელმწიფოებსა და ქვეყნებზე თვალსაჩინოდ გაიზარდა.

⁵⁴ ივ. ჯავახიშვილი. ქართველი ერის ისტორია, წიგნი II, გვ. 216.

⁵⁵ იქვე, გვ. 199 ხაზგასმა ჩვენია.

⁵⁶ იქვე, გვ. 216—217. ხაზგასმა ჩვენია.

საქართველომ მცირე აზიის საერთაშორისო პოლიტიკურს ცხოვრებაში უდიდესი გავლენა მოიპოვა.⁵⁷

უკვი არაა, რომ საქართველოს პოლიტიკურ-კულტურული ზეგავლენა გაცილებით ძლიერი უნდა ყოფილიყო კავკასიის მთის ხალხებზე, რომელთანაც დავით აღმაშენებელს უფრო მახლო-ბელი, კეთილმოყვრული და მეზობლური ურთიერთობა ჰქონდა.

ქართველთა და მეზობელ ხალხთა არისტოკრატიულ ფენებს შორის სამეურნეო-კულტურული ურთიერთობა XI—XII სს. კიდევ უფრო გამტკიცდა. ამ საუკუნის ქართული კულტურა, აღზრდა-განათლება, ხელოვნება და ფილოსოფია საქართველოს საზღვრებს გარეთაც ვრცელდებოდა. წინანდელი მტრობა-ქიშპობის ნაცვლად, „ოვსთა მეფენი და ერნი ურთიერთ შორის გაჰყენენ შეთანხმებულს ცხოვრებას, ბაძვას ქართველ მეფეთა საოჯახო სიბრძნეთა და მწიგნობრობას“.⁵⁸

სამეურნეო-პოლიტიკური კავშირის ნიადაგზე ქართველთა და ოსთა კულტურული სიახლოვე უფრო აშკარა გახდა. როგორც გემატიანე გადმოგვცემს, ამ ხალხთა მეგობრობის, ურთიერთობისა და დაახლოების საქმეში გარკვეული როლი შეასრულა დავით აღმაშენებლის შვილისშვილის—გიორგი III-ს დაქორწინებამ ოსთა მეფის ხუდანის ასულზე — ბურდუხანზე (თამარ მეფის დედა); რომელიც გონიერი, მწიგნობარი და ხელსაქმის მცოდნე ქალი ყოფილა. ზ. კიკინაძის გადმოცემით, მას კარგად სცოდნია ქართული, არაბული და ბერძნული ენები. უნდა ვიფიქროთ, რომ დედამ თავის ქალიშვილსაც შეასწავლა ეს ენები.

ამასთან, ცნობილია აგრეთვე ისიც, რომ ხუდანის მეუღლე, როგორც თავის შვილს, ისე ოსთა ქალებს ქართულ წერა-კითხვას, არაბულ და ბერძნულ ენებს, კრა-კერვას, ოქრომკედს, ქსოვასა და საეკლესიო შესამოსელთა მოქარგვას ასწავლიდა. ყველა ამ საქმის ცოდნა ოსთა მეფის ასულს ქართლში, გიორგი III-ს ოჯახში გამოუმყდავენებია.

„ბურდუხანი დიდი საძირკველი იყო ქართლში. მეფეთა ოჯახში ხშირად გადმოდიოდნენ ოსეთის წარჩინებულ ოჯახთა ქალები“.

⁵⁷ ივ. ჯავახიშვილი, ქართველი ერის ისტორია, წიგნი II, გვ. 297—298.

⁵⁸ ზ. კიკინაძე, ოსეთის ისტორია, გვ. 156.

ბი და ბურდუხანისაგან წერა-კითხვას, ოქროთ ქსოვა-ქარგვას სწავლობდნენ.

ბურდუხანი ყოველნაირ ცდას ხმარობდა, რომ ოსთა დედანი წერა-კითხვის მხრით დაეწინაურებინა. ამიტომაც იგი ოსთა წარჩინებულთა ქალებს⁵⁹ მრავლად ზრდიდა თავის ოჯახში. ბურდუხანმა იზრუნა და ოსეთში ერთს მონასტერში გახსნა დედათა სასწავლებელი, სადაც ხშირად... დაბრძანდებოდა და მოწესე ოსთა მოლოზნებს თვით სწვრთნიდა წერა-კითხვასა და სამლოო წერილში, ქართულად ნაკითხ წიგნებს დედათა-დედა ოსის დედათა მოლოზნებს ოსურად უხსნიდა⁶⁰.

ქართველთა და ოსთა კულტურული ურთიერთობის განმტკიცების, მათი დაახლოებისა და დამეგობრების საქმეში მნიშვნელოვანი როლი შეასრულა (1189 წელს) ოსეთის მეფისწულთან, დედის მხრით ბაგრატიონთა შთამომავალ — დავით სოსლანთან თამარ მეფის დაქორწინებამ⁶¹.

ზ. კიკინაძის გადმოცემით, დავით სოსლანი მწიგნობრობის მიმდევარი გახლდათ. მან კარგად იცოდა ქართული, ბერძნული, თათრული და არაბული ენები. ენების ცოდნის გარდა, იგი იყო მწიგნობრობის მოყვარე, წიგნების მკითხველი, მასთან ქართველი მწერალიც. ამასთან თამართან დაქორწინებამ ხელი შეუწყო ოსეთში ქართული მწიგნობრობის აღორძინებას. დავით სოსლანმა იძეცადინა და ოსებს შორის განავრცო როგორც ქართული წიგნების კითხვა, ისევე მწერლობაც. ოსნი ადვილად მიეჩვივნენ ქართულ მწერლობას. ისინი სწერდნენ ლექსებს, მოთხრობებს და ისტორიულ წერილებს.

„თქმულება არის, რომ ოსებმა დავით სოსლანის დროს ქართულად მწიგნობრობაც დაიწყეს და იგინი მრავლად მისდევდნენ მწერლობას, სწერდნენ ქართულად ლექსებს, მოთხრობებს და ისტორიებს“⁶².

⁵⁹ ისე, როგორც ყველა კლასობრივ საზოგადოებაში, ფეოდალურ საზოგადოებაშიაც სწავლა-აღზრდა გაბატონებულ წოდებათა და კლასთა პრივილეგიას წარმოადგენდა და იგი, უმთავრესად საზოგადოების ზედაფენების ინტერესებს ემსახურებოდა.

⁶⁰ ზ. კიკინაძე, ოსეთის ისტორია, გვ. 160.

⁶¹ ნ. ბერძენიშვილი, ივ. ჯავახიშვილი. ს. ჯანაშია, საქართველოს ისტორია, გვ. 206.

⁶² ოსეთის ისტორია ქართულის ისტორიულის წყაროებით, აღწერილი და გამოცემული ზ. კიკინაძის მიერ, 1913 წ., გვ. 207.

დავით სოსლანის კულტურულობისა და ცოდნისმოყვარეობის შესახებ აკად. ივ. ჯავახიშვილი, ქართველთა მემკვიდრის სიტყვებით გადმოგვცემს, რომ „დღით ბაგრატიონიანი“ დავით სოსლანი, სხვა საქმეებთან ერთად „...მწიგნობრობასა და მეცნიერებაშიც დიდად დაწინაურებული აღმოჩნდაო“⁶³.

საქართველოს სამეურნეო-პოლიტიკური ძლიერება თამარ მეფის დროს ქართული ფეოდალური კულტურის აყვავების საფუძვლად იქცა. იოანე პეტრიწისა და არსენ იყალთოელის ფილოსოფიური მსოფლმხედველობა და სამწერლო შემოქმედება, ქართული „ვისრამიანი“, იოანე შავთელის „აბღულმესია“, ჩახრუხაძის „თამარიანი“, შოთა რუსთაველის გენიალური „ვეფხისტყაოსანი“, ქართული მუსიკის, ხუროთმოძღვრებისა და პოეზიის ბრწყინვალე შედეგები ზრდიდა ქართული კულტურის ხვედრით წოხას საკაცობრიო კულტურის საგანძურში, აძლიერებდა მისი შესწავლისა და გავრცელების ინტერესს, როგორც ქართველ ტომთა და ქვეყნის შიგნით მეგობართა შორის, ისე მის მეზობელ მოსახლეობაშიაც. თამარის მოღვაწეობის დასასრულისათვის სხვა კუთხეებთან ერთად საქართველოსთან ეკონომიურად, პოლიტიკურად, და კულტურულად დამოკიდებული შეიქმნა მთელი ჩრდილოეთ კავკასია⁶⁴.

საქართველოსთან მჭიდრო ურთიერთობაში მყოფ ქვეყნებზე ქართული კულტურის გავლენა აშკარა გახდა⁶⁵.

როგორც ზემოთ აღვნიშნეთ, ოსებში ქართული კულტურის გავრცელებას ხელი შეუწყო თამარ მეფისა და დავით სოსლანის დამეგობრებამ. ამ მეგობრობამ თავისი გამოხატულება ჰპოვა როგორც სამხედრო-ეკონომიურ ურთიერთობაში, ისე ქართულ კულტურასთან ოსთა დაახლოებაში.

ქართველთა და ოსთა მეგობრობაზე მიგვიითივებს ის ფაქტიც, რომ თამარ მეფემ და დავით სოსლანმა დახმარება აღუთქვეს ყმად ნაფიც ამირამირანს და აღსართან შარვანშას (1191—1192 წწ.) აბუბუქარის წინააღმდეგ ბრძოლაში. ქართველთა მეფის მიერ ჯარებით

⁶³ ივ. ჯავახიშვილი, ქართველი ერის ისტორია, წიგნი II, გვ. 261.

⁶⁴ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, გვ. 211.

⁶⁵ თამარ მეფის დროს ჩრდილოეთ კავკასიის სამთავროები საქართველოს სახელმწიფოს ყმადნაფიცები გახდნენ (ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, გვ. 211).

დახმარების პირობის მიღებას, შედეგად მოჰყვა ამირშირანის და აღსართან შარვანშას სტუმრობა (დიდი ამალით) საქართველოს მეფესთან, რომლის დროსაც: „თამარ მეფე და დავით სოსლანი ბრძანდებოდნენ „ქალასა აგართასა“ და ყმად ნათიცი სტუმრები და ნათესავეები სადარბაზოდ „უწუევივნეს“⁶⁶. თამარ მეფე თავისი მეუღლით სტუმრებს ღირსეულად გაუმასპინძლდა. „შეიქმნა დარბაზობა და დასხდეს ტახტსა ზედა ოქროკედილთა თვით თამარ, დავით და ძე მათი“, ხოლო სტუმრებს „მიაგებნეს წინა ოვსნი და ყვიჩაღნი ახალნი და შემდგომად ჰერნი და კახნი. შემდგომად ქართულნი და შემდგომად მესხნი და თორელნი, შავშ-კლარჯ-ტაო-ელნი, შემდგომად სომხითარნი, შემდგომად აფხაზნი და სუან-მეგრელ-გურულნი, თან რაჭა-თაყუერ-მარგუელითურთ და თვით კარვის კარსა ხელისუფალნი და შინაურნი“⁶⁷.

ქართველთა და ოსთა შეერთებულმა ძალებმა მტერი დაამარცხეს. ომიანობისა თუ მშვიდობიანობის შემდგომ წლებში (ცალკეულ შემთხვევებს გარდა) ქართველთა და ოსთა კავშირი არ შესუსტებულა. ისტორიული ცნობების მიხედვით, თამარ მეფე სუსტი და ჩაგრული ქვეყნების მოსარჩლე და დამცველი ყოფილა. იგი თავისი დროის მიხედვით, ჰუმანიზმის არა მარტო მქადაგებელის, არამედ დამცველისა და განმახორციელებლის როლსაც ასრულებდა. მემათიანის ცნობით: „...ამისი მოწამე არს სახლი შარვაშთთა და დარუბანდელთა, ლუნძთა, ოვსთა, ქაშაქთა, კარნუქალაქელთა და ტრაპიზონელთა, რომელნი თავისუფლებითსა ცხოვრებასა ამის მიერ იყუნეს და მტერთა-გან უზრუნველობასა“⁶⁸.

ამრიგად, კავკასიის ხალხთა შორის მეგობრული კავშირისა და კულტურულ-საგანმანათლებლო ურთიერთობის დარგში დავით აღმაშენებლის მოღვაწეობის პერიოდში მიღწეული წარმატებანი, გიორგი III-სა და თამარ მეფის ხანაში კიდევ უფრო განმტკიცდა.

ქართული კულტურის, ზნე-ჩვეულებისა და საყოფაცხოვრებო წესების გავრცელებით კავკასიის მთის ხალხები გაეცნენ ახალს ყოფაცხოვრებას, ახალ ჩვევებს, შეეცადნენ ქართული პოეზიისა და კაზმულსიტყვაობის შესწავლას.

ქართველი ხალხის კულტურა, ზნე-ჩვეულებანი და ტრადიციები უდიდეს აღმზრდელით ზეგავლენას ახდენდა კავკასიის

⁶⁶ ივ. ჯავახიშვილი, ქართველი ერის ისტორია, წიგნი II, გვ. 267—268.

⁶⁷ იქვე, გვ. 294.

⁶⁸ იქვე, გვ. 296—297.

მოსახლეობაზე, აბამდა მას ახალი კულტურული ცხოვრების საერთო ფერხულში.

ამიტომ, არ შეიძლება გვერდი აუაროთ აკად. ივ. ჯავახიშვილის გამოთქმას, რომ „...აზიისა და ევროპის საზღვარზე მდებარე საქართველო აღმოსავლეთისა და დასავლეთის... კულტურისა და განათლების შემთვისებელი და შემაერთებელი იყო. სარწმუნოების სხვადასხვაობის—და მიუხედავად, საერთო საკულტურო მუშაობა სუფევდა“⁶⁹...

ქართული ენა და ქართული წიგნები, ქართველთა კულტურული მონაპოვარი, პოეზია, ხელოვნება, ფილოსოფია და ისტორია, საყოფაცხოვრებო წესები და ადათ-ჩვეულებანი, უმთავრესად თავისი პროგრესული ხასიათისა და შინაარსობლივი მიმზიდველობის გამო, ძლიერი ძალით არღვევდა ეროვნული კარჩაკეტილობის ძველ ზღუდეებს და არა მარტო კავკასიელთა, არამედ ბევრი სხვა ხალხის შემოქმედებითი ინტერესის საგნად და მისი შესწავლის ობიექტად ხდებოდა. „ქართველების მაშინდელს მთელს სიძლიერეს, — აკად. ივ. ჯავახიშვილის სიტყვით, — ის შეადგენდა, რომ სამხედრო ძლევამოსილების გარდა, მათ, თავიანთ სახელმწიფოში. სხვა ერთათვის ისეთი ხელშემწყობი პირობები შეიქმნეს, რომ ისინიც, როგორც მაგალითად სომხები, ოსები, თვით მაჰმადიანიც, ქართველთა მეთაურობით საქართველოს სახელმწიფოს გაძლიერებისათვისა და კეთილდღეობისათვის ქართველებთან ერთად თავგამოდებით იღვწოდნენ“⁷⁰. აღნიშნულ პერიოდში ქართველებმა დიდი სახელმწიფოებრივი აზრის შეგნებისა და მისი განხორციელების ბრწყინვალე ნიჭი გამოიჩინეს.

საქრისტიანო აღმოსავლეთში, რუსებთან და სომხებთან ერთად, ქართველმა ხალხმა შექმნა და განავითარა საერო მხატვრული პოეზია, ფილოსოფია და ხელოვნება, რომელიც ცხოველყოფელ გავლენას ახდენდა მეზობელი ქვეყნების ხალხებზე⁷¹. სამხედრო უძლევლობასთან ერთად (უმთავრესად პრივილეგიური ფენების სასარგებლოდ) ამ პერიოდში, საქართველოს „...კულტურულადაც ძლიერი... და აყვავებული ცხოვრება, მდიდარი და

⁶⁹ ივ. ჯავახიშვილი, ქართველი ერის ისტორია, წიგნი II, გვ. 306—307.

⁷⁰ იქვე, გვ. 308.

⁷¹ იქვე, გვ. 309—310.

მრავალმხრივი მწერლობა და დაწინაურებული ხელოვნება ამჟვე-
ნებდა⁷².

X—XII საუკუნეებში ოსებს კავკასიის ველებზე ჰქონ-
დათ ასე თუ ისე ძლიერი სახელმწიფო, რომელიც საქართველოს-
თან მჭიდროდ იყო დაკავშირებული. ამ პერიოდში და შემდეგშიაც
ხანგრძლივი დროის განმავლობაში „...ოსეთი საქართველოს სუვე-
რენობას აღიარებს, ქართული კულტურის გავლენას განიცდის“⁷³.

მას შემდეგ, რაც კავკასიამ მონგოლთა შემოსევები განიცადა,
ბერს სხვა ქვეყანასთან ერთად, ოსეთის სამეფოც დასუსტდა.
თვით ოსები კი თათართაგან განდევნილ იქნენ. ვახუშტის გადმო-
ცემით: „...შემდგომად ჩინგიზ ყეენთა მოსვლისა, ბათო ყეენმან
მოსრნა ოსეთი და მოაოხრნა, ხოლო ოესნი შემოივლტოდნენ
კავკასიათა შინა“⁷⁴... ოსეთში შინაური არეულობა და ქიშპობა
ეაძლიერდა. ქსნის ერისთავთა საგვარეულოს მემკვიდრის გადმოცე-
მით: „იქმნა ფრიადი შფოთი ქვეყანასა ოსეთისასა და იქმნა ფრია-
დი სისხლთა დათხევა მეფეთა შორის მათთა“⁷⁵.

ჩრდილო კავკასიის ოსეთში ფეოდალებს შორის ურთიერთ
ბრძოლამ და ურთიერთ განადგურებამ იქამდე მიადწია, რომ ხალ-
ხის მასები გადატაკდა, კულტურისა და განათლების ახლადამო-
ცენებული ულორტები დაიღუპა⁷⁶. ოსების სახალხო განათლების
განვითარებას ფეოდალიზმის ეპოქაში ხელს უშლიდა და ხორცმე-
ტივით ფარავდა ცრუმორწმუნეობის ქაოსი, რომელიც ყოველგვარ
კულტურულ საწყისებს ჩანასახშივე სპობდა. ასეთ პირობებში
სულმოხუთული ოსები XII—XIV საუკუნეებში ჭგუფ-ჭგუფად
სახლდებოდნენ კავკასიის მთის პირაქეთა კალთებზე, ხოლო ზო-
გიერთ ჭგუფს თვით ქართველი მეფეები ან თავადები ასახლებ-
დნენ თავიანთ მამულებში. საქართველოში ოსთა დასახლებას ხელს
უწყობდა ნებაყოფლობითი ხიზნობაც, რომელიც ოსი გლეხობის
ერთი ნაწილის მწვავე ეკონომიური მდგომარეობით იყო გამო-
წვეული.

ამრიგად, ოსი მოსახლეობა თანდათან იმ ადგილებზე სახლდე-

⁷² ივ. ჯავახიშვილი, ქართველი ერის ისტორია, წიგნი II, გვ. 312—313.

⁷³ მიმომხილველი, 1949 წ., გვ. 115. პროფ. დ. გვრიტიშვილის ნარკვევიდან.

⁷⁴ ვახუშტი, აღწერა სამეფოსა საქართველოსა, თბ. 1941, გვ. 107.

⁷⁵ ქრონიკები II, გვ. 2.

⁷⁶ „Журнал Министерства народного просвещения“, 1917 г., Январь,

ბოდა, რომელთაც ქართველობა ნებით თუ უნებლიეთ სტოვებდა საქართველოს შიდა რაიონების გაუქაცრიელებულ ადგილებში იძულებითი გადმონაცვლების გამო.

ვახუშტის გადმოცემით: „ხოლო რაოდენნი ოსნი დავსწერეთ ამ ადგილებთა შინა, პირველად სახლებულან ქართველნი გლეხნი. შემდგომად მეპატრონეთა მათთაგან გარდმოსახლებულან ოსნი, და ქართველნი ბართა შინა ჩამოსულან, ვინაიდგან მტერთაგან ბარს შინა კაცნი შემციარებულან“⁷⁷.

XIV საუკუნის მეორე ნახევარში საქართველოს კავშირი მეზობელ ქვეყნებთან არ შესუსტებულა. წინანდელ სამფლობელოებთან საქართველოს კავშირი შეწყვეტილი არ ჰქონდა. ვაჭირების დროს დვალეთი და ოსეთი სწორედ საქართველოს სთხოვდნენ დახმარებას⁷⁸.

მართალია, XIII საუკუნის დამლევს და XIV საუკუნის დასაწყისში შინაგანი მტრობისა და ქიშპობის გაძლიერებას შედეგად მოჰყვა საქართველოს სამეფო ძლიერების შესუსტება, მაგრამ არც შინაურ არეულობასა და არც მონგოლთა ბატონობას უფლებრივი დამოკიდებულება საქართველოსა და ოსთა მეფეთა შორის არ შეუცვლია და ქართველთა მეფეს „...ფარაჯან ოვსთა მთავარი მსახურებდა კეთილად“...; თუმცა ამის შემდგომ მდგომარეობა ჩვეულებრივ არ გაგრძელებულა.

ხვარამხელთა გამოლაშქრებამ, მონგოლთა ბატონობამ და თემურ-ლენგის შემოსევებმა „...მოსახლეობა ბევრგან შეათხელა და ქვეყანა გააუქაცურა, უმთავრესად ბარად... ქვეყნის სამხრეთ-აღმოსავლეთის სანაპიროებსა და შუაგულში განთავისუფლებულ ადგილებზე მთებიდან ქართველნი მთეულნი დასახლდნენ, ხოლო მათ მაგიერ თანდათანობით იმიერ კავკასიიდან ოსები გადმოვიდნენ“⁷⁹. ოსების ქართლში ჩამოსახლების შესახებ ზემოაღნიშნულ დებულებას სავსებით ადასტურებს პროფ. ნ. ბერძენიშვილის მოსაზრებაც, რომლის მიხედვით იმიერკავკასიის ველების დიდი ნაწილი მომთაბარე მონგოლურ-თათრულ ურდოებს დაეპირათ. ადგილობრივი მკვიდრი მოსახლეობა, აფხაზ-ჩერქეზთა ტომები, ოსები, ძურძუქ-ლილეები და სხვანი უთანასწორო ბრძოლაში იძულებულნი

⁷⁷ ვ ა ხ უ შ ტ ი, აღწერა სამეფოსა საქართველოსა, გვ. 71.

⁷⁸ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. I, გვ. 277.

⁷⁹ ივ. ჯავახიშვილი, საქართველოს ისტორია, წიგნი III, გვ. 245.

ხდებოდნენ თანდათან დაეთმოთ მოსულ მოძალადეთათვის საუკეთესო ველები, თითონ კი მტრებისათვის მიუვალს, მაგრამ მწირს მთას დასჯერებოდნენ. მთის სიმწირე-სივიწროვით ამოხუთული იმიერკავკასიის მკვიდრი მოსახლეობა პირაქეთი კავკასიონისა და მთის ძირობა საქართველოს დაპყრობას ცდილობდა⁸⁰.

აკად. გ. ახვლედიანის მოსაზრებით, დვალეები უნდა იყვეს ქედ-ჯადმოდმა ოსთა მოძრაობის პირველი ტალღა. საქართველოს დევალეთსაც მათგან უნდა მიეღოს სახელწოდება. „მათ დროგამოშვებით (უკანასკნელ საუკუნემდე) მოჰყვებოდა ოსთა ახალ-ახალი-ტალღები, რომელთაც ოსი დვალეები ნაწილობრივ დასავლეთისაკენ მოსწიეს, ხოლო ნაწილობრივ თავის მასაში გათქვიფეს“⁸¹. აქ ჩვენთვის ყველაზე მეტად ისაა საინტერესო, რომ ოსები და დვალეები იმიერკავკასიიდან კავკასიის ამიერ-კალთებისაკენ მოიწვევენ და თავიანთ ზნე-ჩვეულებებითა და ადათ-წესებით ჩვენში იწყებენ დასახლებას.

ამრიგად, ქართველები (თუ ფეოდალური არისტოკრატის ერთ ნაწილს არ მივიღებთ მხედველობაში) ყოველთვის ცდილობდნენ ოსებთან ძმური ურთიერთობის დამყარებას, ხელს უწყობდნენ მათი ცხოვრების მოწესრიგებას და ამ ორ ხალხთა შორის კულტურული კავშირის განმტკიცებას.

ამას ნათლად ადასტურებს „ცხოვრება წმიდისა ნიკოლოზ დვალისაი“, რომელიც პროფ. კ. კეკელიძის აზრით, XIV საუკუნდა იყოს დაწერილი და „...დიდარდ საყურადღებოა იმ მხრივ-რომ გვიხატავს ნამდვილს, რეალურ სურათს ქართველთა მდგომარეობისას... მეცამეტე-მეთოთხმეტე საუკუნეში... ნიკოლოზი იყო დვალი, ე. ი. დვალეთიდან ან ჭავის ხეობის დიდი ლიახვის ოსეთიდან, ცხინვალის ზემოთ;

...ყოველ შემთხვევაში, ეს ძეგლი საინტერესოა მით, რომ ცნობებს გვაწვდის ოსების ქრისტიანიზაციისა და ქართიზაციის შესახებ“⁸².

ჩვენთვის, ამ შემთხვევაში, საინტერესოა სწორედ ისაა, რომ ნიკოლოზი, ცხინვალის ზემოთ, ჭავის ხეობაში ცხოვრობდა, სადაც,

⁸⁰ საქართველოს ისტორია, ს. ჯანაშიას რედაქციით, გვ. 287.

⁸¹ გ. ახვლედიანი, ოსური ენის ისტორიისათვის, თბ. სახ. უნ. შობა-ბე, V, 1925 წ., გვ. 319.

⁸² კ. კეკელიძე, ქართული ლიტერატურის ისტორია, 1911 წ., გვ. 500—501.

XIV საუკუნიდან დვალეების მონათესავე ტომები — ოსები ცხოვრობდნენ. ამიტომ, ნიკოლოზ დვალის ცხოვრება ერთგვარ წარმოდგენას იძლევა იმის შესახებ, თუ როგორი ძლიერი იყო ქრისტიანობის გავლენა დვალეებზე, მის მეზობელ ოსებზე და, როგორ უწყობდა იგი ხელს ოსების ქართველებთან დაახლოებას.

ასე რომ, თსი ხალხის კულტურა და სწავლა-განათლება საუკუნეების განმავლობაში ქართულ კულტურასთან განუყრელ კავშირში ვითარდებოდა.

კულტურული ვითარება ოსეთში XV საუკუნიდან ოსეთის რუსეთთან შეერთებამდე

ჩრდილო კავკასიის ოსები XV საუკუნეში უმთავრესად ცხოვრობდნენ ტაგაურის, კურტატინის, ალაგირის, დიგორის, ზაყინისა და ნარ-მამისონის ხეობებში, ხოლო სამხრეთ ოსები კი ჭავის, თვალის, მალლანდოლეთის, ჭამურის, გუდამაყრის და თრუსოს ცალკეულ „სანოგადოებებში“ იყვნენ დასახლებულნი.⁶³

ჩრდილო კავკასიის ოსები ფეოდალურ საქართველოს სხვადასხვა კუთხეებთან დარიალის ხეობის მთავარი გზით და სამთოსაბილიკო გადასასვლელებით იყვნენ დაკავშირებულნი.⁶⁴

საქართველოს სამეფოს დაშლის შემდეგაც ქართველები და ოსები ურთიერთდამარებით, ნდობითა და ურთიერთ თანაგრძნობით ცხოვრობდნენ. ისინი ყოველგვარ გაჭირვებაში, საერთო მტრების წინააღმდეგ ბრძოლაში, ლხინსა და შრომაში ერთმანეთს შეელოდნენ და ურთიერთდამარებას უწყევდნენ. მაგალითად, ქართველი მემატჩიანის გადმოცემით, „1580 წელს ოსეთში იქმნა სიყმძილი, ვინაიდან ოსნი იკვებებოდნენ მდელოთი“.⁶⁵

ცნობილია, რომ ამგვარი გაჭირვების დროს ქართველებმა ოსებს ძმური დახმარების ხელი გაუწოდეს, უზრუნველყვეს ქსნისა და არაგვის ხეობაში (და საქართველოს სხვა კუთხეებში) ჭაით

⁶³ Сборник материалов для описания местностей и племен Кавказа, вып. III, 1883 г., стр. 295. ამავე საკითხზე იხ. „История Осетии (Мажет); часть первая. С. Ос. Книжное издательство, Орджоникидзе, 1954 г., стр. 72—73.

⁶⁴ იქვე, გვ. 74.

⁶⁵ ხ. კიკინაძე, ოსების ჩამოსახლება ქართლში და ქართველების ამაგი და ღვაწლი მათზედ (ისტორიული მიმოხილვა), 1916, გვ. 9.

დასახლება, ხე-ტყის მასალის მიწოდება, მათთვის შინაური ცხოველებისა და ფრინველების შეძენა და მათი საყოფაცხოვრებო მდკომარეობის გაუმჯობესება.

ეკონომიური და კულტურულ-საყოფაცხოვრებო ურთიერთობის ნიადაგზე ოსთა და ქართველთა შორის მეგობრობა გაღრმავდა, გაფართოვდა ნათესავ-მოყვრობა, შეიქმნა ურთიერთნდობის ატმოსფერო, კიდევ უფრო აუცილებელი გახდა საერთო სალაპარაკო ენის გამოყენება.

XV—XVI საუკუნეებში 'შინაური არეულობისა და გარეშე მტრების დამრბევი შემოსევების გამო საქართველოს შეურნებობა და კულტურა (წინა საუკუნეებთან შედარებით) დაეცა: მოსახლეობის მასობრივი გაელეტა, კულტურულ-საგანმანათლებლო და სასწავლო-სამეცნიერო კერების აოხრება სპობდა ქართველი ხალხის საუკეთესო ტრადიციების თაობიდან თაობაზე გადაცემისა და მეზობელ ერების მოსახლეობაში მისი გავრცელების შესაძლებლობას, იწვევდა სწავლა-განათლების, ხელოვნების, პოეზიისა და კულტურის სხვა დარგებში წინსვლა-განვითარების ერთგვარ შეფერხებას, რაც თავის მხრივ შესაბამის გამოხატულებას პოულობდა ამ ორი მეზობელი ხალხის ურთიერთობაში.

XVI—XVII საუკუნეებში ოსები ქართველებთან დაკავშირებული იყვნენ (საუღელტეხილო-სატრანზიტო გზებით), როგორც ეკონომიურად, ისე პოლიტიკურად და კულტურულად.

სპარსეთ-თურქეთის დამპყრობელებისა და ადგილობრივ ამხედრებული ზოგიერთი თავაშვებული მებატონის წინააღმდეგ ქართველი მეფეები ოსებში თავიანთ დამხმარე ძალას პოულობდნენ, ხოლო სამაგიეროდ ისინი ფულად გასამრჩელოს, საქართველოს ქალაქებში „თავისუფლად“ მგზავრობისა და ვაჭრობის უფლებას, „აზნაურის წოდებას“, სიგელებსა და სხვა საჩუქრებს იღებდნენ.⁶⁶ ქართველებსა და ოსებს შორის ამგვარი კავშირის განმტკიცების იარაღად გამოყენებული იყო ქრისტიანული რელიგია. ქართველი მეფეები ოსეთში აგებდნენ ქართული სტილის ეკლესია-მონასტრებს, აწარმოებდნენ წინათ დანგრეული ეკლესია-მონასტრების აღდგენას, აძლიერებდნენ ეკლესიის მსახურთა მისიონერულ-საგანმანათლებლო მოღვაწეობას, რაც თავის მხრივ გარკვეულ გამოხატულებას პოულობდა ქართველთა და ოსთა

⁶⁶ История Осетии (макет), часть первая, 1954 г., стр. 84—85.

კულტურულ ურთიერთობაში, ენისა და მეტყველების ურთიერთ-ზეგავლენასა და განვითარებაში.

მიუხედავად იმისა, რომ XVI—XVII საუკუნეებში ჩრდილო კავკასიელ ოსებზე ქართველთა პოლიტიკურ-კულტურული ზეგავლენა ოსმალეთის მიერ მაჰმადიანობის გავრცელების შედეგად საკმაოდ შესუსტდა, კავშირი მათ შორის საბოლოოდ მაინც არ გაწყვეტილა. საზოგადოებრივი განვითარების ცალკეულ ეტაპებზე, იგი მკვეთრად გამოხატულ კულტურულ-საგანმანათლებლო ურთიერთობაში და ოს ხალხზე ქართული კულტურის გარკვეულ ზეგავლენაში მქლავნდებოდა. ქართველი მწიგნობრის გადმოცემით, 1640 წელს თეიმურაზ კახთა მეფემ, რომელმაც დროებით ოსეთს შეაფარა თავი „...შეადგინა ოსთა ძეთა დასი და მათ მიუჩინა წერა-კითხვის მასწავლებლნი, რომელთაც ოსეთში გახსნეს სკოლები“.⁵⁷

ცხადია, საეკლესიო ან კერძო სკოლების გახსნა, ოსთა ძეთათვის მასწავლებლების მიჩენა და წერა-კითხვის გავრცელება ხელს უწყობდა ოსი მოსახლეობის ზედაფენებში ელემენტარული ცოდნის გავრცელებას, ხელოვნების, პოეზიისა და ისტორიის საკითხებისადმი მათი ინტერესის გაზრდას.

ზოგი ავტორის ცნობით, გამოჩენილმა პოეტმა — დიდაქტიკოსმა, ზნეთსწავლულობის იშვიათმა მქადაგებელმა, ოსეთში დროებით თავშეფარებულმა (1690 წ.) არჩილ მეფემ „...ოსთა შოწინავე პირნი შეჰყარა და მათ უქადაგა სწავლა-განათლების მნიშვნელობა და თვალის გახილება. ოსებმა თანხმობა განუცხადეს. მერე არჩილ მეფემ რამდენიმე ოსი რუსეთში გაიყოლა და 1706 წელს მოსკოვში მათ გააცნო რუსული სასტამბო საქმეები და მასთანავე ახლად, ჩამოსხმული ქართული ასოების ყალიბები. ოსებს ქართული საბეჭდი ასოების ნახვა დიდათ მოეწონათ“.⁵⁸

არჩილის ოსეთში ყოფნას და ოს ხალხთან მის დაახლოებას მოწმობს მისივე ნათქვამი: „დვალეთს გარდმოველ, დედოფალი იქ დავაყენე და მე იქივ იმერეთს ჩაველ და რვა თვეს ჩხერს ვიყავ

⁵⁷ ზ. კიკინაძე, ოსების ჩამოსახლება ქართლში, 1916 წ. გვ. 14. ცხადია, აქ ზევნ შეიძლება ვილაპარაკოთ არა სახალხო სკოლებზე, არამედ გლეხთა მონასტრებთან არსებულ ერთეულ სასწავლებლებზე, სადაც შეძლებულთა შვილებს ელემენტარულ ცოდნას აძლევდნენ.

⁵⁸ ზ. კიკინაძე, ოსების ჩამოსახლება ქართლში და ქართველების ამაგი და ღვაწლი მათზე, გვ. 14.

და ისევ დვალეთს წამოველ, და იქიდან ოსეთს ფაქომში გარდ-
მოველ“.⁸⁰

ოსეთთან ამგვარად დაახლოებულ არჩილ მეფეს, მართლაც შეეძლო ოსებში კულტურის შეტანისა და მწიგნობრობის გავრცელების საქმეზე ეზრუნა და საჭირო პრაქტიკული ნაბიჯებიც გადაედგა.

არჩილ მეფის ბიოგრაფიიდანაც ცნობილია, რომ იგი იმერეთის სამეფო ტახტზე დაბრუნების მიზნით, დახმარებისათვის, თუმცა ამაოდ, მაგრამ მოსკოვს ხშირად მიმართავდა. 1699 წ. არჩილი საბოლოოდ მოსკოვში გადასახლდა, ხოლო 1703 წ. მოსკოვშივე ქართული სტამბა მოაწყო და ქართული წიგნების ბეჭდვა დაიწყო. ამრიგად, სრულიად საფიქრებელია, რომ არჩილმა, მართლაც მოიწვია ოსები მასთან, აუხსნა მათ სწავლა-განათლების მნიშვნელობა, მათგან რჩეულებს გააცნო მოსკოვში მის მიერ მოწყობილი ქართული სტამბა, ქართული შრიფტი და წიგნის ბეჭდვის წესები. რადგანაც იგი, როგორც პოეტი და საზოგადო მოღვაწე დაინტერესებული უნდა ყოფილიყო კავკასიის მთის მოსახლეობაში კულტურის გავრცელებით.⁸⁰

XVII საუკ. ბოლოს და XVIII საუკუნის დასაწყისში უცხოელ დამპყრობთა წინააღმდეგ ბრძოლაში ხელმძღვანელი როლი ქართლს ეკირა, რომელიც სპარსელთა თავხედური პარპაშის მიუხედავად „ამ ხანაში, როგორც ეკონომიურად, ისე კულტურულად წინ მიდიოდა. მისი გავლენა სხვა ქართულ სამეფო-სამთავროებზე სულ უფრო და უფრო იზრდებოდა“.⁸¹

ქართული პოეზია, მეცნიერება და ხელოვნება, ქვეყნის შიგნით და გარეთ ქართველთა მიერ გაჩაღებული იდეოლოგიურ-კულტურული მუშაობა საქართველოს გაერთიანება-განმტკიცების მიზნებს ემსახურებოდა. ვახტანგ VI-ს მეფობის ხანაში (1703—1716) ქართლში გაცხოველდა კულტურული მოღვაწეობა. ქართულ და უცხოურ სამართლის წიგნთა კრებულს ვახტანგ მეფემ მის მიერ დამუშავებული „სჯულიც“ დაურთო.⁸² ამავე პერიოდში

⁸⁰ არჩილიანი, II, აღ. ბარამიძის რედაქციით, გვ. 7.

⁸¹ ძველი ქართული ენა და ლიტერატურა, აკ. შანიძის რედაქციით, 1950 წ., გვ. 175—177.

⁸² ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. I, თბილისი, 1946, გვ. 357.

⁸³ იქვე, გვ. 363.

შეიქმნა ვახტანგის მეორე საკანონმდებლო წიგნი — დასტურლამალი. კულტურული მუშაობის გაშლას და წიგნიერების გავრცელებას ხელს უწყობდა ვახტანგ VI-ის მიერ 1709 წ. თბილისში 1-ლი სტამბის დაარსება. ამიერიდან საეკლესიო და საერო ხასიათის წიგნები და სახელმძღვანელოები ხელმისაწვდომი გახდა როგორც საქართველოს, ისე მისი მეზობელი ბარისა და მთის მოსახლეობისათვის. რუსთაველის „ვეფხისტყაოსანი“, ვახტანგის სამართლისა და საისტორიო ხასიათის ნაშრომები, „სწავლულ კაცთა“ კომისიის მეცნიერული გამოკვლევები, ვახუშტი ბატონიშვილის გეოგრაფია. ვახტანგის აღმზრდელის. სახელგანთქმული მწერლის. მეცნიერის, ლექსიკოგრაფის, პოეტის, დიპლომატის. მოგზაურისა და საზოგადო მოღვაწის სულხან-საბა ორბელიანის ლექსიკონი და იგავ-არაკები, დავით გურამიშვილის პოეტური ქმნილებანი და შორალური ქადაგებანი გარკვეულ როლს ასრულებდნენ არა მარტო ქართველთა, არამედ კავკასიის მთის ხალხთა კულტურულ განვითარებაში.

ქართული წიგნი, ქართული ანბანი და ზნეობრივი ქადაგებანი კავკასიის მთის მოსახლეობაშიაც გზას იკვლევდა.

თბილისის სტამბაში 1778 წელს დაიბეჭდა „ოსურ-ქართული ლოცვის წიგნი“ — ხუცურის ასოებით, ხოლო 1794 წელს ოსურ ენაზე ხუცური შრიფტით გამოვიდა „ფსალმუნი“,⁹³ რომელიც იმ დროისათვის გარკვეულ როლს ასრულებდა ოსეთში რელიგიური „კულტურის“ გავრცელების საქმეში.

1786 წელს მოზდოკის სტამბაში დაიბეჭდა ოსურ-ქართული ლოცვის წიგნი, ხოლო შემდეგ მოსკოვის ქართულ სტამბაში „ოსური ანბანი — ქართული ასოებით“,⁹⁴ რასაც გარკვეული მნიშვნელობა აქონდა ქართველი და ოსი ხალხის კულტურული დაახლოებისათვის.

XVI—XVII საუკუნეების მანძილზე ქართველები ოსებს დიდად ეხმარებოდნენ მწერლობისა და ლიტერატურის შექმნის, სწავლა-განათლების გავრცელებისა და კულტურული დაწინაურების საქმეში.

⁹³ გახ. „ცნობის ფურცელი“, 1899 წ., № 779, გვ. 3.

⁹⁴ გახ. „ცნობის ფურცელი“, 1899 წ., № 780, გვ. 2. იხ. ნარკვევი: „ქართული სტამბები და დაბეჭდილი წიგნები მეჩვიდმეტე საუკუნიდან“.

„...ამ პერიოდში ქართველებმა იკისრეს ოსურ ენაზე მწერლობის შექმნის ინიციატივა და უთარგმნეს ოსებს საქმეთა და საეკლესიო მორალური ხასიათის წიგნები მშობლიურ ენაზე“.⁹⁵

ამგვარად, ქართველ მოღვაწეთა მიერ შედგენილი და დიდი შრომით შექმნილი ქართულ-ოსური წიგნები „...მალე გავრცელდა კავკასიის ტომთა მცხოვრებთ შორის და იმ დროიდან წიგნის გამავრცელებელ და მასწავლებელ იქნენ მცხეთაში განსწავლულნი ბრძენნი მამანი ქართველთა, ოსთა და სხვათა, რომელნიც ასწავლიდნენ ხალხს წერასა და კითხვასა“.⁹⁶

XVII საუკუნიდან XVIII საუკუნის თითქმის ბოლომდე ქართველ ერში თავი იჩინა ძლიერმა კულტურულ-საგანმანათლებლო მოძრაობამ. გამოცოცხლდა და გაუმჯობესდა სასკოლო საქმე, გაჩნდა ახალი ბუდე და წყაროები ლიტერატურული მუშაობისა. შემოდებულ იქნა წიგნის ბეჭდვის ხელობა. საფუძველი ჩაეყარა კულტურის ისეთ კერებს, როგორიც იყო მცხეთისა და ანტონ კათალიკოსის წიგნთსაცავები, რომელთაგან უკანასკნელში 7 ათასი ტომი ითვლებოდა.⁹⁷

ქართული წიგნები, საქართველოს ხელოვნება და კულტურა თანდათანობით ქართველთა ყველა ტომისა და კავკასიის მთის ხალხთა საკუთრებად ხდებოდა. საქართველოში მოქმედ სასწავლებლებში ოს მოსწავლეთა რიცხვი საკმაოდ იზრდებოდა.⁹⁸

სასულიერო სკოლები მიზნად ისახავდნენ ეკლესიის მსახურთა შეილების აღზრდას. რომელთაც კარგად უნდა სცოდნოდათ წერა-კითხვა, ლოცვები და ღვთისმსახურების წესების შესრულება. 1748 წ. 13 ნოემბრისა და 1762 წ. დადგენილებით ეპისკოპოსი ვალდებული იყო თავის „სამწყისოსათვის“ წერა-კითხვა და საეკლესიო წეს-მსახურება ესწავლებინა.⁹⁹

კათალიკოსი ყოველ ეპისკოპოსს „ღრამოტით“ ავალდებულებდა ეზრუნა დაბალ საეკლესიო სასწავლებელთა მოწყობაზე.

⁹⁵ კ. კეკელიძე, ქართული ლიტერატურის ისტორია, 1941 წ., ტ. I, გვ. 60.

⁹⁶ ხ. კიკინაძე, ოსეთის ისტორია, 1913 წ., გვ. 34.

⁹⁷ კ. კეკელიძე, ქართული ლიტერატურის ისტორია, ტ. I, 1941 წ., გვ. 59.

⁹⁸ ოსეთის ისტორია, ქართულის ისტორიულის წყაროებით, აღწერილი და გამოცემული ხ. კიკინაძის მიერ, გვ. 220.

⁹⁹ Д. Пурцеладзе. Груз. церковные гужары, 1881
стр. 40—42.

რათა აღეზარდა სწავლითა და კეთილ საქციელით აღკურვილი „შვილნი სამღვდლოებისანი“. 1788 წ. 8 ნოემბერს ნიქოზის ეპისკოპოსის — ათანასესადმი ანტონ მეორეს მიერ მიცემული „ღრამოტა“¹⁰⁰ იმას მოწმობს, რომ ნიქოზის მონასტერთან მართლაც უნდა არსებულებოდა სასულიერო სკოლა, რომელიც იმ დროისათვის საკმაო როლს ასრულებდა ეკლესიებისა და სკოლებისათვის საჭირო „კადრების“ მომზადება-აღზრდის საქმეში. იულონ ბატონიშვილის („ხუცესის“, იგივე იოანე „ქართველოვის“, ანუ ქართველიშვილის) მემუარებიდან (1801 წ.) ირკვევა, რომ ქართველები ყოველმხრივ ცდილობდნენ, როგორც თავიანთი, ისე მეზობელ ერთა შვილებისათვის მიეცათ ელემენტარული განათლება.

დედის „მრავლითა ღვაწლითა“ ნაამაგარი მემუარების ავტორი აღნიშნავს:

„გამომცვლელმან სხვათა და სხვათა მასწავლებელთა მოძღვართამან, ხოლო მდაბიურ წოდებით, ოსტატთამან, ოდესმე მუნვე ფხვენისს და შინდისს, ოდესმე ქრცხინვალს და სხვაგანც მივაწიე კითხვამდე პარაკლიტიკოსისაო“¹⁰¹ და ეს, თავისთავად მოწმობს იმას, რომ ქართლში, რომელშიაც შედიოდა ფხვენისი, შინდისი, თუ ცხინვალი, ფეხს იკიდებდა საეკლესიო და საოჯახო აღზრდა (კერძო სწავლება), სადაც ყურადღების ცენტრი წერაკითხვის სწავლებისა და ღვთისმსახურების „წესების“ შეთვისებისაკენ იყო გადატანილი.¹⁰²

ერეკლე II ხანაში ისევ განახლდა „ვახტანგის გადასახლებისა და ოსმალ-ყიზილბაშობის შედეგად შეფერხებულ-შეწყვეტილი კულტურული მუშაობა“.¹⁰³ კვლავ ამუშავდა თბილისის სტამბა. გაუმჯობესდა წიგნების ბეჭდვა-გავრცელების საქმე. კერძო სკოლების გვერდით გამრავლდა სახელმწიფო სკოლების რიცხვი. ქ. თბილისში (1756 წ.) და თელავში (1782 წ.) ფილოსოფიის სემი-

¹⁰⁰ „ღრამოტა ახლად ჰელ-დასხმულის მღვდელმთავრის მისაცემელი“, საქართველოს მუზეუმი, № 117, კ—S.

¹⁰¹ საქართველოს მუზეუმი, № 1196 (1234) შდრ გაზ. „იფერიას“, 1889 წ., № 203, 204 ან აკ. როგავას ნაშრომს: „სახალხო განათლება ერეკლე მეორის ხანის ქართლ-კახეთში და ანტონ პირველი“, 1950 წ., გვ. 88—89.

¹⁰² ჩვენ ვერ დავეთანხმებით ზოგიერთ მკვლევართა (მაგ.: დოც. პ. ი. გადიევისა და სხვ.) მტკიცებას, თითქოს სამხრეთ ოსეთში მე-19 საუკუნის შუაწლებამდე არც ერთი სკოლა არ ყოფილა. ჩვენს მოსაზრებას ბევრი ფაქტი ადასტურებს, რასაც ქვემოთ გავეცნობით.

¹⁰³ ნ: ბერძენიშვილი ი. ივ. ჯაფარიშვილი. ა. ჯანაშია, საქართველოს ისტორია, 1948 წ., გვ. 401.

ნარია გაიხსნა, სადაც გაჩაღდა სასწავლო და სამეცნიერო-კულტურული მუშაობა.

აღნიშნული სასწავლებლებიდან გამოსული და ანტონ კათალიკოსის მიერ აღზრდილი პირები საქართველოს სხვადასხვა კუთხეში ავრცელებდნენ ამ დროისათვის შესაფერ კოდნას.

ვეიდენბაუმის ცნობით — ერეკლე II ხანაში, თანამედროვე სამხრეთ ოსეთის ნაწილი გორის მაზრას ეკუთვნოდა, ნაწილი კი დუშეთის მაზრას, რაც კახეთთან ერთად საქართველოს სამეფოს შემადგენლობაში შედიოდა.¹⁰⁴

ერეკლე II, რომელიც პირადად ეცნობოდა ქართველთა და ოსთა ყოფაცხოვრებას, ეკვი არაა. ყურადღებას მიაქცევდა ამ ხალხთა შორის მეგობრობის განმტკიცებისა და კულტურული წინსვლის საქმეს, მაგრამ განათლებაზე ზრუნვას ამ პერიოდში ხელს უშლიდა მტრის დამრბევი შემოსევები, რომელიც, როგორც შიდა ქართლს და მაშინდელ ქრცხინვალს, ისე ჩრ. კავკასიის ოსეთსაც სწვდებოდა.

იესე ბარათაშვილის „ცხოვრება-ანდერძში“ აღნიშნულია ის ფაქტი, რომ XVIII საუკ. მეორე ნახევრის დასაწყისში შიდა ქართლში ხშირი იყო გარეშე მტრის შემოსევები. ცეცხლის წაკიდება აღამიანთა სოცვა-ქლექა და მოტაცება, ხოლო ხალხში ფესვგადგმული იყო უცოდინარობა და ექიმბაშობა. აი რას ვკითხულობთ ამის შესახებ იესე ბარათაშვილის „ცხოვრება-ანდერძში“: „ქორონიკონს 346, ქრისტეს აქეთ 1758 წ. მამა ჩემი დასნეულდა და აგვისტოს 14 მიიცვალა წლისა სამეოცისა. მეფე თებმურაზ და დედოფალი ანახანუმ სამაჩაბლოს ბრძანდებოდნენ. მე მამის ჩემის სნეულებითათვის აქ დავრჩი, მერმე რომ შელონდა, ზაქარია ვართაპეტი ბატონებს ახლდა, სხვას ექიმს ველარავის ენდო, ექიმებმა გაათავეს და ნამეტნავად ერთმა უბრალომ, უცოდინარმა დედაკაცმა დიად ძნელი წამალი დააღვეინა და იმან უფრო შეაწუხა. გამგზავნა ზაქარია ვართაპეტთან წამლებისათვის. თურმე ლეკის ჯარი უკან მომდევდა მე და მუხრანს მუხებს ქვეშ ჩამოვჯედ მარტო, ცხენები ბიჰის ხელით გავგზავნე. ლეკი ქსანზე იდგა; მე რო ძიველ, მეორე

¹⁰⁴ Путеводитель по Кавказу, составил Е. Венденбаум, Тифлис, 1858, стр. 10.

დღეს სამი ათასი ლეკი მოუხდა ზემოქართლს, ქრცხინვალს. ბატონებს ჯარი არ ახლდათ, ვერ შეებნენ. ვახტანგის შვილი კიკელიძე მოკლეს. სამი ოთხი სხვა იტანა... ალის ციხე აიღეს. მრავალი ტყვე წაიყვანეს, ცეცხლი შეუთქიდეს და ისე დაწვეს რაც მორჩა და მრავალი... თავადთა და აზნაურთა სახლნი დახოცეს და წარტაცეს“.¹⁰⁶

ერეკლე მეორეს დასახმარებლად, ხშირად, გარეშე მტრების წინააღმდეგ აქტიურ მონაწილეობას იღებდნენ კავკასიის მთიანეთის მცხოვრებთა ჯარები. ქართველი მეფის მოწოდებაზე ოსები წინანდებური ერთგულებით ქართველების მხარდამხარ იბრძოდნენ. ისტორიკოს პაპუნა ორბელიანის ცნობით, მეფე ერეკლემ და მისმა თანამებრძოლებმა „შემოიყარეს ჯარი ქართლისა და კახეთისა, პირიქითი და პირაქეთი ოსისა, თუშფშაენი, მოხევე-ხევსურნი და ყოველი მთის ჯარები...“ და შეუტყეს მტერთა.¹⁰⁷

იგივე აზრს ვხვდებით „იესე ბარათაშვილის ცხოვრება-ანდერძი“, რომლის მიხედვითაც მეფე ერეკლე „იყო დიდს მზადებაში და ჰყავდა ჯარი დაბარებული ლეკისა, ოსისა, ქისტისა. ქართლისა, კახეთისა და... არავინ იცოდა, თუ სად ნებავს წასვლა და იყო დიდს საქმეებში შესული“.¹⁰⁷

ერეკლე მეფემ ქსნის ერისთავი — გიორგი დაამარცხა. უკანასკნელი განდგა. ერეკლე თბილისიდან 1778 წ. 17 იანვარს ქსანზე გაემგზავრა. გზად მუხრანში დარბაისლები შეჰყარა და ქსნის საერისთავოს გაუქმების საკითხთან დაკავშირებით მათთან თათბირი გამართა. იქიდან ერეკლე ახალგორს (ახლანდელ ლენინგორში.—ტ. ს.) ავიდა და „ქართველი ოსების“ მორჩილება მოითხოვა, ერეკლეს განკარგულებით უფლისწული გიორგი ქსანზე დარჩა, იულონი ლიახვზე განაწესეს, რის შემდეგ მეფე თბილისს დაბრუნდა. „ქორონიკონს 466 (1778 წ.) იანვარს 17 ქალაქით წაბრძანდა ბატონი ქსანზე; მუხრანს რომ მივიდით, იქ დარბაისელთ უბრძანა: თქვენც იცით, ნადირშამ მამაჩემს უბოძა ქსანი და მოვედით და ხელში დავიჭირეთ. მრავალჯერ შემოგვებნენ ქსნისხეველნი და ვაჯობეთ. მერმე თავეთი ბატონი ითხოვეს, ხორასნიდან მოვაყვანიეთ და დიდი მინათი დაგვდვა მძლავრმა ხელმწიფემ. მერმე შანშეც უკუმიღწა და ზურაბაც და ახლა ხომ გიორგიმ დაბეჭდა.“

¹⁰⁶ იესე ბარათაშვილის ცხოვრება-ანდერძი, 1950 წ., გვ. 28.

¹⁰⁷ მსალები საქართველოს და კავკასიის ისტორიისათვის. ნაკვ. III.

1940 წ., გვ. 57.

¹⁰⁷ იესე ბარათაშვილის ცხოვრება-ანდერძი, 1950 წ., გვ. 28.

მართალია, როსტომს და მამას... იმისას არა დაუშავებია რა, მაგრამ მე ველარაგის ვენდობი ქსანზე, ლიახვზე აღარავის შეუშლებო და რაც იქ კაცი ერგება როსტომს, ვაკესა და გვერდის ძირს მივსცემო. აზნაურიშვილებში აიყვანა მახატელი და ზარდიაშვილი, ფურცელაძე, ჩერქეზიშვილი; უთნელიშვილებში პარტო სახლთუხუცესი გიორგი და ფირცხელაურები მთლად და მას,— როსტომს მისცა ქსუისი, პაპუთი, ტყვიავი, მარანა, კარალეთი, რევა, მეჭვრისხევი, ახალუბანი და შაქათგორი და სათემოები: კუმისი და ნავთლული. გორს, ცხინვალს რაც ან გიორგის წილი იყო, ან როსტომისა, ყველა როსტომს მისცა. აბრძანდა ახალგორს, ქართველ-ოვსთა ესევე უბრძანა, გიორგი ბატონიშვილი ქსანზე დაუტოვა, იულონ ლიახვზე გაისტუმრა და წამობრძანდა თბილისს იანვრის 26¹⁰⁸.

1773 წ. 20 იანვარს ერეკლე მეორემ ბრძანება გამოსცა, რომელიც ოსებს და ქართველებს მეფის ერთგულებაზე მოუწოდებდა.

„ქ. ჩვენი ბრძანება არის ჭურთის მოხელეე ილურიძეე, ხაჯარაე კოპაძეე, ბუჯიაშვილო ნაცვალო, გარეშემოს მოურავო რუსიტაშვილო და ჯაბანაშვილო და ერთობით ოსნო და ქართველნო! მერე ჩვენ ქსანი და ლიახვი ორისაე წილი ჩვენს სახასოთ დავდევით. თქვენთან სხვას არას კაცს ხელი არა აქვს. რაც როსტომ ერისთავს თავისი მამის წილი ერგებოდა, ჩვენ გვერდის ძირზე და ქართლში მივეციოთ. და თუ იმისათვის სხვა მამულის მიცემა გვიჩანება, სხვა ალაგას მივეცემო“.

ერეკლე II ხალხს ახალგორში ჩასვლას, წყალობას და დახმარებას პირდებოდა.¹⁰⁹ ეს, ის პერიოდი იყო, როდესაც კავკასიის მთის ოსებში მწერლობის, საფილოსოფოსო და საეკლესიო ცოდნის გავრცელების საქმეში მნიშვნელოვან როლს ასრულებდნენ ანტონ კათალიკოსის აღზრდილი სასულიერო პირები, მათ შორის გამაღიელ ოს ყოფილი არხიმანდრიტი „წერილითა და გალობითა შინა გამოცდილი და არხიმპატიკოსი... მწერალი უცხო, რომელმაც მრავალნი სამღვთონი და საერონი გარდასწერა ვიდრე სამასამდისინ“ და რომელიც საკმაო ხნის განმავლობაში იკორთის მონასტრის ეკლესიაში მოღვაწეობდა.¹¹⁰

¹⁰⁸ იესე ბარათაშვილი ცხოვრება-ანდერძი, 1950 წ., გვ. 83.

¹⁰⁹ საქართველოს სიძველენი, ტ. 2, გვ. 457.

¹¹⁰ ძველი საქართველო, 1909 წ., ტ. I. განყ. 2, გვ. 34. ექვ. თაყაიშვილის რედაქციით.

ოსეთში ქრისტიანული რელიგიის დანერგვის გარდა საფილო-სოფოსო ცოდნის, მწერლობისა და კულტურის გავრცელების საქმეში საკმაო წვლილი შეიტანეს აგრეთვე ანტონ კათალიკოსის აღზრდილმა ოს ყოფილმა ნეოფიტემ და იოანე წილკნელ ეპისკოპოსმა ქარუმიძემ, რომელიც, როგორც ცნობილია „...აღიზარდა გარეჯის მონასტერსა შინა სიყრმითგან და ისწავა მუნ ფილოსოფია და სხვანი სწავლანი, იყო მშვენიერი მოუბარი და... მცოდნე; ამან აღზარდა რაოდენიმე მოწაფენი და მათ შორის იოანე ოს—ყოფილი, რომელმანც მიიღო ფილოსოფია და სთარგმნა ოსთა ენათა ზედა კონდაკი და ლოცვანი და მრავალნიცა დაიძოწაფნა“...¹¹

ოსთა შორის ცოდნის გავრცელებისათვის თვალსაჩინო მუშაობას ეწეოდა იკორთის არხიმანდრიტი დოსითეოს ფირცხელაური. 1797 წ. 18 თებერვალს საქართველოს პატრიარქი, მეფის ირაკლის-ძე ანტონ მეორე კათალიკოსი ხოფის არხიმანდრიტს¹² დოსითეოს ფირცხელაურს (არხიმანდრიტათ კურთხევასთან დაკავშირებით) ავალებდა ეკლესიის და სწავლა-განათლების საქმის განახლებას.¹³ ხოლო 4 წლის შემდეგ (1801 წ. 14 თებერვალს) დავით ბატონიშვილმა დოსითეოს ფირცხელაურს უბოძა იკორთის დეკანოზობა და დაავალა ყველა ზომა მიეღო საეკლესიო-საგანმანათლებლო საქმის აღდგენა-განახლებისათვის.¹⁴ დოსითეოს ფირცხელაური იყო ქუებათა ხევის მონასტრის არხიმანდრიტი „...წერილთა შინა გამოცდილი და უბნობათა შინა რიტორი“, რომელსაც ანტონ კათალიკოსი თან მიჰყვა ხსენებულ მონასტერში, და რომელმაც „...მიიღო არხიერობაი ...კავკასიის მთისა, და წასრულმან ქართლად მონათლნა რაოდენიმე ათასნი სულნი ოსთაგან...“¹⁵

გარკვეული წლების პერიოდში ოსეთის საქრისტიანო კომისიის გამგეობას ხელმძღვანელობდა სწორედ ზემოხსენებული ეპისკოპოსი—დოსითეოს ფირცხელაური, რომელიც ოს მღვდლებს რჩევას აძლევდა, რომ „...მათ თვისი შვილები გორის სასწავლე-

¹¹ ძველი საქართველო, საქართველოს საისტორიო და საეთნოგრაფიო საზოგადოების კრებული, ტომი I, 1909 წ., გვ. III, იხ. „მცირე უწყება ქართველთა მწერალთათვის“.

¹² თლილის კვით აშენებული, მოზრდილი, მაგრამ უგუმბათო ხოფის ეკლესია—ქსნის ხეობაშია—ახალგორის (ებლანდელი ლენინგორის) ქვემოთ.

¹³ საქართველოს სიძველენი, 1909 წ., ტ. 2, გვ. 465.

¹⁴ იქვე, გვ. 467.

¹⁵ ძველი საქართველო, ტ. 2, 1909. გვ. 49. იხ. წერილი, „მცირე უწყება ქართველთა მწერალთათვის“.

ბელში შეეყვანათ მოწაფედ და მერე იქიდან თბილისში იქნებოდნენ გადმოსულნი სასწავლებლად“.¹¹⁶

ოსებმა სწავლის მისაღებად თავიანთი შეილების მიბარება იწყეს არა მარტო გორის სასწავლებელში, ან თბილისის სასულიერო სემინარიაში, არამედ არდონის მისიონერთა სკოლაშიაც.

ნიჭიერი და სწავლისმოყვარე ოსები მონდომებით ეწაფებოდნენ ქართულ და რუსულ კულტურას. მისდევდნენ მწიგნობრობას, სწრაფად ითვისებდნენ წერა-კითხვას, ეუფლებოდხენ ცოდნასა და ხალხის კულტურულ მემკვიდრეობას.

საქართველოს ეკლესია ცრუმორწმუნეობის დანერგვასთან ერთად ბარისა და მთის მოსახლეობაში ცდილობდა წერა-კითხვის, ლიტერატურული წერილების, თხზულებების, ნათარგმნი და ორიგინალური წიგნებისა და პროგრესული აზრების გავრცელებას.

„გაიშალა და გაფართოვდა ასპარეზი ქართველთა საერთაშორისო კულტურული დამოკიდებულებისა, რაც გამოიხატა უცხო ენის მცოდნეთა გამრავლებაში და მკვიდრო ლიტერატურული კავშირის გაჩაღებაში, ბერძნების გარდა დასავლეთ ევროპასთან, რუსეთთან და სომხეთთან. ეს მოძრაობა მოედო ყველა წრეს, წოდებას და მდგომარეობას საქართველოში, მისმა ნაკადმა გადმოლახა საქართველოს საზღვრები და მახლობელ მეზობლებსაც კი შეეხო...“¹¹⁷

ეკვს გარეშეა, რომ ქართული კულტურა, ლიტერატურა, ხელოვნება და საგანმანათლებლო იდეები უდიდეს გავლენას ახდენდა მთის მოსახლეობაზე, განსაკუთრებით ოსებზე, სადაც თანდათანობით იზრდებოდა განათლებისა და კულტურისადმი მისწრაფება.¹¹⁸

XVII—XVIII სს. ქართველი ხალხის კულტურული კავშირი ოსეთთან კიდევ უფრო განმტკიცდა. ქართველები ყოველმხრივ ეხმარებოდნენ ოსებს კულტურულ-საგანმანათლებლო დაწესებულებათა ქსელის გაშლის, განათლების გავრცელებისა და ახალგაზრდობის სწავლების ორგანიზაციის საქმეში.

¹¹⁶ ოსეთის ისტორია ქართულის ისტორიულის წყაროებით. ზ. კიკინაძის გამოცემა, გვ. 228—229.

¹¹⁷ კ. კეკელიძე, ქართული ლიტერატურის ისტორია, ტ. I, გვ. 60.

¹¹⁸ „Журнал Министерства народного просвещения“, Январь, 1917 г., стр. 9.

**აზიურ და იზიურკავკასიის ოსთა სწავლა-განათლების
მდგომარეობა ოსეთ-საქართველს რუსეთთან
შეერთების პერიოდთან ცარიზმის დამსოგამდე
(1801—1917)**

**I. სოციალურ-ეკონომიური, პოლიტიკური და კულტურული ვი-
თარება ოსეთში XVIII—XIX საუკუნეებში**

ფეოდალებს შორის შინაური არეულობისა და გარეშე მტრების მუდმივი თავდასხმების მიუხედავად, კავკასიის ხალხები მაინც საერთო ეკონომიური და ეთნიკური მდგომარეობით, ახალ-ლოგიური სოციალურ-პოლიტიკური ურთიერთობით და შორალურ-სოფალცხოვრებითი პირობების საერთო ნორმებით იყვნენ შეკავ-შირებულნი¹⁰. ქართველებსა და ყაბარდოელებს გარდა, კულტურისა და ენის მხრივ ოსებს ბევრი რამ ჰქონდა საერთო კავკასიის სხვა ხალხებთან²⁰. XVIII საუკუნიდან დარიალის გზით რუსეთ-საქართველოსა და ოსეთს შორის სავაქრო-ეკონომიურა ურთიერთობა და სამხედრო-პოლიტიკური კავშირი თანდათანობით მტკიცდებოდა. ეს კავშირ-ურთიერთობა XVIII საუკ. ბოლოს და XIX საუკ. ნახევარში კიდევ უფრო გაძლიერდა. XVIII საუკ. 80-წლებში რუსეთმა ოსმალეთს წაართვა ყირიმი და ჩრდილო კავკასიაში თავისი გავლენა განიმტკიცა. ამიერკავკასიაში დასაყრდენის გაჩენისათვის მას დასკირდა თერგის ხეობის გზით (საქართველოს მიმართულებით) სამხედრო ცხენ-სიმაგრეების აგება. ირანისა და ოსმალეთის შემოსევის მოლოდინში საქართველოსა და ოსეთის ორიენტაცია რუსეთისაკენ იხრებოდა²¹. დამპყრობთა მიერ აღმართული ხელოვნური ზღუდეების მიუხე-

¹⁰ В. И. Абасев, Осетинский язык и фольклор, 1949 г., стр. 89, 91.

²⁰ ოსეთის ისტორიის ზოგიერთ მკვლევარს ოსეთის მეგობარ ხალხთა შორის ქართველებთან ერთად დასახელებული ჰყავთ შერგელები, სვანები და აფხაზები. ბევრი ისტორიკოსისათვის დღემდე რატომღაც გაუგებარი რჩება, რომ შერგელები და სვანები ქართველთა ტომებს ეკუთვნიან, იგივე ქართველები არიან და მათ შესახებ, როგორც ცალკე ერებზე მსჯელობა უახრობას და ისტორიული ფაქტის დამაბინჯებას წარმოადგენს.

²¹ რუსეთის ქვეშევრდომობაში ოსეთის შეყვანის ერთ-ერთი ინიციატორი იყო ოსეთის სასულიერო კომისიის უფროსი, არხიმანდრიტი—პახომი.

დავად, როგორც საქართველო, ისე მთის ოსეთი მაინც ახერხებდა რუსეთთან ეკონომიური კავშირის დამყარებას. XVIII საუკუნე-ბოლოს ეს კავშირი კიდევ უფრო გაღრმავდა. შაჰის სპარსეთისა და სულთანის ოსმალეთის ბატონობას საქართველოსა და ოსეთის ხალხებმა რუსეთის პროტექტორატის ქვეშ ყოფნა არჩიეს. რუსეთ-საქართველოს შორის „მეგობრობის ტრაქტატი“ 1783 წლის 24 ივლისს (გიორგიევსკის ციხე-სიმაგრეში) დაიდო, რომელიც ორმხრივ ვალდებულებას ითვალისწინებდა¹². 1801 წელს საქართველო რუსეთს შეუერთდა. რუსეთის ძალა-უფლების გაძლიერებისათვის კავკასიაში ჩრდილო კავკასიის ოსეთს არა მარტო ეკონომიური, არამედ სტრატეგიული მნიშვნელობაც ჰქონდა. იმ დროს, როდესაც თურქეთი ფეოდალიზმის ყველაზე უფრო დაბალ, ბარბაროსულ საფეხურზე იდგა და კავკასიელ ერებს გადაშენებას უჭადდა, რუსეთის ხალხი თავისი ცივილიზაციითა და კულტურული განვითარებით უდიდეს კეთილმოყოფელ გავლენას ახდენდა როგორც კასპიისა და შავი ზღვის ნაპირების, ისე ცენტრალური აზიის ქვეყნების ხალხებზე.

რუსიფიკაციის პოლიტიკის განხორციელებით მეფის თვითმპყრობელობა (განსაკუთრებით XVIII საუკუნე ბოლოს და XIX საუკუნის დასაწყისში) ცდილობდა არა მარტო ქართველ და რუს ხალხთა შორის კავშირის შესუსტებას, არამედ კავკასიის ერებს შორის კულტურული ურთიერთობის შეწყვეტასაც.

თუ XVIII საუკუნის მანძილზე ქართული ეკლესიები და მონასტრები რელიგიის დანერგვასთან ერთად ხელს უწყობდნენ ოსეთში წიგნიერებისა და კულტურის გავრცელებას, XIX საუკუნის დასაწყისში ეკლესიის ამ ფუნქციების წინააღმდეგ გამოვიდა მეფისნაცვალი გენერალი ციციანოვი (1803—1806), რომელმაც საქართველოს კათალიკოსს კატეგორიულად დაავალა ქართველ საეკლესიო მსახურთა რაოდენობის მაქსიმალურად შემცირება და რუსეთის მეფის თვითმპყრობელობისადმი ეკლესიის სრული დამორჩილება. ამ ღონისძიებათა განხორციელების შედეგი იყო რელიგიური წესების ქართულ ენაზე შესრულების აკრძალვა, მონასტრებსა და სასწავლებლებში ქართული კათედრების დახურვა, ადგილობრივ ეკლესიებსა და სხვა დაწესებულებებში რუსი მოხელეების გადმოყვანა, ადგილობრივი ენისა და კულტურის დევნა და კავკასიის ყველა კუთხეში ჩაგვრის პოლიტიკის განხორციელება.

¹²² ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწილი I, 1946 წ., გვ. 405—406.

1814 წელს ჩამოყალიბდა „ოსეთში ქრისტიანობის აღმდგენელი კომისია“, ხოლო 1860 წ. „კავკასიაში მართლმადიდებელი ქრისტიანობის აღმდგენელი საზოგადოება“¹²³, რომელიც ჩრდილოეთ და ამიერკავკასიაში „დაკავ და იბატონე“-ს თვითმპყრობელური პოლიტიკის განხორციელების დასაყრდენს წარმოადგენდა.

თუ XVIII საუკუნის მეორე ნახევრამდე კავკასიაში მცხოვრებ იმ ხალხებისათვის, რომელთაც საკუთარი დამწერლობა არ ჰქონდათ, მიღებული იყო ადგილობრივ ენაზე ლაპარაკი, ხოლო სწავლება და „ხეთისმსახურების წესების“ შესრულება ძირითადად ქართულ ენაზე წარმოებდა, ამიერიდან კავკასიის ყველა კუთხეში ეკლესია. სკოლა და სახელმწიფო დაწესებულებანი მილიანად მმართველობის ბიუროკრატიულ „წესზე“ იქნა გადაყვანილი¹²⁴.

რუსიფიკატორული პოლიტიკის განხორციელებით შეფერხდა თვითმპყრობელობა კავკასიელი ხალხების დამორჩილებას ცდილობდა.

სასკოლო ქსელი, მატერიალური ბაზა და მოსწავლეთა შემადგენლობა

ცნობილია, რომ კავკასიის შთის ხალხები, მათ შორის — ოსები, სწავლა-განათლების მხრივ ბარის მოსახლეობასთან შედარებით მეტად დაბალ საფეხურზე იდგა. გამოჩენილ ქართველ მოღვაწეს, მეცნიერსა და მწიგნობარს ვახუშტი ბატონიშვილს (1696—1772) ოსების იმდროინდელი კულტურული დონის შესახებ ნათქვამი აქვს, რომ „ველად არიან, ვითარცა... უწიგნონი, უცოდინარნი, ენა აქუთ ძველი, დვალური, და აწ უბნობენ ოსურსა საკუთრად... ვიეთთა მოთავეთა და ქართლსა და რაქას მსვლელთა უწყიან ქართულნი“¹²⁵...

ამავე ნაშრომის სხვა ადგილას ვახუშტის მითითებული აქვს ოსებით დასახლებული დიდი კოშკოვანი დაბა ჩიმი, რომლის მცხოვრებნი „...არიან მისიცა უმეცარნი“¹²⁶.

¹²³ Материалы по истории осетинского народа, 1942 г., том V, стр. 187.

¹²⁴ ვოსტორგოვი ყველა ეროვნების ხალხთა მიმართ ძალით გარუსების პოლიტიკის ანხორციელებდა. მისი აზრით, სხვებთან ერთად ოსებმაც რუსულად უნდა ისწავლონ და ილაპარაკონ; ამის გამო აკრძალულია... ოსთათვის სწავლება ქართული ენისა“ (ეჟურნ. „განათლება“, 1913 წ. № 9, გვ. 699).

¹²⁵ ვახუშტი, აღწერა სამეფოსა საქართველოსა, 1941 წ., გვ. 110.

¹²⁶ იქვე, გვ. 112.

სვანეთის დასავლეთით და ბედიის ჩრდილოეთით დასახლებულ ალანთა შესახებ ვახუშტი აღნიშნავს, რომ „რომელიმე მისისცა უმეცარნი“ ალანნი, სვანებთან ერთად „...იყო კავკასიისავე წილნი, და მეფეთა ქართველთა თვით განიმკვიდრეს; ვითარცა აღვსწერეთ“¹²⁷.

ყოველივე ზემოთქმულიდან ნათელია, რომ ოსი მოსახლეობის ძირითადი მასა მთის სხვა ხალხებთან ერთად ფეოდალური უკულტურობის სიბნელეში ცხოვრობდა.

მძიმე ეკონომიური მდგომარეობისა და მძარცველი კლასების მიერ მუდმივი ჩაგვრის მიუხედავად, ოსეთის მშრომლები თანდათანობით რწმუნდებოდნენ სწავლა-განათლების აუცილებლობაში და მათი ბავშვებისათვის მოითხოვდნენ სკოლების გახსნას. ეკლესიის საშუალებით მეფის თვითმპყრობელობა ოსა გლეხობის განათლებისადმი მისწრაფებას თავისი ექსპლოატატორული მიზნების განხორციელებისათვის იყენებდა.

„გაქრისტიანების“ საბაბით, როგორც კავკასიის სხვა ნაწილში, ისე ოსეთშიაც დაიწყო ცარიზმის გამარჯსებელი პოლიტიკის განხორციელება.

მეფის თვითმპყრობელობის კოლონიალური მიზნების განხორციელებაში მნიშვნელოვან როლს ასრულებდა „კავკასიაში მართლმადიდებელი ქრისტიანობის აღმდგენელი საზოგადოება“ და მისი წინამორბედი „ოსეთის სასულიერო კომისია“.

მეფის თვითმპყრობელობა ქრისტიანული რელიგიისა და კულტურის გავრცელებით ცდილობდა მთელი კავკასიისა და მათ შორის — ოსეთის თავის გავლენის ქვეშ მოქცევას. როგორც აღვნიშნეთ, მეფის თვითმპყრობელობამ „ოსეთის გაქრისტიანებისათვის“ მისიონერული კომისია შექმნა¹²⁸.

ეკლესიების დაარსებასა და ხალხის „გაქრისტიანებასთან“ დაკავშირებით საჭირო გახდა ეკლესიის მსახურთა ადგილობრივი.

¹²⁷ ვ ა ხ უ შ ტ ი, აღწერა სამეფოსა საქართველოსა, 1941 წ., გვ. 174.

¹²⁸ ამგვარი მისიონერული კომისიის შექმნის იდეა ეკუთვნის მეფე ვახტანგ V I-სთან ერთად 1724 წ. მოსკოვში გადახვეწილ ზნამენსკის მონასტრის არქიმანდრიტს—ნიკოლოზს და არხიეპისკოპოსს იოსებს.

ეს იდეა მთავრობის სანქციით დამტკიცდა 1743 წელს. 1745 წელს ჩამოყალიბდა „ოსეთის სასულიერო კომისია“, რომელმაც იარსება 1792 წლამდე. მასში უმთავრესად ქართველი საეკლესიო მოღვაწეები შედიოდნენ. 1771 წ. თურქეთის დამარცხების შემდეგ „ოსეთის საეკლესიო კომისიაში“ ქართველები თანდათანობით რუსმა საეკლესიო მოღვაწეებმა შესცვალეს.

კადრების მომზადება. ოსეთის სასულიერო კომისიის ზოგიერთი წევრები თავიანთ ბინებზე მოსწავლეებს (სამ-ოთხ კაცს) „საკუთარ ხარჯზე“ ასწავლიდნენ¹²⁹. არხ. პახომის ინიციატივით სინოდის წინაშე 1751 წ. დასმულ იქნა ოსი ბავშვებისათვის პატარა სკოლის დაარსების საკითხი, მაგრამ მას რჩევა მიეცა, ჭერ დაეზუსტებინა სკოლის შენახვის ხარჯები, მოსწავლეთა და მასწავლებელთა შემადგენლობა, სკოლის ადგილმდებარეობა, სწავლების ენა, მშობელთა მიერ სკოლაში ბავშვთა ნებაყოფლობითი გაგზავნის შესაძლებლობა და მხოლოდ შემდეგ ეზრუნა ამგვარი სკოლის პრაქტიკულად გახსნისათვის. 1753 წელს არხიმანდრიტ პახომიმ უფრო დასაბუთებული მოხსენებით მიმართა უწ. სინოდს, რომლის წინაშე იშუამდგომლა ქურტათინსკის ხეობაში 30 ბავშვისათვის სკოლის გახსნის შესახებ. ეს მოსაზრება ეფუძნებოდა იმას, რომ სინოდის 1746 წლის მითითებით ნაბრძანები იყო საღვთისმეტყველო წიგნების ქართულიდან ოსურად თარგმნა ქართული ანბანის გამოყენებით¹³⁰.

1764 წლის 27 სექტემბერს გადაწყდა აღნიშნული სკოლის მოზღოკში დაარსება. სკოლაში ძირითადად მამასახლისთა შვილებს იღებდნენ. ყიზილიარის კომენდანტი 1766 წ. პატაკში წერდა, რომ სკოლაში ჩარიცხულია ოთხი მოწაფე — ნარის, მაძისონის და ზაყინის ხეობების მამასახლისთა შვილები და, რომ ნაბრძანები აქვთ: „ყავდეთ ისინი კმაყოფილნი და საუკეთესო პირობებში, რათა ამით ... აღუძრან მათ სურვილები სკოლაში მიაბარონ თავიანთი შვილები“¹³¹.

¹²⁹ История Осетии (макет), часть 1-я. 1954 г., стр. 123. არხიმანდრიტმა პახომიმ მოამზადა 2 მოსწავლე, იგუმენ გრიგორმა—3, რომელთაგან ერთი მღვდლად ეკურთხა და ოსეთს დაუბრუნდა.

¹³⁰ იქვე, გვ. 124. არის ცნობები, რომ ქართულიდან ნათარგმნი საღვთისმეტყველო წიგნები ოსურ ენაზე გამოიცა 1853 წელს (იხილეთ: ვახ. „ცნობის ფურცელი“, 1899 წ., № 780, გვ. 2. აგრეთვე: „Сборник сведений описания местностей и племен Кавказа“, том 22. ჯანაშვილის სტატია).

¹³¹ Материалы по истории Осетии, т. V, № 6. ძოზღოკის სკოლის მოსწავლეთა სოციალური შემადგენლობის შესახებ ნათლად მეტყველებს 1767 წლის სია, რომლის მიხედვით იყო:

1) მოსწ. თეოფანე ყარაბულაევი—დიგორის მამასახლისის შვილი, რომელსაც ჰყავდა 20 კომლი გლეხი;

2) ივანე ვლიხოვი—მამისონიდან, მამასახლის ივარ ზურაბოვის შვილი, რომლის მამა ითვლებოდა ოსეთის 1 ელჩთა შემადგენლობაში—ქეტერბურგში.

3) ანდრია ბითაროვი—(ზაყინის „მაზრიდან“) ზაყინის მამასახლისის შვილი;

4) ხეთაგუროვები (3 მცირეწლოვანი) ნარელი მდიდრის შვილები და ა. შ.

მოზდოკის სკოლასთან არსებობდა პანსიონი. სადაც მამა-სახლისთა შვილები სახარჯოთ — თვითეული 4 მანეთს იღებდა, ხოლო „მდაბიოთა“ ბავშვები კი — 2 მანეთს.

მოზდოკის სკოლაში პირველად სწავლება ქართულად სწარმოებდა (ოსურ ენაზე თარგმნით), მაგრამ შემდეგ. პოლიტიკური მოტივის საფუძველზე, სასულიერო კომისიის ახალი უფროსის — იგუმენ გრიგოლის განკარგულებით მიღებულ იქნა წინადადება, რომ ესწავლებინათ ბავშვებისათვის რუსულ ენაზე და „...არა რომელიმე სხვა დიალექტზე“¹³².

ეს წინადადება ცარიზმის პოლიტიკით იყო ნაკარნახევი, რადგანაც მათ მესვეურთა მოსაზრებით, თუ ოს მოსწავლეებს შეასწავლიდნენ რუსულ ანბანს, მაშინ შვილების ზეგავლენით, მშობლებთან ერთად მათი ნათესავებიც ადვილად მიიღებდნენ რუსეთის ქვეშევრდომობას¹³³. სინოდი სიამოვნებით შეხვდა შეამდგომლობას მოზდოკის სკოლაში რუსულ ენაზე სწავლების შემოღების შესახებ, რის განხორციელებაც ფაქტიურად 1766 წლიდან დაიწყო. მოსწავლეთა შემადგენლობა აღნიშნულ სკოლაში საშუალოდ 6—46-მდე მერყეობდა¹³⁴.

მოზდოკის მისიონერულ სკოლას განაგებდა ყიზილარის კომენდანტი და ასტრახანის გუბერნატორი. ხოლო უშუალო ხელმძღვანელობას „ოსეთის სასულიერო კომისია“ ახორციელებდა.

ეს სკოლა უაღრესად რელიგიური ხასიათისა იყო და ადგილობრივ მცხოვრებთაგან მეფის თვითმპყრობელობის ერთგულ მსახურებს ამზადებდა. სასწავლო გეგმით, აღნიშნულ სკოლაში ოსური და რუსული ენები, სიმღერა, ფსალტირი და წმინდანების ისტორია ასწავლებოდა. პირველ-დასაწყისი სწავლება ბავშვების დედაენაზე სწარმოებდა. მოზდოკის სასულიერო მისიონერულმა სკოლამ 1792 წლამდე იარსება¹³⁵. სასწავლო-სააღმზრდელო საქმის ცუდად დაყენებისა და რელიგიური მიზანდასახულობის

¹³² История Осетии (макет), часть первая, 1954 г., стр. 125.

¹³³ Известия Северо Осетинского Научно-исследовательского института, том XII, С/О Госиздат, Дзауджикау, 1947 г., стр. 184.

¹³⁴ Материалы по истории осетинского народа, т. V, сборник документов по истории народного образования в Осетии, Госизд. С. О., 1942 г., стр. 6—7.

¹³⁵ Сборник документов по истории народного образования в Осетии, Госиздат С. О. АССР, Орджоникидзе, 1942 г., стр. 6.

მაუხედავად მოზღოკის სკოლამ დადებითი როლი შეასრულა ნაციონალური კულტურის განვითარებისა და ეროვნული კადრების პირველი წყების მომზადების საქმეში. ამ სკოლიდან გაძოვიდნენ იმ დროისათვის განათლებული პირები, რომლებმაც გარკვეული წვლილი შეიტანეს ოსურ-რუსული და ოსურ-ქართული ურთიერთობის განმტკიცების საქმეში. მოზღოკის სკოლაში შექმნილი მატერიალურ-ტექნიკურ ბაზაზე განვითარდა ოსური დამწერლობა, რომელიც საეკლესიო-სლავიანურ გრაფიკს (ანბანს) ემყარებოდა¹³⁶.

მესაზღვრეთა არმიის ოფიცრის — შტედერის შეხედულებით, თუ მოზღოკის სკოლა გახდებოდა საზოგადოებრივ-სასარგებლო და მისი ხელმძღვანელობა ახალგაზრდობას უფრო ფართო მომზადების შესაძლებლობას მისცემდა, მას შეეძლო ამ ერის (ოსების) კულტურის გარდაქმნის საფუძვლად გამხდარიყო¹³⁷.

როგორც აღვნიშნეთ, მოზღოკის სკოლა მისაწვდომი იყო მხოლოდ უმნიშვნელო, მცირერიცხოვან მთის მცხოვრებთა მალალი ფენების ბავშვებისათვის, რაც ოსების განათლების დონის ამალლების საქმეზე შესაძლებელ გავლენას ვერ ახდენდა. მიუხედავად ამისა, მან მაინც მნიშვნელოვანი როლი შეასრულა ოსური დამწერლობისა და ნაციონალური კულტურის განვითარების საქმეში.

მეფის თვითმპყრობელობა კავკასიაში თავის მისიონერულ მიზნებს უმთავრესად „კავკასიის სასწავლო ოლქის სამზარუნველოს“ და „კავკასიაში მართლმადიდებელი ქრისტიანობის აღმდგენელი საზოგადოების“ მეშვეობით ახორციელებდა. თუ 1792 წლამდე ეკლესიებისა და სკოლების გახსნისა და მოსახლეობის „რელიგიოზური დამუშავების“ საქმეს „ოსეთის სასულიერო კომისია“ ასრულებდა, ამის შემდეგ ეს ფუნქციები მოზღოკისა და მადჟირსკის საეპისკოპოსოს (ეპისკოპოსი — ქართველი გაიოზ ბარათაშვილი ან ნაცვლიშვილი, რომელმაც ოსური ენა მშვენივრად იცოდა) ხელში გადავიდა. მან განაგრძო სასულიერო კომისიის მიერ დაწყებული მისიონერული მოღვაწეობა¹³⁸.

¹³⁶ М. С. Тогоев, Развитие культуры и общественной мысли в Северной Осетии во второй половине XIX и в начале XX вв., Автореферат, Госиздат С. О. АССР, 1950 г., стр. 8.

¹³⁷ იქვე.

¹³⁸ Известия Северо-Осетинского Научно-исследовательского института, том XI, 1947 г., стр. 184.

1815 წ. რუსეთის იმპერატორის ბრძანებით ოსეთის სასულიერო კომისიის მუშაობა განაზღვდა, რომლის ცენტრად მიჩნეულ იქნა ქ. თბილისი. მისი ხელმძღვანელობა 1817 წლამდე მინდობილი ჰქონდა საქართველოს არხიეპისკოპოსს — დოსითეოს ფირცხელაურს, რომელიც 1817 წლის 14 მაისიდან 1821 წლის 14 მაისამდე საქართველოს არხიეპისკოპოსმა თეოფილაქტემ შესცვალა¹³⁹.

სასულიერო კომისიის მოღვაწეობა უმთავრესად მიმართული იყო კავკასიის „...მთიელთა შორის წერა-კითხვისა და პირველდაწყებითი ქრისტიანული განათლების გავრცელებისაკენ“¹⁴⁰.

კომისია ერთ-ერთ ძირითად ამოცანად ისახავდა მეფის თვითმპყრობელობისათვის აქტიური დახმარება გაეწია კავკასიის კოლონიზაციის განხორციელებაში, რისთვისაც არსებული სკოლების მატერიალური ბაზის გაძლიერებასთან ერთად ცდილობდა ახალი სკოლების გახსნისათვის საშუალების გამოძიებას და ყველა მთიელთა სწავლის სურვილის დაკმაყოფილებას¹⁴¹.

ოსი ხალხის „გაქრისტიანების“ საბაბით მთის აულები და სოფლები სამრევლოებად იყოფოდა, სადაც ეკლესიებისა და სკოლების გახსნა იყო გათვალისწინებული. პირველ ხანებში რამდენიმე სამრევლოს მოსახლეობას ერთი ეკლესია ან თითო პატარა სკოლა ემსახურებოდა. 1744 წლიდან ეკლესიის მმართველობას გადაწყვეტილი ჰქონდა ოსეთში მცხოვრებ ახალგაზრდობისათვის სას. მმართველობის ხარჯზე სკოლებისა და ეკლესიების ქსელის გაფართოება, მაგრამ შემდეგში აღმოჩნდა, რომ ოსებისათვის სკოლების გახსნას ნაკლები ყურადღება ექცეოდა¹⁴².

ოსეთის კოლონიზაციის დაჩქარებისათვის მეფის თვითმპყრობელობა სკოლებისა და ეკლესიების ქსელის გაშლას აჩქარებდა. კავკასიის მთის ხალხთა დაპყრობის პოლიტიკა ოსეთის ზედაფენებზე დაყრდნობით (სკოლების გამოყენების გზით) ხორციელდებოდა.

XIX საუკუნის 30—40 წლებში მთის ხალხები და კერძოდ, ოსები სწავლა-განათლებისადმი საკმაოდ დიდ ინტერესს იჩენ-

¹³⁹ Обзор деятельности общества восстановления православного христианства на Кавказе за 1860—1910 гг. Тифлис, 1910 г., стр. 82—83

¹⁴⁰ ГИА ГССР, Ф. 219, д. № 61, л. 3—28.

¹⁴¹ Документы по истории Грузии (1862—1917). т. I, ч. I, под редакцией проф. Ш. К. Чхегия, Тбилиси, 1954 г., стр. 541.

¹⁴² Акты, собранные кавказскою Археографическою комиссиею, т. I, Тифлис, 1866 г., стр. 82—83.

დნენ. ისინი ხშირად მიმართავდნენ კავკასიის მთავარმართებელს ოსეთში სკოლების გახსნის შესახებ, მაგრამ მათი თხოვნა უმეტეს შემთხვევაში უშედეგოდ რჩებოდა.

1834 წელს როზენი სამხედრო მინისტრს ა. ჩერნიშვილს აცნობებდა „საკუთრივ ოსების საზოგადოებათა სურვილზე, რომ მათ ჰქონდეთ სასწავლებლები ბავშვთა გასანათლებლად“¹⁴². იგივე როზენის მიმართვიდან ირკვევა, რომ ოსეთიდან და კავკასიის მთიელთა სხვა მცხოვრებლებიდან „მთელი საზოგადოება“ შუამდგომლობდა მღვდლების გაგზავნისა და სკოლების გახსნის შესახებ“, მაგრამ სკოლისა და სასწავლებლების მაგიერ ოსებს მთავრობის მიერ ბოქაულები და ყაზახთა რაზმები ეგზავნებოდა¹⁴³.

XIX საუკ. მეორე ნახევარში საქართველოში შედარებით მრავლდებოდა რუსულ ყაიდაზე მოწყობილი საეკლესიო-სამრევლო, სამონასტრო და საშინაო (კერძო) სკოლების რიცხვი.

ამიერკავკასიის „პატარა ერების“ სწავლა-განათლებისა და ლტოლვის „სურვილთა დაკმაყოფილებისა“ და აღნიშნული მხარის მმართველობის რეორგანიზაციისათვის 1840—1841 წწ. სენატორ განის ხელმძღვანელობით შეიქმნა სახელმწიფო საბჭოს კომისია, რომელმაც „სახალხო სკოლების შესახებ“ 1841 წ. მიღებულ დადგენილებაში აღნიშნა: „ამიერკავკასიის მხარის მცხოვრებთა სურვილი მოაწყონ თავიანთი ბავშვებისათვის სკოლები, იმდენად დიდია, რომ შორეული მთიელებიც კი, ისეთები, როგორც არიან ქარის ლეკები და ოსები, გამუდმებით სთხოვენ ამის შესახებ მმართველობას.

ვცნობდით რა სასარგებლოდ და საჭიროდ. რამდენადაც შეიძლებოდა ხელი შეგვეწყო განათლებისა და ამიერკავკასიელთა ასეთ შესანიშნავ ლტოლვისათვის, ჩვენ მივიღეთ ზომები ბავშვთა მოსათავსებლად სამრევლო სკოლებში“¹⁴⁴.

სახელმწიფო საბჭოს კომისიის გადაწყვეტილების მიუხედავად, არც ამ დადგენილების გამოტანის უახლოეს პერიოდში და არც შემდგომ (1859—60 წწ.) მთისა და ბარის ოსეთში სწავლა-განათლების გასავრცელებლად წინ რაიმე განსაკუთრებით

¹⁴² გ. თავზიშვილი, სახალხო განათლებისა და პედაგოგიური ახროვნების ისტორია საქართველოში, გვ. 128.

¹⁴³ იქვე.

¹⁴⁴ Акты, Археографической комиссии, том IX, стр. 33.

მნიშვნელოვანი ნაბიჯი არ ყოფილა გადადგმული. საეკლესიო-სამრევლო ან საოჯახო სკოლები, რომლებიც აქა-იქ, კერძო ინიციატივით იხსნებოდა, უმეტეს შემთხვევაში მოუწყობელი იყო, სადაც არ ჰყოფნიდათ მასწავლებლები. ამგვარ სკოლებში ხშირად უცნაო, წერა-კითხვის ნახევრად მცოდნე პირები ასწავლიდნენ. ცნობილია, მაგალითად, რომ 1852 წ. სოფ. ორტევიდან სახელმწიფო ყმა—თომა ჩოჩიშვილი საქართველოს ეგზარხოსს სამხ. ოსეთის სოფელ როკაში სკოლის ხელმძღვრედ გახსნის უფლებას სთხოვდა, მაშინ, როდესაც ჩოჩიშვილმა მხედრული წერა-კითხვა (ოჯახში შესწავლის გზით) ძლიერ იცოდა¹⁴⁶.

XIX საუკუნის 30—40 წლებში ცარიზმი თავისი მიზნების განსახორციელებლად ოსეთში ხსნიდა მისიონერთა სკოლებს, ხელს უწყობდა სამხედრო და სამოქალაქო სასწავლებლების ქსელის ერთგვარ გაფართოებას, რათა მთის ხალხში ჰყოლოდა ცოტად თუ ბევრად. განათლებულნი „მსახურნი ეკლესიისა“, მღვდლები, ჩინოვნიკები, სოფლის მწერლები, მასწავლებლები, სამხედრო პირები და წვრილი მოხელეები.

ოსეთში წერა-კითხვისა და ელემენტარული ცოდნის გავრცელების საქმეში XIX საუკ. 40—50 წლებში მნიშვნელოვან როლს ასრულებდა ვლადიკავკაის ოსური სასულიერო სასწავლებელი (1836 წლის სექტემბერში გაიხსნა), რომელშიც დასაწყისშივე 34 მოსწავლიდან 33 ოსი ირიცხებოდა. სწავლება ამ სკოლაში რუსულ და ოსურ ენაზე წარმოებდა. სხვა მისიონერულ სკოლებთან ერთად, ეს სასწავლებელიც მთის მოსახლეობაში ცარიზმის პოლიტიკის განხორციელების მიზნებს ემსახურებოდა. საქართველოს ეგზარხოსის აზრით, ზემოაღნიშნული სასწავლებლის ძირითად მიზანს შეადგენდა მოემზადებინა „ოსეთის მრევლისათვის უგანათლებულესი საეკლესიო მღვდელ-მსახურნი“¹⁴⁷.

ვლადიკავკაის სასულიერო სასწავლებელი „ოსეთის სასულიერო კომისიის“ ინიციატივით გაიხსნა, რომელიც ოსეთის მისიონერთა და მამასახლისთა შვილებს ამზადებდა. ეს სკოლა 1863 წლამდე არსებობდა¹⁴⁸. მისი დაარსების ინიციატორი იყო

¹⁴⁶ გ. თავიშვილი. სახალხო განათლებისა და პედაგოგიური აზროვნების ისტორია საქართველოში, გვ. 197.

¹⁴⁷ История Осетии (макет), часть первая, с древнейших времен до 1917 г., СОНИИ, 1. Орджоникидзе, 1954 г., стр. 147.

¹⁴⁸ Известия Северо-Осетинского Научно-исследовательского института, том XI, 1947 г., стр. 185—186. ამ სკოლის ზედამხედველად ერთ-ერთი დოკუმენტში დასახელებულია იზო დელიშვილი, მაგრამ ჩვენის ფიქრით, იგი უნდა იყოს შიო დელიშვილი.

საქართველოს ეგზარხოსი ევგენი. მან შეადგინა ამ სკოლის დებულება, რომელიც დირექტორს შიო დვალისშვილს ავალებდა სკოლაში ადგილობრივ მამასახლისთა და სხვა წარჩინებულ პირთა შვილების მიღებას, მაგრამ ეს ღონისძიება არასაკმარისი აღმოჩნდა. ამიტომ, 1841 წელს მან გამოსცა ბრძანება, რომლითაც მღვდლებს ავალდებულებდა აღნიშნულ სკოლაში თავიანთი შვილების შეყვანას. წინააღმდეგ შემთხვევაში იგი მათ ჯამაგირების დაკავებას, ხოლო მოსწავლეებს პოლიციურ-ადმინისტრაციული ზომების მიღებას პირდებოდა¹⁴⁹.

ვლადიკავკავის ოსური სასულიერო სასწავლებელი ადმინისტრაციულად საქართველოს ეგზარხატს ექვემდებარებოდა, ხოლო სასწავლო-სააღმზრდელი მუშაობის დარგში—თბილისის სასულიერო სემინარიას. სასწავლებელთან არსებობდა პანსიონი. სადაც სახელმწიფოს ხარჯზე მღვდლებისა და სხვა პრივილეგიურ პირთა შვილები იზრდებოდა¹⁵⁰.

ვლადიკავკავის სასულიერო სასწავლებელი ადგილობრივი მოსახლეობის იდეოლოგიური „დამუშავების“ ამოცანას კარგად ასრულებდა, მაგრამ, ამასთან ერთად, იმავე სასწავლებლის კედლებიდან გამოვიდნენ ცნობილი საზოგადო მოღვაწეები (კოლიევი, ცორაევი და სხვ.), რომლებიც მნიშვნელოვან როლს ასრულებდნენ ადგილობრივი ნაციონალური კულტურის ამაღლების საქმეში. მასწავლებელთა და ეკლესიის მსახურთა მომზადების გაუმჯობესების მიზნით 1861 წელს „საზოგადოებამ“ გააძლიერა ვლადიკავკავის სასულიერო სასწავლებლისადმი „ეკონომიური დახმარება“, მაგრამ პეტერბურგიდან გზადმომავალმა კავკასიის მეფისნაცვალმა დაიწუნა ამ სკოლის მუშაობა, არ მოიწონა რუსულ ენის სწავლების არსებული მდგომარეობა. მოითხოვა სკოლის პროფილის დაზუსტება და მისი ყოფნა-არყოფნის საკითხის საბოლოოდ გადაწყვეტა. კომისიის დასკვნით. თავის ფუნქციებს (სასულიერო სემინარიაში შესასვლელად მოსწავლეთა მომზადების. მთიელთა შორის განათლების გავრცელებისა და „მოქალაქეობრიობის“ განმტკიცების საქმეში) მშვენივრად ასრულებდა

¹⁴⁹ Известия Северо Кавказского педагогического института, им. М. Ю. Гадиева, т. XIII, стр. 247, изд. доц. К. И. Симонюца и др.: „Горские школы“.

¹⁵⁰ Материалы по истории осетинского народа, том V, сборник документов по истории народного образования в Осетии, Госизд. С/Ос. АССР. г. Орджоникидзе, 1942 г., стр. 8.

საოლქო სკოლა, რისთვისაც საჭიროდ იქნა მიჩნეული ვლადიკავკაის სასულიერო სკოლის დროებით დახურვა ან გადაკეთება.

კომისიის შეხედულებით, ორი სასწავლებლის არსებობა ერთგვარი მიზნისათვის ერთ მცირერიცხოვან ქალაქში არ არის გამართლებული. ამიტომ მიღებულ იქნა დადგენილება ვლადიკავკაის ოთხკლასიანი სასწავლებლის გაუქმებისა და „ქრისტიანობის აღმდგენელი საზოგადოების“ ხარჯზე მისი საოლქო სკოლაზე გადაცემის შესახებ. კომისიის დასკვნას დაეთანხმა კავკასიის მთავარმართებელი და „კავკასიაში მართლმადიდებელი ქრ. აღმ. საზოგადოების“ მმართველობას მისცა განკარგულება ვლადიკავკაის 4-კლასიანი სასულიერო სკოლის დახურვის შესახებ¹⁵¹.

ვლადიკავკაის სასულიერო სკოლაში პირველ ხანებში სწავლა ქართულ ენაზე წარმოებდა, ხოლო შემდეგ კი — რუსულზე.

1836 წლის 12 ოქტომბერს თბილისის სასულიერო სემინარიის მმართველობა ვლადიკავკაის სასულიერო სასწავლებლის ზედამხედველის მოვალეობის შემსრულებელს შიო დვალისვილს (სახარებისა და სხვა წიგნების რუსულად თარგმნასა და სწავლების რუსულ ენაზე შემოღებასთან ერთად) ავალებდა: სწავლება მთიელთა ბავშვებისა ქართული ანბანით, როგორც სავსებით არასაჭირო, სრულიად გააუქმეთო¹⁵².

ვლადიკავკაის სამაზრო სასულიერო სასწავლებელი 4-კლასიანი სკოლა იყო, რომელშიაც ექვსი (შტატის) მასწავლებელი ასწავლიდა. ამ სკოლის მასწავლებლის მინიმალური ხელფასი 125 მანეთს შეადგენდა, მაქსიმალური კი — 400 მანეთს. სხვა საგნებს გარდა აღნიშნულ სკოლაში ოსური წერა-კითხვაც ისწავლებოდა. კურსდამთავრებულთა დიდი უმეტესობა („კავკასიაში მართლმად. ქრისტიანობის აღმდგენელი საზოგადოების“ ხარჯზე) თბილისის სასულიერო სემინარიაში განაგრძობდა სწავლას¹⁵³.

საეკლესიო მმართველობისა და მის მიერ გამოყოფილი „კომიტეტის“ მოსაზრებით, კავკაის სასულიერო სასწავლებელში „...უნდა მოეწყოს მთელი ქაბუკების აღზრდა მისიონერული

¹⁵¹ Отчет общества восстановления православного христианства на Кавказе за 1862 и 1863 г., 1865 г., стр. 18 - 19.

¹⁵² Материалы по истории осетинского народа, т. V, сборник документов по истории народного образования в Осетии, 1942 г., стр. 80. შტრ ფონდ Владикавказского духовного училища, дело 1836 г., № 663, стр. 25.

¹⁵³ Документы по истории Грузии (1862—1917), т. I, ч. 1, стр. 542. Под редакцией проф. Ш. Чхетия. შტრ ЦГИА ГССР, Ф. 219, д. 61. Л. 3—28.

მოღვაწეობისათვის. იმისათვის, რომ ეს სასწავლებელი დაყენებულ იქნეს თავისი მაღალი მოწოდების სიმალლეზე, კომიტეტმა მისთვის ახალი გაძლიერებული შტატი შეადგინა. ცვლილება შეიტანა სწავლების შინაარსში და სასწავლო ნაწილის მუშაობა ზოგიერთ მხარეში...¹⁵⁴

კავკაზის სასულიერო სკოლას ეკლესიის მიერ დასახული ამოცანების განხორციელებაში ბევრი ნაკლი ჰქონდა, რისთვისაც მისი ხელმძღვანელობა ეკლესიის მეთაურთა მხრივ და კავკასიის მმართველებისაგან ხშირ საყვედურებს იღებდა.

მიუხედავად ამისა, ვლადიკავკაზის სასულიერო სკოლა დიდ როლს ასრულებდა ოსეთში მისიონერთა ადგილობრივი კადრებისა და საეკლესიო-სამრევლო სკოლების მასწავლებელთა მომზადება-აღზრდის საქმეში. მღვდლებისა და მასწავლებლების სიმცირის გამო საეკლესიო უწყებამ გადაწყვეტილება მიიღო 1887 წელს ოსეთის სასულიერო სასწავლებლის გახსნის შესახებ (ექვსწლიანი კურსით), რომელიც თავისი პროგრამული მოცულობით უფრო ფართო მიზნებს ისახავდა, ვიდრე სამაზრო სასულიერო სკოლა. სამაზრო 4-კლასიანი სასულიერო სასწავლებლის სასწავლო გეგმით გათვალისწინებული დისციპლინების გარდა ექვსკლასიან სასულიერო სკოლაში ასწავლიდნენ: 1) მართლმადიდებელ სარწმუნოებას; 2) მუსულმანთა საწინააღმდეგო პოლემიკას; 3) ეკლესიის ისტორიას; 4) დიდაქტიკას; 5) სამოქალაქო ისტორიას; 6) გეომეტრიას; 7) ფიზიკას; 8) ჰიგიენას და 9) ოსურ ენას. 1895 წელს აღნიშნული სასწავლებელი მისიონერულ სასულიერო სემინარიად გადაკეთდა, საგნების იმ კურსით, რომელიც სასულიერო სემინარიის გეგმით იყო გათვალისწინებული. გარდა ამისა, სემინარიაში შემოღებულ იქნა: ა) მართლმადიდებელი კატეხიზმოს; ბ) ლიტურგიის; გ) საეკლესიო სლავიანური და რუსული ენების; დ) სიტყვიერების თეორიის (რუსული ლიტერატურის ისტორიით); ე) არითმეტიკის; ვ) გეოგრაფიის; ზ) საეკლესიო გალობის და თ) სუფთა წერის სწავლება.¹⁵⁵

1909 წელს მისიონერული სემინარია რეორგანიზებულ იქნა და ჩვეულებრივ სემინარიად გადაკეთდა, რომელიც მთლიანად

¹⁵⁴ Обзор деятельности общества восстановления православного христианства на Кавказе за 1860—1910 гг. стр. 90. შეადარეთ „Лето обществ“ 1858 г., № 1, Л. 87.

¹⁵⁵ იქვე გვ. 190—191.

ვლადიკავკაის ეპისკოპოსს დაუქვემდებარდა. „უწმინდესი სინოდის“ დადგენილების თანახმად „კავკასიაში მართლმ. ქრ. აღმდ. საზოგადოებას“ სემინარიის შენახვაზე ყოველწლიურად უნდა გაეღო 11.125 მანეთი.¹⁵⁶ ამრიგად, კავკაის სასულიერო სემინარია, რომელიც სასულიერო სასწავლებლის ბაზაზე შეიქმნა, გარკვეულ როლს ასრულებდა ოსეთის ეკლესიებისა და სკოლებისათვის საჭირო კადრების აღზრდისა და ოსეთის ნაციონალური კულტურის განვითარების საქმეში.

50—60-ან წლებში მისიონერთა სკოლების ქსელი ოსეთში საგრძნობლად იზრდებოდა. ოსი ინტელიგენციის წრე მღვდლების, მასწავლებლებისა და წვრილი ჩინოვნიკების ხარჯზე ივსებოდა, რომელსაც მეფის მთავრობა ხალხის იდეოლოგიური დამუშავების ჩარაღად იყენებდა. ვლადიკავკაის ოსურმა სასულიერო სკოლამ (1836—1863. წწ.) არსებობის მანძილზე საეკლესიო-სამრევლო სკოლებისათვის მასწავლებელთა საკმაო რაოდენობა მოამზადა.

მეფის მთავრობა ოსეთში ყველაზე მეტად საეკლესიო-სამრევლო სკოლების რიცხვს ამრავლებდა. ჩრ. ოსეთის სამხედრო-ოლქში XIX საუკ. 60-იან წლებში 7 საეკლესიო-სამრევლო სკოლა იყო 107 მოსწავლით; 1863 წელს — 13 სკოლა 250 მოსწავლით; 1865 წელს — 20 სკოლა 299 მოსწავლით; 1867 წელს — 30 სკოლა 542 მოსწავლით.¹⁵⁷

1862 წელს ოსმა სახალხო მოღვაწემ — ა. კოლიევმა თავისი სახსრებით ოსი გოგონებისათვის საკუთარ ბინაზე გახსნა 1 დაწყ. სკოლა, რომელშიც პირველ ხანებში 20 მოწაფე გოგონა სწავლობდა. ამ სკოლის გახსნით, საზოგადო მოღვაწე კოლიევი მიზნად ისახავდა „კარჩაკეტილ“ და „ბნელ ცხოვრებას“ შეჩვეული ოსი ქალები გამოეყვანა ცოდნისა და „თავისუფალი ცხოვრების“ ნათელ გზაზე. აღნიშნული სკოლა გამიზნული იყო „მშობლიური წერაკითხვისა და ქრისტიანული მოძღვრების საწყისების შესწავლისათვის“.¹⁵⁸ 1863 წლის სხვადასხვა დროს აღნიშნულ სკოლაში მეცადინეობას ესწრებოდა 10-დან 23-მდე გოგონა, რომელიც ოსურ წერაკითხვასა და ხელსაქმეს სწავლობდა. ხელსაქმის მასწავლებელი (ქალები ასწავლიდნენ) ყოველწლიურად ხელფასის სახით ორას-ორას მანეთს იღებდა. ამას გარდა, „საზოგადოების“ გადა-

¹⁵⁶ Обзор деятельности общества восстановления православного христианства на Кавказе за 1860—1910 гг., стр. 191.

¹⁵⁷ Отчет общества восстановления православного христианства на Кавказе за 1862 и 1863 годы, Тифлис, 1865 г., стр. 16.

¹⁵⁸ იქვე.

წყვეტილებით სკოლას (ხელსაქმის ხელსაწყო-მოწყობილობისა და მასალების შესაძენად) ეძლეოდა 100 მანეთი. გათვალისწინებული იყო ბავშვთა საუკეთესო ნამუშევრების გაყიდვა და ხელსაქმეში დაინტერესებული გოგონების წახალისება-დაჭილდობა. სკოლის შეკეთება-მოწყობისა და სასწავლო ინვენტარის შეძენის ხარჯებზე თვით სკოლის გამგე-დამაარსებელი (კოლიევი) იყო პასუხისმგებელი. აღნიშნული სკოლა 1863 წელს ოლლის სახელობის ქალთა სამკლასიან სკოლად გადაკეთდა.¹⁵⁹

„ამ სკოლამ ყველაზე კეთილმოყვანილი გავლენა მოახდინა ქალთა მდგომარეობაზე ოსეთში“ (კ. ლ. ხეთაგუროვი).¹⁶⁰ მას, კოსტა ხეთაგუროვის სიტყვით, ქვეყანას ბევრი „...სამაგალითო დედა, გამრჩელი მეოჯახე და სახალხო მასწავლებელი აღუზარდა.“¹⁶¹ ასეთივე სკოლა გოგონებისათვის (XIX საუკუნის 70-იან წლებში) სოფ. სალუგარდანში გახსნა აგრეთვე სახალხო მოღვაწემ — ნ. გატუევმა, მაგრამ ამგვარი ნაბიჯები სწავლა-განათლების მხრივ ოსი ხალხის საჭიროების მინიმუმსაც ვერ აკმაყოფილებდა. მეფის თვითმპყრობელობის ინტერესები ოსეთში საეკლესიო-სამრევლო სკოლების ქსელის გაშლას მოითხოვდა. ამით შეიძლება აიხსნას ის ფაქტიც, რომ 1861 წლის რეფორმის შემდეგ ამ ტიპის სკოლების რიცხვი ოსეთში ერთგვარად გაიზარდა.

1864—1866 წწ. ჩამოყალიბდა ვაჟთა და ქალთა ორკლასიანი სკოლები, მათ შორის — ვლადიკავკაის ქალთა ორკლასიანი რეორგანიზებული (1865 წ.) სასწავლებელი.¹⁶²

XIX საუკუნის 70—80 წლებში საზოგადოებრივი აზრი ერთნაირად აღიარებდა სასწავლებელთა ქსელის გაშლის გადაუდებელ საჭიროებას ყველასათვის, მაგრამ ხაზგასმით მიუთითებდა იმის შესახებ, რომ სკოლები განსაკუთრებით ოსებს, ჩეჩნებსა და ყაბარდოელებს ესაჭიროებათ. გაზ. „კავკაზის“ მიხედვით, არსებულ სასწავლებელთა შორის უდიდესი მნიშვნელობა ჰქონდა ოლლის სახელობის ქალთა სკოლას და ვლადიკავკაის სპეციალურ ქალთა

¹⁵⁹ Известия Северо Осетинского Научно-исследовательского института, том XI, 1947 г., стр. 188.

¹⁶⁰ იქვე.

¹⁶¹ იქვე, გვ. 200. „კავკასიაში მართლმ. ქრისტიანობის აღმდ. საზოგადოების“ 1860—1910 წლების ანგარიშში ვლადიკავკაის ქალთა სკოლის დაარსების თარიღად მიჩნეულია 1863 წელი (იხ. დასახელებული „ანგარიში“, 1910 წ., გვ. 187).

¹⁶² Обзор деятельности общества восстановления православного христианства на Кавказе за 1860—1910 гг., 1910 г., стр. 187.

სასწავლებელს ოსებისათვის, რომელთაგან პირველი კერძო (კოლი-
ევისა და ადგილობრივი საზოგადოების ხარჯზე) იყო, ხოლო მეორე—
(პანსიონით — 24 აღსაზრდელით, გოგონებისათვის)—კავკასიაში
მართლმ. ქრისტიანობის აღმდგენელი საზოგადოების ბიუჯეტზე,
რომელსაც ოსეთის სამრევლოთა მმართველი — არხიმანდრიტი
იოსები განაგებდა.¹⁶³

ვლადიკავკავის ოსურ ქალთა სკოლაში აღზრდა პრივილეგი-
ურ-წოდებრივ ხასიათს ატარებდა. ამ სკოლის 70 მოსწავლეში
(1866 წლის 15 აგვისტოს ცნობებით) იყო: 1) თავადებისა და ჩი-
ნოვნიკების შვილები — 33 მოსწავლე, 2) ვაჭრებისა და საპატიო
მოქალაქეთა შვილები — 14, 3) მეშჩანების შვილები — 16 და
4) დაბალი წოდების — 7 მოსწავლე.

ამრიგად, ღარიბ ოსთა შვილებს (თითქმის მთლიანად) ქალთა
სკოლებში კარი დახშული ჰქონდა.¹⁶⁴

ვლადიკავკავის ოსური ქალთა სკოლის ხარჯები 1880 წლისა-
თვის თვალსაჩინოდ (ე. ი. 6,495 მან.) გაიზარდა. მიუხედავად იმი-
სა, რომ „საზოგადოებას“ დიდად ეძნელებოდა აღნიშნული სკო-
ლის შენახვა (24 აღსაზრდელით), საერთო ხარჯები „საზოგადოე-
ბის“ ხაზით 28.024 მანეთამდე იქნა აყვანილი.

1880 წლის 13 მაისს ვლადიკავკავის ოს ქალთა სკოლის
მთელი მუშაობა, პანსიონატი, ბავშვთა კვება, ცოდნა-მომზადება
კავკასიის მეფისნაცვლის მიერ იქნა მოწონებული, ხოლო ამავე
წლის 22 მაისს, სკოლის შემოწმების დროს იგივე მოსაზრება
ინსპექტორთან ერთად დადასტურებულ იქნა მღვდელ-მთავარის —
ვლადიკავკავის ეპისკოპოსს — იოსების, თერგის ოლქის სახ. სკო-
ლების ინსპექტორ — ს. გრუშევსკისა და სხვათა მიერ, რომლებმაც
მოიწონეს მოსწავლეთა მხრივ ოსურიდან რუსულ ენაზე „ოთხთა
სახარების“ თარგმნა, წმინდანების ისტორიასა და კატეხიზმის ცოდ-
ნაში, რუსეთის ლიტერატურაში, გეოგრაფიაში, ისტორიასა და
პედაგოგიაში მოსწავლეთა მომზადება.¹⁶⁵

1891 წლის 1 იანვრიდან კავკავის დედათა სამკლასიანი სას-
წავლებელი. „საზოგადოებამ“ დახურა იმ საბაბით, თითქოს მისი

¹⁶³ გაზ. „კავკაზ“, 1876 წ., № 3, გვ. 2.

¹⁶⁴ Материалы по истории осетинского народа, т. V, сборник до-
кументов по истории народного образования в Осетии, 1942 г.,
стр. 104—105.

¹⁶⁵ Отчет общества восстановления православного христианства на
Кавказе за 1880 год, стр. 83—84.

შენახვა „ძირი ჯდებოდა“, ხოლო სარგებლობა მას „ნაკლები მოჰქონდა“.¹⁶⁶ აღნიშნული სკოლის ნაცელად, მიღებულ იქნა გადაწყვეტილება ერთკლასიან დედათა სკოლის გამართვისა — ერთი (თერგის გაღმა) — სოფ. ჩირისტონყაუში, ხოლო მეორე კი — (თერგს გამოღმა) სოფ. ხუმალაგში. 1891 წლის 7 იანვარს ამ საქმეზე თბილისიდან ვლადიკავკაეში სპეციალური კომისია (მღვდელ-მონაზონის — ლეონიდის, დეკანოზ კალისტოვისა და პოლკოვნიკ კომაროვის შემადგენლობით) ჩავიდა, რომელმაც დაითანხმა ადგილობრივი მოსახლეობა დასახელებულ სოფლებში ქალთა ერთკლასიანი სკოლების გახსნის, სასკოლო ბინების გამოყოფის, შეშის მიზიდვისა და მასწავლებელთა შესანახი ხარჯების ანაზღაურების შესახებ. ამრიგად, სკოლების შენახვის მთელი ხარჯები კვლავ ადგილობრივ ოს მოსახლეობას დაეკისრა. ამავე დროს, ოღლის სახელობის კავკაის ოს ქალთა სკოლა 1891 წელს „სკოლა-პრიუტად“ იქნა გადაკეთებული.¹⁶⁷

XIX საუკუნის 50—60-იან წლებში ოსებში საეკლესიო და სწავლისადმი ინტერესი, ცოდნის შეძენისადმი მისწრაფება და სკოლების დაარსებისაკენ ლტოლვა. ოსეთის კულტურის ისტორიის ზოგიერთი მკვლევარი პრესაშიაც აშკარად გამოთქვამდა იმ აზრს, რომ ოსები ცოდნის მოტრფიალენი, ცნობისმოყვარენი, მოსაზრებულნი და რუსული ენის ადვილად შემთვისებელნი არიან, ისინი ადვილად ახერხებენ საშუალო სკოლებში შესვლას, ხოლო ბევრი მათგანი გამოირჩევიან ყურადღებითა და შრომისმოყვარეობით. ზოგიერთ მკვლევართა მოსაზრებით, ოსებს ყველაზე მეტად ესაქიროებათ დამწერლობა, საკუთარი ანბანი, წიგნი, კულტურა და სკოლა, ვიდრე რომელიმე სხვა ერს, რადგანაც, მათი გაგებით „...მსოფლიო უნდა მართოს ანბანმა და არა მახვილმა და თოფმა... არც ერთი ერისათვის ეს არ არის ისე აუცილებელი, როგორც ოსებისათვის“.¹⁶⁸

XIX საუკ. მეორე ნახევრისა და XX საუკუნის რევოლუციამდელი რუსული პრესა კარგად ორგანიზებულ სკოლას ყოველი ერის კულტურული განვითარების მთავარ ფაქტორად აღიარებდა, მაგრამ სკოლის ქსელის გაფართოება განსაკუთრებით საჭიროდ

¹⁶⁶ გაზ. „ივერია“, 1891 წ. № 30 იანვარი. იხ. სტატია ხელმოწერით: „ქართული ოსებში“.

¹⁶⁷ Обзор деятельности общества восстановления православного христианства на Кавказе за 1860—1910 гг., изд. 1910 г., стр. 187.

¹⁶⁸ „Журнал Министерства народного просвещения“. 1917 г. Январь. стр. 91. იხ. ს. ვ. ფარფაროვსკის ნარკვევი „Народное образование у осетин“.

მიანდა ოსებისათვის, რომელთა „გაქრისტიანება“ (რუსეთთან დაახლოების მიზნით) მეფის თვითმპყრობელობის კოლონიალური პოლიტიკის განხორციელების ერთ-ერთ ძირითად პირობას წარმოადგენდა.

1830—1850-იან წლებში ჩრდილო ოსეთში 12 ეკლესია აშენდა, რომელთა მღვდლებს (გარდა ოსების „მონათვისისა“) დაევალა სკოლების მოწყობა და წერა-კითხვის გავრცელება.¹⁶⁹ აღნიშნულ პერიოდში სასკოლო განათლების წყაროს ოსებისათვის წარმოადგენდა ახლად დაარსებული მთიელთა სკოლა ვლადიკავკაჟში და ორი სასწავლებელი: სამაზრო და სასულიერო — მოზდოკში.¹⁷⁰ აღნიშნული სკოლები ადგილობრივი პრივილეგიური ფენების შვილების აღზრდის საქმეს ემსახურებოდა. ეს სასწავლებლები საუკეთესო წყაროს წარმოადგენდა ოსი მოსახლეობის განათლებისათვის, ვინაიდან „...ისინი მეტად ხალისიანად აძლევდნენ მათში თავიანთ შვილებს“.¹⁷¹ სასკოლო ქსელი შედარებით გაფართოვდა XIX საუკ. 60-იან წლებში, როდესაც ოსეთის „სასულიერო კომისიის“ ფუნქციები „კავკასიაში მართლმადიდებელი ქრისტიანობის აღმდგენელმა საზოგადოებამ“ შესცვალა.¹⁷² საზოგადოების ჩამოყალიბების ოთხი-ხუთი წლის შემდეგ ოსეთის სოფლებში აქა-იქ გაჩნდნენ განათლების პატარ-პატარა კერები, რომლებიც ქრისტიანულ რელიგიასთან ერთად ხალხში წერა-კითხვისა და ცოდნის პირველ სხივებს ავრცელებდა. ასეთი სკოლები ჩრდ. ოსეთში გასული საუკუნის 50-იან წლებში 35-ს აღწევდა, რომელშიც 380—400-მდე ბავშვი სწავლობდა.¹⁷³ მართალია, სასკოლო საქმეში მაშინ ბევრი ისეთი დაბრკოლება (ცუდად სწავლება, ხელსაწყო-მოწყობილობათა უქონლობა და სხვ.) არსებობდა, რომელიც ამცირებდა სკოლის რაოდენობრივი ზრდის მნიშვნელობას, მაგრამ ფაქტია, რომ საეკლესიო-სამრევლო სკოლებმა მაინც გარკვეული როლი შეასრულეს მთის მოსახლეობის გონებრივი გამოფხიზლებისა და ზნეობრივი ამაღლების საქმეში.

„კავკასიაში მართლმ. ქრისტ. აღმ. საზოგადოებამ“ 1861 წელს გაიდვალისწინა ეკლესიებთან სკოლების მოწყობა, რისთვისაც:

ა) შეიმუშავა „წესები“ საეკლესიო-სამრევლო სკოლების გახსნის

¹⁶⁹ „Журнал Министерства народного просвещения“, 1917, январь, стр. 92.

¹⁷⁰ Сборник материалов для описания местностей и племен Кавказа, изд. упр. Кавк. уч. округа, 1883 г., вып. III, стр. 309.

¹⁷¹ იქვე, გვ. 310.

¹⁷² იქვე, გვ. 310.

¹⁷³ იქვე, გვ. 311.

შესახებ; ბ) ხელი მიჰყო სასწავლო სახელმძღვანელოების გამოცემას; გ) მღვდლებს დააეალა ადგილობრივი ენის შესწავლა; დ) შეეცადა სასკოლო შენობების მოწყობას იქ (მაგ.: ჯავაში, როკაში, ბეკმარში), სადაც ადგილობრივი მოსახლეობის ხარჯზე მათი აგება შეუძლებელი ხდებოდა. 1863 წლის ივნისში „საზოგადოებამ“ წინადადება მისცა მთის ეკლესიების მღვდლებს: ა) მოეწყოთ თავიანთ სამრევლოებში სკოლები; ბ) სადაც არ იყო სკოლის მოწყობის შესაძლებლობა, თითონ აეყვანათ რამდენიმე ბავშვი და ესწავლებინათ მათთვის (ვაჟებისათვის 10 მანეთად, გოგონებისათვის — კი 15 მანეთად) წერა-კითხვა; გ) მღვდლებს გაეგზავნა ელემენტარული სასწავლო მოწყობილობა, რაც აუცილებელი იყო სკოლაში პირველი მეცადინეობის დაწყებისათვის; დ) გამოყო მასწავლებლები დარგოხის, ბატაკოიურტოვსკის, ჯავისა და ორტევის სკოლებისათვის, რომელთაგან თვითეულს წლიურად ას-ასო მანეთი ხელფასი დაუნიშნა.¹⁷⁴

XIX საუკუნის 60—70 წლებში კავკასიის მთის ხალხებში სწავლის წყურვილი იზრდებოდა, ხოლო სასკოლო ქსელის ზრდიც ტემპი ოდნავადაც ვერ აკმაყოფილებდა ცოდნის მიღებისადმი მოსახლეობის გაზრდილ მოთხოვნილებას. სწავლა-განათლების საჭმისადმი რეალური დახმარების მაგიერ „საზოგადოება“ რჩევას იძლეოდა რომ: ა) ყოველ სამრევლოში ხალხს თვით აეშენებინა კეთილმოწყობილი სასკოლო შენობები; ბ) ადგილობრივ სამოქალაქო ხელისუფლებას მეტი აქტიობა გამოეჩინა სკოლის დაარსებისა და შენახვის მხრივ; გ) გათვალისწინებული ყოფილიყო განსაკუთრებული მასწავლებლების შერჩევა სამრევლო სკოლებისათვის და ა. შ., მაგრამ ეს ღონისძიებანი განუხორციელებელი აღმოჩნდა.¹⁷⁵

კავკასიის მთიანეთში XVIII საუკ. ბოლოს და XIX საუკუნის დასაწყისში მნიშვნელოვან როლს ასრულებდა ადგილობრივი ახალი ინტელიგენცია, რომელიც თავის გავლენას აძლიერებდა მაჰმადიანურ მოსახლეობაზე და ამით უმცირებდა მათ რუსული კულტურის ელემენტების უცხოობისა და თურქეთისადმი სიმპათიის გრძნობებს. ისინი პირადი მაგალითით ცდილობდნენ მაჰმადიან

¹⁷⁴ Отчет общества восстановления православного христианства на Кавказе за 1862 и 1865 гг., 1865 г., стр. 15.

¹⁷⁵ იქვე, გვ. 18.

ესთა დარწმუნებას ქრისტიანული სარწმუნოებისა და განათლების მიღების აუცილებლობაში.¹⁷⁶

1860—70-იან წლებში ოსეთის მთის სოფლებში 30-მდე პირველდაწყებითი სკოლა იყო, რომელშიც 444 მოსწავლე ვაჟი და 23 ქალი სწავლობდა. სკოლის მთელი კონტინენტის შემადგენლობაში მაშინდელი კლასიფიკაციით შედიოდა: სამურძაყანოელი (იგივე ქართველი)—71, უდინები—25 და ოსები—371. ამ სკოლებში უმთავრესად მღვდლები ასწავლიდნენ, რომელთაც არ გააჩნდათ პედაგოგიური განათლება, საეკლესიო „საქმეებით“ გადატვირთვის გამო არ ეცალათ სკოლებისათვის. ამავე დროს, მთიელთა შორის ყველას არ ჰქონდა შეგნებული განათლების ძალა და მნიშვნელობა, ხოლო ადგილობრივი ხელისუფლების წარმომადგენლები თავს ნაკლებად იწუხებდნენ სკოლების გახსნისა და მათი კეთილმოწყობისათვის.

1862 და 1863 წლებში „კავკასიაში მართლმ. ქრისტიანობის აღმდგენელი საზოგადოების“ სამოქმედო ტერიტორია დაყოფილი იყო: 1) ვლადიკავკავის (ბლალოჩინი პროტოიერი — კოლიევი), 2) არღონის (მიხეილ სუხიევი), 3) დიგორის (ალექსი ალადჯიკოვი), 4) ჯავის (პეტრე კონჩუევი), 5) ორტევის (სოლომონ კანდელაკი) „საბლალოჩინოებად“ და ცალკე „საკრებულოებად“. „ვლადიკავკავის საბლალოჩინოში“ 12 სამრევლო საზოგადოებიდან საეკლესიო-სამრევლო სკოლები არსებობდა მხოლოდ 6 სამრევლოში, მათ შორის: ვლადიკავკავის (ქალთა სკოლა, რომელსაც თვით კოლიევი ხელმძღვანელობდა), დალაკავსკის (ღურბელაძე), ბატაკო — იურტოვსკის (ხარებოვი), კადგერონის (ბედიევი), დარჯკოხის (მარკოზოვი) და საუდალსკის (ჯანუევი) სამრევლოებში¹⁷⁸.

არღონის „საბლალოჩინოს“ 10 სამრევლოდან სკოლები მო-

¹⁷⁶ Сборник материалов для описания местностей и племен Кавказа, вып. III, 1888 г., стр. 312—313. იხ. დ. ლავროვის ნარკვევი: „Заметки об Осетии и осетинах“.

¹⁷⁷ Отчет общества восстановления православного христианства на Кавказе за 1862 и 1863 годы, 1865 г., стр. 17—18.

¹⁷⁸ იქვე, გვ. 73—95. დასახელებულ წლებში ზემოაღნიშნულ „საბლალოჩინოში“ მღვდლობისა და მასწავლებლობის ფუნქციას ასრულებდნენ ზარიძე, გახოკიძე, ბახტაძე, ღურბელაძე და სხვა საეკლესიო ქართველი მოღვაწეები.

კმედებდა — 3-ში, მათ შორის: არღონსა, ნარსა და საღონში¹⁷⁹. დიგორის 7 საზოგადოებიდან სკოლები იყო მხოლოდ ვოლნობრისტიანოვსკის, გალოცკის, მიზურის და მეხჩინის სამრევლოებში. სადაც ცნობილი სემინარიელი მოღვაწის ალაჯიკოვის გარდა საგანმანათლებლო მოღვაწეობას ეწეოდნენ მღვდლები: ალაძე, სურ-უულაძე, გიუნაშვილი და სხვები.

ჯავის „საბლალოჩინოს“ 13 საზოგადოებიდან სკოლა მხოლოდ ჯავასა და ბეყმარში არსებობდა.¹⁸⁰ ორტევის „საბლალოჩინოს“ ათი სასოფლო საზოგადოებიდან სკოლები მხოლოდ ორტევის, ბესტავეანთსოფლის, კუტოეთის და წინასოფლის სამრევლოს ემსახურებოდა.¹⁸¹ გარდა ამისა, ოსეთის ცალკე „საკრებულოში“ (კოილიასარში) არსებობდა სკოლა, რომელიც 579 მცხოვრებზე იყო განკუთვნილი.¹⁸²

1862 წლის 1 იანვრისათვის „კავკასიაში მართლმ. ქრისტ. აღმდ. საზოგადოების“ შემოსავალი სულ 407,593 მან. და 18 1/2 კაპ. შეადგენდა, ხოლო გასავალი — 26,385 მან. 27 1/2 კაპ. საინტერესოა, რომ გასული თანხის დიდი ნაწილი ე. ი. 11.404 მან. 37 კაპ. საზოგადოების წევრთა „სამკერდე ნიშნების“ მომზადებაზე დაიხარჯა, 6.936 მან. და 27 1/2 კაპ.— ეკლესიის მსახურთა ხელფასზე, ხოლო სკოლებისა და მოსწავლეთა შენახვაზე მხოლოდ 2,956 მან. და 3 კაპ. გარდა ამისა, წიგნების გამოცემასა და ბეჭდვაზე 3.999 მან. და 80 კაპ. იქნა დახარჯული.¹⁸³ ეს ციფრები ნათლად მეტყველებენ „საზოგადოების“ მხრივ სკოლებისა და ხალხის განათლების საქმეებისადმი გულგრილ დამოკიდებულებასა და ეკლესიის მსახურთა უპირატესი მდგომარეობის შესახებ.

¹⁷⁹ ი ქვე, გვ. 73—95. აღნიშნულ სამრევლოებში ეკლესიებსა და სკოლებს ქართველებიდან ემსახურებოდნენ მღვდლები: ლოლაძე, ბალაძე, ხატისკაცი, სამარჯულანი და სხვები.

¹⁸⁰ გარდა აღნიშნულ სკოლებში მომუშავე პირებისა, საეკლესიო ცოდნისა და წერა-კითხვის გავრცელების საქმეში გარკვეულ მონაწილეობას იღებდნენ საეკლესიო მოღვაწენი: მაჭავარიანი, მალაღაძე, ყიფშიძე; კვანჭახაძე, ხახუტაშვილი, პონჯაიძე, კობიაშვილი, ელიაშვილი. კასრაძე და სხვები.

¹⁸¹ ორტევის საბლალოჩინოში საეკლესიო განათლებას ავრცელებდნენ მღვდლები: კანდილაკი, ლომოური, ელიაშვილი, ცხვედაძე, ოქროპირიძე, პაპიტაშვილი და მარკოზაშვილი.

¹⁸² Отчет общества восстановления православного христианства на Кавказе за 1862 и 1863 гг., 1865 г., стр. 73—95. იხ. იქვე: „Сведение о церковных прич. и приходах, состоящих в ведении общ. восст. пр. христ. на Кавказе“.

¹⁸³ Документы по истории Грузии (1862—1917), том I, ч. 1, под редакцией проф. Ш. К. Чхетия, Тбилиси, 1954 г., стр. 543. შტრ ЦГИА СССР, ф. 219, д. 61, л. 3—28.

„კავკასიაში მართლმ. ქრ. აღმდგ. საზოგადოების“ შემოსავალი 1861 წლიდან 1863 წლამდე ჩათვლით შეადგენდა 619.849 მან. და 61¹/₄ კაპ. აქედან 1862 წელს დაიხარჯა სულ 77.680 მან და 17¹/₂ კაპ., ხოლო 1863 წელს 91,980 მან. და 75¹/₄ კაპ., 1862 წელს დაიხარჯა: ა) სკოლების მოწყობაზე მათ შენახვასა და მოსწავლეებზე — 14.318 მან. და 57¹/₂ კაპ. და ბ) წიგნების თარგმნასა და დაბეჭდვაზე — 5.382 მან. 68¹/₄ კაპ.

1863 წელს სკოლების შენახვაზე დაიხარჯა — 10.994 მან. 56¹/₂ კაპ. წიგნებისა და ანბანის შედგენა-დაბეჭდვისათვის — 2664 მან. 90 კაპ.¹⁸⁴.

ამრიგად, აღნიშნული „საზოგადოება“ თავისი შემოსავლის $\frac{1}{5}$ -ს ეკლესიების მშენებლობაზე, მღვდლების შენახვაზე და ხალხის გონების დაბნელებისათვის განკუთვნილ „ლოცვების“ თარგმანებზე ხარჯავდა, ხოლო $\frac{1}{5}$ -ს — საეკლესიო სკოლებზე, რომელიც ხელს უწყობდა მთის მოსახლეობაში მეფის თვითმპყრობელობისა და ეკლესიის ერთგული ახალგაზრდობის აღზრდას.

1871 წელს ჩრ. ოსეთში არსებობდა 15 საეკლესიო-სამრევლო სკოლა (მათ შორის ერთი ქალთა სკოლა — 17 მოსწავლით), რომელშიც გოგონების ჩათვლით — 470 ბავშვი სწავლობდა. 1880 წელს „კავკასიაში მართლმადიდებელი ქრისტიანობის აღმდგენელი საზოგადოების“ 20 სკოლა მოქმედებდა, მათ შორის — 7 ქალთა (ალაგირის, სალუგარდანის, არდონის. ოლლის სახ. 3 კლასიანი, დანარჩენი — ერთკლასიანი) სკოლა, რომელშიც 674 მოსწავლე (აქედან — 197 ქალი) ირიცხებოდა.

ცნობილია, რომ ჯერ კიდევ 1869 წელს „საზოგადოების“ უწყებაში ოთხი ტიპის დაწყებითი სკოლა ჩამოყალიბდა: 1) ერთკლასიანი; 2) ორკლასიანი; 3) სამკლასიანი და 4) საკვირაო სკოლები მოზრდილთათვის¹⁸⁵. სამრევლო სკოლები იყო პირველი და მეორე თანრიგისა. პირველი თანრიგის სკოლაში 20 მოსწავლეს იღებდნენ, ხოლო მეორეში კი — 10-დან — 15-მდე მოსწავლეს¹⁸⁶.

1880 სასწ. წლის დასაწყისში „კავკ. მართლმ. ქრ. აღმ. საზოგადოების“ სკოლებში სულ 1578 მოსწავლე ირიცხებოდა. მათ შორის—1203 ვაჟი და 275 ქალი. წლის ბოლოს მოსწავლეთა საერთო

¹⁸⁴ ი ქვე, გვ. 4—6.

¹⁸⁵ Обзор деятельности общества восстановления православного христианства на Кавказе за 1860—1910 гг., стр. 187.

¹⁸⁶ Сборник документов по истории народного образования в Осетии, 1942 г., стр. 116.

რიცხვი 1757-მდე გაიზარდა. მოსწავლეთა რიცხვის საგრძნობ ზრდას უმთავრესად ადგილი ჰქონდა ელადიკავკაის ოკრუგისა და მთის სხვა რაიონების სკოლებში¹⁸⁷.

„მართლმ. ქრისტ. აღმ. საზოგადოების“ სკოლებში გავრთიანებულ მოსწავლეთა განაწილება ეროვნების მიხედვით იმას ადასტურებს, რომ მეფის თვითმპყრობელობის მთელი პოლიტიკა კავკასიელ ხალხთა დაქუცმაცებისა და სკოლების საშუალებით მათი გადაგვარებისაკენ იყო მიმართული.

ეროვნულ-ტომობრივი შემადგენლობის მიხედვით „ქრისტ. აღმდ. საზოგადოების“ საეკლესიო-სამრევლო სკოლებში 1880 წელს სწავლობდა: რუსი — 79, ბერძენი — 7, ქართველი — 317, ფშაველი — 53, ხევსურთა — 15, ინგილო — 91, იმერლები და გურულები — 6, მეგრელები და სამურძაყანოელები — 190, ოსები — 855, სომხები — 26, ქურთები — 7, ებრაელები — 10, აისორები — 0, აფხაზები — 36¹⁸⁸.

მოსწავლე გოგონების შემადგენლობიდან 54 გოგონა ელადიკავკაის ქალთა თავშესაფარში ცხოვრობდა. 1885 წელს იმავე საეკლესიო უწყების ყველა 21 სკოლაში ჩ. ოსეთში სულ 986 ბავშვი და მოზარდი სწავლობდა, რომელშიაც მოსწავლე გოგონების რაოდენობა 379-ს აღწევდა. 1895 წელს 1871 წელთან შედარებით საეკლესიო-სამრევლო სკოლების მოსწავლეთა რიცხვი თითქმის ორჯერ გაიზარდა, მაგრამ სასკოლო ასაკის ოს ბავშვთა მაქსიმალური უმრავლესობა (ცხრა-მეათედზე მეტი) მაინც სკოლის გარეთ იმყოფებოდა. 1898 წელს საეკლესიო-სამრევლო სკოლების რიცხვი ოსეთში 32-დ იქნა აყვანილი, რომელშიაც ელადიკავკაის სკოლის ჩათვლელად 3355 ვაჟი და 469 გოგონა (სულ 3824 მოსწავლე) სწავლობდა¹⁸⁹.

სკოლების უმთავრესი მიზანი ოსეთში იმდენად მთიელთა კულტურის ამადლება როდი იყო, რამდენადაც ხალხში ქრისტიანობის გავრცელება, მართლმადიდებელთა სარწმუნოების დანერგვა და მეფის ერთგულების რწმენის გაძლიერება.

¹⁸⁷ Отчет общества восстановления православного христианства на Кавказе за 1880 г., изд. 1884 г., стр. 75.

¹⁸⁸ ქართველი ერის დაქუცმაცებისა და დასუსტების მიზნით ქართველთა ტომებს: ფშაველებს, ხევსურებს, ინგილოებს, იმერლებს, გურულებს, მეგრელებს, სამურძაყანოელებს და სხვებს მეფის მოხელეები ცალკე ეროვნებებად აცხადებდა.

¹⁸⁹ იქვე, გვ. 206—207.

კავკასიელ ხალხებს შორის, ისეთი პატარა, მაგრამ ცნობილი ერი, როგორც ქართველებია, მოსწავლეთა ეროვნულ შემადგენლობაში თვითმპყრობელებს 7 — 8 ერად (ქართველებად, ფშაველებად, ხევსურებად, ინგილოებად, იმერლებად, გურულებად, მეგრელებად და სამურძაყანოებლებად) ჰყავდათ წარმოდგენილი, მაშინ როდესაც ყველასათვის ცნობილი იყო და არის, რომ ეს „ეროვნებანი“ ფაქტიურად ქართველთა ტომებია და საუკუნეთა მანძილზე ქართველებად იწოდებიან. მეორეს მხრივ, აღსანიშნავია ისიც, რომ საეკლესიო-სამრევლო სკოლების მთავარ კონტიგენტს (855 მოსწავლეს) ოსები წარმოადგენდა, რადგანაც ცარიზმის ერთ ერთ ძირითად მიზანს სკოლების საშუალებით ოსეთის „მიმხრობა“ და თვითმპყრობელი რუსეთის „პროტექტორატში“ მისი ნებაყოფლობითი შეყვანა შეადგენდა. მოსწავლეთა დასახელებულ კონტიგენტში წოდებათა მიხედვით იყო: თავადების შვილები — 41, ბეგების — 13, აზნაურების — 66, სასულიერო პირთა — 57, ვაჭრების — 22, მოხარკეთა კი — 1558¹⁹⁰. სწავლების ელემენტარული ხასიათის მიუხედავად, შეძლებულთა შვილების აღზრდას აღნიშნულ სკოლებში მაინც პრივილეგია ეძლეოდა.

სკოლების, მასწავლებელთა და მოსწავლეთა შემადგენლობა ოსეთში 1880 წლისათვის შემდეგ სურათს გვიჩვენებდა¹⁹¹:

№-ს რიგ.	სკოლების დასახელება ადგილის მიხედვით	მცხოვრებთა რაოდენობა	მასწავლებელთა შემადგენლობა						მოსწავ- ლები			სკოლასთან არსე- ბულ პანსიონატი ან „პროტექტორატში“ სწავ.
			სემინარიული მასწავლებელი	არა სემ. მასწავ.	მღვდელი-სა- მღვთოსწავ- ლის მასწავ.	მასწავლ. კალენი	ს უ ს	ფაქები	კალენი	ს უ ს		
											4	
1	2	3	4	5	6	7	8	9	10	11	12	

ჩრდილოეთ ოსეთი

ა) ვაჟთა ერთკლასიანი სკოლები:

1	გიზელის	1972	1	2	1	—	4	36	—	36	—
2	დარგაოხის	1365	1	—	1	—	2	42	—	42	—
3	ალაგირის	2689	1	1	1	1	4	93	—	93	—
4	ბატაკო-იურტოვსკის	1368	—	1	1	—	2	44	—	44	—
5	ოღლის საბ.	1789	1	1	—	—	2	43	—	43	—
6	მიზურის	1254	—	1	1	—	2	25	—	25	—
7	არდონის	2422	1	1	1	—	3	67	—	67	—
8	ვოლნო-ზრისტიანოვსკის	3796	—	2	1	—	3	102	—	102	—
9	ხუმალაგის	1576	1	—	—	—	1	35	—	35	—

¹⁹⁰ Отчет о деятельности общества восстановления православного христианства на Кавказе за 1880 г., стр. 76—77.

¹⁹¹ ი ქ ე ე, გვ. 94—96.

1	2	3	4	5	6	7	8	9	10	11	12
10	დალაკავსკის .	1228	—	1	1	—	2	35	—	35	—
11	დარგავსკის .	3345	1	—	—	—	1	28	2	30	2
12	სადონის .	1277	—	1	1	—	2	38	11	49	—
13	ზარომავის . .	960	—	1	—	—	1	33	—	33	—
ს უ ლ			7	12	9	1	29	261	13	634	2
სამხრ. ოსეთი.											
1	ვანათის . .	1184	1	—	1	—	2	23	12	35	—
2	ოჯის . .	455	—	1	—	—	1	30	—	30	—
3	ჯავის . .	1605	1	—	1	—	2	52	—	52	—
4	ბეყმარის . .	1879	—	1	1	—	2	17	—	17	—
ს უ ლ			2	2	3	—	7	122	12	134	—
			ბ) ქალთა სამკლასიანი სკოლები								
1	ვლადიკავკაის .	20057	—	—	1	5	6	—	63	63	24
			გ) ქალთა ერთკლასიანი სკოლები								
1	ალაგირის . .		—	—	—	1	1	—	30	30	—
2	ოლგინის . .		—	—	—	1	1	—	23	23	—
3	არდონის . .		—	—	—	1	1	—	29	29	—
4	დარგოვის . .		—	—	—	1	1	—	28	28	—
5	ხუმალავის . .		—	—	—	1	1	—	35	35	—
ს უ ლ							5	5	—	145	145

აღნიშნული ცხრილიდან ირკვევა, რომ ვლადიკავკაის ოლქში „საზოგადოება“ 1880 წლის დასაწყისში 13 ვაჟთა და 6 ქალთა სკოლას განაგებდა, ხოლო სამხრეთ ოსეთში — 4 საეკლესიო სამრევლო სკოლას. ამრიგად, სკოლების საერთო რიცხვი წინა წელთან შედარებით ერთით (დაიხურა გიზელის ქალთა სკოლა) — შემცირდა¹⁹³. 85.834 მცხოვრებს კავკასიის მთიანეთში ემსახურებოდა „ქრისტიანობის აღმდ. საზოგადოების“ 35 ვაჟთა და 7 ქალთა სკოლა. 42 სკოლიდან 31 სასწავლებელი მთის მოსახლეობის „გაქრისტიანებისათვის“ იყო გამიზნული¹⁹⁴. „საზოგადოების“ ხელ-

¹⁹³ Отчет о деятельности общества восстановления православного христианства на Кавказе за 1880 г., стр. 98—101.

¹⁹⁴ ი ქ ვ ე, გვ. 63.

¹⁹⁵ ი ქ ვ ე.

მძღვანელობა თავისი მისიონერული მიზნების განხორციელებისათვის ყოველგვარ საშუალებას მიმართავდა. საქართველოს ეგზარხოსის—ევეგენის გამოთქმით, ეკლესიებისა და სკოლებისათვის შერჩეული უნდა ყოფილიყო ისეთი პირები, რომლებიც „აღზრდილნი არიან მშობლიურ სასულიერო სასწავლებლებსა და უნივერსიტეტებში... აქვს რა მიზნად ღვთისადმი ერთგულება და სამსახური, მთიელთა შორის ქრისტიანობის გავრცელება პოლიტიკურ მიზანსაც უნდა შეიცავდეს“¹⁹⁵. ამრიგად, როგორც კავკასიის სხვა კუთხეებში, ისე ჩრდილოეთ და სამხრეთ ოსებშიაც სკოლა მეფის თვითმპყრობელობის კოლონიალური მიზნების განხორციელებას ემსახურებოდა. 1898 წელს ვლადიკავკავის ეპარქიალური სასწავლებლის საბჭოს თანამშრომელი, საეკლესიო სკოლების რიცხვის გადიდებასთან დაკავშირებით წერდა, რომ „სკოლა ოსეთში არის მისიონერული ბანაკი“ და მთიელთა შორის არაერთარი სხვა სკოლა საჭირო არ არის, რადგანაც მისი აზრით. უმჯობესია „...ოსეთში, მხოლოდ და მხოლოდ საეკლესიო სკოლა იქნეს დანერგილი...“¹⁹⁶

რუსეთის პირველი ბურჟუაზიულ-დემოკრატიული რევოლუციის (1905 — 1907 წწ.) პერიოდში ჩრდილოეთ და სამხრეთ ოსეთში „კავკასიაში მართლმ. ქრისტ. აღმ. საზოგადოების“ კომპენტენციაში არსებული სკოლების, მოსწავლეებისა და მასწავლებელთა შემადგენლობა შემდეგ სურათს იძლეოდა:

№: რიგე	სკოლის დასახელება და მისი დაარსების წელი	სკოლის აღიღმდებარეობა (საეკლესიო)	სკოლის შენობის ვარგისიანობა და ღირებულება	მოსწავლეთა შემადგენლობა 1906—1907 წწ.			მასწავლებელთა რაოდენობა
				ვაჟი	ქალი	სულ	
1	2	3	4	5	6	7	8
1	ჩრდილოეთ ოსეთში არდონის 2-კლასიანი (1869 წ.)	არდონი	სას. სახ. მიერ აგებულია 3000 მან. 1904 წ. დაიწყო ახალი შენობის აგება	317 265	—	317 265	გამგვიანდ 3 მასწ.
2	ბესლანის (1890 წ.)	ბესლანი	3500+1500	31 26	—	31 26	გამგვიანდ 2. მასწ.
3	ვლადიმიროს 2 კლასიანი (ყოფ. ბატაკო-იურტოვის, დაარს. 1870 წ.)	ვლადიმირი	5000 მან.	140 109	—	140 109	გამგვიანდ 3 მასწ.

¹⁹⁵ იქვე, გვ. 146.

¹⁹⁶ Материалы по истории Осетии, т. VI, стр. 164.

1	2	3	4	5	6	7	8
4	გალიათის 2-კლასიანი (1895 წ.)	გალიათი	—	10	—	0	
				50		50	
5	გიზელის 2 კლასიანი (1870 წ.)	გიზელი	7000 მან.	0	—	0	გამვიანად 2 მასწ.
				116		116	
6	დალაკაუს 2 კლასიანი (1863 წ.)	დალაკაუ	—	90	30	120	გამვიანად 3 მასწ.
				89		89	
7	დარგავის 2 კლასიანი (1869 წ.)	დარგავი	6000 მან.	67	23	90	გამვიანად 2 მასწ.
				95	21	116	
8	დარგკოხის 2 კლასიანი (1870 წ.) ვაჟთა	დარგკოხი	2000 „	120	—	120	გამვიანად 2 მასწ.
				107		107	
9	დარგკოხის 2 კლ. ქალთა სკ. (1894 წ.)	დარგკოხი	ვაჟთა სკ. შენობაში	—	37	37	გამგე და 1 მასწ.
					48	48	
10	კადგარონის 2 კლ. (1893)	მანხესკი	აგებულია 12 ათ. მან. უკეთესი შენობა ოსეთში არ არის	106	10	116	
				81	0	81	
11	ოლგინსკის ვაჟთა ორკლასიანი (1869 წ.)	ოლგინსკი	5000 მან. აგებულია სკოლის სახლის მიერ	151	—	151	გამგე და მასწ.
				112		112	
12	ოლგინსკის ქალთა (1892 წ.)	ოლგინსკი	ვაჟთა სკოლის შენობაში	—	91	91	გამგე 2 მასწ.
					106	106	
13	სალუგარდანის ვაჟთა 2 კლასიანი (1874 წ.)	სალუგარდანი	7000 მან. სახ. და ადგ. მცხ. მიერ	0	—	0	3 მასწ.
				124		124	
14	სალუგარდანის ქალთა (1887 წ.)	— „ —	ვაჟთა სკოლის შენობაში	—	54	54	3 მასწ.
					60	60	
15	ხუმალაგის ვაჟთა 2 კლასიანი (1869 წ.)	ხუმალაგა	3000 მან. 1904 წ.	0	—	0	2 მასწ.
				80		80	
16	ხუმალაგის ქალთა სკ. (1891 წ.)	— „ —	ვაჟთა სკ. შენობაში	—	85	85	გამგე და მასწ.
					85	85	
17	ზიდიუხის	ზიდიუხი	—	0	—	0	2 მასწ.
				80		80	

გორის მაზრაში

1	2	3	4	5	6	7	8
1	არკნეთის (1903 წ.)	არკნეთი	დრ. შენობა	21	4	25	
2	აწერისხევის (1897 წ.)	აწერის- ხევი	—	29	7	36	2 მასწ.
				9	14	23	
3	ვანათის 2 კლ. 1899 წ. და ერთ- კლასიანი—(1879 წ.)	ვანათი	ორსართული- ანი შენობა 200 მან. „სახ.“ მიერ	11	17	28	1
4	გუჯარეთის (1903 წ.) .	გუჯარეთი	უჯარგისი შენობა	—	—	—	3 მასწ.
				27	—	27	
				34	—	34	2 მასწ.
		სამხრეთ	ოსეთში ¹⁰⁷				
1	ჯავის 2 კლასიანი (1852 წ.)	ჯავა	მცხ. მიერ აგებული 3000 მან. აგურის შენობა	92	2	94	
2	ჯრიის (1903 წ.)	ჯრია	ხის შენობა (450 მან).	92	8	100	3 მასწ.
3	ზღუბირის (1904 წ.)	ზღუბირი	ეკლესიის შენობა	58	4	62	2
4	კოშკის (1891 წ.) .	კოშკი	სოფელმა ააგო 700 მან.	41	6	47	2
5	ყორნისის (1869 წ.) .	ყორნისა	800 მან. სოფ. ააგო	17	2	19	2
6	მსხლების (1903 წ.)	მსხლები	სამლოცვე- ლოში	16	4	20	2
				33	0	33	
				37	1	38	2
7	როკის (1890 წ.)	როკაში	—	21	15	36	2
				23	12	35	
8	ჯვრიის (1903 წ.) .	ჯვრივი	დაქირავებუ- ლი	32	11	43	2 2
				36	7	43	
				36	3	39	1
				36	5	41	

წარმოდგენილი „უწყისი“ გვიჩვენებს, რომ კავკასიაში „ქრისტიანობის აღმდგენელი საზოგადოების“ ხაზით 1906 — 1907 წწ. ჩრდილო ოსეთში არსებობდა 11 ორკლასიანი და 6 ერთკლასიანი სკოლა, მათ შორის—4 ქალთა სასწავლებელი. ამავე უწყების სისტე-

¹⁰⁷ Отчет восстановления православного христианства на Кавказе за 1906 и 1907 гг., стр. 136—137.

მაში სამხრ. ოსეთში იყო 1 ორკლასიანი და 7 ერთკლასიანი სასწავლებელი. სულ ჩრდილოეთ და სამხრეთ ოსეთში 12 ორკლასიანი და 13 ერთკლასიანი (25) სამრევლო სკოლა მოქმედებდა, რომელშიაც 1906 წ. 1833 მოსწავლე, ხოლო 1907 წ. კი — 2138 ბავშვი სწავლობდა, მათ შორის 1906 წ. 365, ხოლო 1907 წ. — 391 მოსწავლე ქალები¹⁹⁸.

მარტო ვლადიკავკაის საეპარქიოში არსებობდა: 1906—1908 წწ. ორკლასიანი სკოლა—11, ერთკლასიანი სკოლა — 7.

ეს ციფრები ადასტურებენ იმას, რომ 1906 — 1908 წლებში საეკლესიო-სამრევლო სკოლების შემადგენლობაში ქსელის ზღვის აუღალსაზრისით არავითარი ცვლილება არ მომხდარა¹⁹⁹.

1913 წელს ვლადიკავკაის ეპარქიაში ორკლასიანი სკოლები არსებობდა არდონსა, ვლადიმირსკსა, გიზელსა, დარგოხსა, კადგარონსა, ოლგინსა, ხრისტიანოვსკოესა და ხუმალაგში, რომელშიაც სულ—1455 მოსწავლე სწავლობდა. ამ სკოლებს 32 მასწავლებელი (მათ შორის 18 კაცი და 14 ქალი) და 9 მღვდელი (სამღეთი სჯულის მასწავლებელი) ასწავლიდა²⁰⁰. გარდა ამისა, ერთკლასიანი სკოლები მოქმედებდნენ ალაგირში, არდონში, ბესლანში, ვლადიმირსკში, გალიატში, გიზელში, გულარში, დაგომში, დალაკაუში, დარგავში, დარგოხში, ჭემარაში, დუნტაში, ზაკში, ზარომავში, ზგიდში, კადგარონში, კამულტაში, კანში, კობანში, ლაცში, ლისარსში, მახჩესკში, მიზურში, ოლგინში, სადონში, სანიბა-ნოვში, სანიბა-სტარში, სტირ-დიგორში, ტიბში, უნალში, ნოვი-ურუხში, სრედნი-ურუხში, ხედიკუსში, ხოდში, ხრისტიანოვსკოეში, ხუმალაგში და ეცნაში. მსმენელთა რაოდენობა ამ სკოლებში უდრიდა 2413 მოსწავლეს, მათ შორის იყო 1494 ვაჟი და 919 ქალი. ერთკლასიანი სკოლები არსებობდა აგრეთვე არდონისა და არხონსკის აულებში და ხუტორებში, სადაც სულ 168 მოსწავლე (40 ვაჟი და 128 გოგონა) სწავლობდა²⁰¹.

¹⁹⁸ Отчет общества восстановления православного христианства на Кавказе за 1906—1907 гг., Тифлис, 1908 г., стр. 42.

¹⁹⁹ მოსწავლეთა აღნიშნულ კონტინგენტში ჩვენ ნაგულისხმევი გვაქვს მაშინდელი გორის მაზრის სოფლების: არკნეთის, აწერისხევის, ვანათის (ორკლასიანი) და გუჯარეთის სკოლების მოსწავლეთა შემადგენლობა, რომელიც ზემოთ ნაჩვენებ „უწყისშია“ წარმოდგენილი.

²⁰⁰ Архив СОНИИ, фонд Владикавказского окр. отделения епархиального училищного совета, дело 1913 г., № 115.

²⁰¹ Материалы по истории осетинского народа, т. IV, сборник документов по истории народного образования в Осетии. Госиздат С/Ос 1942 г., стр. 199—200.

1914—1915 სასწავლო წლისათვის საეკლესიო-სამრევლო სკოლების მოსწავლეთა რიცხვი ოსეთში ერთგვარად გაიზარდა. 1915 წელს ოსეთის საეპარქიოს 11 ორკლასიან სკოლაში 1827 მოსწავლე (1678 ვაჟი და 149 ქალი) სწავლობდა. განყოფილებების მიხედვით ირიცხებოდა: I განყოფილებაში — 616 მოსწავლე, II — 438, III — 351, IV — 226, V — 153, VI — 43 მოსწავლე. აღნიშნულ წელს 2 კლასიანი სკოლის კურსი დაამთავრა სულ 51 მოსწავლემ (45 ვაჟმა და 6 გოგონამ), ერთკლასიანი სკოლისა — 125 მოსწავლემ, რომელთა შორის იყო ვაჟი—116, ხოლო გოგონა—9. მოსწავლეთა ამ შემადგენლობას 38 მასწავლებელი ასწავლიდა. ქ. ვლადიკავკაევში 1915 წელს მოქმედებდა „საზოგადოების“ 9 ერთკლასიანი სასწავლებელი, რომელშიაც სულ 626 ბავშვი (299 ვაჟი და 327 გოგონა) სწავლობდა. აქედან I განყოფილებაში იყო 279 მოსწავლე, II — 217, III — 107, IV — 23. ამათგან ერთკლასიანი სკოლის კურსი დაამთავრა (41 ვაჟმა და 43 გოგონამ) სულ—84 მოსწავლემ. მოსწავლეთა ამ შემადგენლობას 15 მასწავლებელი ასწავლიდა.

ვლადიკავკაევის ოლქის 39 სკოლაში სულ 2389 მოსწავლე (მათ შორის: ვაჟი — 1341 და გოგონა — 1048) ირიცხებოდა, რომელთაგან: I განყოფილებაში იყო 1142 მოსწავლე, II — 593, III — 432, IV — 222. ერთკლასიანი სკოლის კურსის დასრულება შესძლო 77 ვაჟმა და 65 გოგონამ, სულ 142 მოსწავლემ. საეკლესიო-სამრევლო სკოლების ამ შემადგენლობას 51 მასწავლებელი ემსახურებოდა. სუევესკის განყოფილების სკოლებში სულ 265 მოსწავლე იყო გაერთიანებული, საიდანაც ირიცხებოდა: I განყოფილებაში — 134, II — 97, III — 34, სულ 51 ვაჟი და 214 ქალი. ერთკლასიანი სკოლის კურსი მხოლოდ 15 გოგონამ დაამთავრა. მთელს ოლქში სწავლობდა: ვაჟი — 3389, ქალი — 1740, სულ — 5129. მათ შორის: I განყოფილებაში — 2174, II — 1333, III — 940, IV — 471, V — 161, VI — 45; ორკლასიანი სკოლის კურსი დაამთავრა 52 მოსწავლემ (მათ შორის ვაჟი—47, ქალი—5), ერთკლასიანი სკოლისა—443 მოსწავლემ (ვაჟი—255, ქალი—136): მოსწავლეთა მთელ შემადგენლობას სულ 109 მასწავლებელი ასწავლიდა, რომელთა შორის იყო 72 ქალი და 37 კაცი²⁰².

²⁰² Архив СОНИИ, фонд Владикавказского окружного отд. епархиального училищного совета, дело № 112, лл. 335—338. შტრ. „Сборник документов по истории народного образования в Осетии, Госиздат С. О. 1932 г., стр. 211—222.

წარმოდგენილი ციფრების ანალიზი გვიჩვენებს, რომ „კავკასიაში ქრისტიანობის აღმდგენელი საზოგადოების“ სკოლები ოსეთში მეფის თვითმპყრობელობის კოლონიური მიზნების განხორციელებას ემსახურებოდა. ქალების აღზრდა მიზნად ისახავდა ოჯახზე მთავრობის გავლენის გაძლიერებას. სწავლების უვარგისი სისტემა აძნელებდა მოსწავლეთა კლასიდან კლასში გადასვლას და კურსის ნორმალურად დამთავრებას. სკოლებში უმთავრესად შეძლებული ფენების ახალგაზრდობა სწავლობდა, რომელთაც რელიგიური სელისკვეთებით ზრდიდნენ.

მიუხედავად იმისა, რომ მთავრობის ოფიციალური მოხელეების ყურადღება უმთავრესად საეკლესიო-სამრევლო სკოლების გაფართოებისაკენ იყო მიქცეული, ოსეთში სხვა ტიპის სკოლებიც წარმოიშვა, რომელთა რიცხვი, თუმცა შეუმჩნეველად. მაგრამ, მაინც იზრდებოდა. XIX საუკუნის 90-იან წლებში თერგის სახალხო სკოლების დირექციის უწყებაში ჩამოყალიბდა სახალხო პირველდაწყებითი სკოლები, რომელიც მოსახლეობაში საკმაო ავტორიტეტით სარგებლობდა. ასეთი სახალხო პირველდაწყებითი სკოლები პირველად სოფელ შანაევოსა და ნოგჯაუში გაიხსნა. ოსეთის ინტელიგენციის ზოგიერთ წარმომადგენელთა კერძო ინიციატივით ანალოგიური სკოლები ჩამოყალიბდა ბრუტეში, დურ-დურეში და სხვა ადგილებში, სადაც უმთავრესად გლეხთა ბავშვები სწავლობდნენ.

კავკასიის სასწავლო ოლქის უწყებაში ჯერ კიდევ 1854 წელს გაერთიანებულ 1498 მოსწავლის გარდა, ოსეთისა და სამურძაყანოს სკოლებში 114 მოსწავლე სწავლობდა²⁰³.

1855 წელს, ამავე უწყების ხაზით ოსეთის, სვანეთის და სამურძაყანოს სკოლები 101 ბავშვს აერთიანებდა²⁰⁴.

1898 წელს ვლადიკავკაიის ოლქის სახ. სკოლების დირექციის პირველდაწყებით სასწავლებელში სწავლობდა 42 მოსწავლე, საშუალო სკოლებში — 48, უმაღლეს სასწავლებლებში — კი 17²⁰⁵.

²⁰³ Акты, т. XI, стр. 726.

²⁰⁴ ი კ ვ ე, გვ. 739. ჩვენთვის მოუხერხებელი შეიქმნა იმის გამოკვლევა, მოსწავლეთა ზემოხსენებულ შემადგენლობაში რამდენი იყო ოსი და რამდენი სხვა ერიგენების ბავშვები.

²⁰⁵ Архив СОНИИ, фонд дирекции народных училищ Тергской области, дело 1887 г. № 14, л. 197. См. Сборник документов по истории народного образования в Осетии, Госизд, СОНИИ, 1942 г., стр. 266—269.

XX საუკუნის დასაწყისში ოსეთის სხვადასხვა სოფლებში დაიწყო სახალხო განათლების სამინისტროს ერთკლასიანი და ორკლასიანი სახალხო სკოლების გახსნა, რომელთა რიცხვი 1913 წლის დასაწყისში 13-ს აღწევდა. თერგის ოლქის სახალხო სკოლების ინსპექტორის ცნობით, 1913 წლის 1 იანვრისათვის სასოფლო ორკლასიანი სკოლები იყო: ალაგირის (1909 წ.), ზაპალკულის (1904 წ.), ზილგინის (1911 წ.), მაგომეტანის (1911 წ.), ნარის (1911 წ.), ტულატოვის (1910 წ.), ხრისტიანოვსკის (1908 წ.), ელზოტოვის (1908 წ.) და ზოგიერთ სხვა სოფლებში, ხოლო ერთკლასიანი — კარჯინის, ნოვიურუხის (1911 წ.), ნოგაჯუს (1897 წ.), შანაევოსა (1896 წ. და 1904 წ.) და სხვებში. მხოლოდ ამ სკოლებში სწავლობდა 1151 ვაჟი და 190 ქალი, სულ 1341 მოსწავლე²⁰⁶.

ორივე მხარის ოსეთში ძირითადად დაწყებითი სახალხო სკოლების ქსელი ფართოვდებოდა. ჩრ. ოსეთში 1913—14 სასწავლო წელს მოქმედებდა 41 ერთკლასიანი, 9 ორკლასიანი (სულ 50) საეკლესიო-სამრევლო და განათლების სამინისტროს ანალოგიური ტიპის 13 სკოლა.

ამრიგად, სულ ჩრ. ოსეთში ორივე უწყების 63 დაწყებითი სკოლა არსებობდა. ოსეთის ისტორიის ერთ-ერთი მკვლევარის სიტყვებით: „ეს სკოლები ატარებდნენ უაღრესად საეკლესიო ხასიათს. ისინი წარმოადგენდნენ პატარა ეკლესიებს მოზარდებისათვის“²⁰⁷. მიუხედავად იმისა, რომ „ეს სკოლები მთის ხალხთა შეგნების დახვეწაზე, გაღრმავებასა და გაფართოებაზე დიდ გავლენას ვერ ახდენდა“, მას მაინც გარკვეული მნიშვნელობა ჰქონდა ოსი ხალხის კულტურული განვითარებისა და მომავალი ახალგაზრდობის აღზრდის საქმეში.

ოსური კულტურის განვითარებაში თავისი დროისათვის გარკვეულ როლს ასრულებდა 1861 წლის რეფორმამდელი ტენგინსკის სკოლა, რომელიც შემდეგ ვლადიკავკაის სამთო საოლქო სასწავლებლად გადაკეთდა. 1861 წელს ოსებისათვის გახსნილ იქნა სამთო საოლქო სასწავლებელი, რომელიც 1859 წლის „დებულების“ მიხედვით ჩინოვნიკების, მდიდრებისა და წარჩინებულ წოდებათა ბავშვების აღზრდას ემსახურებოდა. ეს სკოლა ცარიზმის პოლი-

²⁰⁶ Архив СОНИИ, фонд дирекции народных училищ Тергской области, дело 1912 г., № 697, л. 80, შტრ „Сборник документов по истории народного образования в Осетии“, 1942 г., стр. 284.

²⁰⁷ „Журнал Министерства народного просвещения“, 1917 г., Январь, стр. 98. С. О. Фарфаровский: „Народное образование у осетин“, стр. 88.

ტუის განხორციელებისათვის საკირო ადგილობრივ მოხელეებს ამზადებდა. შვიდი წლის შემდეგ (1868 წ.) აღნიშნული სკოლა რეალურ პროგიმნაზიად გადაკეთდა (სამთო პანსიონით). რომლის ბაზაზე გიმნაზია ჩამოყალიბდა, ხოლო საბოლოოდ (1874 წელს) — რეალური სასწავლებელი²⁰⁸.

წერა-კითხვის და სამხედრო საქმის მცოდნე ადამიანების აღზრდაში (XIX საუკუნის 30—40-იან წლებში) ერთგვარ როლს ასრულებდნენ „სამხედრო აღსაზრდელთა“ სკოლები, რომლებიც კავკასიის სამხედრო კორპუსის ცალკეულ პოლკებსა და ბატალიონებში არსებობდა. პირველი ასეთი სკოლა გახსნილ იქნა 1830 წელს გრებენსკის ყაზახთა პოლკში (ქ. ჩერვლენოში), ხოლო შემდეგ კარგალინსკში, ეკატერინოგრადსა და სხვ. ადგილებში²⁰⁹.

კავკასიის კორპუსის ცალკე შემადგენლობაში უნდა ყოფილიყო სულ 864 „სამხედრო აღსაზრდელი“ (ბატალიონში ათი კაცი), რომელიც უმთავრესად სამხედრო პირების. კაზაკებისა და კავკასიის მთიანეთის „მაღალი ფენების“ ოჯახების შვილებს შეადგენდა.

ამ სკოლებს მთავარ ამოცანად უსახავდნენ „...კავკასიის მხარის ღარიბი აზნაურების. სხვა საპატიო წოდებისა და მთის ტომების ყმაწვილებისათვის მიეცათ ერთგვარი განათლება“...²¹⁰ ამ სკოლას ბევრი სწავლის მსურველი აწყდებოდა, რადგანაც სწავლა სახელმწიფო ხარჯზე იყო და მთის ტომებს იგი მეტად ხელსაყრელად მიაჩნდათ. აღნიშნული სკოლები საკმაოდ იზიდავდა აგრეთვე ე. წ. „საპატიო მთიელთა“ შვილებსაც. 1848 წელს ნავაგინსკის პოლკში (ელადიკავკავის სიმაგრეში) 50 კაცისათვის გაიხსნა „სამხედრო აღსაზრდელთა“ სკოლა. ამ სკოლაში „საპატიო წოდების“ მთიელთა 30 ადგილიდან 20 ადგილი ოსი „სტარშინების“ შვილებს ეკავა. 1857 წელს ეს სკოლა ტენგინსკის პოლკს გადაეცა. 1857 წელს მასში ირიცხებოდა: აზნაურთა შვილები—8, ოფიცრებისა—20, საპატიო მამასახლისთა—32. მათ შორის: მთიელთა ბავშვები—32. რუსები — 28. სულ — 60. 32 მთიელიდან 20 ბავშვი იყო ოს აღდართა შვილები²¹¹.

²⁰⁸ История Осетии (макет), часть первая, 1954 г., стр. 200.

²⁰⁹ Сборник документов по истории народного образования в Осетии, 1942 г., стр. 9.

²¹⁰ იქვე, გვ. 148. იხ. 1836 წ. 3 აგვისტოს დამტკიცებული „დებულების“ მეხუთე 124.

²¹¹ Сборник документов по истории народного образования в Осетии, 1942 г., стр. 9.

როგორც ზემოთ აღვნიშნეთ, 1861 წელს სამხედრო აღსაზრდელთა სასწავლებელი ვლადიკავკაისის სამთო საოლქო სკოლად გადაკეთდა. სკოლა დამთავრებულები, რომლებიც უკვე 17 წლის ასაკს აღწევდნენ, მშობლებთან დაბრუნების შემდეგ, თავიანთი სურვილით, ან სამხედრო სამსახურში (პრაპორშჩიკებად, პორუჩიკებად, როტმისტრებად, კაპიტნებად და სხვ.), ან კიდევ სამოქალაქო საქმეში (მწერლებად, მთარგმნელებად და სხვ.) ეწყობოდნენ.

ამ სკოლებში უმთავრესად უნტერ-ოფიცრები ასწავლიდნენ და როგორც თვით ეს „მასწავლებლები“, ისე მათი აღზრდილებიც მთის ხალხთა სწავლა-განათლების საქმისადმი გულგრილ დამოკიდებულებას იჩენდნენ.

სამთო სკოლები ორ ჯგუფად იყოფოდა: ა) საოლქო და ბ) დაწყებითი. საოლქო სკოლა თავისი უფლებებით და პროგრამული მოცულობით სამაზრო სკოლებს უთანაბრდებოდა. აღნიშნული სკოლის კარგი წარმატების მქონე კურსდამთავრებულები კავკასიის სასწავლო ოლქის გიმნაზიის IV კლასებში უგამოცდოთ მიიღებოდა (დებულების პარაგ. 15). დაწყებით სკოლებს ჰქონდა ერთი კლასიო სამი განყოფილებით. ამ სკოლის კურსდამთავრებულნი, რომელთაც კარგი წარმატება ჰქონდათ, უგამოცდოდ მიიღებოდა კავკასიის სასწავლო ოლქის სამაზრო სკოლებისა და გიმნაზიების მეორე კლასებში (დებულების პარ. 22). ამ სკოლის პროგრამა რუსული სკოლის ანალოგიური კლასების პროგრამებს შეესაბამებოდა და მცირეოდენი სპეციფიკა, რაც მას ამავე საფეხურის რუსული სახალხო სკოლებისაგან განასხვავებდა, მდგომარეობდა იმაში, რომ სამთო სკოლებში რუსული ღვთისმეტყველების კურსი მუსულმანურად ისწავლებოდა²¹².

ვლადიკავკაისის მთიელთა საოლქო სკოლის გარდა ასეთივე საოლქო სკოლა გაიხსნა ნალჩიკში (1861 წ.), გროზნოში (დაწყებითი), ნაზრანოვსკსა და მაიკოპში. მაიკოპის სკოლა 1882 წელს ჩვეულებრივი ტიპის საქალაქო სკოლად გადაკეთდა. გროზნოსა და ნაზრანოვის სკოლები 1919 წლამდე არსებობდნენ.

იმპერატორის მიერ 1859 წლის 20 ოქტომბრის დამტკიცებული „წესდებით“, მთიელთა სკოლები ორგანიზებული იქნენ („ცდის სახით“) ოთხი წლის ვადით, მაგრამ ამ სკოლის „წესდების“ ვადა

²¹² Известия Северо Кавказского педагогического института им М. Ю. Гадиева, т. XIII, 1937 г., стр. 249—250. иб. პ. ი. სიმონოვის სტატია— „Горские школы“.

1917. წლის ოქტომბრამდე გაგრძელდა. აღნიშნული სკოლების მიზანს შეადგენდა თვითმპყრობელობის დამცველთა მოძრაობა. მეფის თვითმპყრობელობის აღნიშნულ მიზნებს განაპირა მხარეების ხალხთა მამართ ნათლად გამოხატავდა პროფ. პ. კოვალევსკი, რომლის შეხედულებით, რუსეთმა სისხლით უნდა მოიპოვოს სხვა ერებზე ბატონობა. შოვინისტი მეცნიერი იმ დასკვნამდეც კი მივიდა, რომ „ინოროდცების“ განათლების მიზნად აღიარა რუსეთის განაპირა ქვეყნის ხალხთა უეჭველი გარუსება და ძალის გამოყენებით რუს ხალხთან მათი შერწყმა²¹³.

მთის ხალხებში მეფის თვითმპყრობელობის ზემოაღნიშნული პოლიტიკის გატარებისათვის საჭირო იყო დრო, სათანადო ზეგავლენის აპარატი და გარკვეული მეთოდების მომარჯვება, რასაც ცარიზმის მოხელეები მთიელთა სკოლების შეშვეობით ახორციელებდა.

„სახალხო განათლების სამინისტროს მისიონერული პოლიტიკა განაპირა მხარეებში არ განიჩეოდა ეროვნულ უმცირესობათა ხალხების მოთხოვნილებებისადმი განსაკუთრებული მოუთმენლობით და სამინისტრო ხშირად მიდიოდა დათმობებზე, მართალია, მხოლოდ ამ მისწრაფებათა რომელიღაც ნაწილში...“²¹⁴

მთიელთა სკოლებთან პანსიონები ჩამოყალიბდა, რომელშიც უმთავრესად შეძლებულთა (აღღარათა) შვილები ცხოვრობდნენ. ასეთი პანსიონები გახსნილი იყო: 1) ვლადიკავკაეის მთიელთა სკოლაში — 120 ბავშვისათვის; 2) ნალჩიკის — 65, ტეპირ-ხან-შურინსკის — 65, უსტ-ლაბინსკის — 65, გროზნოს — 65 და ა. შ. ვლადიკავკაეის სამთო სკოლის 80 პანსიონერიდან 50 ბავშვი ოს სამხედრო პირთა ოჯახებიდან იყო, ხოლო 30 რუს სამხედრო პირთა შვილები.²¹⁵

ვლადიკავკაეის მთიელთა საოლქო სკოლაში 1866 წელს უმთავრესად პრივილეგიურ წოდებათა შვილები სწავლობდნენ. მოსწავლეთა შემადგენლობიდან იყვნენ: თეადებებისა და ჩინოვნიკების შვილები — 46, სასულიერო წოდებისა — 6, ვაჟრებისა — 3, მეშხანებისა და სხვათა — 12, კაზაკებისა — 23. ეროვნული შემადგენ-

²¹³ П. Ковалевски й, Национализм и национальное воспитание 1912 г., стр. 255 - 256.

²¹⁴ Известия Северо Кавказского педагогического института, им. М. Ю. Гадиева, т. XIII, 1937 г., стр. 246.

²¹⁵ Сборник документов по истории народного образования в Осетии, 1942 г., стр. 97.

ლობის მიხედვით სწავლობდნენ: ოსი —74, კუბიკი —2, ინგუ-
ში —3, ჩეჩენი —1, ქართველი —4, სხვადასხვა —5.²¹⁶ ამრი-
გად, 74 ოსი ბავშვი უმთავრესად შეძლებულთა ფენას ეკუთვნო-
და, რომელსაც თვითმპყრობელობა მომავალში ადგილობრივ მო-
სახლეობაზე „ზემოქმედებისა“ და მთის მცხოვრებთა „იდეოლო-
გიური დამუშავებისათვის“ ამზადებდა. პანსიონები ზოგიერთ სხვა
სკოლასაც ჰქონდა. მასში ბავშვები ცუდად ცხოვრობდნენ. პანსიო-
ნები არსებობდა აგრეთვე ალაგირსა და ხრისტიანოვსკოეს სკო-
ლებთან. ალაგირის სკოლის ზოგიერთი მოსწავლე პანსიონში „ოსე-
თის სასულიერო კომისიის“ ხარჯზე ცხოვრობდა. „კომისია“ წლიუ-
რად ერთ მოსწავლეზე 30 მანეთს იხდიდა²¹⁷. ამ თანხით გათვალისწი-
ნებული ჰქონდათ ბავშვის კვების, ტანსაცმელ-ფეხსაცმლისა და
სასწავლო ხელსაწყოების შეძენის ხარჯების დაკმაყოფილება,
მაგრამ პანსიონებში ბავშვთა ცხოვრების პირობები იძენად ცუ-
დი იყო, რომ ისინი გამუდმებით მიმართავდნენ ოჯახებს სათანადო
დანმარებისა და პროდუქტებით უზრუნველყოფისათვის.

თვით სასწავლებელთა ხელმძღვანელობა პანსიონებში ბავ-
შვთა აუტანელი საყოფაცხოვრებო მდგომარეობის შესახებ წერდა:
„ცხოვრების მოთხოვნის სიძვირის გამო ამ სკოლის მოს-
წავლეები იკვებებიან მხოლოდ შავი პურით და ისიც არასაკმაო
რაოდენობით. ცხელი საკმელი არასოდეს მოეპოვებათ. უმეტეს
შემთხვევაში (თითქმის მუდამ) ბავშვები დადიან ფეხშიშველა,
ჭუჭყიანები. ავადმყოფებს ზედამხედველობა და შოვლა არა
აქვთ“²¹⁸. სკოლებთან არსებულ ინტერნატებში მიღება მხოლოდ
ოსეთის ყველაზე საუკეთესო და ცნობილი გვარების ოჯახიშვილე-
ბისა და რუსი სამხედრო და სამოქალაქო ჩინოვნიკების ბავშვების
ხვედრს წარმოადგენდა.²¹⁹ მთიელთა სკოლები მატერიალურად
აუტანელ მდგომარეობაში იმყოფებოდა. ვლადიკავკაისის საძთო
სკოლას სრულიად გამოუსადეგარი, ფანჯრებჩალეწილი, შეუღებავ
ჭერ-იატაკიანი, სამხედრო ნაწილის მიერ წუნდებული ყაზარმა
ეკირა, რომელშიაც სიცივისა და ავარიული მდგომარეობის გაძო

²¹⁶ Сборник документов по истории народного образования в Осетии, 1942 г., стр. 104—106.

²¹⁷ იქვე, გვ. 10.

²¹⁸ იქვე, გვ. 10. იგივე საკითხზე იხ. Известия Северо-Осетинского Научно-исследовательского института, т. XI, 1947 г., стр. 187.

²¹⁹ Известия Северо-Кавказского педагогического института им М. Ю. Гадиева, т. XIII, стр. 250—252. იხ. პ. ი. სიმონოვის სტატია: „Горские школы“.

მეცადინეობა თითქმის შეუძლებელი იყო. უარეს მდგომარეობაში არსებობდა ნაზრანოვსკის მთიელთა სკოლის შენობა (1868 წ.), რომელიც სკოლას იმიტომ გადაეცა, რომ ჭარისკაცების საცხოვრებლად უვარგისი აღმოჩნდა.²²⁰ აღნიშნული სკოლის მოსწავლეების შესახებ დასახელებული სკოლის ზედამხედველი წერდა: „ამ ბავშვების ტანსაცმელს, მცირე გამონაკლისს გარდა სრული გაგებით შეიძლება უწოდოთ ძონძები. ბავშვები მთლიანად და გამოუკლებლივ დაფარულია ქუქყით, მუნითა და ქეციით“...²²¹

მოსწავლეთა კუთვნილ პროდუქტებს, ტანსაცმელს და ნივთებს ხშირს შემთხვევაში „ზედამხედველი“ („СМОТРИТЕЛЬ“) ითვისებდა. 1866 წ. 6 დეკემბერს ნაზრანოვსკის მთიელთა სკოლის მოსწავლეები ხელმძღვანელთა მისამართით დაწერილ განცხადებაში აღნიშნავდნენ, რომ ისინი ტიტვლები და დაავადებულნი მათხოვრულ მდგომარეობაში იმყოფებიან.

„...გვაძმევენ ძალიან ცუდად... ქვედა საცვალი ძუხლებადღე არ გვწვდება, ხალათი კი — წელამდე. ზედა ტანსაცმელი სულ დახეულია. ასე, რომ ჩვენ დავდივართ, როგორც პატიმრები. მეტად ცუდ ფეხსაცმელებს გვაწვდიან... სწორედ რომ ვთქვათ, სკოლაში ცხოვრება და სწავლა შეუძლებელია. თუ პირობები არ შეიცვალა, უნდა დავტოვოთ სკოლა, გვეყო ამდენი ტანჯვა...“²²²

საყვედურების, უკმაყოფილებების გამოთქმისა და სამართლიანი მოთხოვნილებების გამო თვით მოსწავლეებს სჯიდნენ. ასეთი მდგომარეობა მთიელთა სკოლების მოსწავლეთა ცხოვრებისა და სწავლის დამახასიათებელ მოვლენას წარმოადგენდა. ალექსანდრე III-ის მეფობის ხანაში განათლების დარგში პოლიტიკური რეაქცია გაძლიერდა. სკოლებზე ეკლესიისა და პოლიციის მეთვალყურეობა და იეზუიტური „ზედამხედველობა“ გაიზარდა. მოსწავლეებელთა თათბირების მოწვევა აიკრძალა, ჯაშუშობა და სკოლის მუშაკთა დევნა-შევიწროება ჩვეულებრივ მოვლენად იქცა. ყოველივე ამის მიუხედავად, სკოლის პროგრესულ მოღვაწეთა და განათლების სხვა მუშაკთა ინიციატივით ზოგიერთ ოსურ სოფლებში (იმათთვის, ვისაც წერა-კითხვა შეეძლო) იხსნებოდა ე. წ. „საკვირაო სკოლები“ და „საღამოს კურსები“, სადაც ხალხისათვის საინტერესო საუბრები ტარდებოდა. ამგვარი „საკვირაო სკოლები“

²²⁰ ი ქ ვ მ, გვ. 255.

²²¹ ი ქ ვ მ, გვ. 256.

²²² ი ქ ვ მ, გვ. 257.

და „საღამოს კლასები“ არსდებოდა პირველი საფეხურის სახალხო სკოლების კურსდამთავრებულთა უკეთ მომზადებისა, სკოლებში მიღებული ცოდნის სრულყოფისა და მათზე პედაგოგიური ზეგავლენის შენარჩუნებისათვის. მოზრდილები საღამოს კლასებში ვარჯიშობდნენ წერა-კითხვაში (რუსულად), რუსულ ლიტერატურასა და სხვა საგნებში. მრავალფეროვან კითხვებზე იღებდნენ პასუხებს სახალხო საუბრების დროს. 1898 წელს ჩრ. კავკასიის ოსთა სოფლებში 18 ასეთი „საკვირაო სკოლა“ და „საღამოს კლასები“ (მათ შორის: დარგოხის, ხუმალაგის, ბატაკო-იურტოვის და სხვ.²²³) მოქმედებდა, რაც გარკვეულ როლს ასრულებდა ოსეთში წერა-კითხვის გავრცელების, მთის ხალხთა რუსულ კულტურასთან დაახლოებისა და ოსი ახალგაზრდობის საერთო შეგნების ამადლების საქმეში.

სასკოლო აღზრდისა და ხალხის განათლების მხრივ ანალოგიური მდგომარეობა იყო სამხრეთ ოსეთშიაც, სადაც „კავკასიაში მართლმადიდებელი ქრისტიანობის აღმდგენელი საზოგადოება“ და „სასწავლო ოლქის სამზრუნველო“ მეფის თვითმპყრობელობის „ერთგული მსახურების“ მომზადების პოლიტიკას ანხორციელებდა. სასკოლო საქმის „ინიციატორთა“ როლს აღნიშნულ კუთხეშიაც ეკლესიის ხელმძღვანელობა და მათი მსახურები ასრულებდა.

ჯერ კიდევ 1826 წ. სამხრეთ ოსეთის სოფ. ბეკმარის ეკლესიის მღვდელი საქართველოს ეგზარხოსს თხოვდა სოფელ ბესტავანთ-სოფელში ეკლესიის აშენებას და ადგილობრივი ოსი ბავშვებისათვის წერა-კითხვის სწავლების საქმეში დახმარების გაწევას²²⁴. ამავე დროს, საქართველოს საეგზარხოსო ოსეთის ეკლესიის მსახურებს ავალებდა ოსი ბავშვების შეკრებას (სამრევლოების მიხედვით) და მათთვის წერა-კითხვის, ლოცვებისა და სამღვთო სჯულის სწავლებას²²⁵.

„ოსეთის სასულიერო კომისიის“ ერთ-ერთი წევრი იმ მოსაზრებას გამოთქვამდა, რომ ჭავჭავაძის, როგორც ოსეთის ცენტრში, საიდანაც ერთდებოდა ყველა მიმართულების გზები, ფრიად სასარგებლო იქნება სკოლის დაარსება; მცხოვრებნი ძლიერ განწყობილ-

²²³ „Журнал Министерства народного просвещения“, Январь, 1917 г., стр. 96.

²²⁴ Е. К. Краткий очерк истории Грузинской церкви и Экзархата за XIX столетие, Тбилиси, 1901 г., стр. 92.

²²⁵ საქართველოს სსრ ცსს საისტორიო არქივი, ფონდი 139, საქმე № 267^ა გ. 100.

ნი არიან და ითხოვენ მათი ამ სურვილის დაკმაყოფილებას²²⁶.
ოსი მოსახლეობის ინიციატივით 1847 წ. წინასწარ, ჯაიისა და
ხაჩირაანთქარის ეკლესიებთან გაიხსნა დაწყებითი სამრევლო სკო-
ლები, რომლებშიაც სულ 28 ბავშვი სწავლობდა.

გაზ. „დროება“ 1876 წელს წერდა, რომ „კავკასიაში მართლ-
მადიდებელი ქრისტიანობის აღმდგენელმა საზოგადოებამ“ დიდი
ლიახვის ხეობაში (ოსთა სოფლებში) ხელი მიჰყო ეკლესიებისა და
სკოლების აშენებას. „ამ დიდი ლიახვის ხეობაში — ჯაიაში, კოშკა-
ში და როკაში ყველგან ეკლესია და სკოლებია; ზღუბირშიაც ეკლე-
სია არის, მაგრამ სკოლა ჯერჯერობით არ არის. ეკლესიები და
სკოლები სხვა საზოგადოებაშიც ბევრგან არის, როგორადაც ედი-
საში“²²⁷.

ჯერ „სასულიერო კომისია“, ხოლო შემდეგ „ქრისტიანობის
აღმდგენელი საზოგადოება“ პირველ რიგში ხალხის „ზნეობრივი
დამუშავების“ ამოცანას აყენებდა, რისთვისაც სასოფლო ეკლესიე-
ბისა და საეკლესიო-სამრევლო სკოლების ქსელს აფართოებდა.
სკოლების გახსნის მეტ სიმძიმეს „საზოგადოება“ ადგილობრივ
მოსახლეობას აკისრებდა.

ოსი მშრომელების დაყინებითი მოთხოვნითა და მათივე სახს-
რებით, ზემოჩამოთვლილ სკოლების გარდა გახსნილ იქნა ქეშელ-
ტის (1853 წ.), როკის (1854 წ.), კოშკინის (1856 წ.), ორტევის
(1858 წ. ხელმეორედ), მსხლების (1862 წ.), ელსკის (1854 წ.) და
კუტოეთის (1863 წ.) საეკლესიო-სამრევლო სკოლები, რომელთაც
სამღვდელთა დიკრიტად მიზნად მთის მოსახლეობაში მაჰმადიანუ-
რი სარწმუნოების აღმოფხვრას, ქრისტიანული რელიგიის დანერ-
გვას, მეფის ხელისუფლებისადმი ერთგული მონების მომზადებას
უსახავდა. საეკლესიო-სამრევლო სკოლები უმთავრესად, სწორედ
ამ მისიას ასრულებდა.

ოსი მოსახლეობის გაზრდილ მისწრაფებას განათლებისადმი
და მეფის მთავრობის საწინააღმდეგო მაქინაციებს ადასტურებს
„კავკასიაში მართლმადიდებელი ქრისტიანობის აღმდგენელი სა-
ზოგადოების“ ანგარიში (1865 წ.), რომელშიც სამხრეთ ოსეთის
მოსახლეობის შესახებ ნათქვამია, რომ მათ (ოსებს) კარგად ესმით
„...განათლების სასარგებლო მნიშვნელობა, უნდათ (სურთ) თა-
ვიანთ ბავშვებისათვის წერა-კითხვის სწავლება, მაგრამ უკიდუ-

²²⁶ საქართველოს სსრ ცსს საისტორიო არქივი, ფონდი 139, საქმე № 5427, ფ. 6.6

²²⁷ გაზ. „დროება“, 1876 წ., № 128. გვ. 4.

რესი სიღარიბის გამო მათი ამ სურვილების დაქაყოფრლება შეუძლებელი ხდება²²⁸.

ქართველი მოღვაწეები და ქართული პრესა არაერთხელ მიუთითებდა ოსი ხალხის ნიჭიერებასა და ცოდნის მიღებისადმი მათ გაზრდილ მოთხოვნილებაზე. გაზ. „დროებას“ გამოთქმით: „საზოგადოდ ოსები ძალიან ნიჭიერი ხალხია და კიდევ ხალისით ეჩვევიან ყოველივე კეთილ საქმეს“...²²⁹, მაგრამ ნიჭისა და გონებრივი უნარის განვითარებისათვის ხალხის შვილებს არ ჰქონდა საჭირო პირობები შექმნილი.

ამავე „საზოგადოების“ 1887—1888 წ. ანგარიშში მითითებულია აგრეთვე სოფ. ვანათის მცხოვრებთა ცოდნისადმი უდიდეს ლტოლვაზე, დასახელებულია რამდენიმე დამახასიათებელი მაგალითი იმისა, თუ, როგორ დადიოდნენ ზოგჯერ მოზრდილი ყმაწვილები სკოლაში, ესწრებოდნენ მეცადინეობას და სთხოვდნენ მასწავლებლებს ესწავლებინათ მათთვის²³⁰.

განათლების საქმისადმი სოფ. როკის გლეხობის გაზრდილი ინტერესის შესახებ (1890 წ.) მიუთითებდა სასკოლო ინსპექტორი²³¹, რომელიც ამავე დროს ხაზს უსვამდა იმასაც, თუ, როგორ წინააღმდეგობას აწყდებოდა გლეხობა სკოლების გახსნისათვის ბრძოლის გზაზე²³². მეფის თვითმპყრობელობის ნებასურვილის უყოყმანოდ შემსრულებელი საეკლესიო უწყება და კავკასიის სასწავლო ოლქის სამზრუნველო სათანადო სახსრების უქონლობის საბაბით გვერდს უვლიდა სახელმწიფოს ხარჯზე სკოლების გახსნას და სწავლა-განათლებისათვის საჭირო ხარჯების მთელი სიმძიმის ზიდვას სიღარიბისაგან ქანცმიღეულ ოს მოსახლეობას აკისრებდა. სწორედ ამგვარი მთავრობის შესახებ ლენინი ამბობდა: „...ხალხის ცხრა მეთედს ფულს ართმევს ყოველნაირი სკოლებისა და სასწავლებლებისათვის, ამ ფულით თავადაზნაურებს ასწავლის, ბოლო მდაბიო მოქალაქეებს და გლეხებს გზას უხშობს“²³³.

²²⁸ საქ. სსრ ცსს საისტორიო არქივი, ფონდი 141, საქმე № 1726, ფურც. 46—48, 65—67.

²²⁹ გაზ. „დროება“, 1876 წ., № 129, გვ. 3.

²³⁰ საქ. სსრ ცსს საისტორიო არქივი, ფონდი 141, საქმე, № 570, ფურც. 12—13.

²³¹ იქვე, საქმე № 666. ფურც. 13, 14, 29.

²³² საქ. სსრ ცსს საისტორიო არქივი, ფონდი 107. სერია ბ, საქმე № 599-ფურც. 2—4.

²³³ ლენინი სახალხო განათლების შესახებ, 1936 წ., გვ. 106.

იმის შიშით, რომ ცოდნის გზით მშრომელ გლეხობას არ შეე-
ვნო თავისი ბედშავი ცხოვრების ნამდვილი მიზეზი, მთავრობა
ბევრს შემთხვევაში ადგილობრივი სახსრებით სკოლის გახსნაზე-
დაც თავს იკავებდა, ხოლო ზოგჯერ, გლეხობის პრაქტიკულ ნაბი-
ჯებს აშკარა წინააღმდეგობასაც უწევდა. ამგვარ შემთხვევებს
სხვადასხვა დროს ადგილი ჰქონდა როკის, ედისის, ორტევის,
ხცვის, ქემერტის და ზოგიერთ სხვა სასოფლო ადგილებში. სადაც
გლეხები კისრულობდნენ სასკოლო შენობის აგებას. გათბობა-გა-
ნათებისა და სხვა ხარჯებს, მაგრამ მეფის კავკასიელი კლევრეტები
გლეხობის ამ განზრახვის განხორციელებას აფერხებდა²⁴.

ქართული პრესა მთავრობის მოხელეებს მკაცრად აკრიტი-
კებდა ოსი ხალხის განათლების საქმეზე უზრუნველობისა და გულ-
ცივობისათვის. „სამხრეთ ოსეთში, როცა მხოლოდ სამი სკოლაა,—
წერდა გაზ. „შრომა“, — განათლება სრულიად დაცემულია. ეს
სკოლები არიან... სოფლებში: ჯავაში, როკში და ბექქარში. ერთი
სკოლა, რომელიც წინეთ სოფ. ორტევეში იყო (საცა თომა ჩოჩი-
შვილის შემწეობით დაარსდა), გადაიტანეს სოფელ ვანათში,
ღმერთმა უწყის რისთვის. ექვი არ უნდა იყოს, რომ 20.000 მცხოვ-
რებისათვის სამი სკოლა საკმაო არ არის“²⁵.

სასულიერო უწყების სკოლებში მეცადინეობა არანორმალუ-
რად, უსისტემოდ და დროგამოშვებით მიმდინარეობდა. ბევრს
შემთხვევაში სკოლებში ადგილობრივი ენის უცოდინარი მასწავ-
ლებელი ინიშნებოდა, რომელიც მოსწავლეებს „მუნჯურად“ ასწავ-
ლიდა. სწავლების ამგვარ პირობებში ბავშვები გაკვეთილებზე
იშვიათად ცხადდებოდა.

ცნობილი ქართველი მწერალი ს. მგალობლიშვილი სკოლის
ამგვარი მდგომარეობის შესახებ 1880 წლის 25 იანვარს ქართული
პრესის ფურცლებზე წერდა: „ამას წინათ, რაღაც ჩემი საქმისათვის
მივიღირდი ცხინვალისაკენ. გზაზე შემხვდა ჯავის ხეობის ოსი. მე
ვამოველაპარაკე. იმან დამიწყო ქართულად ლაპარაკი (საზოგადოდ
ქვემო ოსეთში ოსებმა თითქმის ყველამ იცის ქართული ლაპარაკი).
შემდგომ რამდენიმე ხნის ბაასისა, მე ჩამოეუგდე სკოლებზე ლაპა-

²⁴ ცს საისტორიო არქივი, ფონდი 141, საქმე № 684, ფურც. 69—90,
საქმე № 560, ფურც. 13—15, საქმე № 904, ფურც. 114, საქმე № 1094, ფურც.
14—15, საქმე № 903, ფურც. 131—132, ფონდი 109, საქმე № 104, ფურც.
14—15.

²⁵ გაზ. „შრომა“. 1893 წ. № 17, გვ. 3, 4 მაისი. სტატია ხელს აწერს
„ოსი-ჩ“.

რაკი. გადაავღ-გადმოავღო თავი, რალაცნაირის... თვალით გადმო-
მხედრა: რის შკოლები, რის სწავლა, სად ვინ გაიგონაო!... ამისაგან
გავიგე, სოფ. როკაში, ოსეთში, არის შკოლა, გახსნილი „ქრისტიან-
ობის აღმდგენელი საზოგადოებისაგან“. ამ როკის შკოლაში არის
მასწავლებლად დანიშნული რუსი უფ. სპიციინი... ამ ვაჟბატონს
შარშან მაისში მიუგდია ქვა როკისთვინაც და ის დღეა და ის დღე.
ფეხი აღარ შეუდგამს. ენკენისთვიდან მოკიდებული აქამომდე და-
კარგულია...“²³⁶.

სწორედ, სკოლის ამგვარი მდგომარეობის გამო ოსი მოსახ-
ლეობის გარკვეულ ნაწილს სწავლაზე გული უცრუედებოდა, ექვის
თვალით უცქეროდა მასწავლებელს, ხშირ შემთხვევაში გაჰყავდა
ბავშვები სკოლებიდან, რითაც ხალხში სკოლის ავტორიტეტი ეცე-
მოდა. ს. მგალობლიშვილს რუსი მასწავლებლის გაგზავნა ოსურს
სკოლებში მიზანშეწონილად მიაჩნდა იმ შემთხვევაში, თუ მათ
შეეძლებოდათ ადგილობრივ ენაზე სწავლება. ოსი ხალხის კულ-
ტურული აღორძინებისათვის დაუღალავი მებრძოლი სოფრომ
მგალობლიშვილი „კავკასიაში მართლმადიდებელი ქრისტიანობის
აღმდგენელი საზოგადოებისაგან“ მოითხოვდა: „გზავნოს საზოგა-
დოებამ ვინც უნდა მასწავლებლად, მხოლოდ კი ყური უგდოს,
რომ იმათ კეთილსინდისიერად მოჰკიდონ საქმეს ხელი, თითქმის
მთელი წლობით ნუ ანებებენ შკოლას თავს“²³⁷. ფაქტია, რომ
„საზოგადოება“ ოსი ხალხის სწავლა-განათლების საქმეს მინიშა-
ლურ ყურადღებასაც არ აქცევდა.

სამხრეთ ოსეთის სოფ. მსხლებისა და ჭავის მოსახლეობის
თხოვნას, რომ საეკლესიო მმართველობას ეკისრა სამრევლო სკო-
ლების ხარჯების გაღება, „სასულიერო უწყებამ“ უარით უპასუხა.
მთავრობისაგან ასეთივე უარი მიიღო სოფელ როკის გლეხობამ,
რომელიც ხელისუფლებისაგან სასკოლო შენობის აგება-შენახვი-
სათვის ყოველწლიურად 300 მანეთის გაღებას მოითხოვდა²³⁸.

„ოსეთის სასულიერო კომისია“ და „კავკასიაში მართლმადი-
დებელი ქრისტიანობის აღმდგენელი საზოგადოება“ თანხებს არ
იმეტებდა ოსი მოსახლეობის სწავლა-განათლებისათვის, მაშინ,
როდესაც მშრომელთა გონების დაბნელებისათვის (ეკლესიების
შენახვაზე) სახაზინო ფულები ხელგაშლილად იხარჯებოდა.

²³⁶ გაზ. „დროება“ 1880 წ., № 19, გვ. 3. ს. მგალობლიშვილის სტა-
ტიიდან.

²³⁷ იქვე.

²³⁸ ცხს საისტორიო არქივი, ფონდი 141, საქმე № 1121, ფურც. 7—8,
საქმე № 1127, ფურც. 9.

მხოლოდ 1853 წ. კავკასიის სასწავლო ოლქის „წესდებით“ იქნა გათვალისწინებული ყოველწლიურად 1000 მანეთის (ვერცხლის ფულით) გაღება სამურზაყანოს, სვანეთის და ოსეთის საეკლესიო-სამრევლო სკოლებისათვის, მაგრამ, ესეც ქალაღზე დარჩა და 1854 წ. აღნიშნული სკოლების შენახვაზე, სულ მხოლოდ 334 მან. და 22 კაპ. იქნა დახარჯული²³⁹.

ბატონყმობის გადაყარდნის პერიოდში სამხრეთ ოსთა სოფლებში არსებობდა 11-მდე საეკლესიო-სამრევლო სკოლა, რომელშიაც. არაზუსტი ცნობებით 187-მდე მოსწავლე (მათ შორის 20 გოგონა) სწავლობდა²⁴⁰.

ზოგიერთ შემთხვევაში, მეცადინეობა მღვდლის სახლში წარმოებდა (საკუთარი სასკოლო შენობის უქონლობის გამო), ხოლო შენობის ასაგებად მოსახლეობისაგან აკრებილ თანხებს მთავრობის ადგილობრივი მოხელეები ფლანგავდნენ. სკოლის შენობათა აგებისათვის თითო ორ-ორჯერ გლეხობისაგან შეგროვილი თანხები გაფლანგეს: წუნარის, ძარის, დამპალეთის, დოდოთის, ქვასათლის, ტბეთის და სამხრეთ ოსეთის ზოგიერთ სხვა სოფლის მამასაძლისებმა, მაგრამ მოსახლეობის ამგვარი ძარცვა-გლეჯის წინააღმდეგ მთავრობა საჭირო ზომებს არ იღებდა.

„კავკასიაში მართლმადიდებელი ქრისტიანობის აღმდგენელ: საზოგადოების“ 1864 წლის „ანგარიშის“ მიხედვით ირკვევა, რომ სამხრეთ ოსეთში (ჯავისა და ორტევის საბლალოჩინოებში) 23 სამრევლიდან ბავშვების სწავლა მხოლოდ 11 სამრევლოში იყო მოწყობილი. მოსწავლეთა რაოდენობა 107-მდე აღწევდა, რომელთა შემადგენლობიდან 21 ბავშვი მშობლების მიერ უკანვე იქნა წაყვანილი. ამრიგად, სამხრეთ ოსთა 23 სამრევლოში დაახლოებით 23 ათას მცხოვრებზე 1874 წლის თებერვლისათვის ჯავის, ორტევის, ბეყმარის და როკის სამრევლოს სკოლები მოქმედებდა. სწავლა ამ სკოლებში არაორგანიზებულად და უსისტემოდ სწარმოებდა. ყოველივე ამის შედეგად, მოსწავლეთა უმრავლესობას წიგნის კითხვა შეეძლო ოსურად, რუსულად და ქართულად, მაგრამ ორს უკანასკნელ ენაზე წაკითხულის მნიშვნელობა და აზრი არ ესმოდათ²⁴¹.

²³⁹ ცხს საისტორიო არქივი, ფონდი 139, საქმე № 16468. ფურც. 5.

²⁴⁰ საქ. სსრ ცხს საისტორიო არქივი, ფონდი 141, საქმე № 82, ფურც. 65—70.

²⁴¹ ვახ. „Кавказ“, 1874 г., № 24, стр. 2. Статья ф. Натиева: „Из Южной Осетии“.

სკოლებში მოსწავლეთა გამოცხადება (სწავლის არასაინტერესოდ წარმართვისა და სკოლის კეთილმოწყობლობის გამო) არა-ნორმალურ ხასიათს ატარებდა. სასკოლო ინსპექტორის ცნობით „როკის სკოლაში ბავშვები სწავლობდნენ მხოლოდ 1866 წლის დეკემბრამდე. ხოლო შემდეგ ის დაკეტილი იყო მღვდლის მიერ. ივლისში, რევიზიის დროს მასში აღმოჩნდა მხოლოდ 3 მოწაფე 23 ყმაწვილიდან, რომლებიც დეკემბრამდე სწავლობდნენ“²⁴².

1867 წლის „ანგარიშით“ მოსწავლეთა რაოდენობა ორივე „საბლადონინოში“ უდრიდა 144-ს, რომელთა შორის 133 ვაჟი და 11 ქალი (ჯავის სკოლისა) სწავლობდა²⁴³.

„საზოგადოების“ 1871 წლის „ანგარიშის“ მიხედვით, ამავე პერიოდში ჯავის სკოლაში მხოლოდ 22 მოსწავლე ითვლებოდა. ეს სკოლა შედარებით კეთილმოწყობილი იყო, ჰქონდა ბოსტანი და ბაღი, სადაც მოსწავლეები პრაქტიკულ შრომას ატარებდნენ²⁴⁴, მაგრამ იგი ოსი გლეხობის განათლების მიღებისადმი გაზრდილ მოთხოვნებს მაინც ვერ აკმაყოფილებდა. კიდევ უფრო უარესი იყო ვანათის ორკლასიანი სკოლის მდგომარეობა, რომელშიაც სკოლის სიღარიბისა და მოუწყობლობის გამო სწავლას ჩამოცილებულ მოსწავლეთა რიცხვი (გარკვეულ პერიოდებში) საკმაოდ იზრდებოდა. 1898 წლის ნოემბრის დასაწყისში ვანათის სკოლაში მისულ რევიზორებს „... სამწუხაროდ, მოწაფეები ძლიერ ცოტანა დაუხვდათ, რადგანაც სწავლა ჯერ კიდევ თავის კალაპოტში არ იყო ჩაყენებული სასწავლებლის შენობის დაუშთავრებლობის გამო“²⁴⁵. მეცადინეობაზე მოსწავლეთა დასწრების მხრივ ანალოგიურ მდგომარეობას ჰქონდა ადგილი ზემო როკის სკოლაში, სადაც მცხოვრებლებს საზამთრო სარჩოსათვის ზრუნვაში ჩაბმული ჰყავდა ოჯახის მთლიანი შემადგენლობა. ამიტომ, ბავშვებს არ აცლიდნენ სწავლისათვის და სასწავლებელი თვეების მანძილზე თითქმის ცარიელი რჩებოდა²⁴⁶.

1899 წლის 28 სექტემბერს, სასწავლებელთა ზედამხედველს როკის სკოლაში 30 მოსწავლის მაგიერ მხოლოდ 12 მოსწავლე

²⁴² Газ. „Кавказ“, 1874 г., № 24. გვ. 2.

²⁴³ იქვე.

²⁴⁴ იქვე.

²⁴⁵ გაზ. „ცნობის ფურცელი“, 1899 წ., № 770, გვ. 2.

²⁴⁶ გაზ. „ცნობის ფურცელი“, 1899 წ., № 959, გვ. 2. იხ. დისეურას-პირელის კორესპონდენცია: „სწავლა-განათლების საქმე“.

დახვდა. სკოლების ზედამხედველმა ზემოროკელებს აღნიშნულ სოფლიდან ქვემო როკაში სკოლის გადატანაზე თანხმობა შესთავაზა, ხოლო ქვემო როკელებს ავალებდა: ა) კანცელარიის შენობის სკოლისათვის გადაცემას და შეკეთებას; ბ) კანცელარიისათვის სხვა შენობის გამოყოფას; გ) უახლოეს მომავალში ახალი სასკოლო შენობის აგებას; დ) ბავშვთა თავშესაფარისათვის ერთი ოთახის მომატებას; ე) დარაჯის დაქირავებას; ვ) სკოლისა და მასწავლებლებისათვის შეშის დაუგვიანებლად მიტანას; ზ) სკოლის ხარჯების დროულად გაღებას, რამდენიმე წლით ზემო როკელების განათავისუფლებას სკოლის შენახვის ხარჯებისაგან და სხვ. ასეთივე მდგომარეობას ჰქონდა ადგილი სოფ. ზღუბირშიაც²⁴⁷.

სამხრეთ ოსთა ზოგიერთი სოფლები სკოლის გარეშე იყო დატოვებული. მთავრობის ადგილობრივი მოხელეები პირველ რიგში ეკლესიების აშენებისა და ხალხის გონების დაბნელებისათვის ზრუნავდნენ. ამიტომ იყო, რომ პატარა ლიახვის ხეობაში საცხენისისა და ბელოთის მცხოვრებლები „...არც მონაწილეობას იღებდა აქამდე რომელსამე სასწავლებელში, არც თითონ ხსნიდა თავის საკუთარს სასწავლებელს და არც ბავშვებს აძლევდნენ სასწავლებელში“²⁴⁸.

მიუხედავად ამგვარი მდგომარეობისა, განათლების ზოგიერთ მოღვაწეთა ინიციატივით სამხრეთ ოსთა სოფლებში არსდებოდა პირველდაწყებითი საეკლესიო-სამრევლო სკოლები. 1898 წ. მეორე ნახევარში ყოფილი ინსპექტორის — კირიონის მეცადინეობით და ადგილობრივი მოსახლეობის მხარდაჭერით გახსნილ იქნა აწერისხევის ერთკლასიანი საეკლესიო-სამრევლო სკოლა. სადაც გაკვეთილებზე 30 მოსწავლის მაგიერ ხშირად 20 ბავშვი ცხადდებოდა²⁴⁹.

1899 წელს საცხენისის მცხოვრებლებმა სასკოლო ინსპექტორებს თხოვეს თავიანთი სოფელი მიეწერათ ვანათის სკოლაზე იმ პირობით, რომ: ა) ადგილობრივი მცხოვრები გადაიხდიდა მასწავლებლის ჩამაგირის ნაწილს; ბ) თითო ურემ შეშას მიუტანდნენ მასწავლებლებს; გ) სკოლის ასაკის ყველა ბავშვს ჩააბამდნენ სწავლაში; დ) გაიღებდნენ სკოლის ხარჯებს და ა. შ. ამავე პერიოდში ბელოთის მოსახლეობამაც მიიღო დადგენილება აწერისხევის სკო-

²⁴⁷ გახ. „ცნობის ფურცელი“, 1899 წ., № 939, გვ. 2.

²⁴⁸ გახ. „ცნობის ფურცელი“, 1899 წ., № 775, გვ. 2.

²⁴⁹ გახ. „ცნობის ფურცელი“, 1899 წ., № 770, გვ. 2.

ლასთან შეერთებისა და აღნიშნულ სკოლაში მათი შვილების გაგზავნის შესახებ, რისთვისაც სკოლას აღუთქვეს ხარჯების ნაწილის გადახდა²⁵⁰.

მთავრობის წარმომადგენელთა წინადადებას თავიანთ ხარჯზე სკოლების გახსნის შესახებ ოსები სიამოვნებით თანხმდებოდნენ, მაგრამ ფაქტია, რომ თვითმპყრობელობა თავისი სახსრებით სკოლების გახსნაზე თავს ნაკლებად იწუხებდა.

1898 წლის მეორე ნახევარში სოფელ გერში მოწვეული 3 სოფლის მკვიდრი ოსების შეკრება აღფრთოვანებით შეეგება (მართლმადიდებელი ქრისტიანობის აღმდგენელ საზოგადოების სკოლების ინსპექტორის — მამინაიშვილის) წინადადებას სოფ. გერში ერთკლასიანი სკოლის გახსნის შესახებ. კრებამ მიიღო დადგენილება: ა) ყოველწლიურად, სკოლის შესანახად შეაგროვონ და ზემოხსენებულ „საზოგადოებას“ გადასცენ ოცი თუმანი; ბ) დაიჭირონ ტექნიკური თანამშრომელი, რომელიც უნდა ემსახურებოდეს სკოლას; გ) ყოველწლიურად მიუზიდონ სკოლას საჭირო ჩაოდენობით შეშა; დ) ვალდებულებად აიღონ სასკოლო ასაკის ყველა ბავშვის ყოველწლიურად (3 წლის ვადით) გზავნა სკოლაში²⁵¹. სკოლისათვის ხალხმა მოითხოვა ჰერვიის სამრევლოს კრებულისათვის თლილი კვით აშენებული ოთხოთახიანი (ამჟამად თავისუფალი) შენობის გადაცემა, რომლის შეკეთებას თვით ხალხი ივალდებულებდა. ადგილობრივი მღვდლის (ქოქოევის) ინიციატივით ეკლესიის შემოსავლიდან სკოლას ყოველწლიურად ათ-ათი თუმანი დაენიშნა, ბოლო სკოლის ინვენტარ-მოწყობილობა ასევე კერძო პირთა ხარჯზე იქნა შეძენილი²⁵². გაზ. „ცნობის ფურცელი“ მოუწოდებდა ქართლის სხვა სოფლების ოსებს სკოლების გახსნის საქმეში მიებაძათ „ამ სასიქადულო სოფლებისათვის“ და თუ თვითეულ სოფელს არ შეეძლებოდათ ცალ-ცალკე სკოლების გახსნა, ხუთ-ექვს სოფელს ერთად მაინც დაეარსებინათ თავიანთი სასწავლებელი²⁵³.

ზემოთქმულიდან ნათელია, რომ საეკლესიო უწყების კურსი განათლების დარგში მიმართული იყო თვით მოსახლეობის ხარჯზე სკოლების გახსნისაკენ, რათა „დანაზოგი“ სახსრები ეკლესიების ქსელის გაშლაზე ყოფილიყო გამოყენებული.

²⁵⁰ გაზ. „ცნობის ფურცელი“, 1898 წ., № 775, გვ. 2. მართალადის კორესპონდენციიდან.

²⁵¹ გაზ. „ცნობის ფურცელი“, 1899 წ., № 777, გვ. 2.

²⁵² იქვე.

²⁵³ იქვე, გვ. 2. მართალადის სტატიიდან.

საეკლესიო უწყება არავითარ ზომებს არ იღებდა მისდამი დაქვემდებარებულ სკოლებში მეცადინეობის ნორმალური პირობების შექმნისათვის. 1899 წლის ზამთარში ჯავის სკოლაში ინსპექტორებმა ვერ შესძლეს მოსწავლეთა ცოდნის შემოწმება, რადგანაც მასწავლებლებს შეგირდები დაეთხოვნათ ქორწილებისა და სხვა ადგილობრივ „დღეობებში“ მონაწილეობის გამო²⁵⁴.

„კავკასიაში მართლმადიდებელ ქრისტიანობის აღმდგენელი საზოგადოების“ ხელმძღვანელობა სკოლის შეკეთებას და კეთილმოწყობას თვით მოსახლეობისაგან მოითხოვდა. სკოლების მატერიალური მდგომარეობა სავალალო იყო, ხოლო მისი გამოსწორებისათვის ზრუნვა — ინდიფერენტული. „როკის სკოლის ხის შენობა ისე დაძველებულა და დაფუცუნებულა, — წერდა „ცნობის ფურცელი“, — რომ ყოველი დიდი გრიგალის დროს წაქცევას ლამობს. შეგირდების მაგიდები სულ მიმტვრეულ-მოპტვრეულია, სკოლას არც ერთი ფანჯარა აღარა აქვს მთელი, კედლები მინგრეულ-მონგრეულია, ბუხარი — უკან გადაწოლილი. ერთი სიტყვით, აქ მეცადინეობა ყოვლად შეუძლებელია. მასწავლებლისათვის არც შეშაა და არც მოსამსახურე“²⁵⁵. ამგვარი მდგომარეობიდან გამოსავალს „საეკლესიო საქმეთა“ ხელმძღვანელობა „სკოლის დახურვის“ შესახებ დამუქრებასა და ადგილობრივი მოსახლეობაზე სკოლის ხარჯების დაკისრებაში ხედავდა²⁵⁶.

ჯავის ხეობის ოსები, მათივე გამოთქმით რომ ვთქვათ, „სიკვდილს ამჯობინებდნენ სკოლის დაკეტვას“²⁵⁷. „მართლმადიდებელი ქრისტიანობის აღმდგენელი საზოგადოების“ წარმომადგენლები და მთავრობის სხვა ადგილობრივი მოხელეები კი, ოსებს სკოლების დახურვით ემუქრებოდნენ. ოსებმა იცოდნენ, რომ მთავრობის გულგრილობის შედეგად უახლოეს წლებში ედისის სასოფლო სკოლა დაიხურა. თავიანთი შეილების აღზრდის სურვილი ოსებში იმდენად ძლიერი იყო, რომ ზემო როკის მცხოვრებმა ჯანასპი თომაშვილმა (თომაეშვილმა) სკოლას თავისი საკუთარი (სამოცუთუმნად ღირებული) სამ-ოთახიანი სახლი შესწირა.

²⁵⁴ გახ. „ცნობის ფურცელი“, 1899 წ., № 778, გვ. 2.

²⁵⁵ იქვე, გვ. 2. იხ. მართალადის კორესპონდენცია.

²⁵⁶ ინსპექტორმა ჯაველები გააფრთხილა, რომ შენობის მოუწყობლობი შემთხვევაში სკოლას იქ გადაატანიებდა „საზოგადოებას“. სადაც ადგილობრივ მცხოვრებნი მეტად იზრუნებდნენ მისი კეთილმოწყობისა და შენახვისათვის სკოლის დახურვის მუქარამ ოსები ძლიერ აღაშფოთა, რის გამოც ინსპექტორს აღუთქვეს სკოლის შენობის კეთილმოწყობა და მისთვის მეტი დანახარები გაწევა.

²⁵⁷ გახ. „ცნობის ფურცელი“, 1899 წ., № 778, გვ. 2.

ზღუბირის, ჯომალის, ქვემო როკისა და სხვა პატარა სოფლების მცხოვრებლები ხელმძღვანელობისაგან მოითხოვდნენ ზემო როკიდან ამ სოფლების ცენტრში სკოლის გადმოტანას, რათა იგი თანაბრად მისაწვდომი ყოფილიყო მახლობელი სოფლების ყველა ბავშვისათვის. ამ სამართლიანი პედაგოგიური მოთხოვნის დაკმაყოფილები-სათვის სოფლებისაგან მოითხოვეს: ა) ხალხს, სკოლის შესანახად „ქრისტიანობის აღმდგენელი საზოგადოებისათვის“ ყოველწლიურად ეხადა 30 თუმანი; ბ) მოსახლეობას თავიანთი ხარჯით აეგო სასკოლო შენობა, იმ გეგმის მიხედვით, რომელიც „ცენტრიდან“ იქნებოდა დაშვებული; გ) სკოლისათვის დაეჭირავებინათ ტექნიკური მომსახურე პერსონალი; დ) სასწავლებელი მოეძარაგებინათ საკმარისი შენობით; ე) ეტარებინათ სკოლაში სასკოლო ასაკის ყველა ბავშვი და ა. შ., რაზედაც სასოფლო ყრილობა დათანხმდა²⁵⁸.

1898 წლის 13 ნოემბერს საეკლესიო-სამრევლო სკოლის შესვეურებმა ასეთივე პასუხისმგებლობა დააკისრეს სოფ. კოშკის მოსახლეობას, სადაც „...სკოლის შენობა მინგრეულ-მონგრეული იყო“...²⁵⁹ მათ, ხალხს წინადადება მისცეს: ა) შეეკეთებინათ სკოლა; ბ) მასწავლებელთათვის ხელფასის მოსამატებლად ყოველწლიურად ეხადათ 15 თუმანი; გ) მღვდლისათვის აეშენებინათ ცალკე საცხოვრებელი სახლი. ამ მოთხოვნების პასუხად მოსახლეობის კრებამ დაადგინა:

ა) ქრისტიანობის აღმდგენელი საზოგადოებისათვის ყოველწლიურად ეძლიათ 150 მანეთი;

ბ) სკოლის შენობისათვის ჩაეტარებინათ საფუძვლიანი შეკეთება;

გ) მღვდლისათვის (მთავრობის დახმარებით) აეგოთ ცალკე საცხოვრებელი სახლი;

დ) მღვდლის საცხოვრებელი სახლი გადაეკეთებინათ ბავშვთა („პრიუტად“) თავშესაფარად;

ე) თავშესაფარი შეეკეთათ საჭირო ავეჯითა და მოწყობილობით.

ამრიგად, სკოლის შენობის აგების, მისი კეთილმოწყობის, ბავშვთა თავშესაფარების აგების, მასწავლებელთა და ტექნიკურ მუშაკთა შენახვის მთელი სიმძიმე ადგილობრივ ღარიბ მოსახლეობას აწვეებოდა.

²⁵⁸ ვახ. „ცნობის ფურცელი“, 1899 წ., № 779, გვ. 2.

²⁵⁹ იქვე

ამიტომ, სრულიად ბუნებრივია, რომ მოსახლეობა მთავრობის წარმომადგენელთა წინადადებას სკოლის დაარსების შესახებ, ერთგვარი ექვის თვალთ უყურებდა. ამის შედეგი იყო ისიც, რომ ზოგიერთ სოფლებში (მათ შორის კოშკაში) ხალხი „...ძლიერ გულგრილად ექცეოდა თავიანთ სასწავლებელს. სკოლის აშენების შემდეგ ქვა აღარავის მიუგდია გვერდზე“²⁶⁰. ხალხის გულგრილი დამოკიდებულება სკოლის საკითხისადმი გამოწვეული იყო მათი მხრივ არა სწავლა-განათლების მნიშვნელობის შეუგნებლობით, არამედ საეკლესიო-სამრევლო სკოლების ნაკლებ სარგებლიანობით და იმ ხარჯების სიმძიმით, რომელიც მშრომელ გლეხობას მძიმე ტვირთად აწევებდა.

სახალხო განათლების მხრივ ცხინვალი არასახარბიელო სურათს იძლეოდა. XIX საუკუნის მეორე ნახევარში ცხინვალი პატარა, ულამაზო, მეჩხრად დასახლებული სასოფლო ტიპის დაბას წარმოადგენდა, რომლის შესახებ თავის თავგადასავლითი ხასიათის წერილებში („გორიდან ოსეთში“) ილია ალხაზიშვილი წერდა: „ცხინვალი არც კიტრია და არც ნესვი, ე. ი. არც სოფელია და არც ქალაქი. მაგრამ არა, ამჟამად უფრო ოსეთის სატახტო ქალაქად ჩაითვლება“²⁶¹.

ცხინვალი არა ერთხელ ყოფილა ბრძოლის ასპარეზად. აქ, ძველად თავს იყრიდნენ და საქართველოს ბედ-იღბალზე ბჭობდნენ გამოჩენილი მხედართმთავრები, სარდლები და ქვეყნის მოჭირნახულე სხვა ადამიანები. ამიტომ, შემთხვევითი როდია, რომ „დიდ მოურავიანის“ მეოთხე მუხლში ცხინვალი ამგვარადაა მოხსენებული:

„ქრცხინვალს იღვა მეფე შვებით, მას გვერდს ახლდა მოურავი,

იშვებდენ და იხარებდენ, ქარა უქრით მათ არავი.

მტერი ყოველგნით შეაშინა, ომის იყენეს არ მზარავი.

ავი ენა მათაც გაპყრის, ქვეყნისათვის ეს არს ავი“²⁶².

ზოგიერთ მოგზაურთა გადმოცემით, XIX საუკ. II ნახევრის დასაწყისში ცხინვალი 600-მდე კოშკს ითვლიდა. ამათგან: დაახლოებით 1/5-ს შეადგენდა ებრაელები, დანარჩენს კი — სომხები და ქართველები. თვით დაბა-ქალაქი ღარიბული, სოფლური ტიპის ყოფილა. „შენობები ხისა და ქვიტყირისაა — ყავრით დახურული:

²⁶⁰ გაზ. „ცნობის ფურცელი“, 1899 წ., № 779, გვ. 2.

²⁶¹ გაზ. „დროება“, 1876 წ., № 126.

²⁶² იქვე.

ბევრი კარგი ორეტაჟიანი სახლია ლიახვზე გადაკიდებულ ბალკონებით. ქუჩები ძლიერ ვიწრო, მრუდე და უსუფთაოა... ხეირიანი ეზო არავის არა აქვს. ასე გასინჯეთ, სომხების მშვენიერი არხიტექტურის ეკლესია ისეთნაირად ჩამალულია სახლებში, რომ მიდგმა არა აქვს²⁶³.

იჩვენება, რომ ამ პერიოდში ცხინვალში ფეხმოკიდებული ყოფილა მიწა-მამულებით ვაჭრობა, მიწების ყიდვა-გაყიდვა. ამავე დროს, დაბის კულტურულად მოწყობაზე თავს არავინ იწუხებდა.

XIX საუკ. 60—70-იან წლებში ცხინვალში უმთავრესად ქართველები, სომხები და ებრაელები ცხოვრობდნენ, მაგრამ თვით სომხები ქართულ და ოსურ სალაპარაკო ენას იყენებდნენ. ცხინვალელ სომხებში „...ძნელად იპოვით სამშობლო ენის მცოდნეს, საზოგადოდ აქ ქართული ენა იხმარება, ბევრი ოსურსაც კარგად ლაპარაკობს“²⁶⁴.

XIX საუკუნის შუა წლებში ცხინვალში თავს იყრიდნენ ბევრი უსაქმო, ზარმაცი და დროსტარების მოტრფიალე ადამიანები. უსაქმურობა განსაკუთრებით არისტოკრატიულ წრეში იყო ფესვგადგმული. „აქაური არისტოკრატია გაცხარებული ლოტოსა და კარტის თამაშობაშია გართული, მაგრამ ქალები თურმე მშვენივრად ლექსების მღერაში ატარებენ დროს“²⁶⁵.

1865—70 წლებში ცხინვალი ოსეთისა და ქართლის ერთ-ერთ მნიშვნელოვან სავაჭრო ცენტრს წარმოადგენდა, სადაც სომხები და ებრაელები უფრო შეძლებულად ცხოვრობდნენ, ვიდრე ქართველები. ამიტომ, პირველნი მათი შვილებისათვის სწავლის მიცემას კერძო გზითაც ადვილად ახერხებდნენ. ამის შესახებ გაზ. „დროება“ 1867 წლის 20 ოქტომბერს წერდა: „...ცხინვალსა აქვს დიდი მაზრა, კავკასიის მთის აქეთი დიდის ლიახვისა და პატარა ლიახვის ოსები სულ იქ მიდიან სავაჭროთა... განათლება მცხოვრებლებისაცა უფრო იმყოფება სომხებსა და ურიებში... სომხებსა ჰყავსთ ფასით დაჰკერილი თავიანთის შვილების მასწავლებელი, რომელიც ასწავლის ქართულს და სომხურს კითხვას, წერასა და ანგარიშსა... აგრეთვე ურიების ხანძები სულყველა ურიების შვილებს ასწავლიან თავიანთ სჯულს, კითხვასა და წერას, ქართულს

²⁶³ გაზ. „დროება“, 1876 წ., № 126, გვ. 3.

²⁶⁴ იქვე.

²⁶⁵ იქვე.

მხედრულ კითხვას და წერას. ესრელ იზრდებიან შათი შვილებიც გამოსადეგად“...²⁶⁵.

ცხადია, ამგვარი „კერძო სწავლება“, როგორც სომხების, ისე ებრაელების ბავშვებს სასურველ განათლებას ვერ აძლევდა, მაგრამ ფაქტია, რომ მას ერთგვარი მნიშვნელობა ჰქონდა ცხინვალის მკვიდრთა კულტურული განვითარების საქმეში²⁶⁷.

ქართული პრესა არა ერთხელ გამოთქვამდა სინანულს იმის გამო, რომ ცხინვალში „... საზოგადო შკოლა არ არის გახსნილი, თუმცა იყო პატარა ხანს, მაგრამ ისიც მოიშალა შათის დაუდევრობითა“²⁶⁸. ამრიგად, XIX საუკუნის მეორე ნახევრის ცხინვალის ფონზე პირველ პლანზე იდგა ვაჭრობა, სპეკულაცია, ქეიფი, დროსტარება, მექრთამეობა, ხოლო შემდეგ კი — სკოლისა და განათლების საკითხები.

ცხინვალელები ყველაზე მეტად რკინიგზის გაყვანაზე და სკოლების გახსნაზე ოცნებობდნენ. მგზავრობის გაუძქობესება, შრომა, განათლების მიღება, ცხოვრების წინსვლა და ცოდნის ამადლება ცხინვალელთა სანუკვარ იდეალს წარმოადგენდა.

ცხინვალელ მშრომელთა ამ იდეალების შესახებ გაზ. „დროება“ 1876 წლის № 126-ში წერდა: „საზოგადოება იმედიანულობს, თავის დროზე აქ უეზდიც გაიხსნას, და უფრო კი იმის მოსიზარულნი არიან, რომ მომავალი რკინიგზის სტანცია აქ იქნებაო... ეს გზა გორის სტანციიდან იწყობა, მტკვარზე ხიდი გაიდვის და შემდეგ ლიახვის მარჯვნივ მიდის. სოფელ ვარიანშიც სტანცია იქნებაო და ამ სოფელს ზევით რომელსამე ალაგას ლიახვზე დიდი ხიდი გაიდება და გზა ლიახვის მარცხნივ მოექცევა, ცხინვალის სტანცია გამოღმა მოუვა და აქედან გზა სულ მარცხნივ მიდის და შესდევს ჭავაზე, ხეწიზე, კოშკაზე და სხვ... კოშკას ზევით ეს გზა დასავლეთისაკენ ხეობაში შეუხვევს და ამ ხეობის შემდეგ ტონელს გაიყვანენ და ზედ იმ ალაგას გაახედებენ, სადაც ვერცხლის და ტყვიის ზავოღია სოფ. საღონაში ვლადიკავკავის ოკრუგში და აქედან ვლადიკავკავის სტანციას შეუერთდება. ამგვარად ჩვენი თბილისი რუსეთს ხმელეთითაც შეუერთდება“²⁶⁹.

²⁶⁵ გაზ. „დროება“, 1876 წ., № 42, 20 ოქტომბერი. იხ. იოსებ ვეფხიაშვილის კორესპონდენცია „ცხინვალიდან“.

²⁶⁷ იქვე. გვ. 2.

²⁶⁸ იქვე.

²⁶⁹ გაზ. „დროება“, 1876 წ., № 126, გვ. 4.

ქართული პრესა იმ აზრს იცავდა, რომ ამგვარ ღონისძიებათა განხორციელების გზით დიდი ღიახვის ხეობის ოსები ადვილად შეიძენდნენ სამუშაოს, აღარ ჩაუვარდებოდნენ ხელში ვაჭრებს და ამ გარემოებით ისინი (ოსები) ქართველებთან ერთად დაეწაფებოდნენ განათლების წყაროს²⁷⁰.

ცხინვალის მოსახლეობა დაინტერესებული იყო სკოლების გახსნით, თავიანთი შვილების აღზრდით, მაგრამ ხალხის განათლებისათვის თავს არავინ იწუხებდა. 1878 წლის 9 მარტს გაზ. „ივერია“ მწუხარებით აღნიშნავდა იმის შესახებ, რომ ცხინვალში არ არსებობდა სკოლა, ცხინვალელები არ ზრუნავდნენ, ხოლო მთავრობის ხალხი არ იცლიდნენ სკოლისათვის²⁷¹.

XIX საუკუნის 80-იან წლებში ცხინვალელი მოსახლეობა ყოველ ღონეს მიმართავდა სკოლის გახსნისა და ხალხის კულტურული წინსვლისათვის. მთავრობის უზრუნველობის გამო ხალხი თავისი სახსრებით ცდილობდა სკოლის აგებას. 1880 წელს 24 თებერვალს გაზეთი „დროება“ მხურვალედ გამოეხმაურა ადგილობრივ ქველმოქმედ ქალს, რომელმაც „ცხინვალის სკოლის სასარგებლოდ“ ხალხში ფულები შეაგროვა. იგი, ამ პატრიოტული საქმის ინიციატორს ურჩევდა, გაუგებრობის თავიდან ასაცილებლად ანგარიში ჩაებარებინა საზოგადოებისათვის, თორემ ომიასობის დროს „წითელი ჯვრის სასარგებლოდ მოგროვებული ფული დანიშნულებას არ მოხმარებია“²⁷².

ქართული პრესა აღფრთოვანებით ეხმაურებოდა ცხინვალში სკოლის გახსნის მოახლოებას. გაზ. „დროება“ 1880 წლის 1 აგვისტოს აქვეყნებდა ცნობას იმის შესახებ, რომ „...ცხინვალში სექტემბრიდან დაარსდება ორკლასიანი ნორმალური სასწავლებელი, რომლისთვისაც საკუთარ (რვა ოთახიანი) შენობას ამზადებენ, რომელიც იჯარით უნდა გაკეთდეს შვიდას თუმნათ“²⁷³.

მართლაც, 1881 წლის 22 იანვარს „დროებამ“ (№ 15) მკითხველებს აუწყა იმავე წლის 8 იანვარს სოფ. ცხინვალში ორკლასიანი ნორმალური სასწავლებლის გახსნისა და სკოლის ზედამხედველად ს. ჯაფარიძის დანიშვნის შესახებ. გაზეთი იმასაც იტყობინებოდა, რომ „გახსნისთანავე სასწავლებელში შესვლის სურვილი ას ყმაწვილს გამოუცხადებია“²⁷⁴. ცხინვალის ორკლა-

²⁷⁰ გაზ. „დროება“, 1876 წ., № 126, გვ. 4.

²⁷¹ გაზ. „ივერია“, 1878 წ., № 10, გვ. 2.

²⁷² გაზ. „დროება“, 1880 წ., № 43, გვ. 2.

²⁷³ გაზ. „დროება“, 1880 წ., № 16, გვ. 3.

²⁷⁴ გაზ. „დროება“, 1881 წ., № 15, გვ. 2.

ს.ი.ნ რეალურ სასწავლებელზე ადგილობრივი მოსახლეობა დიდ იმედებს ამყარებდა, მაგრამ მთხოვნელთა რაოდენობა იმდენად დიდი იყო, რომ სკოლის ხელმძღვანელობისათვის შეუძლებელი აღმოჩნდა ცოდნის მიღების ყველა მსურველთა დაკმაყოფილება. „ამ სკოლის დაარსება ნათლად გვიმტკიცებს, თუ რა დიდი სურვილი აქვს ჩვენს საზოგადოებას, რომ თავის შვილებს განათლება მისცეს. როგორც კი შეიტყო საზოგადოებამ, რომ შეგირდების ძილება ამა და ამ დღეს იქნებოდა, მაშინ შეიკრიბა სკოლის წინ და ბ. ჭაფარიძეს — ამ სკოლის ზედამხედველს მოსვენება არ ჰქონდა თხოვნების მიღებით, ყველას უნდოდა იმის შვილიც მიეღოთ. მსურველი ბევრი აღმოჩნდნენ, მაგრამ ადგილები კი შეგირდებისათვის იყო საკმაო“²⁷⁵.

როგორც ირკვევა, 1881 წლის 1 აპრილისათვის ცხინვალის ორკლასიან ნორმალურ სასწავლებელში 82 მოსწავლე სწავლობდა, მათ შორის — 76 ვაჟი და 6 ქალი. სწავლის მსურველი ორ-სამქერ მგები იყო, მაგრამ შენობის სივიწროვე არ იძლეოდა სკოლაში სწავლის ყველა მსურველთა მიღების შესაძლებლობას.

ცხინვალის ორკლასიან ნორმალურ სკოლაში სწავლა პირველ ხანებში კარგად იყო დაყენებული. „დროება“ ამ წარმატებას სკოლის ზედამხედველის — ჭაფარიძის საუკეთესო ცოდნას, ძდიდარ გამოცდილებას და პედაგოგიურ დახელოვნებას მიაწერდა. „დროების“ გამოთქმით: „სამი თევა, რაც სკოლა გაიხსნა და ამის შეგირდები ეხლავე აკვირებენ მნახველს ცოდნით, სწავლით... ბ. ჭაფარიძეს ეტყობა, რომ ის „ახალი პედალოდი“ არის, არც ერთ საქმეს არ დაიჭერს საზოგადოების დაუკითხავად და ცდილობს სკოლა შეაყვაროს ხალხს“²⁷⁶.

სკოლასთან ხალხის დაახლოებას, ზრუნვას სასკოლო საქმიანობაში ცხინვალელი მოსახლეობის აქტიურად ჩაბმისათვის უდიდესი მნიშვნელობა ჰქონდა სკოლის წარმატებისა და ხალხის კეთილდღეობის გაუმჯობესებისათვის.

ამრიგად, ცხინვალის ორკლასიანი ნორმალური სასწავლებლის ხელმძღვანელობას ისე ჰქონდა წარმოდგენილი, რომ:

1) სწავლა საზოგადო საქმეა და თითონ საზოგადოებამ უნდა იზრუნოს მისთვის;

2) ყოველთვის საჭიროა თვითმოქმედება და არა სხვების პოლიციური მზრუნველობა;

²⁷⁵ გაზ. „დროება“, 1881 წ., № 15, გვ. 2.

²⁷⁶ გაზ. „დროება“, 1881 წ., № 73, გვ. 2.

3) სწავლაში უნდა არსებობდეს თავისუფლება, რომელიც უარყოფს ყაზარმულ დისციპლინას;

4) ბავშვები უნდა იზრდებოდნენ ისე, როგორც ამას „ბუნების კანონი და ახალი პედალოღია ითხოვენ“ და ა. შ.²⁷⁷.

XIX საუკუნის 80-იან წლებში ცხინვალში კერძო სკოლებიც არსებობდა. სკოლები გაუხსნია რომელიღაც დიაკვანსა და შონა-ზონს, მაგრამ „სწავლება“ ამ „სკოლებში“ მოძველებული და დახვესებულ „სისტემით“ წარმოებდა „ეს პატივცემულნი მოღვაწენი განათლებისა, ძველებურად „ანუ-ბანუს“ ასწავლიდხენ შეგირდებს“²⁷⁸. ამავე პერიოდში, სომხებისათვის ცხინვალში გახსნილი ყოფილა აგრეთვე საანგარიშო სკოლა (ეკლესიის ხარჯზე), რომლის მასწავლებელი ხშირად ორკლასიანი ნორმალური სკოლის მუშაობას ესწრებოდა და ცდილობდა მისი გამოცდილება სომხების სკოლაში გამოეყენებინა, მაგრამ ყოველივე ეს შაინც შომა-ვალზე იყო დამოკიდებული.

ცხინვალელ სომხებს განზრახული ჰქონდა საქალებო სკოლის გახსნა. ამისათვის დაიქირავეს სახლი. „...ეს კეთილი საქმე ეკატერინე იარალოვამ დაიწყო, რომელიც გულმსურვალედ ელტვის თავის მიზანს“. ეს მიზანი „დროების“ აზრით ყოველმხრივ. მისაბამ იდეალს წარმოადგენდა²⁷⁹.

გორის მაზრის ხელმძღვანელობა სკოლების გახსნის საქმეში პრაქტიკული დახმარების გაწევის მაგიერ ცხინვალელებში სახალხო განათლების მნიშვნელობის „ახსნა-განმარტებით“ და სკოლის საქიროების „ქადაგებით“ კმაყოფილდებოდა.

„დროების“ თანამშრომელის (ნ. ხიზანიშვილის) მტკიცებით, გორის მაზრის უფროსი „...გულწრფელი მოსარჩლეა სახალხო განათლებისა და, სადაც კი შეიძლება, ხალხს ამ განათლების საქიროებას უქადაგებს... სხვათა შორის ცხინვალის სასწავლებლებზე-დაც მას ფხიზლად თვალყური უჭირავს“...²⁸⁰ მიუხედავად ამისა, ფაქტიურად ცხინვალში სკოლების გაუმჯობესების დარგში ბევრი არაფერი გაკეთებულა. ერთადერთი სკოლა, რომელიც ხალხში ნამდვილი განათლებისა და ქვეშაირიტი ცოდნის დანერგვისათვის იბრძოდა, ეს იყო ცხინვალის ნორმალური სასწავლებელი, რომლის

²⁷⁷ გახ. „დროება“, 1881 წ., № 73, გვ. 2.

²⁷⁸ იქვე.

²⁷⁹ იქვე.

²⁸⁰ გახ. „დროება“, 1884 წ., № 82. Plebs-ის ხელმოწერით. იხ. ნ. ხიზანიშვილის სტატია: „ხალხი ცხინვალის მახაიდაში“.

ზედამხედველი, გამოცდილი, ფრიად ძუყაითი და თავისი საქმის მკოდნე პედაგოგი—ჯაფარიძე ყველა საშუალებას მიმართავდა მოსწავლეთა აღზრდის ნორმალური პირობების შესაქმნელად. საინტერესოა, რომ ებრაელები უარს აცხადებდნენ ქართველებთან და სომხებთან ერთად სკოლის შესანახად გაეღოთ საჭირო სახსრები. იმ მოტივით, რომ მათ საკუთარ სკოლებში საკუთარი ხახმები ჰყავდათ.

„მერე ნეტავი იცოდეთ, რანაირია ამათი სკოლები. ნამდვილი პედაგოგიური ჯამბაზობა თუ გინდათ, სწორედ აქ არის! ან რა ტვინი უძლებს აქაური ებრაელის ბავშვებს? ცხინვალელი ხახაში, ბავშვების ხროვა და „დაბადების“ ბუღბუტი თავის ქნევით და ტანის რხევით — აი, უტყუარი სურათი ებრაული სკოლისა. სკოლის ამაზე მეტი-ლა დაცივნა განა იქნება?... აქაურს ებრაელებს ეშინიათ — საზოგადო სკოლამ მათი სარწმუნოება არ შეარყიოს... კარგი სკოლა არას არყევს და ყველას კი ამტკიცებსო“, — წერდა „დროების“ თანამშრომელი ნ. ხიზანიშვილი²⁸¹.

აღსანიშნავია, რომ ცხინვალელი სომხები 1880—90 წწ. მნიშვნელოვან ყურადღებას აქცევდნენ ქალების აღზრდას. გარდა ებრაელებისა, როგორც აღვნიშნეთ, ცხინვალში, ეკლესიის ხარჯზე სომხებს საკუთარი საქალეზო სკოლა ჰქონდათ, სადაც მართო სომხის გოგონები სწავლობდნენ. სკოლის მზრუნველად და მასწავლებლებად ქალები მუშაობდნენ, ამ სკოლიდან, უკანასკნელ ხანებში განიდევნა ქართული ენა, რის სწავლებასაც წინათ სერიოზული ყურადღება ექცეოდა.

გაზ. „დროებამ“ საცესებით სწორად აღნიშნა, რომ „ხანგრძლივმა ისტორიულმა ცხოვრებამ საქართველოს სომხები შეაკავშირა ჩვენთან და ეხლა კი ზოგიერთი უკუღმართნი პირნი ძმობისა და ერთობის მოსპობას ცდილობენ, ისტორიულ სიმართლეს უარყოფენ“²⁸².

ცხინვალის სომხურ საქალეზო სკოლას დიდ დახმარებას უწევდნენ ადგილობრივი სომეხი ქალები. 1883 წელს, ქველმოქმედმა ქალმა ეკ. იარალოვისამ სამას თუმნამდე შეაგროვა და სკოლას უდიდესი დახმარება გაუწია. გაზ. „დროების“ ცნობებით „...რაიმე სწავლა-განათლება მას არსად მიუღია და სკოლას კი მსხვერპლად ედება“²⁸³. „დროება“ ცხინვალელ ქალებს ამგვარი კეთილშობილური საქციელის მიზაძვისაკენ მოუწოდებდა.

²⁸¹ გაზ. „დროე ა“, 1884 წ., № 82, გვ. 2—3.

²⁸² იქვე, გვ. „

²⁸³ იქვე, გვ. 2—3.

მთავრობის მოხელეების მხრივ სკოლის კეთილმოწყობის საქმეს ცხინვალში ნაკლები ყურადღება ექცეოდა. ცხინვალელი მოქალაქეები უკულტურობისა და გონებრივი სიბნელის ბურუსში ცხოვრობდნენ. განათლების მესვეურები ივიწყებდნენ იმას, რომ „სკოლის საქმეს... უფრო მეტის ენერგიით, მეტის სურვილით და თავგამოდებით უნდა ხელის მოკიდება, ვიდრე სხვა საქმეს“²⁸⁴.

გაზ. „დროება“ ხაზგასმით მიუთითებდა იმ ფაქტზე, რომ „ორმოცამდე სხვადასხვა სასოფლო გადაწყვეტილება შესდგა სკოლების გახსნაზე ამ ორი წლის წინათ და ჭერ-ჭერობით არც ერთი იმათგანი არ შესრულებულა. არც არავინმა იცის შესრულება თუ არა...“²⁸⁵

ცხინვალელი ებრაელები, რომელნიც 1880—85 წლებში ადგილობრივი მკვიდრი მოსახლეობის თვალსაჩინო ნაწილს წარმოადგენდა. გულგრილად ეკიდებოდნენ სკოლებს, არ იღებდნენ მისი შენახვისათვის საჭირო სახსრებს და არც თავიანთი შვილების აღზრდისათვის ზრუნავდნენ.

„სკოლის საქმეში უზრუნველობის მიზეზი ის არის, რომ იქაური ურჩები, რომელნიც შეადგენდნენ ცხინვალში უმრავლესობას, ზურგს უქცევენ სკოლას და ამის გამო სასოფლო გადაწყვეტილება არა სდგება—რა სკოლის გაუმჯობესებისათვის. ურჩები თავის შვილებს სკოლაში არ აბარებენ და არც ხარჯი უნდათ იკისრონ. ამ საცოდაობაშია სკოლა ურჩების გადაშკიდე, მაგრამ არც კი თვით ურჩები არიან უკეთეს მდგომარეობაში“²⁸⁶.

1884 — 1885 წწ. ცხინვალში გამოჩნდნენ ინტელიგენციის ისეთი წარმომადგენლები, როგორცაა: მომრიგებელ-მოსამართლეები, ექიმები, მასწავლებლები, გამომძიებლები და სხვა, მაგრამ ადგილობრივი ხალხის განათლებისათვის თავს არავინ იწუხებდა. მათი უმრავლესობა დროს უქმად ყოფნაში, გართობაში, სეირნობასა და ლაყბობაში ატარებდა. გაზ. „დროების“ გამოთქმით: „ცხინვალს, რომ ზურგი შეეუქციოთ, არ ავცდებით ლიახვზედ ხიდს: ეს არის ერთად ერთი სასეირნო და სალაყბო ადგილი... ამ სალაყბოში უცხო კაცი ადვილად მიხვდება ცხინვალელების დღის ვარამს“²⁸⁷.

²⁸⁴ გაზ. „დროება“, 1885 წ., № 167, გვ. 2.

²⁸⁵ იქვე.

²⁸⁶ იქვე.

²⁸⁷ გაზ. „დროება“, 1885 წ., № 167, გვ. 2.

ამ უსაქმურთა ცხოვრებაზე დაკვირვება ახალგაზრდობის აღზრდაზე უარყოფით ზეგავლენას ახდენდა. გაზ. „დროების“ ცინიკური გამოთქმით, „ახლად განათლებულ ცხინვალელებს აშნაირი დროის გატარება კი შეჭფერით, მაგრამ რა ხელი აქვთ იქ ჭერად გაუნათლებელ მცირე-წლოვან ბავშვებს, რომელნიც, თუ მონაწილენი არა, მაკცერალნი არიან ხოლმე, თითქმის გათეხებამდის, ამ ვახანალებზედ“²⁹⁵.

ეს ფაქტი ერთხელ კიდევ ადასტურებს იმას, რომ ბავშვების აღზრდის, მათი გარემოს მოწესრიგების საქმე თვითდინებაზე იყო მინდობილი და მისთვის თავს არავინ იტკივებდა.

ცხინვალის ქუჩებსა და ბაღებში უქმად მოხეტიალე ბავშვების რიგების ზრდა ეკ. იარალოვის კერძო სკოლის დახურვითაც იყო გამოწვეული. პრესის გამოთქმით: „დიდი ხანი არ არის, რაც ესენი (ბავშვები.—ტ. ს.) ამშვენებდნენ ადგილობრივ სკოლას, სადაც წერა-კითხვის გარდა, ისეთ მშვენიერ ხელსაქმეს ასწავლიდნენ, რომ ბევრ მოწაფეთაგანს ეხლავ შეეძლო თავის მარჯვენით ხელი გაემართა ოჯახისათვის. არა ერთი იმათგანი მოიგონებს სიყვარულით და მადლობით თავის „პაპეჩიტელნიცას“, სკოლის სამაგალითო მოღვაწეს და მზრუნველს ქ. ეკატერინე იარალოვისას ამ ხელსაქმის სწავლების გამო. ძლიერ დააკლდა ეს სკოლა ცხინვალელებს...“²⁹⁶

ცხინვალში განათლების მესვეურთა მხრივ სკოლების არაერთგზის შემოწმების მიუხედავად მოსახლეობის კულტურული წინსვლის საქმეში მნიშვნელოვანი ცვლილებები არ მოძხდარა. 1885 წლის აგვისტოში ცხინვალში რამდენჯერმე იყვნენ გუბერნიისა და მაზრის თავკაცები, რომლებმაც დიდი ყურადღება მიაქციეს „...აქ გამართულ ნორმალურს სკოლას, რომელიც არასანატრელ მდგომარეობაშია ნივთიერის მხრივ. დაძველებული შენობა სკოლისა, კარგა ძვირად ნაყიდი, იმყოფება მყრალ, უწმინდურ... უბანში და დღე-დღეზედ ჩამოქცევას აპირებს“²⁹⁷. გუბერნიისა და მაზრის უფროსები ურჩევდნენ ცხინვალელებს სკოლის გადატანას უფრო ჯანმრთელ, ცენტრალურ, მზიან და სუფთა ადგილას (სინათლიან შენობაში), რისთვისაც ხალხს აღუთქვეს მთავრობის სახსრებით დახმარება, მაგრამ ყოველივე ეს ცარიელ დაპირებად დარჩა. მრავალგზის დაპირების მიუხედავად სკოლის საქმე მაინც ძველებუ-

²⁹⁵ გაზ. „დროება“, 1885 წ., № 165, გვ. 3.

²⁹⁶ გაზ. „დროება“, 1885 წ., № 176, გვ. 1.

²⁹⁷ იქვე.

რად მიდიოდა. ხალხის განათლებისათვის რეალურად არაფერი კეთდებოდა²⁰¹.

„ცხინვალს ერთადერთი სასწავლებელი აქვს, რომელსაც წლისა და წლის თავზე მოწაფეები ემატება. ასე რომ, ტევა არ არის და სკოლის კედლები კი განზედ არ იწევენ, რომ საწყალი მოწაფეები ხალვათად დასხდნენ. მოვიცადოთ, ცხინვალელებო, ენკენის-თვემდის, იქნება ღმერთმა გვიპრიანოს და კედლებმა თვითონ განზედ დაიწყოს წევაო“,—ირონიულად წერდა გაზეთი „ივერია“²⁰², რომელიც ხალხს სასკოლო საქმეებისადმი ყურადღების გამახვილებას გადაუდებელ ამოცანად უსახავდა.

უკულტურობის ზრდას ცხინვალში ხელს უწყობდა სკოლების ქსელის სივიწროვე და განათლების არსებული კერების მოუწყობლობა. ცხინვალის ორკლასიანი ნორმალური სკოლის კეთილმოწყობაზე პრესაში ბევრი რამ დაიწერა, მაგრამ მდგომარეობა კვლავინდებურად გრძელდებოდა. გაზ. „ივერია“ 1891 წლის 8 იანვრის ნომერში აღნიშნული სკოლის შესახებ წერდა: „ჩვენს სკოლაში დღეს 96 ყმაწვილი სწავლობს. სკოლის შენობა კი ისეთია, რომ ამოდენა რიცხვი ყმაწვილებისა შიგ ვერა თავსდება და ძალიან ვიწროობაში არიან. თანდათან კი მატულობს ეს რიცხვი. სკოლის შენობა რომ გაფართოვდეს, იმედია, მსურველი სწავლისა უფრო მეტი იქნება“²⁰³.

სწავლის მსურველ მოსწავლეთა კონტინგენტის სისტემატური ზრდის მიუხედავად სასკოლო შენობის გაფართოებასა და მის კეთილმოწყობაზე არავინ ზრუნავდა. აღსანიშნავია ისიც, რომ აღნიშნულ სკოლაში ბოლო წლებში ქართული ენის სწავლებას ნაკლები ყურადღება ექცეოდა.

მართალია, ცხინვალელი მოსახლეობის განათლების დონე ჯერ კიდევ დაბალი იყო, მაგრამ XIX საუკუნის ბოლო წლებში საქალაქო ცხოვრების განვითარება მოსახლეობის გონებრივ და სულიერ ყოფაზე მაინც თავისებურ გავლენას ახდენდა. ცხინვალელთა მხატვრულ-ესთეტიკური გემოვნება და გონებრივი ჰორიზონტი თითქოს შეუმჩნევლად, მაგრამ თანდათანობით იზრდებოდა. ამგვარი მდგომარეობის შესახებ გაზ. „ივერია“ 1892 წლის № 143-ში წერდა: „ჩვენი ცხინვალი დაბა კი არ არის, ქალაქია. რაც გორისათვის ქალაქია, ის ცხინვალისათვის გორიაო“.

²⁰¹ გაზ. „დროება“. 1885 წ., № 176, გვ. 1.

²⁰² გაზ. „ივერია“, 1888 წ., № 153, გვ. 2.

²⁰³ გაზ. „ივერია“, 1891 წ., № 5, გვ. 2.

ცხინვალელთა კულტურული დონის ზრდაზე შეტყველებს ის ფაქტი, რომ XIX საუკუნის ბოლოს ადგილობრივ ჩამოუყალიბებიათ სცენის მოყვარეთა დასი, დაუდგამთ „შვის დაბნელება“, გადაუწყვეტიათ: ა) წიგნსაცავ-სამკითხველოსა და საქალებო სასწავლებლის გახსნა; ბ) ლიახვის პირად გასართობი ბალის გაშენება; გ) საკუთარი გაზეთის დაარსება და ა. შ. ამის შესახებ გაზ. „ივერია“ წერდა: „გონების სავარჯიშებლად ვაარსებთ წიგნთსაკითხავს და ქალების სასწავლებელს²⁹⁴; გასართობად ვაკეთებთ ლიახვის ნაპირას ბაღს და შემდეგში შეიძლება ჩვენი გაზეთიც ვიქრნიოთ“²⁹⁵.

ამგვარი ნაბიჯების მიუხედავად, ხალხი განათლების ძხრივ მაინც დაბალ დონეზე იდგა. მოსახლეობის კულტურული ჩამორჩენილობა საგრძნობად უშლიდა ხელს მშრომელთა კეთილდღეობის გაუმჯობესებას. კულტურისა და განათლების „ძთელი სიკეთით“ გაბატონებული კლასები სარგებლობდნენ. სკოლა, წიგნი, ბიბლიოთეკა, გაზეთი, ჟურნალი ცხინვალელთა სანუკვარ იდეალს წარმოადგენდა. „არც ცხინვალის ბიბლიოთეკა ყოფილა უკეთეს მდგომარეობაში! უკეთესს ვინღა ჩივის, ნატამალიც რომ იყოს. ჰკა მგასო! უგრიალიათ ერთბაშათ და შეცვივნულან სამკითხველოში. დაუტაცნიათ წიგნები, ჟურნალები, გაზეთები — აქ გდებას ის არ ჯობია სახლი დაგვიშვენოსო? რაღაც თორმეტოდე ჩალის სკამი ჰქონია სამკითხველოს და ისიც ერთს უფრო მკლავ-ლონიერს მოუგდია ზურგზე და შინისაკენ უკრავს თავი (ეს უფრო ხელსაყრელია ი რაღაც ფარატინა ქალაღებზეო), დანარჩენები თითონ შენობაჲ უვლიან, ზოგი კარს აძრობს და ზოგი ფანჯარას. არ დარჩენილა თურმე ცხინვალში არავინ, თუ არ დავრდომილი, რომ ნადავლი არ ეშოვნოს—რა. თოელი ჩამოყარა თუ არა, საძირკველს შეუგდეს თურმე ბარები და ზოგიც ბანზე მოექცა ყვარფინის ასაგლეჯად... ბიბლიოთეკა როგორ დაიკეტება, როცა არც კარი შეუნარჩუნეს და არც ფანჯარა, და ასე ძირგამოთხრილი სამკითხველო განისვენებს ცხინვალში ცხინვალელთა სანუგეშოდ“²⁹⁶.

როგორ გადაქარბებულადაც არ უნდა გვეჩვეხოს ცხინვალის ბიბლიოთეკა-სამკითხველოს მდგომარეობის ამგვარი სურათი, ფაქტია, რომ XIX საუკუნის ბოლოს ცხინვალის მოსახლეობის კულ-

²⁹⁴ ერთელა იანი ქალთ სასწავლებელი ცხინვალში 1886 წ. დაარსდა, რომელიც 1891 წლიდან ცხინვალის ქალთა ორკლასიან სასწავლებლად გადაკეთდა.

²⁹⁵ გაზ. „ივერია“, 1892 წ., № 15, გვ. 3.

²⁹⁶ ჟურ. „ქალი“, 1899 წ., № 51, გვ. 86ს.

ტურული მრთხოვნილების დაკმაყოფილების საქმე თვითდინებაზე იყო მიხედობილი.

ვაქრობის განვითარება და კაპიტალიზმის ყველა სიმახინჯეები XX საუკ. დასაწყისში ცხინვალელთა ცხოვრების სარკეშიაც თავის გამოხატულებას პოულობდა. „თუმცა ცხინვალი დაბად ირიცხება, — წერდა ჟურნ. „კვალი“, — მაგრამ ნამდვილად კი არც დაბაა და არც სოფელი. ბნელი ტალახიანი ქუჩები, წარმოუდგენელი სიძვირე სანოვაგისა, მკლავაძეების ქეიფ-ზეიმი, კორი, თამაში ლოტოსა და ვერტუშკისა, აი ცხინვალის ყოველდღიური საყვარელად როს გატარება“²⁹⁷.

ცხინვალში ამ პერიოდში განცხრომაში იყვნენ თავადაზნაურები, ჩინოვნიკი მოხელეები და ვაქარ-სპეკულიანტები, რომლებიც ხალხის შრომით ცხოვრობდნენ, მაგრამ ცოდნა, განათლება, სკოლა, ჟურნალ-გაზეთები ხალხისათვის ზედმეტად მიაჩნდათ.

ჟურნ. „კვალის“ გადმოცემით ირკვევა, რომ ცხინვალში XX საუკუნის დასაწყისში მოსახლეობა: ა) ჟურნალ-გაზეთებს იშვიათად იღებდა; ბ) მოსწავლეებს აკრძალული ჰქონდა ქართულად სწავლა და ქართული ლაპარაკი; გ) სკოლებში გამეფებული იყო ფიზიკური დასჯის ზომები²⁹⁸.

„ქალების სკოლაში, — ჟურნ. „კვალის“ გამოთქმით — „კარგად“ არის დაყენებული სწავლის საქმე. დღე არ გავა ისე, რომ სკოლიდან დაბრუნებულ მოსწავლეს ბლუჯა-ბლუჯა თმა არ მოქონდეს სახლში. ყურების ხევა, გასაღების თავში ცემა, უსადილოდ ზედიზედ 3—4 დღე, ხანდახან მთელი კვირა დატოვება და სხვა“, — ასეთი იყო „დისციპლინის აღზრდის“ საშუალებანი ცხინვალის სკოლებში“²⁹⁹.

ხალხის უკმაყოფილების მიუხედავად, ამგვარი მდგომარეობის წინააღმდეგ განათლების მესვეურები ხმასაც არ იღებდნენ. „რანაყოფი უნდა მოიტანოს ასეთ პირობებში შკოლამ და რა გავლენა უნდა იქონიოს ნორჩ აგებულებაზე ასეთმა მასწავლებელმა, ამაზე არავინ არ ფიქრობსო“, — წერდა ჟურნალი „კვალი“, რომელსაც ამგვარი სიმახინჯეები სამსჯავროთ მზის სინათლეზე გამოჰქონდა.

²⁹⁷ ჟურნ. „კვალი“, 1903 წ., № 3, გვ. 44.

²⁹⁸ არსებული მასალების მიხედვით ირკვევა, რომ 1903 წლის დასაწყისში ცხინვალში არსებობდა ერთი საქალეო და მეორე ვაქების (ასწავლებელი). ამ უკანასკნელში ზომიერეი ასწავლიდა მაგრამ იგი თავისუფალ დროს არ ახმარდა იმისთანა „უნიშვნელო“ საგანს, როგორც ბევრვერსათვის „ჯეჯელის“ ან სხვა წიგნების კითხვა (ჟურნ. „კვალი“, 1903 წ., № 3, გვ. 44).

²⁹⁹ ჟურნ. „კვალი“, 1903 წ., № 3, გვ. 44.

ამრიგად, XIX საუკუნის ბოლოს და XX საუკუნის დასაწყისში ცხინვალში იყო ვაეთა და ქალთა ორკლასიანი სამინისტრო სასწავლებელი და რამდენიმე საოჯახო სკოლა, რომლებიც შოუწყობლობის, მთავრობის მოხელეთა გულგრილობისა და უსახსრობის გამო თავის დანიშნულებას მინიმალურადაც ვერ ასრულებდა. კიდევ უფრო ცუდი იყო მდგომარეობა დიდი ლიახვის ხეობაში ოსებით დასახლებულ სოფლებში, სადაც ახალგაზრდობის აღზრდას ნაკლები ყურადღება ექცეოდა.

საეკლესიო-სამრევლო სკოლების რიცხვი (სამხრეთ ოსეთში) 1865—66 წწ. 11-დან XIX საუკუნის 80-90 წლებში რამდენადმე შეიკვეცა, ხოლო მოსწავლეთა რაოდენობა 187-დან 134-მდე შემცირდა.

არა ზუსტი ცნობებით 1903—1905 წწ. გაიხსნა გუჯარეთის, აბანოს და ლუდის საეკლესიო-სამრევლო სკოლები, მაგრამ საშაგეროდ სასულიერო უწყებამ ედისის, როკის (1900 წ.) და ზოგიერთი სხვა სასწავლებლები დახურულად გამოაცხადა.

„ოსეთის სასულიერო კომისიის“ უწყებაში სამხრეთ ოსეთში ითვლებოდა:

1900—1901 წწ.—5 საეკლესიო-სამრევლო სკოლა—240 მოსწავლეთ (მათ შორის 20 ქალი);

1905—1906 წწ.—9 417 67

1909—1910 წწ.—11 633 93

1911—1912 წწ.—10 495 90

1916—1917 წწ.—7—10-მდე „ მოსწავლეთა შემცირებული რაოდენობით, რადგანაც ბავშვები გაურბოდნენ უაზრო ზეპირობას, ცხოველური წვრთნისა და რელიგიური დოგმატების უსარგებლო ზუთხვის სისტემას, რომელიც ამ სკოლებში იყო გაბატონებული³⁰⁰.

აღნიშნული სკოლების უსარგებლობაში დარწმუნებულ მშობლებს უკან გაჰყავდათ თავიანთი შვილები.

სწავლების არსებული უვარგისი სისტემა, ლოცვებისა და საეკლესიო საგალობელთა დაუსრულებელი ზეპირობა გონებას უზშობდა სწავლას მოწყურებულ ოს ახალგაზრდობას, ხოლო ქართული წიგნისა და კულტურის დევნა ოს მოსახლეობას საეკლესიო-

³⁰⁰ ვისარგებლეთ საქართველოს სსრ მეცნიერებათა აკადემიის სამხრ. ოსეთის სამეცნ. კვლევითი ინსტიტუტის მასალებით.

სამრევლო სკოლებზე გულს უცრუებდა. ამგვარი მდგომარეობის გამო „კავკასიაში მართლმადიდებელი ქრისტიანობის აღმდგენელი საზოგადოება“ იძულებული იყო თავისი 1888 წლის „ანგარიში“ ვანათის საეკლესიო-სამრ. სკოლის შესახებ ეთქვა:

„ოდესღაც სკოლის საჭიროების ინტერესით მეტად გამსქვა-
ლული ადგილობრივი მცხოვრებნი, ეხლა საეკლესიო გულცივი გაზ-
და მის მიმართ, ნაკლებად აქცევენ მას ყურადღებას და ნაკლებად
გრძნობენ ასეთი სკოლის საჭიროებას“...³⁰¹ იგივე „საზოგადოება“
ჯავის საეკლესიო-სამრევლო სკოლის შესახებ იძულებული იყო
აღენიშნა, რომ ჯაველებისათვის მეტად დამახასიათებელი თვისე-
ბა — სწავლისადმი ინტერესი — ამჟამად შეცვლილია სკოლისადმი
ინდიფერენტული დამოკიდებულებით, განათლებისადმი გულგრი-
ლი განწყობილებით.³⁰²

ნამდვილად, ჯავის მშრომელები საერთოდ როდი იყო გულ-
გრილი სწავლა-განათლებისადმი, არამედ ინდიფერენტულად უყუ-
რებდა მხოლოდ საეკლესიო-სამრევლო სკოლებს, რომლებიც შოს-
წავლეების ნორჩ გონებას ტვირთავდა ცხოვრებისათვის უსარგებ-
ლო „ცოდნის“ ნაგავით.

XIX საუკუნის 80-იან წლებში სამხრეთ ოსეთში კავკასიის
სასწავლო ოლქის სამზრუნველომ დაიწყო ე. წ. სამინისტრო სკო-
ლების გახსნა. როგორც ზემოთ აღენიშნეთ, 1881 წ. გაიხსნა ცხინ-
ვალის ორკლასიანი ნორმალური სკოლა. შემდეგში დაარსებულ იქნა
ახალგორის (ეხლანდელი ლენინგორის) დაწყებითი სასოფლო სკოლა
(1884 წ.), ცხინვალის ერთკლასიანი ქალთა სასწავლებელი (1886 წ.),
ახალგორის ქალთა ერთკლასიანი სკოლა (1888 წ.) და კუდაროვის
ერთკლასიანი დაწყებითი სკოლა (1889 წ.), რომლებშიც (1887—
88 წწ.) სულ 185 მოსწავლე (მათ შორის — 136 ვაჟი და 49 გოგონა)
სწავლობდა.³⁰³

1910 წლის ოფიციალური ცნობებით მაშინდელს გორის მაზ-
რაში სასკოლო ასაკის 20.000 ბავშვზე მოდიოდა 52 სხვადასხვა ტი-
პის სკოლა. მაზრაში შემავალ ისეთ ცნობილ კუთხეებში; როგო-
რიცაა ახალქალაქი, ბორჯომი, მეჯვრისხევი, ცხინვალი და სხვა,
ხალხს საჭიროდ მიაჩნდა ოთხკლასიანი საქალაქო სკოლების გახ-
სნა (სახელოსნო და სამეურნეო განყოფილებებით), მაგრამ ეს გან-

³⁰¹ საქართველოს სსრ ცსს საისტორიო არქივი, ფონდი № 141 საქმე
№ 49, ფურტ. 12—15.

³⁰² იქვე, ფონდი 141, საქმე № 796. ფურტ. 2—9.

³⁰³ Отчет попечителя Кавк. уч. округа за 1887 г., стр. 262, 266,
268.

ზრახვაც ხალხის სურვილების წინააღმდეგ დიდხანს არ ყოფილა განხორციელებული. ხალხი მოითხოვდა სოფელ ჭავაში ორკლასიანი სამინისტრო სკოლის ოთხკლასიანად გადაკეთებას³⁰⁴, მაგრამ მშრომელთა ეს მოთხოვნაც უყურადღებოდ რჩებოდა. სახალხო სკოლების დაარსების ნაცვლად ცარიზმის მოხელეების მხრივ განსაკუთრებული ყურადღება ჰქონდა მიქცეული საეკლესიო-სამრევლო სკოლების ქსელის გაშლას, რამდენადაც იგი ამ გზით ცდილობდა ხალხთა მასების გონების დაბნელების პოლიტიკის განხორციელებას.

1914 წელს სამხრეთ ოსეთში უკვე არსებობდა ჭავის, მსხლებისა და ვანათის ორკლასიანი და ყრიის, ყორნისის, ორტევის, კ.შეის, როკის, ზღუბირის შუა-ერმანის და კეშელთის ერთკლასიანი სკოლები.

ამავე პერიოდში გახსნილ იქნა ზაყორის (1891 წ.), ჩასაელის (1895 წ.), ცხინვალის ქალთა ორკლასიანი (1896 წ.), ძარის, ედისის (1896 წ.), ცხინვალის I, II და III (1909 წ.), გვერტევის, ხეწეს, წონისის (1910 წ.), გუპტინის, ჭავისთავის, ქურთის, ტბეთის (1911 წ.), გერის, კვერნეთის, ფრინევის (1912 წ.) და შუშითყანის სამინისტრო სკოლები.³⁰⁵

სამინისტრო სკოლებისა და მოსწავლეთა შემადგენლობის დინამიკა (სამხრეთ ოსეთში) 1881—1915 წწ. უდავოდ გაზვიადებული ცნობების მიხედვით შემდეგ სურათს იძლეოდა:

1881 წ.—1 სამინისტრო ორკლასიანი სკოლა 82 მოსწ. (ვაჟი 76, ქალი 6);

1887—88 წ.—3	160	31
1890—91 წ.—4	193	32
1900—1901 წ.—6	304	115
1904—1905 წ.—8	415	139
1914—1915 წ.—20	920	387

სამინისტრო სკოლების რიცხვი 1917 წელს (1915 წელთან შედარებით) ერთით გაიზარდა.³⁰⁷

³⁰⁴ იქნა „ანათლება“. 1910 წ., № 1. გვ. 35.

³⁰⁵ (Греч и др. 'ав. Кав. уа. Округа за 1900 г. 1901 г. стр. 44. за 1902 г. стр. 47. 51. 61, 68 და საქ. ცსს საისტ. არქივი. ფონდი 93, საქმე № 2111. ფუტ. 8—6, 7—9.

³⁰⁶ იხ. დოც. გადიევის დასახელებული ნაშრომი (ხელთნაწერი), გვ. 127—130.

³⁰⁷ 1916 წლის იელიში გაიხსნა ჭავის უმ. დაწყებითი სასწავლებელი (იხ. ფონდი 109, საქმე № 416. ფუტ. 89 91, 19.7 წ.).

ამრიგად, სასულიერო და საერო განათლების უწყებაში ცარიზმის დამხობამდე სამხრეთ ოსეთის სოფლებში (არაზუსტი მასალების მიხედვით) 32-მდე სამინისტრო და საეკლესიო-სამრევლო სკოლა ითვლებოდა, რომელშიაც სულ 1415-მდე ბავშვი სწავლობდა³⁰⁸.

სასკოლო შენობებისა და დგამ-ავეჯის სიმცირე და უვარგისობა, სასწავლო ხელსაწყოებისა და სახელმძღვანელოების უქონლობა, სწავლების შინაარსის რეალური ცხოვრებისაგან მოწყვეტა და სწავლა-აღზრდის მთელი პროცესის რელიგიისადმი დაპორჩილება, სკოლების ერთ-ერთი მეთვალყურის გამოთქმით რომ ვთქვათ, იწვევდა სკოლების წინსვლის სრულს შეჩერებას, ძილისა და გაყინვის მდგომარეობას, ახშობდა ბავშვის სულსა და ცხოვრებას, რომელიც ძლივს-ძლიობით ინარჩუნებდა თავის არსებობას.³⁰⁹ სპეციალური სასკოლო შენობები სამხრეთ ოსეთში 1860 წლამდე თითქმის არ არსებობდა. ჯავის, ორტევისა და როკის სოფლებში, ხის მცირე ფართობიანი შენობა ჰქონდათ, მაგრამ იმდენად დაძველებული, რომ 1864 წელს საეკლესიო-სამრევლო სკოლების ინსპექტორი მიუთითებდა მათი დანგრევის საშიშროებასა და მარცხის მოსალოდნელობაზე.³¹⁰

პრესის მასალებიდან ცნობილია, რომ ვორონცოვის დროს ჯავის ხეობაში დაბანაკებული ჯარის სადგომები შემდეგში სკოლებს გადაეცა. მაშინდელი ჯარის ნადგომ ყაზარძებს, როგორც „დროება“ წერდა, XIX საუკ. ბოლოსაც შეხვდებოდით ჯავაში, როკასა და სსვა ადგილებში, რომლებშიც სკოლები იყო გამართული.³¹¹

ქართული პრესის ცნობით, ზოგიერთ სოფლებში სკოლისათვის ადგილობრივ მცხოვრებთა ხარჯზე ხის 1—2 ოთახიანი შენობები იგებოდა, ხოლო უმეტესად იგი ჯარის მიერ დაწუნებულ ყაზარძებში იყო მოთავსებული.³¹²

„მართლმადიდებელი ქრისტიანობის აღმდგენელი საზოგადოების“ მესვეურები სკოლის შენახვისა და კეთილმოწყობის ხარჯების გაღებას ადგილობრივ მოსახლეობას აკისრებდა მაშინ, როდესაც ხალხისაგან შეგროვილი თანხების დიდი ნაწილი ეკლესიების შენახვას ხმარდებოდა.

³⁰⁸ ი. ქვე. ფონდი 109, საქმე № 416, ფ. 89—91.

³⁰⁹ საქ. სსრ ცსს საისტორიო არქივი, ფონდი 141, საქმე № 1572, ფურც. 1—4

³¹⁰ ი. ქვე. ფონდი 141, საქმე № 82, ფურც. 65—81.

³¹¹ გაზ. „დროება“, 1876 წ., № 128, გვ. 4.

³¹² ი. ქვე.

„ქრისტიანობის აღმდგენელი საზოგადოების“ მიერ სკოლის ეტილომოწყობის ხარჯების გაღებაზე უარისთქმის გამო ვანათის სკოლას არც ავეჯი გააჩნდა, არც სახელმძღვანელო წიგნები. სკოლის მასწავლებლის (ნ. საძაგლიშვილის) თაოსნობით გორისა და ცხინვალის საზოგადოებაში შეგროვილი თანხებით შექმნილ იქნა სკოლისათვის საჭირო ნივთები.³¹²

1—2 ოთახიანი სასკოლო შენობები თავიანთი ხარჯით ააგეს მსხლების; ზაედეს, კოშკის, ქეშელტის, ჯომალის, თრისის, საბასლუბირის, შ.მბიათის, სოკინის, ჰერივის, ბესტაევანთ სოფლის, ლეკოვანის და ზოგიერთი სხვა სოფლის მოსახლეობამ, მაშინ, როდესაც მთავრობის მოხელეები ყოველმხრივ უშლიდნენ ხელს სკოლების მოწყობისა და მთის ხალხში სწავლა-განათლების შეტანის საქმეს.

სამინისტრო სკოლებიდან საკუთარი სასკოლო შენობა ჰქონდა გვერცევის, გუფთის, ხეწეს, ცხინვალის (ორკლასიან ნორმალურ სასწავლებელს), ედისის და ცონის სკოლებს, დანარჩენი 13 სამინისტრო სკოლა მოსახლეობის მიერ დაქირავებულ ბინებში იყო მოთავსებული.³¹⁴

XX საუკუნის დასაწყისში სამხრეთ ოსთა სკოლების მატერიალური ბაზის მდგომარეობაზე გარკვეულ წარმოდგენას იძლევა სახალხო სკოლების ინსპექტორის მოხსენება, რომელშიაც 1916 წ. ტბეთის სკოლის შესახებ წერდა: „ეინახულე ტბეთის სკოლა და მივიღე ყოვლად უნუგემო მდგომარეობის შთაბეჭდილება. სასწავლებელი მოთავსებულია პატარა ბნელ ოთახში, თითქმის ყოველგვარი მოწყობილობის გარეშე“.³¹⁵

ცხადია, სასკოლო შენობების ფართობის სიმცირე, ბნელი ოთახები და სასწავლო მოწყობილობის უქონლობა უარყოფითად მოქმედებდა არა მხოლოდ მოსწავლეთა მომზადების დონეზე, არამედ მათი ჯანმრთელობის მდგომარეობაზედაც. სასკოლო შენობების ნაწილი პირადი სარგებლიანობისათვის მღვდლებს ეკირა.

„კავკასიაში მართლმ. ქრისტიანობის აღმდგენელი საზოგადოების“ ანგარიშში აღნიშნულია: „სწავლის მდგომარეობა მაშინ გაუმჯობესდება, როდესაც ადგილობრივ მღვდლებს ბინებს აუშენებენ და ისინი გაათავისუფლებენ მათ მიერ ამჟამად დაკავებულ სასკოლო ოთახებს“³¹⁶.

³¹² გაზ. „დროება“, 1893 წ., № 118, გვ. 2.

³¹⁴ საქართველოს სსრ ცსს ანისტორიო-არქივი, ფონდი 141, საქმე № 1001, ფურც. 1, მ-8, საქმე № 1495, ფურც. 14—18.

³¹⁵ ი ქ ვ ე, ფონდი 109, საქმე № 374, ფურც. 89.

³¹⁶ ი ქ ვ ე, ფონდი 141, საქმე № 649, ფურც. 12—15.

სასკოლო შენობები მოუწყობელი და სწავლებისათვის შეუფერებელი იყო. დგამ-ავეჯის სიმცირის გამო მოსწავლეები ხშირად იატაკზე ან ფანჯრის რაფაზე მსხდარნი წერდნენ და კითხულობდნენ³¹⁷. ანალოგიური მდგომარეობა იყო კანათის სკოლაში, რომლის შესახებ საქართველოს ეპარქიალურ სასწავლებელთა საბჭო წერდა: „სკოლა უდგამოდაა. ასე, რომ მოსწავლეებს იატაკზე ჯდობა“... და ისე მეცადინეობა უხდებოდა³¹⁸.

ვანათისა და ედისის სკოლების კეთილმოწყობისა და ამ საქმისადმი მთავრობის მოხელეების უყურადღებობის საკითხს ხშირად ეხმაურებოდა ქართული პრესა. როგორც გაზეთი „ივერია“ წერდა, მღვდელ-მონაზონი ლეონიდი იძულებული გახდა დაეტუქსა ედისისა და ვანათის მამასახლისები, რომელთაც „...გაზაფხულზედვე უნდა გაეკეთებინათ ედისელების სკოლის შენობა და ვანათელების სკოლის გალავანი. ამიტომ მ. ლეონიდი სრული ორ-ორადღე დარჩა იქ და სანამ თავის თვალწინ არ დაასრულებინა ედისაში სკოლის სახლი და ვანათში გალავანი, ფეხიც არ მოუცვლია იქიდან. სასიამოვნო იყო, როდესაც ოთხი სოფლის საზოგადოება ვანათის სკოლას გალავანს არტყამდა, რიგი ქვას ეზიდებოდა იქვე. ლიახვის პირიდან, რიგი მარგილებს, რიგი ჯალჯას და რიგი კიდეც ტბილის სიმღერით გალავანს ავლებდა“³¹⁹.

ყოველივე ზემონათქვამი ერთხელ კიდეც ადასტურებს იმას, რომ მთავრობა და ეკლესიის ხელმძღვანელობა სკოლის ხარჯების გაღების მხრივ დიდ მომჭირნეობას ეწეოდა. სასკოლო შენობათა აგება, მათი კეთილმოწყობა, ინვენტარის შექმნა, გათბობა-განათება და მომუშავე პერსონალის შენახვის ძირითადი ხარჯები ადგილობრივი მოსახლეობის შრომითი ბეგარის შესრულების ან ფულადი სახსრების გაღების გზით სრულდებოდა.

შედარებით უკეთესი პირობები ჰქონდათ სამინისტრო სკოლებს, მაგრამ სასარბიელო და მეცადინეობისათვის ნორმალური მდგომარეობა არც იქ ყოფილა³²⁰.

სკოლები ურთიერთისაგან 15—25 კილომეტრით იყვნენ დაცილებულნი. საცხოვრებელი ადგილიდან შორეულ მანძილზე ფეხ-

³¹⁷ საქ. ცსს საისტოროო არქივი, ფონდი 141, საქმე № 196, ფურც. 2—9.

³¹⁸ იქვე, ფონდი 141, საქმე № 17, ფურც. 69.

³¹⁹ გახ. „ივერია“, 1891 წ., № 227, გვ. 2 ა.

³²⁰ საქ. ცსს საისტოროო არქივი, ფონდი 141, საქმე № 610, ფურც. 5, საქმე № 1194, ფურც. 2, საქმე № 1491, ფურც. 66, 67, 92—96.

ტიტველა და ნახევრად მშვიერი ბავშვების გზავნა ღარიბ ოსებს ძლიერ უჭირდათ.

ამგვარი პირობების შედეგად (ჯერ კიდევ 1864 წ.) დაისვა საკითხი ზოგიერთ სკოლასთან პანსიონატის მოწყობის შესახებ.

როკის სკოლასთან 30 ბავშვისათვის განზრახული იყო პანსიონატის მოწყობა. თითოეულ პანსიონარს უნდა გადაეხადა (თვეში) 4 მანეთი, ნახევრად პანსიონარს კი — 2 მანეთი. ამგვარივე პანსიონატების მოწყობა გათვალისწინებული იყო ჯავის, ორტევის, ვანათის, ედისისა და ზოგიერთ სხვა სკოლებისათვის, მაგრამ, მხოლოდ ოთხი ათეული წლის შემდეგ ვანათის სკოლასთან გაიხსნა „ბავშვთა ღამის გასათევი სახლი“, როკისა (1902 წ.) და კოშკინის (1910 წ.) სკოლებთან ე. წ. „პრიუტები“. მთის განსაკუთრებული პირობებით გამოწვეული პანსიონატების გახსნა-შენახვის ხარჯების მთელი სიძძიმე ისევ გლეხებს აწევბოდა. სამღვდლოება კი პანსიონების გახსნაზე ოს გლეხობას „სათანადო სახსრების“ უქონლობის შოშიზეზებით მუდამ უარით ისტუმრებდა³²¹.

როგორც ჩრ. ოსეთში, ისე სამხ. ოსთა სოფლებშიაც მწვავედ იდგა სკოლებთან ბავშვთა თავშესაფარების მოწყობის საკითხი. სოფ. გერის მოსახლეობის კრებამ მიიღო დადგენილება ვანათის სკოლასთან ბავშვთა თავშესაფარის მოწყობის შესახებ. ვანათის სკოლა ოსურ სკოლად ითვლებოდა, მაგრამ ორმოცდაათი ბავშვიდან 1885—86 წ. მასში მხოლოდ 11 ოსი სწავლობდა. გაზეთი „ივერია“, რომელიც მთის ხალხთა შვილების სწავლა-განათლების საქმეს განსაკუთრებულ ყურადღებას აქცევდა, ამის ერთ-ერთ პირველ მიზეზს იმაში ხედავდა, რომ „...ოსები შორსა ცხოვრობდნენ სკოლაზე და ბავშვებს ვერ შეუძლიანთ სიარული სკოლაში. მეორედ, რომ ოსები სიღარიბისა გამო ვერ უჭერენ თავის შვილებს ცალკე სახლსა. თავშესაფარი რომ გაკეთდეს, — „ივერიას“ გამოთქმით, — ორივე დამაბრკოლებელი მიზეზი მოა-სპობა და ოსებს ადვილად შეეძლებათ თავიანთი შვილები სკოლაში გამოზარდონ ხოლმე“³²².

ამრიგად, ოსების სოფლებიდან სკოლების დაშორებულობა, სკოლებთან ბავშვთა თავშესაფარების უქონლობა, სასწავლებელთა მოუწყობლობა, მოსახლეობის სიღარიბე და ხალხის განათლებისადმი მთავრობის მოხელეთა გულგრილობა მთავარ დამაბრკოლებელ

³²¹ საქ. ცსს საისტორიო არქივი, ფონდი 141, საქმე № 812, ფურც. 9.

³²² გაზ. „ივერია“, 1886 წ., № 241, გვ. 3. იხ. 4 ცხ-ძეს სტატია.

მიზეზებს წარმოადგენდა, რაც ხელს უშლიდა ოს ხალხში სწავლა-განათლების გავრცელებას.

ქალთა განათლება. საყოველთაოდ ცნობილია, რომ შემაძულე-ები და ბურჟუაზია ქალთა აღზრდა-განათლებას ნაკლებ ყურადღე-ბას აქცევდა. ერთგვარ განათლებას დიდგვარიანთა წარმოშობის ოსი ქალები საოჯახო აღზრდის გზით იღებდნენ.

ისტორიული ფაქტების მიხედვით დადასტურებულად ითვლე-ბა, რომ ოსთა მეფის — ხუდანის ასულმა — ბურდუხანმა (რომე-ლიც გიორგი მესამეზე დაქორწინდა), არა მარტო სხვადასხვა ენები, არამედ ქრა-კერვა, ქსოვა-ქარგვა, ოქრომკედი და წერა-კითხვის სწავლების წესებიც მშვენივრად იცოდა³²¹. თუ ეს ცნობები ოს მეფეთა და დიდგვარიანთა შთამომავლობას ეხება, სამაგიეროდ, გასოჩენილი ქართველი გეოგრაფოსი—ვახუშტი ბატონიშვილი, სა-ერთოდ, ოსი ოჯახების ქალების შესახებ აღნიშნავდა, რომ „ქალთა მათთა უწყიან კერვანი წმინდა და კეთილნი“³²⁴.

ძველთაგანვე აღიარებულია, რომ ოსი ქალები შრომისმოყვა-რენი, ნიჭიერნი და გამრჩენი არიან. „ოსის ქალები, — წერდა „დროება“,—კარგს ყველს და ერბოს ამზადებდენ, აგრეთვე კარგს შალებს ქსოვენ და ჩოხა-შარვლებსაც ჰკერავენ“³²⁵. მაგრამ ჩვენ-თვის ისიც ცნობილია, რომ ოსი ხალხის შვილები, განსაკუთრებით ქალები ფეოდალიზმის ეპოქაში კარჩაკეტილად და მონურ მდგო-მარეობაში ცხოვრობდნენ. XIX საუკუნის მეორე ნახევრის დასა-წყისში ოსი ინტელიგენციის მოწინავე წარმომადგენელთა ინიცია-ტივით ჩრდილოეთ კავკასიის ოსეთში ქალთა სკოლის მოწყობის საკითხიც წამოიჭრა. 1862 წელს პროტოიერ კოლიევის მიერ დაარსებულ ქალთა კერძო სკოლაში 20 ოსი გოგონა სწავლობდა. 1863 წ. აღნიშნულ სკოლაში 23 მოსწავლე ქალი ირიცხებოდა. 1865 წ. ჩამოყალიბდა ვლადიკავკაეის ოს ქალთა ორკლასიანი სას-წავლებელი პანსიონით. ამ უკანასკნელში 24 პანსიონერი გოგონა ცხოვრობდა.

1880 წელს ჩრდილოეთ ოსეთის სოფ. ჩიროსტონყაუში და ხუმალაგში გაიხსნა ქალთა ერთკლასიანი სკოლები. 1871 წელს ჩრდი-ლოეთ ოსეთში (გარდა ვლადიკავკაეის ქალთა სკოლებისა) 2 ქალთა სკოლა არსებობდა 27 მოსწავლით, 1880 წ. — 7 ქალთა სკოლა —

³²² ზ. კიკინაძე, ოსეთის ისტორია, გვ. 160.

³²¹ ვახუშტი, აღწერა სამეფოსა საქართველოსა, გვ. 111.

³²³ ვახ. „დროება“, 1876 წ., № 128, გვ. 3.

197 ბავშვით, ხოლო 1881 წ. — 275 გოგონა, რომელთაგან 54 კავკაზის ქალთა თავშესაფარში ცხოვრობდა. 1895 წ. მოსწავლე გოგონების რიცხვი ჩრ. კავკასიის ოსეთში უდრიდა 379-ს, 1898 წ. (ვლადიკავკაის ქალთა სკოლების ჩათვლელად)—469, 1913 წ. — 919, ხოლო 1915 წ.—1524. აღსანიშნავია, რომ 1949 მოსწავლეში, რომელიც 1915 წელს ოსეთის საეპარქიოს ორკლასიან სკოლებში ირიცხებოდა, კურსი მხოლოდ 6 გოგონამ დაასრულა. აქ, ვლადიკავკაის სკოლების 327 მოსწავლე ქალიდან ერთკლასიანი სკოლის კურსი დაამთავრა 43 გოგონამ, ხოლო მთელი ვლადიკავკაის ოლქის სკოლების 1048 მოსწავლე ქალიდან — 65 მოსწავლემ. ამრიგად, ცხოვრების დაბეჯითებითი მოთხოვნების ნიადაგზე საეკლესიო სწავლებაში ჩაბმულ მოსწავლეთა რიცხვი თითქმის ყოველწლიურად იზრდებოდა, მაგრამ პრაქტიკული ცხოვრებისაგან სკოლების მოწყვეტის, სწავლებაში დოგმატიზმისა და ვერბალიზმის გაძლიერების გამო ოს ქალთა განათლების საქმე სასურველ ნიადაგზე მაინც ვერ მიმდინარეობდა.

სამხრეთ ოსეთში ქალთა სწავლება შემოდებულ იქნა (1866 წ.) ჯავისა და ბესტაგაანთსოფელში, რომლიდანაც პირველში 13 გოგონა სწავლობდა, მეორეში კი — 7. 1864 წ. სამღვდლოებას „წესდებით“ გათვალისწინებული ჰქონდა სკოლებში ან კერძო აღზრდის გზით გოგონებისათვის მიეცათ წერა-კითხვის ცოდნა, მაგრამ ამ მიზნის განხორციელებას (სხვა მიზეზებთან ერთად) სწავლის ქირა (15 მანეთი) აბრკოლებდა. როგორც ჩრ. კავკასიის ოსეთში, ისე საქართველოში მცხოვრები ოსი მოსახლეობა სიხარულით ხვდებოდა ქალთა სკოლების გახსნას და ყოველმხრივ ცდილობდა მიეცა თავიანთი გოგონებისათვის ელემენტარული განათლება.

ქართული პრესა აღფრთოვანებით მიესალმებოდა ოს ქალთა სკოლების დაარსების საუკეთესო ინიციატივას და მოსახლეობას ფართოდ აცნობდა მის მნიშვნელობას ოსი ხალხის კულტურული განვითარების საქმეში.

1890 — 1891 სასწავლო წელს სამხრეთ ოსეთში არსებულია ჯავის, ვანათის, როკისა და ედისის სკოლების რიცხვს მიემატა სოფ. კოშკას ახლადდაარსებული საქალბო სასწავლებელი, რომლის მასწავლებლად დანიშნულ იქნა თბილისის საეპარქიო სასწავლებლის კურსდამთავრებული ქალი—ა. სანაკოშვილი. „საქალაქო სასწავლებლის დაარსება,— როგორც გაზ. „ივერია“ წერდა,— ოსეთში საყურადღებო და სასიამოვნო ამბად უნდა ჩაითვალოს, რადგან

დღეს ამ ქვეყანაში ქალი მეტად ღუხჭირს მდგომარეობაში იხყო-
ვება“³²⁶.

გოგონების სწავლის მდგომარეობას ისიც ამძიებდა, რომ მათ უმრავლესობას ნახევრად ჩაუტყველ-დაუხუტრავს და მშვიერს უხდებოდა სკოლებში სიარული.

„განსაკუთრებით ცუდად არიან ჩაცმულნი გოგონები, რომლებიც ზამთარში თოვლზე ფეხშიშველები და მხოლოდ ჩითის კაბით დადიან, კლასში 3—4 საათს ფეხმოკეცილნი სხედან... მეტად საშინელია ამ უბედურთა მდგომარეობა, როდესაც კლასები ცუდად ინთება“³²⁷. სკოლის მოუწყობლობა, შიმშილი, სიტიტველე, ღუხჭირი და აუტანელი ცხოვრება ქალთა განათლების გზაზე დიდ დაბრკოლებას წარმოადგენდა, მაგრამ გოგონების რაოდენობა სკოლებში შედარებით მაინც იზრდებოდა.

სამხრეთ ოსთა საეკლესიო-სამრევლო სკოლებში სწავლობდა: 1876 წ. 20 გოგონა; 1880 წ. — 12; 1900 წ. — 20; 1905 წ. — 65, 1906 წ. — 70, 1907 წ. — 81, 1908 წ. — 127, 1909 წ. — 93, 1911 — 12 ს. წ. — 90, ხოლო 1916 — 17 წწ. კიდევ უფრო ნაკლები. სამაგიეროდ ქალ-მოსწავლეთა რიცხვი სამინისტრო სკოლებში შედარებით უფრო მეტად იზრდებოდა. განათლების სამინისტროს უწყების სკოლებში სამხრეთ ოსეთის მასშტაბით ირიცხებოდა: 1887 წ. — 31 ქალი-მოსწავლე; 1890 წ. — 32; 1900 წ. — 115; 1904 — 1905 სასწ. წელს — 139, ხოლო 1914 — 15 წწ. კი — 387.. მოსწავლე. აქედან ცხინვალის ორკლასიან სამინისტროს სკოლაში 1887 წ. 5 გოგონა სწავლობდა, ახალგორის ერთკლასიან სასოფლო სკოლაში — 2. მსხლების (1903 წ.) და კოშჩების (1892 წ.): ქალთა სკოლები ჩქარა შერეული ტიპის სასწავლებლად გადაკეთდა.. 1885 წელს განათლების სამინისტროს ხაზით გაიხსნა ცხინვალის ქალთა ერთკლასიანი სკოლა, რომლის ბაზაზე 1896 წელს ქალთა ორკლასიანი სკოლა ჩამოყალიბდა. 1888 წელს შეიქმნა ახალგორის ქალთა სასწავლებელი, მაგრამ მოსწავლე ქალების რიცხვი ამ სკოლებში შეუმჩნეველად იზრდებოდა³²⁸.

პროფესიონალური განათლება. კავკასიის მთის მცხოვრებნი და მათ შორის ოსები — ძველთაგანვე მისდევდნენ საკირო საოჯახო საგნებისა და ნივთების ოჯახშივე დამზადებას. ქართველები, რომლებიც ოდითგანვე იყვნენ ოსებთან სამეურნეო-კულტურულ

³²⁶ გაზ. „ივერია“, 1891 წ., № 227, გვ. 2 3.

³²⁷ Отчет общества восстановления православного христианства на Кавказе за 1880 г стр. 78.

³²⁸ იბ. პ. ი. გადივეის დასახელებული ნაშრომი, გვ. 127—130.

ურთიერთობაში, მათ ყოველმხრივ უწყობდნენ ხელს სამეურნეო-სახელოსნო საქმიანობის ცოდნა-ჩვევათა შეთვისების საქმეში. ოსებმა შეითვისეს და შეისწავლეს მრავალი ხელობა, რაც მათი საყოფაცხოვრებო მდგომარეობის გაუმჯობესების ერთ-ერთ მნიშვნელოვან პირობას წარმოადგენდა. გამოჩენილი ქართველი ისტორიკოსისა და გეოგრაფის — ვახუშტი ბატონიშვილის ნაშრომში საოჯახო სახელოსნო საქმიანობაში ოსების ცოდნისმოყვარეობის შესახებ ვკითხულობთ, რომ მათ „უწყიან ხელოვნებანი ტყავისა, ქსოვა შალისა, თელვა, კეთება ნაბდისა კარგისა. იციან მკედლობა, ზეინკლობა, ხეთა მუშაობა, სახლთ შენება“ და სხვ.³²⁹ ხელსაქმეობაში, სახელოსნო და სატექნიკო საქმეში ერთნაირად იწვრთნებოდნენ, როგორც მამაკაცები, ისე ქალებიც. იგივე ვახუშტის გადმოცემით, „...ოსები გამოიღებენ მიწიდან მრპენსა, გვარჯილასა, გოგირდსა. ქალთა მათთა უწყიან კერვანი წმინდა და კეთილი“³³⁰.

მთის ცხოვრების განსაკუთრებული პირობები, ბუნების წიაღისეულ სიმდიდრეებთან პირისპირ შეხვედრა, მესაქონლეობა-მემინდვრეობის პროდუქტიულობის შეზღუდულობა და სხვა, ოსებს გარკვეულ ბიძგს აძლევდა საოჯახო-სამეურნეო-ხელოსნური ცოდნის მიღებისაკენ, მაგრამ თვითსწავლის გზით ვიწრო ხელოსნური ჩვევების შეთვისება მოთხოვნილებას ვერ აკმაყოფილებდა.

ამიტომ, სრულიად ბუნებრივია, რომ ოსეთში ადრიდანვე დაიწვა საკითხი სოფლის მეურნეობასა, ხელოსნობასა და ხელსაქმეობაში ბავშვთა მოსამზადებლად სკოლების გახსნის შესახებ, თუმცა ისიც უნდა ითქვას, რომ ასეთი სკოლები დიდხანს არ ყოფილა ჩამოყალიბებული.

„საზოგადოების“ ზოგიერთ სკოლაში შეიქმნა სახელოსნოები, სადაც მოსწავლეებს აჩვენდნენ პრაქტიკულ შრომას. მათ ასწავლიდნენ ბარის, ფოცხის, ლამბაქის, თითისტარის, ქაძარის, საანგარიშოს, სახაზავის და სხვათა გაკეთებას, მერხების, კარადების, შავიდებისა და სკამების შერემონტებას, ეკლესიის ხატებისა და სურათების ჩარჩოების შეკეთებას. „საზოგადოების“ სკოლებიდან ამ წარივ 1870-იან წლებში ყველაზე სანიმუშოდ ითვლებოდა გიზელის, ალაგირის, საღონის, ვლადიკავკაის ქალთა სამკლასიანი, სამხრეთ ოსეთის — ჯავის, ვანათის, მსხლების და სხვა სკოლები³³¹.

³²⁹ ვ ა ხ უ შ ტ ი, აღწერა სამეფოსა საქართველოსა, გვ. 111.

³³⁰ ი ქ ვ ე.

³³¹ Отчет общества восстановления православного христианства на Кавказе за 1880 г., Тифлис, 1884 г., стр. 47, 64—65.

სადურგლო და საზეინკლო საქმეს სწავლობდა: სადონის სკოლაში — 10 მოსწავლე, ალაგირში — 7, გიზელში — 19. 4 სკოლის 223 მოსწავლიდან სადურგლო-საზეინკლო ხელობის ელემენტებს 49 მოსწავლე სწავლობდა, რომელთა უმრავლესობას ოსები შეადგენდა³³².

ბავშვებს აჩვენებდნენ აგრეთვე სკოლის ბალ-ბოსტანში მუშაობას. ამ მხრივ, საინტერესო და სასარგებლო შრომას ეწეოდნენ ოღლის სახელობის ქალთა, ხუმალაგის, დარგაოხის, ბატაკოიურტოვსკის და ზოგიერთი სხვა სკოლები. ქალთა სკოლებში იმსწავლებოდა ხელსაქმე. მოსწავლე გოგონები ეჩვენებდნენ ქსოვას, კერპას, ქარგვას, გაუთობას, ქალის ფეხსაცმელების შეკეთებას და სხვა საოჯახო საქმის კეთებას³³³. გიზელის სკოლას ჰქონდა კარგი სახელოსნო, სადაც თავისუფალ დროს მოსწავლეები ვარჯიშობდნენ სხვადასხვა სასკოლო ხელსაწყოებისა და საოჯახო ნივთების კეთებაში.

აგრო-ტექნიკურ ჩვევათა მიღება-განმტკიცებისათვის საჭირო ბაზა სკოლებს არ გააჩნდა. ადგილობრივ თავადებისაგან იჯარით „ნაბოძები“ საცდელი მიწის ნაკვეთები, მხოლოდ ბეკმარისა და ყორნისის სკოლებს ჰქონდა, მაგრამ მიწის ამ ნაკვეთებზე არავითარი პრაქტიკული მუშაობა არ წარმოებდა. კავკასიაში ქრისტიანობის აღმდგენელმა საზოგადოებამ დააყენა მოსწავლე გოგონებისათვის ხელსაქმის სწავლების შემოღების საკითხი, რისთვისაც თითოეულ სკოლაზე 15 მანეთის დაშვება გაითვალისწინა, მაგრამ ხელსაქმის სწავლება (ისიც არასისტემატურად) მხოლოდ ჭავისა და მსხლების სკოლაში იქნა შემოღებული.

სამინისტროს უწყების სკოლებიდან ხელსაქმე ისწავლებოდა მხოლოდ ფრინევის, ტბეთისა და ცხინვალის ქალთა ორკლასიან სკოლებში. გარდა ამისა, ადგილობრივი პირობების შესაბამისად ქუთისის სკოლაში ასწავლიდნენ მეკონსერვებობას (კონსერვების კეთებას), ცხინვალის — ორკლასიან ნორმალურ სასწავლებელში — კალათის დაწენას.

1914 წელს განზრახული იყო აგრეთვე ცხინვალის ნორმალურ სკოლასთან სახელოსნო განყოფილების მოწყობა, წონის (წონისის) დაწყებით სკოლაში (40 ბავშვისათვის) ყველისა და კარაქის დაშა-

³³² ი ქ ვ ე, გვ. 54.

³³³ ი ქ ვ ე, გვ. 66.

დებისა და ელისის სკოლაში ხალიჩების მოქსოვის სწავლების შემოღება, მაგრამ ეს იდეაც განუხორციელებელი დარჩა³³⁴.

XIX საუკუნის 80-იან წლებში ქართველ საზოგადოებაში მომწიფდა აზრი სამეურნეო სკოლის დაარსების შესახებ. შედგა კომისია, რომელსაც ლოჟინის მაგიერ, მინდობილი ჰქონდა ახალი სამეურნეო სკოლისათვის ახალი ადგილის ამორჩევა. კომისიამ სამეურნეო სკოლის დაარსებისათვის შესაფერ ადგილად მიიჩნია გორის მაზრის სოფელ ცხინვალის მახლობელი ადგილები, სადაც „...ბლომად სახელმწიფო მიწაც არისო და, რომელიც, კომისიის აზრით, სხვა ყველა მხრითაც მოხერხებული და კარგი ადგილია სამეურნეო სკოლის გასამართავად“³³⁵. ქართული პრესა, რომელიც საზოგადოებრიობის აზრს გამოხატავდა, გამოთქვამდა იმედს, რომ „...ეს პირველდაწყებითი სამეურნეო სკოლა ერთ დროს უძაღლეს სამეურნეო სასწავლებლად გადაიქცევა“, სადაც ჩვენი ქვეყნის ყველა კუთხის ახალგაზრდებს ადვილად შეეძლებოდა „...როგორც სწავლის მიღება იმაში, აგრეთვე სამაგალითო მეურნეობისა, შამინებისა, ვენახებისა, ხეხილებისა და სხვ. ნახვა და გაცნობა“³³⁶.

მიუხედავად ამისა, ცხინვალში სამეურნეო სკოლის დაარსების იდეას ბევრი მოწინააღმდეგე გამოუჩნდა, რის შედეგადაც ეს სასარგებლო ცდაც უშედეგოდ დამთავრდა.

სამაგიეროდ, ოსები ხელობის შესწავლას დიდი ინტერესით ეკიდებოდნენ და, თუ თვით ოსეთში არა, რუსეთისა და საქართველოს ქალაქებში არსებულ პროფესიონალურ სასწავლებლებში იღებდნენ შესაფერ ცოდნას.

ამასვე ადასტურებს ილ. ალხაზიშვილის „ოსეთს მოგზაურობის შთაბეჭდილებანი“, სადაც იგი წერდა: „ამგვარად მავალნი ექვს საათზე ჭავასაც მივედით. ორ ცხენოსან ოსს დავეწიეთ. ერთმა რუსულად მოგვცა სალაში და ბოლოს აგვიხსნა, რომ ეს შამჩაქშია და მე თბილისში სახელოსნო შკოლაში ვაბარევიარ აგერ სამი წელი იქნება და ჩქარა კარგი სლესარი გამოვალო“ და ა. შ.³³⁷.

ამრიგად, ოსები თანდათანობით ეუფლებოდნენ სამეურნეო-ტექნიკურ განათლებას, იძენდნენ საზეინკლო და სადურგლო ხე-

³³⁴ საქართველოს სსრ ცსს საისტორიო არქივი, ფონდი 109, საქმე № 183 ფურც. 28—29. 1914 წ., შდრ. პ. ი. ვადივეის დაახ. შრომას, გვ. 116—117.

³³⁵ გაზ. „დროება“, 1880 წ., № 148, გვ. 1—2.

³³⁶ იქვე.

³³⁷ გაზ. „დროება“, 1876 წ., № 127, გვ. 3.

ლობის ცოდნას, რასაც მთის ხალხთა ეკონომიური და კულტურული განვითარებისათვის გარკვეული მნიშვნელობა ჰქონდა.

XIX საუკუნის 80—90-იან წლებში კავკასიაში თანდათანობით მოამწიფდა აზრი პროფესიონალური სკოლების დაარსების შესახებ. 1884 წლის იანვარში ქართული პრესა საზოგადოების ყურადღებას ჩვენი ქვეყნის სხვადასხვა კუთხეში სახელოსნო სკოლების გახსნისა და ამ გზით ხალხის ეკონომიურ-კულტურული განვითარების აუცილებლობაზე ამახვილებდა. ასეთი სკოლების დაარსება შავშეთსა და აჭარის გარდა საჭიროდ იქნა მიჩნეული ქსნის ხეობაშიაც, რომელიც ამ პერიოდში ოსებით ხშირად იყო დასახლებული³³⁸.

კავკასიის მთის ხალხებში პროფესიონალური სწავლების ინტერესის გაძლიერების მიუხედავად, ოსი ხალხის ოცნება სამეურნეო-ტექნიკურ სასწავლებელთა დაარსების შესახებ ოქტომბრის დიდ სოციალისტურ რევოლუციამდე მაინც არ ყოფილა განხორციელებული.

3. სწავლების შინაარსი, ორგანიზაცია და მეთოდები

თვითმპყრობელური სკოლა ოსეთში გაბატონებული ექსპლოატატორული კლასების ყურმოჭრილ მონებს ზრდიდა. მაშინ აღზრდა აჩვევდა მორჩილებას. აქ ყველაფერი მოქნილი და შევუებული იყო გაბატონებული პოლიტიკისა და რელიგიის საჭიროებებთან. ასე, რომ მშრომელთა ბავშვებს ესმოდათ „...მხოლოდ ქადაგება მორჩილების, პასიურობის და ბედის წინაშე ქედმოხრილობისა“³³⁹. ენგელსის ეს დებულება მთლიანად და სავსებით გამოხატავს არა მარტო XIX საუკუნის ინგლისში მოქმედი სკოლების მუშაობის შინაარსს, არამედ მეფის რუსეთის თვითმპყრობელობის მიერ დამონებული პატარა ერების სწავლა-განათლების მდგომარეობა³⁴⁰.

ცხადია, კ. მარქსი ათასჯერ მართალი იყო, როდესაც ამჯერად ბურჟუაზიული მთავრობისა და სკოლებზე ეკლესიის კავლების შესახებ ამბობდა: ბურჟუაზიული „მთავრობისა და ეკლესიის ყოველგვარი გავლენა სკოლაზე თანაბრად გამოსარიცხავიაო“³⁴¹.

რუსეთის იმპერიის სხვა კოლონიებისა და კერძოდ, საქართველოს სხვა კუთხეების მსგავსად ოსეთის საეკლესიო-სამრევლო სკოლებში ასწავლიდნენ საეკლესიო-სლავიანური წიგნების კითხვას

³³⁸ „გაზ. დროება“, 1884 წ., № 15, გვ. 1.

³³⁹ ფრ. ენგელსი, მუშათა კლასის მდგომარეობა ინგლისში. ციტირებულია კრებულიდან—კ. მარქსი და ფრ. ენგელსი სახალხო განათლების შესახებ 1948 წ., გვ. 66.

³⁴⁰ მარქსი, გოთას პროგრამის კრიტიკა, 1932 წ., გვ. 35—36.

(კანუკოვის ანბანით) სამღვთო სჯულს, გალობას და წერას ფსალმუნის მიხედვით. უმრავლეს სკოლებში (მაგ.: 1847—1863 წწ.) შემიღებული იყო ქრისტიანული მოძღვრება, მოკლე კატეხიზმი, საეკლესიო გალობა, ანგარიში (ოთხი მოქმედების ფარგლებში) და რუსული ანბანი³¹.

1869 წ. სასწავლო გეგმაში მცირეოდენ ცვლილებათა შეტანის მიუხედავად საეკლესიო-სამრევლო სკოლებში ისწავლებოდა სამღვთო სჯული, რუსული ენა. „ტუზმცუჲ.“ ენა, არითმეტიკა, გეომეტრია, ტექნიკური ხაზვა, ე. წ. „თვალსაჩინო სწავლება“ (ცნობები ბუნებისმეტყველებიდან, სუფთა წერა, გალობა, გიმნასტიკა, ხეზე მუშაობა, ხელსაქმობა) და სხვ., მაგრამ ამ საგნების სწავლებაც ცუდად იყო დაყენებული.

სამღვთო სჯული. ყველა საფეხურისა და ტიპის სკოლებში სამღვთო სჯული სწავლების „ძირითად საგნად“ იყო აღიარებული. ამ „საგნის“ გადაცემა მასწავლებლის მიერ უმთავრესად რელიგიურ დოგმატების, ე. წ. „წმინდანებისა“ და „სასჯულმოქმედთა“ ცხოვრების გაზეპირებას ემყარებოდა, რაც გონებას უხშობდა, სულს უხუთავდა ცოდნისმოყვარე, ნიჭიერ ოს ახალგაზრდობას. სკოლების შემოწმების დროს მთავარი ყურადღება ექცეოდა არა სამეცნიერო დისციპლინების ძირითადი ელემენტების შეთვისების მდგომარეობის გამორკვევას, არამედ იმის გამოვლინებას, ატარებდნენ თუ არა ოსი ბავშვები (ყელზე და მკერდზე) ჭერებსა და ხატებს. პირველ პლანზე იყო წამოწეული სამღვთო სჯულის სწავლება, რომელიც, როგორც ცალკე საგანი, მორალისაგან დამოუკიდებლად ისწავლებოდა. მაშინ, როდესაც რუსულ ენასა და არითმეტიკაში გამოცდები ორი-სამი „მფრინავი კითხვით“ თავდებოდა, სამღვთო სჯულში ცოდნის შემოწმებას მღვდელი (ან მისი შემცვლელი პირი) 5—6 საათს ანდომებდა³². ოსეთის სკოლებში სამღვთო სჯულის სწავლას მოსწავლეები ინდიფერენტულად ეპყრობოდნენ. მაჰმადიან ოსთა სკოლებში არც მღვდლებმა და არც ბავშვებმა იცოდნენ რას ასწავლიდნენ და რას სწავლობდნენ. სამრევლო სკოლები (ჩრდილოეთ და სამხრეთ ოსეთში) არსებობდა ერთკლასიანი (ორწლიანი სწავლების კურსით), ორკლასიანი (ოთხწლიანი კურსით) და სამკლასიანი (6 წლიანი სწავლების კურსით),

³¹ Ист. Архив ЦАУ—ГССР. ф. 139, дело № 12026. лист 5.

³² „Журнал Министерства народного просвещения“, 1917 г., Январь. стр. 98.

სადაც რელიგიის სწავლებას განსაკუთრებული ყურადღება 'ექცე-
ოდა.

მოკლე კატეხიზმი და საეკლესიო გალობა. ეს საგნები ხელს
უწყობდა რელიგიური სულისკვეთებით ბავშვთა აღზრდას და მოს-
წავლეებში ქრისტიანული სარწმუნოების დანერგვას ემსახურებო-
და: ამ „საგნების“ სწავლება ლოცვებისა და საღვთისმეტყველო
ლაღადის სისტემაზე იყო აგებული. როგორც ვლადიკავკავის მაზრის
ბარისა და მთის ოსების სკოლებში, ისე გორის, დუშეთისა და
საქართველოს მთიანეთის სხვა მაზრების ოსებში 1880—90 წლებში
გაძლიერებულ იქნა საეკლესიო გალობის სწავლება. ვლადიკავკავის
ეპისკოპოსის — ოსების წინადადებით „კავკასიაში მართლმადიდებ-
ბელ ქრისტიანობის აღმდგენელი საზოგადოების“ მიერ გალობის
ორი მასწავლებელი იქნა გამოყოფილი, რომელთაგან ერთი (ვლა-
დიკავკავის ტაძრის მთავარი დიაკონი) ბარის ოსების სკოლებზე
იქნა მიმავრებული, ხოლო მეორე — სალუგარდანის სკოლის მასწავ-
ლებელი) — მთის ოსების სასწავლებლებზე. სოფ. ოლგინსკაში,
ხუმალაგში და მთის სხვა სოფლის სკოლებში საეკლესიო საგალო-
ბელთა სწავლებას იმდენად დიდი ყურადღება ექცეოდა, რომ
ბავშვებს ადვილად შეეძლოთ წარმოეთქვათ: „უფალო შეგვიწყალე,
წმინდაო ღმერთო, მეუფეო ზეცათაო, ღირს არს ჭეშმარიტად და
საერთოდ, საერო სიმღერებიც: მრავალყამიერ რუსულად და
ოსურად“³⁴³. ამგვარი საშუალებებით მეფის თვითმპყრობელობა
ცდილობდა ოს ახალგაზრდობაში ქრისტიანობის დანერგვას, ბავ-
შვებში მეფის ერთგულების სულისკვეთების გაღვივებას და მათ-
გან ცარიზმის ერთგული მსახურების მომზადებას. ამავე გზით,
მთავრობის მოხელეები ცდილობდნენ ოსი ხალხის გადაბირებას და
რუსეთის მეფის ტახტისადმი თავდადებული შინაყმების აღზრდას.
ეკლესიისა და სკოლის ზოგიერთ მოღვაწეს მეტად სასიამოვნოდ
ეჩვენებოდა „ყმაწვილებისაგან ოსურად თქმული უფალო შეგვი-
წყალე, წმინდაო ღმერთო და მრავალყამიერი...“³⁴⁴ მაგრამ მიუხე-
დავად ამისა, ოს ბავშვთა დიდი ნაწილი და მშობელთა უმრავლესო-
ბა რელიგიური წესების დაცვის საქმეს, წირვა-ლოცვებისა და სა-
ეკლესიო საგალობელთა შესრულებას პასიურად და შეტად გულ-
გრილად ეკიდებოდა. თვით „საზოგადოების“ წარმომადგენელთა
აღიარებით: „...სავსებით გასაგებია, კატეხიზმოსა და მოძღვრებაში

³⁴³ გახ. „ივერია“, 1887 წ., № 23. გვ. 2.

³⁴⁴ იქვე.

ღვთისმსახურების შესახებ პროგრამების ქრონიკული შეუსრულებლობა“³⁴⁵. მართლმადიდებელი ეკლესიის ხელძღვანელობა იძულებული იყო ეთქვა, რომ სამღვთო სჯულის სწავლება, როგორც „...აღზრდის უძლიერესი საშუალება, ოსეთში ვერ არის სათანადოდ გამოყენებული“³⁴⁶. მათი გაგებით, ოსეთის სკოლებში უფრო მეტად, ვიდრე სხვა რომელიმეში, საჭირო იყო რელიგიურ-საგანმანათლებლო მოღვაწეობის გაძლიერება, ვინაიდან ადგილობრივი მოსახლეობა გულცივად ეკიდებოდა ღვთისმსახურების წესების შესრულებას.

ქართული საეკლესიო ეურნალი „მწყემსი“ არაერთხელ მიუთითებდა იმის შესახებ, რომ ოსებს თავიანთ ეხაზე არ ჰქონდათ წირვა-ლოცვისა და ქადაგებითი სიტყვის მოსმენის შესაძლებლობა, რაც ქრისტიანული რელიგიისა და მართლმადიდებელი სარწმუნოებისადმი მათი ინტერესის შესუსტების ერთ-ერთ მნიშვნელოვან საფუძველს წარმოადგენდა. „ასეთი გულციობა სარწმუნოებაზე, ასეთი რელიგიური ინდიფერენტიზმი — არა ხალხში არ უნდა იყოს, როგორც ოსებშიაო“, — წერდა გ. ლიახველი³⁴⁷, რომელიც ადგილობრივ ენაზე ლიტერატურის შექმნას, მშობლიურ ენაზე სწავლების შემოღებას ოსი ხალხის ეროვნული კულტურის განვითარების ერთ-ერთ მნიშვნელოვან პირობად აღიარებდა.

ქრისტიანული რელიგიისადმი ინდიფერენტული დამოკიდებულების მიუხედავად ოსეთის სკოლებში ეკლესიის მსახურთა მხრივ განსაკუთრებული ყურადღება ექცეოდა რელიგიური დოგმატების ზუთხვას, საეკლესიო ლოცვებისა და ქრისტიანულ საგალობელთა გაზეპირებას და სარწმუნოებრივი ილეთების შესრულებას.

პირველდაწყებით სკოლებში მოსწავლეებს აზეპირებინებდნენ საღვთო სჯულის დოგმატებს, წმინდანების მოკლე ისტორიას, ახსნა-განმარტებებს რწმენის სიმბოლოებისა და ლოცვების შესახებ (წიგნაკით: „ქრისტიანული მოძღვრების შესავალი“), საგალობლებს: „სლავსია, სლავსია“ („Слався, слався“), „მრავალყამიერ, მრავალყამიერ, მრავალყამიერ ერთმორწმუნე რუსეთის მეფეს“.

³⁴⁵ Отчет состоящего под Августейшим покровительством ея императорского величества государыни императрицы Марии Федоровны общества восстановления православного христианства на Кавказе за 1906—1907 г., стр. 70.

³⁴⁶ იქვე, გვ. 71.

³⁴⁷ ეურ. „მწყემსი“, 1885 წ., № 2, გვ. 4—5.

„ღმერთო შეგვიწყალე“, „ბოჟე ცარია ხრანი“ და სხვ.³⁴⁸, რაც ტვინს ულავებდა, თავს აბეზრებდა და სკოლას აძულებდა მთისა და ბარის ოსეთის სწავლისმოყვარე ახალგაზრდობას.

ართმეტიკის სწავლება რიცხვებისა და ციფრების წერა-კითხვით და მექანიკური ვარჯიშებით ამოიწურებოდა. ართმეტიკის პროგრამით ბავშვებს უბრალო 4 მოქმედების, ნუმერაციის, სახელდებული რიცხვების, გეომეტრიული ნაკვთებისა და სხეთლების ელემენტარული ცოდნა მოეთხოვებოდა.

ოსურ ენაში ბავშვებს მარცვლებით თვლას ასწავლიდნენ, მაგრამ სწავლებაში დოგმატური „წესისა“ და რელიგიურ-ვერბალური „მეთოდის“ დანერგვის გამო ბავშვები რეალურ ცოდნას ვერ იღებდნენ.

ჯერ კიდევ 1826 წ. 9 დეკემბერს ბეჟმარის პროტოიერი — ბლადოჩინის მოვალეობის შემსრულებელი ათანასე შაქავარიანი საქართველოს ეგზარხოსს უპატაკებდა:

„მაქვს პატივი მოვახსენო თქვენს უწმინდესებულებას ოსი ბავშვების წარმატებათა შესახებ, რომელნიც ჩემთან სწავლობენ. სახელდობრ: ყორნისის მცხოვრებნი: I — ანდრია ხასიშვილი, II — სიმონა ჯიოშვილი და III — ტორმანაულის მცხოვრები — გიორგი ჯიოშვილი; ჭავაში — იქაურ დიაკვანთან — სიმონ ცერაძესთან: I — მიხეილ სანაკოშვილი, II — გიორგი სანაკოშვილი და III — ივანე სანაკოშვილი. კეშელტის დიაკვანთან — იოსებ იალღუზიძესთან: I — თედორე, II — ნონე კობისაშვილი და III — ლევან კოტაშვილი.

ყველა ამათ სწავლა დაიწყეს ამა 1826 წლის მაისში, რომელთაგან პირველმა — ანდრია ხასიშვილმა დაამთავრა მთელი ოსური საანბანო წიგნი. სხვა დანარჩენებს შესწავლილი აქვთ მხოლოდ ანბანი, რომელთა შორის მხოლოდ ერთმა — ჭავის მცხოვრებმა — ივანე სანაკოშვილმა მოასწრო წერის შესწავლა. ამჟამად ყველა ისინი გულმოდგინედ განაგრძობენ სწავლას³⁴⁹.

ზემომოხსენებული დოკუმენტი გვიჩვენებს, რომ: ა) სწავლის დაწყება-დამთავრების დრო არ იყო ზუსტად განსაზღვრული; ბ) სწავლების დოგმატური „წესის“ გაბატონების გამო ბავშვებს

³⁴⁷ Известия Северо Кавказского пед. института им. М. Ю. Гадиева, т. XIII, 1937 г., стр. 274.

³⁴⁸ საქ. სსრ ცსს საისტორიო არქივი, ფონდი 139, საქმე № 1616, ფურც. 18.

ადგილობრივ ენაზედაც უჭირდათ წერა-კითხვის შესწავლა; გ) სწავლება მოწყვეტილი იყო რეალურ ცხოვრებას.

1868 წლიდან ზოგიერთ სკოლაში ოსური ენის სწავლება თითქმის მთლიანად იქნა აღკვეთილი.

გიმნასტიკა, ხაზვა, ე. წ. „თვალსაჩინო სწავლება“ (ბუნებისმეტყველების ელემენტების გაცნობა) მოსაჩვენებლად „გეგმაში“ არსებობდა, ნამდვილად, აღნიშნული საგნები, აქა-იქ და ისიც, მხოლოდ ფორმალურად „ისწავლებოდა“.

რუსული ენა — არა მარტო ძირითად სასწავლო საგნად, არამედ ყველა საგნების სწავლების საფუძვლად ითვლებოდა. რუსული ენის პროგრამის მიხედვით სწავლობდნენ წერა-კითხვას, ატარებდნენ პრაქტიკულ ვარჯიშს (ე. წ. „ლექსიურ“ გაკვეთილებს), როდონეესკის „Родина“-დან ხდებოდა ადგილების კითხვა და გაზეპირება, წარმოებდა წერიტი კარნახები, მაგრამ სწავლების უვარგისი სისტემისა და უაზრო ზეპირობის გამო მოსწავლეები საფუძვლიან ცოდნას მაინც ვერ იღებდნენ. „რუსულ ენაში მოსწავლეებმა ისე ცოტა იციან,— ეკითხულობთ „საზოგადოების“ ანგარიშებში,— რომ დამხმარე კითხვების მიცემის დროსაც კი არ შეუძლიათ ორი-სამი წინადადებიდან აზრის გადმოცემა“³⁰⁰.

ანალოგიურ მდგომარეობაში იყო სხვა სკოლებიც. კორინთის სკოლაში „რუსულ ენაში... მოსწავლეებმა თითქმის არაფერი არ იციან“, — აღნიშნულია მაშინდელს ოფიციალურ წყაროებში³⁰¹.

ოსთა საეკლესიო-სამრევლო სკოლების სასწავლო გეგმებისა და სახელმძღვანელოების შესახებ გარკვეულ წარმოდგენას იძლევა „ოსეთის სასულიერო კომისიის“ 1847 წლის 10 აპრილის (№ 328) მიმართვა საქართველოს ეგზარხოსისადმი, რომელშიაც ნათქვამია: „თქვენდამი რწმუნებულ კანცელარიის ა/წ. 9 აპრილის (№ 943) მომართვის პასუხად ოსეთის სასულიერო კომისიის პატივი აქვს გაცნობოთ, რომ ამჟამად სასულიერო კომისიის უწყებაში საეკლესიო-სამრევლო სკოლები არსებობს ოსეთის შემდეგ ეკლესიებთან და სამრევლოებთან:

- ა) 1. არღონის წმ. გიორგის სახ. ეკლესიასთან;
2. წინსოფლის წმ. გიორგის ეკლესიასთან;

³⁰⁰ შემოხსენებული შეხედულებას იყო იოსებ იალღუზიძე, იმ იოანე იალღუზისძის ხაოესავი, რომელმაც ქართულიდან ოსურად თარგმნა და დაბეჭდა სახარ ბა. ქართული აღფაიციის საფუძველზე შეადგინა ოსური ანბანი, მაგრამ ეს მეტად საინტერესო ს.კითხია და სპეციალურ კვლევას მოითხოვს.

³⁰¹ საქ. ცსს არქივი, ფონდი 141, საქმე № 896, ფურც. 2—4; საქმე № 649, ფურც. 12—15.

3. კაბანო-კაკადურის სამრევლოსთან;
4. ნარის წმ. გიორგის სახ. ეკლესიასთან;
5. ჭავის წმ. ღვთისმშობელ-ქრისტესშობის სახ. ეკლესიასთან;

6. ხაჩირაანთკარის წმ. გიორგის სახ. ეკლესიასთან.

ბ) მოსწავლეები: ა) არღონის ეკლესიასთან (ჩრდილოეთ ოსეთი-შია. — ტ. ს.) ირიცხება 26 ვაჟი; ბ) წინსოფლის ეკლესიასთან — 5 მოწაფე; გ) კაბანო-კაკადურის სამრევლოში — 4 ვაჟი; დ) ნარის ეკლესიასთან — 4 ვაჟი; ე) ჭავის ეკლესიასთან — 12 მოწაფე; ვ) ხაჩირაანთკარის ეკლესიასთან — 10 მოწაფე. სულ 6 სკოლაში სწავლობს 59 მოსწავლე, რომლებიც მონათლულ ოსების შვილები არიან.

გ) მასწავლებლები ამ სასწავლებლებში ინიშნებიან ეგზარხის განკარგულებით. ადგილობრივ სამრევლო მღვდლებს, რომლებიც ოსეთის სამრევლო მღვდლების წოდებით ხაზინიდან იღებენ ჯამაგირს, სოფლის სამრევლო სკოლის ხელმძღვანელობისათვის არავითარი განსაკუთრებული ხელფასი არ ეძლევათ.

დ) სასოფლო სამრევლო სკოლების მოსწავლეები პირველ-ყოველისა წერა-კითხვას სწავლობენ რუსულ ენაზე, შემდეგ ასწავლიან მათ ქრისტიანული მოძღვრების საწყისებს სამოქალაქო შრიფტით. ამ საგნისათვის სასწავლებლებს სასწავლო წიგნებით ამარაგებენ ოსეთის სასულიერო კომისიის თანხებიდან.

ე) ეს მოსწავლეები ცხოვრობენ საკუთარ ხარჯზე.

ვ) ოსეთის სასულიერო კომისიას სახელმწიფო შამულებში განსაკუთრებული სასწავლებლები არა აქვს³⁵².

აქედან ნათელაა, რომ ოსეთის საეკლესიო-სამრევლო სკოლებში მოსწავლეებს გონებას უზმობდნენ საეკლესიო დოგმატების რუსულ ენაზე ზეპირობით. ამგვარი სკოლების საშუალებით მეფის თვითმპყრობელობა და მისი ეკლესია „...ახალგაზრდა ადამიანის მეხსიერებას ტვირთავდა უამრავი ცოდნით, რომლის ცხრა მეთაღი უსარგებლო იყო, ხოლო ერთი მეთაღი — დაძახინჯებული“...³⁵³

საეკლესიო-სლავიანური ენა. ოსეთის სკოლებში საპატიო ადგილი ეჭირა საეკლესიო-სლავიანური ენის სწავლებას. კვირეული საათების რაოდენობა ამ საგანში შეადგენდა:

³⁵² ი ქ ე ე, ფონდი 139, საქმე № 12606, ფურც. 4, 1847 წ. მიმართვას ხელს აწვდის „ოსეთის სასულიერო კომისია“ მდივანი, კოლეჯის ასესორი მარსოვი.

³⁵³ ვ. ლენინი, ტომი III, 1952 წ., გვ. 344.

III განყოფილებაში —	6	გაკვეთილს;
IV	—	6
V	—	4
VI	—	3

I და II განყოფილებაში ისწავლებოდა ოსური ენა, მაგრამ ადგილობრივ ენაზე სახელმძღვანელოების უქონლობის გამო ხშირად ეს საგანი საეკლესიო-სლავიანური ენის გაკვეთილებით (მაგ.: დიგორის სკოლაში) იცვლებოდა³⁵⁴. ერთკლასიან სკოლაში საეკლესიო-სლავურ ენას კვირაში 26 გაკვეთილი ჰქონდა დათმობილი, ორკლასიანში — 28. თუ რუსულ სკოლებშიაც ეძნელებოდა ბავშვებს საეკლესიო-სლავიანური ენის შესწავლა, მით უმეტეს რთული იყო მისი შეთვისება ოსი ბავშვებისათვის, რომლებმაც ჭერ კიდევ არ იცოდნენ საფუძვლიანად რუსული ენა³⁵⁵. ოსურს სკოლებში „მოსწავლეები ზეპირად, ყოველგვარი გაგების გარეშე სწავლობდნენ ლოცვებსა და სლავიანურ ტექსტებს“, რაც ბავშვებში სწავლების ამგვარბ სისტემისადმი სიძულვილის გრძნობებს აძლიერებდა.

ქართული ენა. 1864 — 1870 წწ. ქართული ენა ოსეთის სკოლებში შემოღებული იყო, როგორც არასავალდებულო საგანი. მეფის თვითმპყრობელობის ცენტრსა და პერიფერიებში მოპარპაშე რუსიფიკატორები ჩვენი ქვეყნის ვერც ერთ კუთხეში ვერ ითმენდნენ ადგილობრივ ენებზე სწავლებას და ოსი მოსახლეობის ძალით გადაბირების პოლიტიკას ატარებდნენ.

მეფის მთავრობის მიერ დაგეშილი „მოსკოვსკიე ვედომოსტის“ რედაქციაში მოკალათებული შოვინისტები, „კავკასიაში მართლმადიდებელი ქრისტიანობის აღმდგენელი საზოგადოების“ წევრების გამო ამათრახებდა, რომ ოსურ სკოლებში ქართული ენა რუსულის გვერდით ისწავლებოდა. აღნიშნული „საზოგადოება“ დიდმპყრობელ შოვინისტებს ბოდიშის ტონით პასუხობდა იმის შესახებ, რომ „ზოგიერთებთან, როგორც მაგალითად სამხრეთ ოსებთან, მტკიცედ სპარობს ქართული ენა... ჭავის, კუდარის, მაშისონის და სხვა ხეობებში“³⁵⁶. მეფის თვითმპყრობელობა, მისი ედიქტების უყოყმანოდ შემსრულებელი კავკასიის სასწავლო ოლქის სამზრუნველოს და საქართველოს საეგზარხოსოს აქტიური ჩარევით შეეცა-

³⁵⁴ „Журнал Министерства народного просвещения“, Январь—1917 г. :стр. 98—99.

³⁵⁵ იქვე. გვ. 99.

³⁵⁶ გახ. „Кавказ“, 1868, № 24.

და ოსეთის სკოლებიდან განედევნა ქართული ენა, ოსებს შორის გაედვივებინა ქართველებისა და ქართული კულტურისადმი სიძულვილი, მაგრამ რუსეთის პირველი რევოლუციის პერიოდამდე (ზოგიერთ შემთხვევაში — შემდეგაც) თვითმპყრობელ-კოლონიზატორთა ეს მიზანი დაუბრკოლებლად არ ყოფილა განხორციელებული. ოს ხალხს და მის მოწინავე ინტელიგენციას თავისი ეროვნული კულტურის განვითარებისათვის საჭიროდ მიაჩნდა, როგორც დიდი რუსი ხალხის ენისა და კულტურის შესწავლა-დაუფლება, ისე, მასთან ხანგრძლივ ისტორიულ მეგობრობაში მყოფი ქართველი ხალხის კულტურული მემკვიდრეობის შესწავლა-გამოყენება და ქართველებთან ძმური კავშირის განმტკიცება. მიუხედავად ამისა, ქართული წიგნი, ქართული ენა და კულტურა ოსეთში, მეფის სატრაპების მხრივ სასტიკ დევნას განიცდიდა³⁵⁷.

ამრიგად, ოსეთის საეკლესიო-სამრევლო სკოლებში სასწავლო გეგმით და ცხრილის მიხედვით ეთმობოდა:

- I გაკვეთილი სამღვთო სჯულს;
- II არითმეტიკას;
- III კითხვას;
- IV რუსული ენის პრაქტიკულ შესწავლას;
- V სუფთა წერას და საეკლესიო გალობას და ა. შ.³⁵⁸

ანალოგიური მდგომარეობა იყო სამინისტროს სკოლებში, რომლის საშუალებითაც „სასწავლებელთა ხელმძღვანელობა“ და ინტერესებული იყო ახალგაზრდობაში შთაენერგა „შიში ღვთისა“, „სიყვარული წმინდისა ეკლესიისა“ და „ერთგულება მეფისა დამამულისა“...

ზემოაღნიშნული მიზნების განსახორციელებლად ერთკლასიან და ორკლასიან სამინისტრო სკოლებში ისწავლებოდა: 1) სამღვთო სჯული (კვირაში — 4 საათი); 2) რუსული ენა (12 საათი); 3) შრომლიური ენა; 4) არითმეტიკა; 5) სიმღერა-გალობა; 6) რუსეთის ისტორია (ორკლასიან სკოლებში); 7) გეოგრაფია; 8) ბუნებისმეტყველება (მოკლე ცნობები); 9) ხატვა და 10) გეომეტრიული ცნობები (ორკლასიან სკოლებში)³⁵⁹.

³⁵⁷ საქართველოს სსრ ცსს საისტორიო არქივი, ფონდი 107, სერია „ბ“ საქმე № 5აყ. 187, წ. იქვე ფონდი 141. საქმე № 5აყ, ფურც. 23, საქმე № 802* ფურც. 2, 9. საქმე № 557. 1897 წ., საქმე № 1694, ფურც. 14—15, 1902 წ., საქმე № 953, ფურც. 2. შდრ დოკ. გადივეის დასახ. ნაშრომის გვ. 97.

³⁵⁸ საქ. სსრ ცსს საისტორიო არქივი, ფონდი 141, საქმე № 1590, ფურც. 24, 29—32.

³⁵⁹ იქვე, ფონდი, საქმე № 176, 1913 წ., საქმე № 810, გვ. 79.
იხ. აგრეთვე „Правила о начальных училищах, утвержденные Кассо в 1913 г.“

ამრიგად, სამინისტროს უწყების სახალხო ერთკლასიან და ორკლასიან სკოლებში ცენტრალური ადგილი ეჭირა საქმეთო სჯულის, საეკლესიო საგალობლებისა და რელიგიური დოგმატების სწავლებას, პროგრამის წერტილიდან წერტილამდე გაზეპირებას. რუსიფიკატორული პოლიტიკის მომხრეები სწავლა-განათლების ამგვარი „სისტემის“ დამცველთა როლში გამოდიოდნენ. ყველასათვის ცნობილია, რომ „ძველ წყობილებას თავის სამსახურში ჰყავდა მრავალი დიდად განათლებული ადამიანი, რომლებიც იცავდნენ ძველ წყობილებას, რომლებიც ახალი წყობილების წინააღმდეგ მიდიოდნენ. განათლება — ეს ხომ იარაღია, რომლის ეფექტი იმაზეა დამოკიდებული, თუ ვის უჭირავს იგი ხელში, ვის სურო შეუტეონ ამ იარაღით“.

სკოლას და სახალხო განათლების არსებულ სისტემას შეფის თვითმპყრობელობა მშრომელი ხალხის დამონაგება-დაბეჩავების იარაღად იყენებდა.

თერგის ოლქის ზოგიერთი სკოლა საეკლესიო-სამრევლო სკოლებისაგან განსხვავებული სასწავლო გეგმით მუშაობდა. მთიელთა სკოლებში უმთავრესად ისეთი საგნები ისწავლებოდა და იმ „წესით“, რომელიც შეფის თვითმპყრობელობას ადგილობრივ მოსახლეობაზე თავისი იდეური გავლენის განმტკიცებაში დაეხმ-

№ რ. რ.	საგნების დასახელება	მოსაწ. კლასები			ძირითადი კლასები			შენიშვნა
		1	2	3	1	2	3	
1	სამღეთო სკული და მუსულმანური ყურანი	1	1	1	2	2	2	ტარდებოდა ერთდროულად 2 მაწ. მიერ
2	რუსული ენა: ა) ს.უბარი ბ) კითხვა გ) სტატიების შესწავლა	5	5	2	—	—	—	
3	ართმეტიკა	3	3	4	4	3	3	
4	გეომეტრია	—	—	—	—	—	2	
5	ძოფლიო ისტორია	—	—	—	—	2	2	
6	რუსეთის ისტორია	—	—	—	3	2	2	
7	გეოგრაფია	—	—	—	—	—	2	
8	ზოოლოგია	—	—	—	—	—	3	
9	ფრანგული ენა	—	—	—	—	—	2	
10	ლათინური ენა	—	—	—	—	—	2	
11	პედაგოგია	—	—	—	—	—	3	
12	ხ ა ტ ვ ა	—	—	—	2	2	1	
13	სუფთა წერა	5	5	3	4	3	—	
14	სიიღერა	3	3	3	3	4	3	
		17	17	17	23	22	29	

რებოდა. მაგალითად, ვლადიკავკაევის მთიელთა საოლქო სკოლის სასწავლო გეგმა შემდეგ სახეს ატარებდა³⁶⁰ (იხ. ცხრილი 129 ჯერჯიბზე).

ვლადიკავკაევის მთიელთა საოლქო სკოლა (ისე როგორც სხვა ანალოგიური სასწავლებლები) მიზნად ისახავდა თვითმპყრობელობის ადგილობრივ მოხელეთა კადრების მომზადებას. ამ მიზნით, აღნიშნული ტიპის სკოლებში განსაკუთრებული ყურადღება საქმეთა სჯულის, რუსული ენის, რუსეთის ისტორიის, ფრანგული და ლათინური ენებისა და საეკლესიო გალობის შესწავლას ეთმობოდა. ბავშვებს ასწავლიდნენ მსოფლიოსა და რუსეთის ისტორიას იმ დროს, როდესაც მათ არავინ არაფერს უამბობდა საკუთარი სამშობლოსა და მისი ხალხის ისტორიაზე, მოსწავლეებს აწვდიდნენ მოკლე ცნობებს რუსეთის გეოგრაფიის შესახებ, მაგრამ წარმოდგენასაც არ აძლევდნენ კავკასიის გეოგრაფიაზე და ა. შ.

მთიელთა სკოლებს სამხედრო უწყება განაგებდა. სახალბო სკოლათა დირექტორები სამხედრო ოლქის უფროსის შეუთანხმებლად ვერც მასწავლებელს ნიშნავდა და ვერც მასწავლებელთა თათბირებს ატარებდა³⁶¹.

სწავლება აღნიშნულ სკოლებში უმთავრესად ბავშვთათვის გაუგებარ ენაზე წარმოებდა. მოსწავლეების გადატვირთვა ცხოვრებაში გამოუსადეგარი „რელიგიური ცნობებით“ ხელს უშლიდა ნამდვილი ცოდნის შეთვისებას. სკოლის აუტანელი რეჟიმი ბავშვთა ისედაც აუტანელ მდგომარეობას კიდევ უფრო ამძიმებდა. მოსწავლეებთან ყოველდღიურად 60 წუთიანი 5 გაკვეთილი ტარდებოდა, რომელსაც შრომის 1,5 საათიან გაკვეთილებს გარდა (სალაშობით) რელიგიურ-ზნეობრივი ხასიათის დარიგებები, საგალობლების შესრულება, სახარების (ან ყურანის) კითხვა და მომამბეზრებელი საეკლესიო-სარწმუნოებრივი საუბრები ემატებოდა³⁶².

მოსწავლეები სკოლაში ყოველდღიურად 8—10 საათს მუშაობდნენ. გაკვეთილებს შორის მხოლოდ 5 წუთიანი შესვენება ეწყობოდა.

სასწავლო მასალა ტრაფარეტული, რელიგიურ-დოგმატური, უმინაარსო, მოსამბეზრებელი და არასაინტერესო იყო, რაც მოსწავ-

³⁶⁰ Известия Северо Кавказского педагогического института им. М. Ю. Гадиева, том XIII, 1937 г., стр. 265.

³⁶¹ იქვე, გვ. 158.

³⁶² იქვე, გვ. 261.

ლებებს სკოლაზე გულს უტრუებდა. რუსულიდან თარგმნილი „უწმინდესი ღვთისმშობელი“, „ლოცვა წმინდისა სულისა“, „ღირსეულ არს“ და სხვა მსგავსი რამ, როგორც ოსი, ისე შთის სხვა ხალხთა პავშეებისათვის გაუგებარი რჩებოდა. ერთკლასიან სკოლაში რუსული ენის მართლწერის ელემენტარული საკითხები ისწავლებოდა. მესამე წლის ბოლოს ბავშვებს მარტივი წინადადებების სინტაქსურად და უბრალო სიტყვების ეტიმოლოგიურად გარჩევას ასწავლიდნენ.

1909 წელს თერგის ოლქის სახალხო სკოლების მეორე საინსპექციო რაიონის ცხრავე ოსურ სკოლაში სამღვთო სჯული, რუსული ენა, საეკლესიო-სლავური ენა, „ტუზემტური“ (ე. ი. ადგილობრივი.—ტ. ს.) ენა, სუფთა წერა და კალიგრაფია, არითმეტიკა, გეომეტრია, ისტორია-გეოგრაფია, ბუნებისმეტყველება და სიმღერა-გალობა ისწავლებოდა³⁶³.

საეკლესიო-სლავიანური ენის შესწავლა გუსევის წიგნით ბავშვებს ძლიერ ეძნელებოდა. ადგილობრივ ენაზე სწავლება (ინსპექტორის მიერ გამორკვეულ 25 სკოლიდან 4 სკოლაში იყო) სკოლების საერთო რიცხვის მეხუთედ ნაწილშიაც ძლივს ხერხდებოდა. აღნიშნულ სკოლებში პირველ წელს სწავლება მშობლიურ ენაზე იწყებოდა, მეორე წელს — პარალელურად (ადგილობრივ და რუსულ ენაზე), ხოლო მესამე წელს—რუსულ ენაზე, სადაც ადგილობრივი ენა ერთ-ერთ სასწავლო საგნად რჩებოდა. უმრავლეს სკოლებში სწავლება რუსულ ენაზე მიმდინარეობდა³⁶⁴.

მოსწავლეები ცალკეულ ფრაზებს ან სიტყვებს ზეპირად სწავლობდა და მასწავლებელს გუნდურად პასუხობდა. პირველ ხანებში დასწავლა მშობლიურ ენაზე წარმოებდა, ხოლო შემდეგ იმავე ფრაზების ან წინადადებათა თარგმნა-წარმოთქმა რუსულად ხდებოდა. სასწავლო მასალის (ტექსტის) წაკითხვა და დაძახსოვრება ბავშვებს, როგორც მშობლიურ, ისე რუსულ ენაზედაც უხდებოდათ.

მოსწავლეები ძნელად ეუფლებოდნენ რუსულ სალაპარაკო ენას, უჭირდათ წერა, სასეენი ნიშნების გამოყენება და თავის დროზე ხმის ამალება, რადგანაც პედაგოგიურ პროცესში უგულვებელყოფილი იყო ვარჯიშის, თვალსაჩინოებისა და სხვა დიდაქტიკური პრინციპებისა და რაციონალური მეთოდების გამოყენება.

³⁶³ Материалы по истории осетинского народа, том V, сборник документов по истории народного образования в Осетии, Госиздат СО-НИИ, 1942 г., стр. 274—279.

³⁶⁴ იქვე, გვ. 277.

³⁶⁵ „Журнал министерства народного просвещения“, 1917 г., стр. 98.

რუსული ენის სწავლებაში გამოყენებული იყო ორი მეთოდი: ა) თარგმნითი — გრამატიკული და ბ) ნატურალური. პირველი სწავლების ფუნდამენტად დედაენისა და მისი გრამატიკის კანონების ცოდნას აღიარებდა, მეორე კი — ენის უცოდინარობას, მშობლიური ენის გამოუყენებლობას, თვალსაჩინოებაზე და ხმის მსგავსებაზე სწავლების აგებას.

მოსწავლეებს აზეპირებიზდნენ ისეთი უშინაარსო ხასიათის ლექსებს, როგორცაა, მაგალითად:

„ილოცეთ, ძვირფასო ბავშვებო,
ღმერთს სიტყვებით შეევედრეთ:
შეიწყალე, ღმერთო, რუსეთი ჩვენი.
შეიწყალე ჩვენი მეფე“³⁶⁶.

ამგვარი დოგმატური შინაარსის ტექსტებით ტენის ულაყებდნენ ცოდნისმოყვარე და ნიჭიერ ოს ახალგაზრდობას.

სკოლებში მეტად უხარისხოდ ისწავლებოდა კალიგრაფია და სუფთა წერა. გეომეტრიაში სწავლების სათანადო დონეზე დაყენებას ხელს უშლიდა სახაზავის, ტრანსპორტირის, ცირკულის, ეკერის, საზომი ლენტისა და სხვა გეომეტრიული თვალსაჩინო ხელსაწყობის უქონლობა და მასწავლებელთა დაბალი მომზადება. ისტორიისა და გეოგრაფიაში ორკლასიან სკოლებში (ანსნითი კითხვის მეთოდით) მეფეთა ცხოვრების, მათი ბრძოლებისა და დაბადება-ჯარდაცვალების ამბები (როქდენსტვენსკის ან პუციკოვიჩის სახელმძღვანელოებით) ისწავლებოდა. გეოგრაფიის გაკვეთილებზე მოსწავლეებს ფიზიკური და მათემატიკური გეოგრაფიის მოკლე ცნობები ეძლეოდა. ბუნებისმეტყველების სწავლება იმ პროგრამის მიხედვით სწარმოებდა, რომელიც ორკლასიანი სკოლებისათვის 1903 წელს სახალხო სკოლების დირექტორებისა და ინსპექტორების ყრილობამ დაამტკიცა³⁶⁷.

აღსანიშნავია ისიც, რომ ბუნებათმეცნიერების სწავლება მოწყვეტილი იყო გარემომცველი ცოცხალი ბუნების გაცნობას, ვინაიდან „ყმაწვილების გონებრივი განვითარებისათვის... გარემომ-

³⁶⁶ Известия Северо Кавказского педагогического института им. М. Ю. Гаднева, т. XIII, С/Ос. Госиздат, 1937 г., стр. 271.

³⁶⁷ Архив СОНИИ, фонд дирекции народных училищ Тергской области, дело № 636, 1909 г. Л. 23-30.

დეველი ბუნების საგნების გაცნობაზე არავითარი ყურადღება არ ყოფილა მიქცეული³⁶⁸.

სიმღერის სწავლება საეკლესიო საგალობელთა შესრულებით ხასიათდებოდა. ოსურ სკოლებში ამგვარ სიმღერებს 1 ან 2 მოსწავლე ან (გუნდური წარმოქმნით) მთელი კლასი ასრულებდა. ზეღვარჯილობის სწავლება ვიწროსაქმოსნურ, უტილიტარულ ხასიათს ატარებდა.

4. ოსური დამწერლობის განვითარება, წიგნიერების გავრცელება და სასწავლო სახელმძღვანელოები

ოსების გაქრისტიანებისა და ამ საქმეში მისიონერული შოღვა-წეობის განვითარებისათვის საჭირო იყო საღვთისმეტყველო წიგნების თარგმნა, ადგილობრივ ენაზე სახელმძღვანელოების შექმნა და გამოცემა. ქართული ანბანის საფუძველზე ოსური დამწერლობის განვითარება დაიწყო ჯერ კიდევ XVIII საუკ. მეორე ნახევარში რუსეთთან საქართველოსა და ოსეთის კავშირის განმტკიცების გზით³⁶⁹. ამ პერიოდში იმიეროსეთის მოსახლეობა უმეტესად ტაგაურის, კურთათინის, ალაგირისა და დიგორის ხეობებში იყვნენ დასახლებულნი, ხოლო საქართველოში ოსები დიდი ლიხვისა და ქსნის ხეობებში ცხოვრობდნენ. მთის ოსეთის მოსახლეობა ბარის ოსებს არა მარტო ეკონომიურად, არამედ კულტურულადაც ჩამორჩებოდა, რადგანაც პრიმიტიული ნატურალური მეურნეობა და პატრიარქალური ყოფა-ცხოვრება ხალხის განათლების გზაზე დიდ დაბრკოლებას წარმოადგენდა. ცარიზმის პოლიტიკა კავკასიის მთის ხალხების მიმართ, უმთავრესად, მათი ბუნებრივი სიმდიდრეების გამოვლინება-გაძარცვასა და ადგილობრივ მოსახლეობის დამორჩილებაში მდგომარეობდა. მეფის თვითმპყრობელობას ამ მიზნისათვის ადგილობრივი რუსული ენის მცოდნე, რუსეთის ორიენტაციის მისიონერული კადრები ესაჭიროებოდა. ოსეთში საეკლესიო განათლების შეტანისა და ოსი ხალხის რუსულ კულტურასთან დაახლოების საქმეში მნიშვნელოვან როლს ასრულებდნენ ქართველი მისიონერი მღვდლები (არხიმანდრიტი პახომი და სხვ.), რომლებიც ვახტანგ VI-თან რუსეთში ყოფნის შემდეგ ჩრდილო კავკასიაში

³⁶⁸ Газ. „Кавказ“, 1874 г., № 24, стр. 2. ფ. ნათიევის სტატიიდან: „Из Южной Осетии“.

³⁶⁹ С. М. Тотоев, Развитие культурной и общественной мысли в Северной Осетии во второй половине XIX и в начале XX вв., Госиздат, С/Ос. 1950 г., стр. 6—7.

ეწეოდნენ რელიგიურ-საგანმანათლებლო მოღვაწეობას. პირველი-საეკლესიო წიგნები ქართულიდან ოსურად ითარგმნა და ხელნაწერის სახით ვრცელდებოდა იგუმენ გრიგოლის (1747—1753 წწ.) ინიციატივით.

თარგმნითი და ორიგინალური წიგნების შედგენა-გავრცელების საქმეში შემდეგში უდიდესი როლი შეასრულა გამოჩენილმა ქართველმა მოღვაწემ, მოზღოკის ეპისკოპოსმა გაიმ (იგივე გაიოზი), რომელსაც ეკუთვნის მოზღოკში ქართული სტამბის მოწყობის (1796—1801 წწ.) ინიციატივა³⁷⁰.

მოზღოკის სტამბის გამოცემებიდან „...გაიოზის „ანბანი“ სასტამბო ხელოვნების შედეგს წარმოადგენს“³⁷¹. გაიოზმა 1798 წელს ოსებს სლავიანურ ალფაბიტზე დაფუძნებით შეუდგინა ოსური ანბანი, რითაც დასაბამი მისცა ოსური დამწერლობის განვითარებას. 1798 წელს, გაიოზის მიერ შედგენილი რუსულ-სლავური ალფაბეტის საფუძველზე, ოსეთის კულტურის ისტორიაში პირველად გამოჩნდა მისივე ნაბეჭდი ოსური წიგნი—კატეხიზმი, რომელიც არა მარტო მოზღოკის სკოლაში იყო გამოყენებული, არაჰედ ყველა კავკასიელ რუს, ქართველ და ოს საეკლესიო მოღვაწეთა მიერ იხმარებოდა, როგორც „სამაგილო“ წიგნი³⁷². ოსეთის კულტურისა და აზროვნების ისტორიის გამოჩენილი მკვლევარის — პროფესორ ს. მ. ტოტოევის შეხედულებით, ეპისკოპოსს გაის წიგნს უდიდესი კულტურულ-ისტორიული მნიშვნელობა ჰქონდა, პირველი იმიტომ, რომ ამ პერიოდიდან (ე. ი. თითქმის ერთნახევარი საუკუნის წინათ), პირველად გაისმა ოსური სიტყვა, რითაც საფუძველი ჩაეყარა ოსურ წერა-კითხვას და დამწერლობას; მეორე, ის იყო პირველი ქვაკუთხედი ოსური ლიტერატურის ფუნდამენტის შესაქმნელად, რომელმაც საწყისი მისცა რუსული გრაფიკის საფუძველზე ოსური დამწერლობის განვითარებას; მესამე, იგი ერთ-ერთ მძლავრ საშუალებას წარმოადგენდა ოსი ხალხის რუსულ კულტურასთან და რუს ხალხთან დაახლოებისა და მათ შორის განუყრელი კავშირის განმტკიცებისათვის³⁷³.

³⁷⁰ ქართული წიგნი, ბიბლიოგრაფია, ტომი 1, 1941 წ. გვ. XII—XIII.

³⁷¹ იქვე, გვ. XIII.

³⁷² С. М. Тотоев, Развитие культуры и общественной мысли в Северной Осетии во второй половине XIX и в начале XX вв., Госизд. С/Ос. Дзавджикау. 1950 г., стр. 8-9 გამოჩენილი ოსი მოღვაწეს—გ. ცაგოლოვის მოსწრებული გამოთქმით. გაიოზის წიგნი: „Начальное учение человеком, хотящим учиться книг божественного писания“ (1798 г.) „ოსური მწიგნობრული ლიტერატურის პირმზის“—წარმოადგენს.

³⁷³ С. М. Тотоев, Развитие культуры и общественной мысли в северной Осетии во второй половине XIX и в начале XX вв., 1950 г., стр. 8-9.

მიუხედავად იმისა, რომ გაიოზის წიგნები რელიგიური შინა-არსის იყო და ოსეთში იგი ცარიზმის კოლონიალური მიზნების განხორციელებას ემსახურებოდა, მას მაინც უდიდესი მნიშვნელობა ჰქონდა, როგორც ნაციონალური განათლების პირველ თესლს, რომელზედაც მომავალში ოსური დამწერლობის ჩეჩილი უნდა ამწვანებულიყო. ამრიგად, გაიოზი, მიჩნეულ უნდა იქნას ოსური დამწერლობის ერთ-ერთ ფუძემდებლად, პირველ განმანათლებლად, ოსური ანბანის საფუძვლის ჩამყრელად, ოსურ ნაციონალურ ენაზე პირველი საკითხავი წიგნის შემომღებად, რომელმაც გაბედული ნაბიჯი გადადგა ოსი ხალხის ქართულ და რუსულ კულტურასთან დაახლოების გზაზე.

გამოჩენილი ქართველი მეცნიერის, ძველა ქართული ლიტერატურის ისტორიის დიდი მკვლევარის—აკადემიკოს კორნელი კეკელიძის ცნობით: „ოსების განათლებას გაიოზმა²¹ დიდი ღვაწლი დასდო:

²¹ა გაი (გაიოზი) სხვადასხვა ისტორიულ წყაროებში სხვადასხვა გვარით არის მოხსენებული. ზოგიერთები (თეიმურაზ ბატონიშვილი, ეპისკ. კირიონი, ალ. ცაგარელი, ი. საენსკი) მას თავად ბარათაშვილად იხსენიებენ. ზოგიერთები (მთვარელიშვილი, ხახანაშვილი და სხვ.) გაიოზ ნაკულიშვილად, ხოლო სხვები (დ. ბაქრაძე და ა. შ.) თაყაშვილად, ან კიდევ ვაგოშვილად (იხ. რაინემისი *Algemeine historische-topographie Beschreibung des Kaukasus*, II, 1797, გვ. 102—104), გაიოზი (დაახლოებით) დაბადებულია 1746 წელს, რომელიც ვიღაც თბილისელ დიაკონს აღუზრდია. მასვე უსწავლებია გაიოზისათვის წერა-კითხვა. შემდეგში მისი აღზრდა უყისრია რუსეთიდან საქართველოში (1763 წ.) დაბრუნებულ ანტონ კათალიკოსს. მას გაიოზისათვის თბილისის სემინარიაში (სხვებთან ერთად) უსწავლებია: ღრამატიკა, პიიტკია, რიტორიკა, ლოგიკა, არისტოტელეს კატელორიები, მეტაფიზიკა, ფიზიკა და ფილოსოფია.

1772 წელს გაიოზს, ანტონ კათალიკოსისა და ბატონიშვილ ლეონის მეთაურობით მონაწილეობა მიუღია ერეკლე მეფის მიერ პეტერბურგს ვაგზანთილ დიპლომატურ მისიაში. პეტერბურგში ყოფნისას გაიოზს უსწავლია ალექსანდრე ნეველის სემინარიაში, სადაც შეუსწავლია რუსული, ლათინური და ბერძნული ენები. 1775 წ. გაიოზი მოსკოვის სასულიერო აკადემიაში შესულა „სწავლისათვის ლათინურისა და რუსულისა“, რომელიც დაუმთავრებია 1778 წელს. 1779 წელს ის მღვდელმონაზვნად აკურთხეს, ხოლო 1780 წელს რუსეთში იგუმენობა მიიღო. 1782 წელს იგი თელავის სასულიერო სემინარიის რექტორად იქნა დანიშნული, სადაც დაახლოებით 1 წელიწადს მუშაობდა. 1783 წელს მონაწილეობა მიიღო ქ. გეორგიევსკში რუსეთთან ცნობილი ტრაქტატის დადებაში. კავკასიის მმართველის—პ. ს. პოტიომკინის გაცნობის შემდეგ, 1784 წელს, ის პეტერბურგში არქიმანდრიტად აკურთხეს. 1793 წელს გაიოზი მოხდოკის ეპისკოპოსად დანიშნეს და ოსეთში ქრისტიანობის გამავრცელებელი კომისიის გამგებლობაც მას ჩააბარეს. 1799 წლის 16 ოქტომბრიდან 1808 წლამდე იგი სარატოვისა და პენზის ეპარქიას განაგებდა, ხოლო 1808 წლიდან 1821 წლის 21 თებერვლამდე (ვიღარე გარდაიცვალა) ასტრახანისა და სტავროპოლის მთავრეპისკოპოსად მუშაობდა. გაიოზის კალამს 400-ზე მეტი ნაშრომი მიეკუთვნება, რომელთაგან უმეტესობა თარგმნილია, ხოლო დანარჩენი კი—ორიგინალური.

მათ მან შეუდგინა ანბანი, რომელსაც საფუძვლად დაუდო სლავური ანბანი და გადაუთარგმნა „პირველდაწყებითი საქრისტიანო მოძღვრება“.³⁷⁵ ამის შემდეგ, ქართველ მოღვაწეთა ინიციატივით, მოსკოვის ქართულ სტამბაში გამოიცა „ოსური ანბანი ქართული ასოებით“, ხოლო 1786 წელს მოზდოკში დაიბეჭდა „ოსურ-ქართული ლოცვანი“. ამაზე უფრო ადრე, ივრე სახელწოდების წიგნი საეკლესიო-ხუცური ასოებით გამოიცა ვახტანგ VI მიერ დაარსებულ თბილისის სტამბაში (1778 წ.), ხოლო ფსალმუნი (ოსურ ენაზე — ხუცური ასოებით) — კიდევ უფრო გვიან — (1794 წელს), რომელთაც გარკვეული მნიშვნელობა ჰქონდა ოსური კულტურისა და ნაციონალური დამწერლობის განვითარებისათვის³⁷⁶.

სწავლების შინაარსი ოსეთის სკოლებში სასწავლებელთა და ინჟინერებით და თვითმპყრობელობის მიერ მათ წინაშე დასახული, ამოცანებით განისაზღვრებოდა. ამის შესაბამისად ოსეთის საეკლესიო-სამრევლო სკოლებში უმთავრესად სამღვთო სჯული, საეკლესიო სლავიანური და ოსური ენები, არითმეტიკის ელემენტები, ლოცვები და საეკლესიო საგალობლები ისწავლებოდა.

ამიტომ, ბუნებრივია, სკოლებს შესაბამისი დაძმძარე წიგნები და სახელმძღვანელოები ესაჭიროებოდა.

1836 წლამდე კავკასიის მთიანეთის სკოლებში ოსი ინტელიგენციის გამოჩენილი წარმომადგენლისა და განმანათლებლის იოანე იალღუზიდის (1770—1810) მიერ თარგმნილი სახელმძღვანელოები და სხვა წიგნები იხმარებოდა.

ჯერ კიდევ 1820 წელს ქ. თბილისში „სადიდებლად წმიდისა, ერთარსისა, ცხოველსმყოფელისა და განუყოფელის სამებისა, მამისა და ძისა და სულისა წმიდისა; და სასულიეროს სამოძღვრებლად ახალმოქცეულთა მთის ოვსეთისა ერთა“... გამოქვეყნებულ იქნა „საცისკრონი ლოცვანი“ ანუ „წიგნი ესე ლოცვანი, კატეხიზმოსი და მოკლე ქრისტიანებრი-ზნობითი სწავლა“ პარალელურა (მარცხნივ ქართული და მარჯვნივ ოსური) ტექსტებით, რომელიც „...ქართულიდან ბუნებით ოვსთაგანის აზნაურის იოანე იალღუზიდის მიერ“ იყო თარგმნილი³⁷⁷. ამის შემდეგ (1821 წ.) მოსკოვის სტამბაში (ნუსხა-ხუცურით) ქართულ-ოსური პარალელური ტექსტებით დაიბეჭდა „კონდაკი“, ხოლო 1824 წელს (ქართულ-ოსური

³⁷⁵ კ. კეკელიძე, ქართული ლიტერატურის ისტორია, 1941 წ. ტ. I, გვ. 355-356,

³⁷⁶ „ცნობის ფურცელი“, 1899 წ., № 779, გვ. 3, № 780, გვ. 2.

ქართული წიგნი, ბიბლიოგრაფია, ტომი 1, 1941 წ., გვ. 90—91.

პარალელი ტექსტებით) „გამოკრებილი კურთხევანი“, რომელიც „...ქართულიდან ოვსურისა ენასა ზედა“ თარგმნილ იქნა ქართულს კულტურულ-ლიტერატურულ წრეებში (ერეკლე მეორისა და გიორგი XII-ს კარზე) აღზრდილი „...ბუნებითი ოვსთაგანის აზნაურის იოანე იალღუზისძის მიერ“³⁷⁸. XIX საუკუნის დასაწყისში, ოსეთ-საქართველოს კულტურული კავშირის განმტკიცებისათვის დაუღალავმა მებრძოლმა იოანე იალღუზისძემ ოსებისათვის გამოსცა ქართული შრიფტით ნაბეჭდი სახარება³⁷⁹, რომელიც მთის ხალხში ქრისტიანობის გავრცელებასთან ერთად ხელს უწყობდა ოსების ქართველებთან კულტურულ დაახლოებას და ამ გზით იმ დროის მოწინავე რუსულ მწერლობასთან კავშირის განმტკიცებას.

იოანე იალღუზისძე იყო ქართულ-რუსული და ოსური ენების საუცხოო მცოდნე, ქართულიდან ოსურ ენაზე სხვადასხვა თხზულებების მთარგმნელი, პოეტი, ქართული ლექსების ავტორი³⁸⁰, რომელმაც დიდი წვლილი შეიტანა ეროვნული მწერლობის განვითარებისა და ქართველ, რუს და ოს ხალხთა კულტურული დაახლოების საქმეში.

გამოჩენილი ქართველი ენათმეცნიერის — აკადემიკოს არნოლდ ჩიჭობაევს შეხედულებით: „ოსური ენის ყველაზე ძველი ძეგლია იალღუზისძის თარგმანი საეკლესიო წიგნთა. იალღუზისძეს ოსურისათვის ქართული ანბანი აქვს გამოყენებული“³⁸¹. ცხადია, ქართველთა კულტურულ სავანეებში აღზრდილი (იმ დროისათვის გამოჩენილი) ოსი მოღვაწის — იალღუზისძისათვის შემთხვევითად როდი იყო ყოველივე იმის მაქსიმალურად გამოყენება, რაც ოდნავ მაინც ხელს შეუწყობდა ოსეთში წიგნიერებისა და ცოდნის გავრცელება-განვითარების საქმეს. ოსი ისტორიკოსი ალ. კოზაევი თავის ნარკვევში („Древние осетины и Осетия“) მიუთითებდა (XVIII საუკუნის ბოლოს და XIX საუკუნის დასაწყისში) ოსეთში დამწერლობის წარმოშობისა და ხალხის კულტურულ აღორძინებაში წიგნის როლის შესახებ. მისი აზრით, XIX საუკუნის დასაწყისში ოსეთი დაადგა ეროვნული კულტურის აღორძინების გზას. „შინაურ ცხოვრებაში ეს ისტორიული მოძრაობა უმთავრესად კულტურ-

³⁷⁸ ქართული წიგნი, ბიბლიოგრაფია, 1941 წ., გვ. 96.

³⁷⁹ Б. И. Абаев, Осетинский язык и фольклор, изд. АН СССР, М., 1950 г., стр. 45-46.

³⁸⁰ ტ. რუხაძე, ქართული ეპოსი „გარდამავალი ხანის“ ლიტერატურაში, № 39 წ., გვ. 197-198.

³⁸¹ პროფ. ა. ჩიჭობაევა, ზოგადი ენათმეცნიერება, 1946 წ., გვ. 192-193.

რის უდიდეს ნაყოფში და უწინარეს ყოვლისა—დამწერლობის განვითარებაში გამოიხატებოდა³⁸². კოზაევის გამოთქმით, ხანგრძლივი ისტორიის მანძილზე ოსები საკუთარი ანბანისა და ნაციონალური დამწერლობის გარეშე იყო და მხოლოდ გვიან (XIX საუკ. 40-იან წლებში) დაადგა იგი საკუთარი და ნათარგმნი ლიტერატურის ნაციონალურ ენაზე შექმნისა და განვითარების გზას³⁸³.

ოსური ნაციონალური კულტურისა და წიგნიერების განვითარებას, როგორც ცნობილია (XVIII საუკუნეში) ხელს უშლიდა:

ა) ოსურ ენაზე ანბანისა და დამწერლობის უქონლობა;

ბ) მღვდლების მიერ ქართული და რუსული ენების უცოდინებლობა, რომელზედაც უმთავრესად საეკლესიო-ღვთისმსახურების „წესების“ შესრულება ხდებოდა, მაგრამ გაიოზის მიერ ოსური ანბანის შემოღების შემდეგ ეს მდგომარეობა შეიცვალა.

ეგზარხოსმა—მიტროპოლიტმა თეოფილაქტემ „...ოს აზნაურებში იპოვნა იოანე იალღუზისძე, რომელიც პატარაობიდანვე საქართველოში იზრდებოდა და ქართული ენა გრამატიკული წესის მიხედვით მშვენივრად იცოდა. მოძებნა უნიკიერესი კაცი, რომელიც წიგნებს ქართულიდან ოსურ ენაზე თარგმნიდა“³⁸⁴.

სწორედ, ამ დიდმა მოღვაწემ—იოანე იალღუზისძემ მთელი თავისი ცოდნა, ნიჭი და მონდომება გამოიყენა მშობლიურ ენაზე წიგნიერების განვითარების, ქართულ-ოსურ-რუსული კულტურული ურთიერთობის განმტკიცებისა და მშობლიური ხალხის ყოველმხრივი აღორძინებისათვის.

იოანე იალღუზისძის საეკლესიო-საღვთისმეტყველო ნაშრომების ნაწილი (ქართულ-ოსური პარალელური ტექსტებით) მოსკოვის სტამბაში დაიბეჭდა, ნაწილი კი — თბილისში, რაც ოსეთის ეკლესიებსა და სკოლებს ეგზავნებოდა. ამგვარი გზით ბევრმა ოსმა ისწავლა, როგორც ქართული, ისე ოსური და რუსული წერა-კითხვა და მშობლიურ ენაზე ღვთისმსახურების „წესების“ შესრულება.

ჯერ კიდევ საქართველოს ეგზარხოსმა თეოფილაქტემ, ხოლო შემდეგ — ეგზარხოსმა-არხიეპისკოპოსმა იოანემ (1822 წ.) დააკმაყოფილეს იალღუზისძის თხოვნა და შეელა აღმოუჩინეს მას ქარ-

³⁸² Древние осетинны и Осетия, сочинение Александра Кодзаева. Владикавказ, 1903 г., стр. 1.

³⁸³ ამასთან დაკავშირებით ალ. კოზაევი მიუთითებდა ქართველი ისტორიკოსის—ქროფ. მ. ჯანაშილის უდიდეს დამსახურებაზე, რომლის წყალობით ოსებმა ისწავლეს. შეინარჩუნეს და ოსურად გამოაქვეყნეს ქართულიდან რუსულ ენაზე თარგმნილი პოემა „იაღღუზისძე“

³⁸⁴ История грузинской иерархии, Москва, 1886 г., стр. 88—89.

ოსულიდან ოსურად „წმინდა ევანგელიის“ თარგმანსა და გამოცემაში-ნათარგმნის ტერმინოლოგიის დასაზუსტებლად დახმარებისათვის მიმართეს ქართველ მემამულეს ოსეთში — თავად შალვა ერისთავს, რომელსაც თხოვეს — შეერჩია ქართულ-ოსური ენების მცოდნე თავის ქვეშევრდომი ოსი-ქრისტიანები და ებრძანებინა მათთვის, რათა საფუძვლიანად განეხილათ „ევანგელიის“ ოსური თარგმანი, მოეძებნათ მასში შეუსაბამო, არაზუსტი გამოთქმები და ეცნობებინათ ამის შესახებ მათი სამრევლოს პროტოიერის — ბიბილურისა და გ. იაღლუზისძისათვის, რათა ამ უკანასკნელთ შესაფერი ცვლილებები შეეტანათ ნათარგმნი წიგნის ტექსტში³⁸⁵, მაგრამ ამ ღონისძიების განხორციელების მიუხედავად, ნათარგმნი წიგნების გამოყენება ოსეთში გარკვეულ სიძნელეებს აწყდებოდა.

კავკასიის მთის სხვა ხალხებთან შედარებით (XIX საუკუნის დასაწყისში და შემდეგ) ოსებს საკუთარი დამწერლობის განვითარების მხრივ მნიშვნელოვანი უპირატესობა ჰქონდათ. ნათარგმნი და ორიგინალური წიგნების შექმნის ნიადაგზე ბევრმა ოსმა მძილო აღზრდა სასულიერო სასწავლებლებში და აქტიურად ჩაება თავისი ეროვნული კულტურის აღორძინების საქმეში.

1862—1863 წწ. და შემდეგ „წიგნის მთარგმნელი კომისიის“ ინიციატივით ოსურ ენაზე დაიბეჭდა პროტოიერ კოლიევის, კოლეჯის ასესორის — მეედლოვის, მღვ. სუხიევის, თბილისის სასულიერო სემინარიის ოსური ენის მასწავლებლის ვ. ცორაევის, დანიელ ჭონქაძისა და სხვათა ნათარგმნი და ორიგინალური ნაშრომები³⁸⁶.

XIX საუკუნის 30-იან წლებიდან ოსეთში (რუსული ძალაუფლების განმტკიცებისა და რუსული კულტურის გავლენის გაძლიერების გზით) ქართული წიგნები რუსული სახელმძღვანელოებით შეიცვალა. 1830 წელს ვლადიკავკაეის სასულიერო სასწავლებლის ზედამხედველმა შიო დვალიშვილმა (რომელმაც მშვენიერად იცოდა ოსური ენა), რუსულ ანბანზე გადასვლასთან დაკავშირებით, საეკლესიო უწყების ხელმძღვანელობისაგან ნებართვა მოითხოვა რუსული ალფაბეტის ბაზაზე ოსური სახელმძღვანელოების შედგენის შესახებ, რაზედაც შესაფერი თანხმობაც მიიღო.

ამგვარი ნებართვის შემდეგ შიო დვალიშვილის ინიციატივით შეიქმნა რუსულ ალფაბეტზე შედგენილი ოსური სახელმძღვანე-

³⁸⁵ История грузинской иерархии, Москва, 1826 г., стр. 91—92.

³⁸⁶ Отчет общества восстановления православного христианства на Кавказе за 1862 и 1863 годы, Тифлис, 1865 г., стр. 11—12.

ლოები და სხვა დამხმარე წიგნები, რამაც კიდევ უფრო შეუწყო ხელი ოსური კულტურის რუსულ კულტურასთან დაახლოებას. ოსეთის ეკლესიებსა და სკოლებში პირველ ხანებში გამოყენებული იყო ქართული ასოებით ნაბეჭდი ოსური საეკლესიო წიგნები. ამასთან დაკავშირებით ქართველი საზოგადო მოღვაწე ილ. ალხაზიძე ილია გაზ. „დროებაში“ 1876 წელს (№ 128) წერდა: „რადგანაც ოსებს ალფაბეტი არა აქვსთ, ქართული ასოებით საღმთო წიგნები ოსურ ენაზე გადათარგმნეს და ეხლა თითქმის ყველა ეკლესიაში წირვა-ლოცვა და ქადაგება ოსურს ენაზეაო“³⁸⁷.

ოსებში თანდათანობით იკიდებდა ფეხს „საეკლესიო განათლება“, ვითარდებოდა მშობლიური სიტყვა და მწერლობა, რაც შეტადნელა, მაგრამ მაინც ხელს უწყობდა მთის ამ ხალხთა საერთო კულტურის ამაღლებას.

ჩრდილოეთ ოსეთის კულტურულ ცხოვრებაში საკმაოდ მნიშვნელოვან მოვლენას წარმოადგენდა აკადემიკოს ა. შეგერენის „ოსური ანბანის“ და რუსული სამოქალაქო ალფაბეტის საფუძველზე შედგენილი „ოსური გრამატიკის“ (1844 წ.) სახელმძღვანელო, რომელსაც თან ახლდა მოკლე რუსულ-ოსური და ოსურ-რუსული ლექსიკონი. ოსური ენის თავისებურებათა მეცნიერული შესწავლის საქმეში ამ პერიოდში თვალსაჩინო წვლილი შეიტანეს აგრეთვე როზენმა და შლეინერმა, მაგრამ ოსური კულტურის განვითარებისათვის შეგერენის ნაშრომებს გაცილებით მეტი თეორიული და პრაქტიკული მნიშვნელობა ჰქონდა, ვიდრე ამ უკანასკნელთა მეცნიერულ გამოკვლევებს.

მიუხედავად შეგერენის გრამატიკის ამგვარი მნიშვნელობისა, მას მოწინააღმდეგეებიც ჰყავდა. 1885 წელს ჟურნალ „მწყემსში“ (№ 2, 15 იანვარი) გ. ლიახველი შიშს გამოთქვამდა, თითქოს, საკუთარი ანბანისა და დამწერლობის უქონლობით კავკასიის ერთ-ერთ უძველეს ხალხს — ოსებს თავისი თვითმყოფლობის დაკარგვა ემუქრებოდა. ავტორი (რომელიც რამდენჯერმე უბრუნდებოდა ოსური ანბანისა და დამწერლობის საკითხს) ხაზგასმით აღნიშნავდა, რომ „ოსებს არა ჰქონდათ და არცა აქვსთ დღეს თავისი ანბანი. 1820—30 წლებში ერთმა ოსთაგანმა ი. იალღუზიძემ შემოიღო ოსურ წერაში სახმარებლად ქართული ასონი, მაგრამ აკადემიკოს შეგერენს, ოსური ღრამატიკის შემდგენელს, იალღუზიძის „თეორია“ არ მოეწონა და შემოიღო რუსული ალფაბეტი, რომელიც არ აკმაყოფილებს

³⁸⁷ გაზ. „დროება“, 1876 წ., № 128, გვ. 4.

ოსური ენის გამოთქმას, რადგან ასონი: ძ, წ, ჰ, ჟ არ არიან რუსულ ალფაბეტში. შეგრენისაგან შემოღებულ ალფაბეტის შემოწმებით ოსურ ენაზე გადაითარგმნა რამდენიმე სამღვთო წიგნი, რომელთაც სამწუხაროდ, არა აქვს ისეთი მნიშვნელობა და გავლენა ოსებზედ, როგორაც უნდა ჰქონდეთ. ამ წიგნებიდან, რასაკვირველია, ოსს ბევრი არა ესმის—რა. თვით ამ ალფაბეტზე ოსური ენის სწავლების საქმე „კავკასიაში ქრისტიანობის აღმდგენელი საზოგადოების“ სკოლებში რიგიანად არ მიდიოდა და არც შემდეგში წავა. მთელ სამხრეთ ოსეთში (მღვდლებს გარდა) ეხლა არ შობიპოვება ისეთი კაცი, რომელსაც შეგრენის ალფაბეტზე კითხვა შეეძლოს“...²⁸⁸

ამ მსჯელობიდან ჩვენთვის ნათელია, რომ ოსი ინტელიგენცია დოგმატურად არ იღებდა ამა თუ იმ წიგნს, კრიტიკულად აფასებდა ყოველ სახელმძღვანელოს და ცდილობდა ნამდვილ ოსურ ანბანზე აგებული სახელმძღვანელო წიგნების შექმნას, რომელიც ყოველ ოსს მისცემდა შესაძლებლობას ეწერა, ეკითხა და თავისუფლად ელაპარაკა თავის ბუნებრივ მშობლიურ ენაზე.

გ. ლიახველის მიერ გამოთქმული კრიტიკული მოსაზრებანი შეგრენის გრამატიკის შესახებ მიმართული იყო არა რუსული ალფაბეტისა და რუსულ ენაზე შედგენილი სახელმძღვანელოების გამოყენების წინააღმდეგ, არამედ იმ ნაკლოვანებათა დაძლევა-აღმოფხვრისაკენ, რომელიც შეგრენის გრამატიკას და მაშინდელ სასკოლო სახელმძღვანელოებს ახასიათებდა.

გ. ლიახველი ოს ბავშვთათვის მისაწვდომი სახელმძღვანელოების შედგენისა და ეროვნული კულტურის განვითარებისათვის ოსური ალფაბეტის გამოყენების მიზანშეწონილობის თვალსაზრისს იცავდა, თუმცა, ისიც უნდა ითქვას, რომ ამით სრულიადაც არ ცდილობდა იგი ოსურ სკოლებში რუსულ ანბანზე შედგენილი სახელმძღვანელოების გამოყენების მნიშვნელობის შემცირებას. „...ჩვენ სრულიადაც არ გვინდა ვსთქვათ ის, რომ რუსული ალფაბეტი ნუ იხმარება ოსურ წერაში, არამედ იმას ვამბობთ, რომ რიგია შეადგინონ (თუნდ სხვადასხვა ენებიდანაც) ისეთი ალფაბეტი, რომელიც ჰნატავდეს ოსურ გამოთქმას და მაშინ შეიძლება ლიტერატურაც გაჩნდეს როგორმე ამ ენაზე“²⁸⁹.

ოსური სკოლების რიგიანი სახელმძღვანელოების შეუდგენლობისათვის კორესპონდენტი—გ. ლიახველი უსაყვედურებდა რა სწავლულ ოს ახალგაზრდობას (უნივერსიტეტისა და სემინარიის კურს-

²⁸⁸ ჟურნ. „მწყემსი“, 1885 წ., № 2, გვ. 4—5.

²⁸⁹ იქვე.

დამთავრებულებს—კოლიევს, ალაჯიკოვს, სუხიევს და სხვებს, რომელთაც ეროვნული კულტურის განვითარებაში გარკვეული წვლილი შეიტანეს) მოუწოდებდა მათ ყოველგვარი ზომები მიეღოთ ოსურ ენაზე რიგიანი სახელმძღვანელოების შექმნისათვის, ოსეთში სწავლა-განათლების გავრცელებისა და დაქვეითების გზაზე მდგარი ქვეყნის „ნამდვილ კალაპოტში ჩაყენებისათვის“³⁰⁰. ოსი ხალხის ეროვნული თვითმყოფობის შენარჩუნებისა და კულტურული განვითარების იმედს, ზემოხსენებულ შესედელებათა ავტორი, ქრისტიანობის ქადაგებაზე და რელიგიური სწავლა-განათლების გავრცელებაზე ამყარებდა.

„სწავლა-განათლება და ქადაგება ქრისტიანობაზედ,— აი, პირველნი პირობანი, რომელთაც.— ლიახველის სიტყვით,— შეუძლიანთ შეინახონ ოსეთი უვნებლად, თორემ არც ერთი ქვეყანა არ გადაურჩება მუხთალ სოფლის გამაქრობელ და დამარღვეველ ძალას“³⁰¹.

რა თქმა უნდა, რელიგიური ჟურნალის—„მწყემსის“ იდეური ზეგავლენის ქვეშ მყოფი კორესპონდენტი—ლიახველისათვის არ შეიძლებოდა სავსებით ნათელი ყოფილიყო ის, რომ ოსი ხალხის ეროვნული თვითმყოფობის შენარჩუნებისათვის გადამწყვეტ პირობას წარმოადგენდა არა მასების რელიგიური აღზრდა და ქრისტიანობის ქადაგება, არამედ ცარიზმის დამხობა, ხალხის განთავისუფლება და სწავლა-განათლების საქმის დემოკრატიულ ნიადაგზე მოწყობა.

ოსური ენის შესწავლისა და ოსურ ენაზე შედგენილი სახელმძღვანელოების შექმნის საქმეში ზემოჩამოთვლილ სწავლულებს დიდ დახმარებას უწევდნენ მყედლოვი, შიო დვალიშვილი (ოსური ენის მასწავლებელი) და სხვები.

შეგრენის გრამატიკას იყენებდა კოსტა ხეთაგუროვი, რომელიც აღნიშნულ სახელმძღვანელოს ოსური ლიტერატურული ენის განვითარებისა და ოსური კულტურის რუსულ კულტურასთან დაახლოების მნიშვნელოვან საშუალებად თვლიდა.

XIX საუკუნის 50—60-იან წლებში ოსურ ენაზე უმთავრესად საეკლესიო წიგნები შეიქმნა. ამ საქმეში თავი გამოიჩინა არხიეპისკოპოსმა იოსებმა (ი. ი. ჩეპიგოვსკიმ, წარმოშობით უკრაინელმა), რომელიც სინოდის ბრძანებით 1857 წელს ოსეთის ეკლესიის მრევ-

³⁰⁰ ჟურ. „მწყემსი“, 1885 წ., № 2, გვ. 4—5.

³⁰¹ იქვე.

ლისა და ოსეთის სამხ. ოლქის სასულიერო, სასწავლებელთა ზედამხედველად იყო დანიშნული. ის თავის „მოდულოვანობაში“ თანამედროვე განათლებულ ოსებს (მღვდლებსა და მასწავლებლებს) ეძყობოდა, რომელთა შორის იყვნენ: აქსო კოლიევი, მიხეილ სუხიევი, ალექსი ალაჯიკოვი, სოლომონ ჟუსკაევი, ვასილ ცორაევი, ეგორ კარაევი, გიორგი კანტემირი და სხვები.

1860 წელს ზემოჩამოთვლილ პირთა მონაწილეობით ჩამოყალიბდა „სახელმძღვანელოს მთარგმნელი კომისია“, რომლის მიზანი იყო ოსეთში ქრისტიანობის გავრცელება და აზალგაზრდობაზე ინაპყრობიანი სარწმუნოების გავლენის შესუსტება. ეპისკოპოს იოსების ხელმძღვანელობით შეგარენის მიერ შექმნილი „ანბანის“ საფუძველზე (ეკლესიის მოთხოვნათა შესაბამისად) 1861 წელს გამოცემულ იქნა „ოსური ანბანი“, რომელიც რუსულის დახმარებით ასწავლებოდა. XIX საუკუნის II ნახევარში ზემოხსენებული სახელმძღვანელო აღმ. კანუკოვის გაუმჯობესებულმა სახელმძღვანელომ (90-იან წლებში) შეცვალა.

XIX საუკუნის 60-იან წლებში მანვე მოჰკიდა ხელი I რუსულ-ოსური ლექსიკონის შედგენას, რომელიც 80-იან წლებში გამოვიდა. იმავე მოდულოვის ავტორობით, ოსური სკოლებისათვის გამოქვეყნებულ იქნა რუსული და ოსური ენების გრამატიკა და სხვა წიგნები, რომელთა გამოცემას გარკვეული მნიშვნელობა ჰქონდა ოსეთში წიგნიერების განვითარების საქმეში.

ჯერ კიდევ 1859 წელს დიგორ-ალაგირის ოსური სკოლების რევიზორი — მასლოვი უკმაყოფილებას გამოთქვამდა სკოლებში რუსული და ოსური ენების სწავლების ცუდად დაყენების გამო. იგი მოითხოვდა ოსური საეკლესიო-სამრევლო სკოლების პროგრამის გაფართოებას ამავე ტიპის რუსული სკოლების დონემდე, ყველა საგნის სწავლების შემოღებას ოსურ ენაზე — რუსული ენის საეკლესიო სასწავლო საგნად დატოვებით³⁹².

ოსეთის ეკლესიების რწმუნებული არხიმანდრიტი იოსები მხარს უჭერდა ყველა საგნის ოსურ ენაზე სწავლების შემოღებას, ნით უმეტეს, რომ იმ დროისათვის არსებობდა საანბანო წიგნები და შეგარენის გრამატიკა, რომელსაც იგი (ოსური კულტურის განვითარებაში) განსაკუთრებულ მნიშვნელობას ანიჭებდა. ამრიგად, იოსების აზრით, ყველა შესაძლებლობა არსებობდა იმისათვის, რომ

³⁹² Известия Северо Осетинского научно-исследовательского института, т. XI, С/О Госиздат, 1947 г., стр. 187.

სწრაფად და სწორედ წაეწიათ წინ ოსეთის ნაციონალური განათლების საქმე რელიგიური გზით³⁰³.

ოსი მშრომელი ხალხის ეროვნული კულტურის განვითარებით დაინტერესებულ ქართველ მოღვაწეებს, მათ შორის პროფ. ალ. ხახანაშვილს სრულებითაც არ აკმაყოფილებდა განათლების მხრივ მოძმე ოსი ხალხის მდგომარეობა. იგი, 1899 წლისათვის, ორივე მხარის 200.000 მცხოვრებზე, თითქმის საკმარისად თვლიდა 30 სასოფლო სკოლას, რომელშიაც 2500 ბავშვი სწავლობდა, მაგრამ მიუთითებდა იმაზე, რომ „...ამ უკანასკნელ დრომდის განათლებამ ფეხი ვერ მოიკიდა ოსეთში. მიზეზი ამ სამწუხარო გარემოებისა, — პროფ. ხახანაშვილის მოსაზრებით, — ის იყო, რომ არ არსებობდა ოსურს ენაზედ საკითხი წიგნი საღმრთო წერილის გარდა და სკოლიდან გამოსული ბავშვი ადვილად ივიწყებდა იმასაც, რაც შეიძინა სასწავლებელში რუსულს ენაზედ შედგენილ სახელმძღვანელოების შემწეობით“³⁰⁴.

პროფ. ალ. ხახანაშვილი იზიარებდა უსლარის აზრს ახალი თაობის აღზრდა-განვითარებისათვის ბავშვის აგებულებასა და აზროვნების დონესთან სასწავლო მასალის შეფარდების აუცილებლობის შესახებ. იგი მიუთითებდა გამოჩენილი ოსი სახალხო მოღვაწეების (იურისტი ლაპპო ბაევი და სხვ.) უდიდეს ზრუნვაზე ისეთი სასწავლო წიგნების შედგენისათვის, რომლებიც „...ერთსა და იმავე დროს ასწავლიდეს რუსულსა და ოსურს ენებს. ამისათვის, — ხახანაშვილის აზრით, — საჭიროა გვერდი-გვერდ მოყვანილი იყოს რუსული და ოსური ტექსტი, ანუ მოთხრობა. შემდეგ საჭიროა შედგენილ იქნას ოსურს ენაზედ გეოგრაფიული, ისტორიული, სამეურნეო და სხვა საკითხი წიგნები, რადგანაც სასწავლებელში რუსულს იმდენად არა სწავლობენ, რომ ამ ენაზედ შეითვისონ საჭირო ცხოვრების სიტყვით: საჭიროა სამშობლო ენაზედ მწერლობის შექმნა“³⁰⁵.

ოსურ სკოლებში სწავლებისა და აღზრდის საქმის სასურველ ნიადაგზე დაყენებისათვის პროფ. ხახანაშვილს საჭიროდ მიაჩნდა ოსურ ენაზე (სხვადასხვა სასწავლო საგნებში) სახელმძღვანელოების გამოცემა, ოსური ლიტერატურის განვითარება და შთის ხალხებში სასარგებლო ცოდნის გავრცელება. რამდენადაც, კავკასიის

³⁰³ ი ქ ვ ე, გვ. 187. შტრ. Материалы по истории осетинского народа, т. V, 1942 г., стр. 86.

³⁰⁴ გაზ. „ივერია“, 1899 წ., № 136, გვ. 2--3.

³⁰⁵ ი ქ ვ ე.

მთის ხალხებმა (თავიანთ ენებზე) საუკუნეების მანძილზე შექმნეს ლექსები, ლეგენდები, არაკები და ანდაზები, ამდენად, ხახანაშვილის შეხედულებით, სახელმძღვანელოების შედგენისა და მწერლობის განვითარებისათვის — აღნიშნული მასალა უნდა ყოფილიყო გამოყენებული.

„ოსებში მწერლობის დასაწყისი შეიტანეს ქართულის ანბანით, შემდეგ ეს ანბანი შესცვალეს რუსულის ანბანით, ზოგიერთის ასოების დამატებით. ამ ახლად, აკადემიკოსის შეგონების მიერ შექმნილი ანბანით. — როგორც ხახანაშვილი წერდა, — ისარგებლეს აკად. შიფერმა, პროფ. მილერმა სხვადასხვა ცვლილებებით. 1890 წ. გამოიცა ამ ანბანით ოსური პირველი საკითხავი წიგნი. მოკლედ რომ მოგახსენოთ, ამ ანბანმა მოიცილა მაგრა ფეხი. და ახლა პირველად ოსურს ენაზედ საეკლესიო წიგნების გარდა, საერო ნაწერებიც იბეჭდება“³⁹⁶.

ოსური სახელმძღვანელოების შექმნის ისტორიისა და სწავლების ენის დარგში მომხდარი ცვლილების მეცნიერულად დასაბუთებული შეხედულებანი, რომელიც ზემომოყვანილ ამონაწერშია გახვითარებული, ადასტურებს ქართველ მეცნიერთა განსაკუთრებულ ზრუნვას ოსი ხალხის კულტურული განვითარებისა და რუსულ კულტურასთან მათი კავშირის განმტკიცებისათვის. კოსტა ხეთაგუროვის „ირონ ფანდირის“ კრიტიკული გარჩევისას პროფ. ხახანაშვილი ხაზს უსვამდა ამ ნაწარმოებთა მრავალფეროვნებას, პატრიოტულ ხასიათს და მის უდიდეს საზოგადოებრივ მნიშვნელობას ოსი ხალხის კულტურულ განვითარებაში.

კოსტა ხეთაგუროვის ლექსთა კრებულში შეტანილი მასალის მეცნიერულ-ლიტერატურული ანალიზის საფუძველზე პროფ. ხახანაშვილი დაასკვნის, რომ „...ლექსთა წყობა ოსებს ტონური აქეთ. ე. ი. ისეთი ლექსთაწყობა, როგორიც რუსებს... იგი აგებულია ხმის ამალღებაზედ“³⁹⁷. პროფ. ხახანაშვილი აღტაცებული იყო კოსტა ხეთაგუროვის ლექსთა კრებულით, რომლის პირველი ნაწილი „...ელეგიურის კილოთი და მამულიშვილობის გრძნობით არის გაშსკვალული“³⁹⁸, ხოლო ლექსებმა „მ. ზ. ყიფიანის სახსოვრად... აღუ-

³⁹⁶ ამ წიგნებთა შორის პროფ. ა. ხახანაშვილს დასახელებული აქვს ლაპო ბაევის საფასით 1897 წ. გამოცემული „Авхаердт хаессамне“ (გვარი და სახელია გმირისა), აღ. კუბალტის ნაწერები და კოსტა ხეთაგუროვის ლექსთა კრებული „Ирон Паендур“ („ოსების ფანდური“). იხ. გაზ. „ივერია“, 1899 წ. № 136, გვ. 2—3.

³⁹⁷ გაზ. „ივერია“, 1899 წ., № 136, გვ. 2—3.

³⁹⁸ იქვე.

ძრა ოსებს სიყვარული ერისა“³⁹⁹. ოსური კულტურის, დაძწერლობისა და ლიტერატურის განვითარება ქართველ მეცნიერში უდიდეს ადფრთოვანებას იწვევდა, რის გამოც იგი წერდა: „ვესურვოთ ოსებს წარმატება ამ პატიოსანს გზაზედ და ვინატროთ იმათის საერო მწერლობის გაფურჩქვნაო“⁴⁰⁰. ეს გულწრფელი გამოხატუება ნათელს ჰფენს იმ ძმურ განწყობილებას და კულტურულ ურთიერთობას, რომელიც ორი მეზობელი ხალხის მოწინავე ინტელიგენციას შორის არსებობდა. ოსი ხალხის კულტურული დაწინაურებისათვის სხვა ქართველი მოღვაწეებიც იბრძოდნენ.

1830—40-იან წლებში (ვლადიკავკაში) ოსეთის სასულიერო კომისიაში მოღვაწეობდა ცნობილი ქართველი მწერლის — დანიელ კონჭაძის („სურამის ციხის“ ავტორის) მამა — მღვდელი გიორგი კონჭაძე, რომელიც ჩრდილოელ ოსებში დიდ კულტურულ-საგანმანათლებლო საქმიანობას ეწეოდა. ცნობილია აგრეთვე ისიც, რომ მომავალი მწერალი დანიელ კონჭაძე ჯერ კავკავის სკოლაში სწავლობდა, ხოლო შემდეგ — თბილისის სას. სემინარიაში.

XIX საუკუნის შუა პერიოდში (1851—1855 წწ.) დ. კონჭაძე პირველად კავკავისა და შემდეგ თბილისის სასულიერო სემინარიაში ოსური ენის მასწავლებლად მუშაობდა, სადაც ყოველმხრივ უწყობდა ხელს ოსი ახალგაზრდობის სწავლა-აღზრდის საქმეს⁴⁰¹. დანიელ კონჭაძე დიდ ენერგიას ხარჯავდა „...ოსთა შორის წერაკითხვის გავრცელებისათვის“⁴⁰² და როგორც ქართულ-რუსულ-ოსური ენების კარგი მცოდნე, ადგენდა სახელმძღვანელოებს, ლექსიკონებს და სხვა ნაშრომებს ოსებისათვის დახმარების გასაწევად, ენერგიულად შრომობდა ოს ხალხში ცოდნის გავრცელებისათვის, ოსი მოსახლეობის კულტურული დონის ამაღლებისათვის⁴⁰³.

³⁹⁹ პროფ. ალ. ხახანაშვილის გადმოცემით, კოსტა ხეთაგუროვი იყო დედით ქართველი. მას განზრახული ჰქონდა ეთარგმნა „...აგრეთვე ოსურად ჩვენი ალღუხიანი, რომელსაც დაუცავს ოსების ისტორია“. ჩვენ არ მოგვეპოვება სათანადო საბუთები ზემოაღნიშნულ მოსაზრებათა მტკიცების სასარგებლოდ ან მის წინააღმდეგ. ამიტომ, ზემონათქვამს მხოლოდ უბრალო ცნობის სახით ვაქვეყნებთ.

⁴⁰⁰ გაზ. „ივერია“, 1899 წ., № 136, გვ. 2—3.

⁴⁰¹ არკ. ხუნდაძე, დანიელ კონჭაძე, გვ. 27—33, თბილისი, 1932 წ.

⁴⁰² იქვე, გვ. 44—45, 47, 51, 52—53.

⁴⁰³ დამახასიათებელია, რომ დანიელ კონჭაძემ ცნობილ ოს საზოგადო მოღვაწესთან — ვასილ ცორავეთან ერთად (XIX საუკ. 60-იან წლებში) შეკრიბა ოსური ხალხური თქმულებები, რომელიც პეტერბურგში აკადემიკოს შიფერენმა 1868 წელს გამოსცა სათაურით: „ოსური ტექსტები, შეკრებილი დანიელ კონჭაძისა და ვასილ ცორავეის მიერ“.

ოსური სკოლებისათვის ზოგიერთი წიგნები შეადგინა, თარგმნა და გამოსცა ოსმა საზოგადო მოღვაწემ — ვასილ ცორაევმა (1827—1884). ერთგვარი დადებითი როლის მიუხედავად, რომელიც აღნიშნულმა სახელმძღვანელოებმა შეასრულეს, ისინი თავისი უაღრესად რელიგიური ხასიათის გამო ცარიზმის კოლონიალური პოლიტიკის განხორციელების მიზნებს ემსახურებოდა.

XIX საუკუნის ბოლოს და XX საუკუნის დასაწყისში, როგორც ჩრდილოეთ კავკასიის, ისე სამხრეთ ოსთა სკოლებში რუსულ ენას ოსი ბავშვები გამოჩენილი ქართველი პედაგოგ-კლასიკოსის — იაკ. გოგებაშვილის („Русские в. осет.-тп“) სახელმძღვანელოებით სწავლობდნენ. ოსი მშრომელი ხალხის ინტერესების წინააღმდეგ სამღვდლოებამ გოგებაშვილის სახელმძღვანელოებს სასტიკო ბრძოლა გამოუცხადა.

„კავკასიაში მართლმადიდებელი ქრისტიანობის აღმდგენელი საზოგადოების“ ხელმძღვანელებს მოსვენებას არ აძლევდა ის უდიდესი ზეგავლენა, რომელსაც ახალგაზრდობაზე იაკ. გოგებაშვილის „Русское слово“ ახდენდა, რისთვისაც ყოველ ღონეს ხმარობდნენ სკოლებიდან მის უკუსაგდებად.

„საზოგადოების“ 1860—1910 წწ. „მუშაობის ანგარიშში“ ნათქვამია, რომ „რუსული ენის სწავლება სწარმოებს გოგებაშვილის სახელმძღვანელოთი და მისი მძლავრი გავლენით (კავკასიის სკოლებში), მაგრამ ეს სახელმძღვანელო დრომოქმულია. უფრო ზუსტად რომ ითქვას, ცხოვრებას ჩამორჩენილია. იგი (სახელმძღვანელო.—ტ. ს.) გამოცდილ მასწავლებლის ხელშია ცი, ბავშვის აზროვნებას და გონებრივ არეს ავიწროებს და გამოუცდილ მასწავლებლის ხელში ხომ მოსწავლეს სულ აჩლუნგებს. ქეშმარიტ ქველმოქმედებით საქმეს გაუკეთებდა თავის ერს ნიჭიერებით სავსე ქართველი, თუ შექმნიდა ახალ გაუმჯობესებულ სახელმძღვანელოს და ამგვარად გააფანტავდა გოგებაშვილის სახელმძღვანელოთი ქართულ სკოლაზე ჩამოწოლილ ბურუსს“⁴⁰⁴. 1906—1907 წლებში ეკლესიის მმართველობა სასტიკად კიცხავდა ყანობის, ნავორევის, ლუდის და ყაზბეგის საეკლესიო-სამრევლო სკოლებს იმის გამო, რომ აღნიშნულ სკოლებში შემჩნეული იყო გოგებაშვილის სახელმძღვანელოთი „განსაზღვრულობა“ და ბავშვებზე მისი უდიდესი ზეგავლენა⁴⁰⁵.

⁴⁰⁴ Отчет общества восстановления православного христианства на Кавказе за 1906—1907 гг., изд. 1909 г., стр. 50.

⁴⁰⁵ ი ქ ვ ე, გვ. 51.

ამ ბრძოლის მთავარი მიზეზი ის იყო, რომ გოგებაშვილის სახელმძღვანელოები ხელს უწყობდა ოსი ბავშვების მიერ როგორც რუსული, ისე ქართული ენისა და წერა-კითხვის საფუძვლიან შესწავლასაც. ოსი მშრომლები გოგებაშვილის სახელმძღვანელოებს დამსახურებულ შეფასებას აძლევდნენ და მოითხოვდნენ ოსეთის სკოლებში მის დატოვებას. უცნობი ავტორის მიერ 1907 წ. ოსურ გაზ. „ნოვ ცარდ“-ში (№ 46) გამოქვეყნებულ წერილში („ჩვენი მასწავლებლები“⁴⁰⁶) ნათქვამია:

„ჩვენს სკოლებში არ არის რუსული ენის არც ერთი კარგი სახელმძღვანელო. რაგინდ გულმოდგინე და ოსტატი მუშაკი არ უნდა იყოს, თუ მას არ ექნება კარგი იარაღი, არაფრის გაკეთება არ შეუძლია, მისი მუშაობა წინ ვერ წავა. საქართველოში გამოჩნდა მეტად ნიჭიერი ადამიანი, სკოლების მცოდნე, გვარად — გოგებაშვილი. მან ქართული სკოლებისათვის შექმნა რუსული ენის სახელმძღვანელო. ეს წიგნი ძალიან კარგია, შედგენილია ოსტატურად (საუცხოოდ). სხვა მსგავს წიგნებთა რიგში, ის ისე ბრწყინავს, როგორც მზე ვარსკვლავთა შორის. ყველა სხვა წიგნები მუნჯურადაა შედგენილი, ხოლო გოგებაშვილის სახელმძღვანელო კი — გონივრულად, საყვარელი და გასაგები ენით. როდესაც გამოჩნდა გოგებაშვილის წიგნი, მაშინ, მის შესახებ ჩვენს სკოლებსაც მიუთითეს. მასწავლებლებმა და მოსწავლეებმა, რომლებმაც ნახეს ეს წიგნი, გახარებულმა შვებით ამოისუნთქეს. მაგრამ ხელმძღვანელობას არ მოეწონა, რომ ისინი (ბავშვები) ალაპარაკდნენ. გოგებაშვილი განდევნეს ჩვენი სკოლებიდან. მის მაგივრად შემოიღეს ის, რაც მათ მიაჩნდათ უფრო მუნჯურად და ჩვენი სკოლებიც დამუნჯდნენ. ოსურ ოჯახში მხიარული, მოტიტინე ბავშვი, დღეს სკოლაში გარინდულია და... ვედარ მეტყველებს. რა შეიძლება იყოს ამაზე საბრალო“⁴⁰⁷.

ეს ფაქტი თავისთავად მეტყველებს იმ კავშირ-ურთიერთობაზე, რომელიც ქართველი და ოსი ხალხის მოწინავე ინტელიგენციასა და სკოლის პროგრესულ მოღვაწეთა შორის არსებობდა. ოსი პედაგოგები უარყოფდნენ სწავლა-აღზრდის დახვეწებულ სისტემას, წი-

⁴⁰⁶ ტექსტი ოსურიდან რუსულად თარგმნილია აწ განსვენებული ოსი მკვლევარის—დოც. პ. ი. ვადივის მიერ. რუსულიდან ქართული თარგმანი შესრულებულია ჩვენს მიერ.

⁴⁰⁷ იხ. გაზ. „ნოვ ცარდ“, 1907 წ., № 46.

ნაღმდევობას უწევდნენ ე. წ. „მუნჯურ“ მეთოდს, გმობდნენ უვარგის სახელმძღვანელოებს და მოითხოვდნენ ოსეთის სკოლებში მოწინავე პედაგოგების მიერ გონივრულად შედგენილი სახელმძღვანელოების გამოყენებას.

ოსეთის სკოლებში რუსულ სახელმწიფო ენას უვარგისი, პედაგოგიკურ-მეთოდურად გაუმართავი სახელმძღვანელოებით ასწავლიდნენ, რაც ძლიერ აბრკოლებდა ოსი ბავშვების მიერ რუსული ენის შესწავლას. ამიტომ იყო, რომ ოსეთის მოწინავე ინტელიგენციას და შეგნებულ ოს მასწავლებლობას საკიროდ შიანდა რუსული ენის შესასწავლად ოსურ სკოლებში გოგებაშვილის „რუსკოე სლოვოს“ შენარჩუნება.

ჯერ კიდევ 1901 წელს, ყურნალი „კვალი“ (№ 14) გაზ. „Турецкие школы“-ში გამოქვეყნებული მასალის მიხედვით წერდა: „ამჟამად ოსეთის სამრევლო-საეკლესიო სკოლებში სახელმწიფო ენას იმისთანა სახელმძღვანელოებით ასწავლიან, რომელნიც ავტორებს ადგილობრივ მკვიდრთა (არა რუსთა) სკოლებისათვის არ შეუდგენიათ. ამის გამო მოსწავლენი ცუდად ითვისებენ რუსულს ენასა და 5—6 წლის სწავლების შემდეგ არამც თუ წაკითხულის გაგება, თავისუფლად ლაპარაკიც კი რუსულ ენაზედ არ შეუძლიანთ. ამ სამწუხარო მოვლენის თავიდან ასაცილებლად, საეპარხიო საბჭოს არღონის განყოფილებისას განუზრახავს ოსეთის სკოლებში ბ-ნ გოგებაშვილის სახელმძღვანელო შემოიღოს, რომელიც ხპეციალურად ადგილობრივ მკვიდრთა (არარუსთა) სკოლებისათვის არის შედგენილი და რომელიც უკვე შემოღებულია არამც თუ კავკასიაში, არამედ ყაზანის გუბერნიის სკოლებშიაც“⁴⁰⁶.

ოსი ხალხისა და ოსეთის პროგრესული ინტელიგენციის დაუინებითი მოთხოვნის მიუხედავად, კავკასიის მთის ხალხთა უმრავლეს სკოლებში საეკლესიო-სლავიანური წერა-კითხვა ილმინსკის სახელმძღვანელოს (I და II ნაწილი) მიხედვით ისწავლებოდა. ოსურ წერა-კითხვას კანუკოვის „ანბანით“ ასწავლიდნენ, მაგრამ ორი წლის მანძილზე სწავლებისათვის ამ წიგნის მასალა საკმარისი არ იყო და იგი არც საკმაო რაოდენობით მოიპოვებოდა. რუსული ენის ზეპირი შესწავლისათვის მიხევეის სახელმძღვანელო იხმარებოდა, ხოლო სადაც ეს წიგნები არ იყო, იქ ეს სახელმძღვანელო ლექსიუ-

⁴⁰⁶ ყურნ. „კვალი“, 1901 წ., № 14, გვ. 2კპ.

რი გაკვეთილებით იცვლებოდა. ამიტომ, კავკასიის მთის სოფლებში რუსული ენის „ხრონიკული უცოდინარობა“ იყო გავრცელებული⁴⁰⁹.

XIX საუკუნის ბოლოს და XX საუკუნის დასაწყისში ოსეთის სკოლებიდან იდევნებოდა მოწინავე პედაგოგთა მიერ გონივრულად შედგენილი წიგნები, მათ შორის ისეთები, როგორცაა კ. უშინსკის „Родное слово“ (რომელიც ვიქტორინას „ანბანით“ შესცვალეს)⁴¹⁰ და ი. გოგებაშვილის ანალოგიური სახელმძღვანელოები.

ამგვარი მდგომარეობის შესამსუბუქებლად და ოსეთის სკოლებში რუსული ენის სწავლების გასაუმჯობესებლად ოს მასწავლებლებს საჭიროდ მიაჩნდა გოგებაშვილის სახელმძღვანელოების გამოყენება. ოსი ინტელიგენციის აზრს გოგებაშვილის სახელმძღვანელოების ოსეთის სკოლებში გამოყენების შესახებ, ნათლად გვიჩვენებს გაზ. „ნოვ ცარდ“-ში (1907 წ. № 24) გამოქვეყნებული „დიალოგი“, სადაც მასწავლებელი (როგორც ირკვევა ამ „დიალოგის“ ავტორი.—ტ. ს.) სასკოლო საქმით დაინტერესებულ ნაცნობს მიმართავს: „და თუ შენ, მე მეკითხები, მაშინ მოძისძინე: ამ 24 წლის განმავლობაში ბავშვებს ვასწავლიდი გოგებაშვილის სახელმძღვანელოთი, რომელიც ყოველმხრივ სრულყოფილი იყო; ვასწავლიდი იქამდე, ვიდრე ამ სკოლაში მოვეწყობოდი. ამ სკოლაშიაც, კიდევ ოთხი წელი ვამეცადინებდი გოგებაშვილის წიგნით. შემდეგ მე გამოძიგზავნეს ვილაც კორხანიდის წიგნი „Живое слово“-ს სახელწოდებით, რომელიც აგრეთვე გოგებაშვილის წიგნის პრინციპების მიხედვითაა შედგენილი, მაგრამ ბავშვთათვის საკითხავ მოთხრობებში გაუგებარი სიტყვები ან მთელი გაუგებარი ტექსტები თარგმნილია ბერძნულად. მოსწავლეებს დაუფრიგე ახალი წიგნები. მათ დაათვალიერეს ივი და უკან მომიტანეს. მაჩვენებდნენ რა თითებით ბერძნულ წარჩერებს, მეკითხებოდნენ:

— ეს რა ენაზეა დაწერილი?

— ბერძნულად, — ვუპასუხე მე.

— წაგვიკითხეთ რაიმე, რომ გავიგოთ, რა წერია იქ?

— რამდენიც გესმით და იცით, — ვპასუხობ მათ, — იმდენი

ვიცი მეც.

⁴⁰⁹ „Журнал Министерства Народного просвещения“, 1917 г. Январь, стр. 98, ст. С. В. Фарфаровский: „Народное образование у осетин“.

⁴¹⁰ Материалы по истории осетинского народа, т. V. Сборник документов по истории народного образования в Осетии. Госиздат СЮ. АССР, 1942 г., стр. 211—212.

— რაც თქვენ თითონ არ იცით, ჩვენ როგორ აგვიხსნით მას?—
კვლავ მეკითხებიან ბავშვები.

— როგორ? რასაც ვერ გავიგებთ, იმას დავტოვებთ, დანარჩენს
შევისწავლით.

— მაშინ, ეს წიგნები ჩვენ არ გვინდა. რომელ წიგნებსაც წი-
ნად ვკითხულობდით, ეხლაც ის წიგნები დაგვიბრუნეთ. იმ წიგნე-
ბით ჩვენ როგორც რუსულად, ისე ქართულადაც კარგად ვსწავ-
ლობდით. „ნაცნობმა“ შენიშნა, რომ ისიც იცნობდა კორხანილის
წიგნს, რომელიც დაწერილია ბერძნული სკოლებისათვის... „მეკი-
თხვაზე, თუ, რატომ არ გამოგზავნეს სახელმძღვანელო ქართული
წარწერებით. მასწავლებელმა უპასუხა: „იმიტომ, რომ ქართულ
წარწერებიან სახელმძღვანელოთი მოსწავლეები ქართულ ენასაც
შეისწავლიან. ორი მეზობლად მცხოვრები ხალხი ერთმანეთისას
ვერ უნდა იგებდნენ. ეს მთავრობისათვის ხელსაყრელია“¹¹¹.

წარმოდგენილი საბუთების მიხედვით აშკარაა, რომ მეფის
მთავრობის მოხელეები ყოველ საშუალებას იყენებდნენ ოსეთის
სკოლებიდან გამოჩინილ რუს და ქართველ პედაგოგთა საყოველთა-
ოდ აღიარებული სახელმძღვანელოების განდევნისა და სწავლებაში
„მუნჯური“ მეთოდის დანერგვისათვის.

რეაქციის ხელახალი აღმავლობის პერიოდში ქართველი პედა-
გოგების გონივრულად შედგენილ წიგნებს მეფის თვითმპყრობე-
ლობამ (ეკლესიის მესვეურთა დახმარებით) სასტიკი ბრძოლა გა-
მოუცხადა, რაც ოსი მოსახლეობის დაბალ ფენებში ცარიზმის ძო-
ხელებისა და მათი მფარველი ხელისუფლებისადმი უნდობლობის
გრძნობებს აღვივებდა.

როგორც ყველა სხვა საგნის პროგრამები. ისე ოსური ენის
პროგრამაც რელიგიურ მიზნებს ისახავდა. არდონის სასულიერო
სასწავლებლის ოსური ენის პროგრამაში პირდაპირ იყო მითითე-
ბული, რომ აღნიშნულ სკოლაში მშობლიური ენის სწავლება მიზ-
ნად ისახავს „მომამზადოს აღსაზრდელები თავიანთ წმინდა მოვალე-
ობის შემსრულებლებად:— ტრაპეზის მსახურებად და ოსურ ენაზე
ლეთისმოდერების მლაღადებლებად“¹¹².

მაშინდელი სასკოლო პროგრამები ხელს უწყობდა ზეპოაღ-
ნიშნული რეაქციონურ-ბურჟუაზიული მიზნებისა და რელიგიურ-
დოგმატური აღზრდის ამოცანების განხორციელებას.

¹¹¹ გაზ. „ნოვ ცარდ“. 1907 წ., № 24.

¹¹² История Осетии, часть первая (макет), 1954 г., стр. 206.

მიუხედავად ყოველივე ამისა, აღნიშნულმა სკოლებმა ერთგვარი დადებითი როლი შეასრულეს ოსური კულტურის განვითარების, ადგილობრივი კადრების აღზრდისა და ოსი ხალხის კულტურის რუსულ კულტურასთან დაახლოების საქმეში.

1898 წელს ვლადიკავკაეის ოლქში მარტო დაბალი ცოდნით, დაბალი განათლებით ირიცხებოდა 6062 კაცი, რომ არაფერი ვთქვათ იმაზე, რომ ოსებს ამ პერიოდში პროგრესული ინტელიგენტების მთელი პლეადა ჰყავდა.



მასწავლებელთა მომზადება-გადამზადება

მასწავლებელთა კადრებს ოსეთის სკოლებისათვის თბილისისა და არდონის სასულიერო სემინარიები და სამასწავლებლო სკოლები ამზადებდა. „კავკასიაში მართლმადიდებელი ქრისტიანობის აღმდგენელი საზოგადოება“ ცდილობდა ოსეთში საეკლესიო უწყების სკოლებისათვის ადგილობრივი კადრები აღეზარდა. ამიტომ, ზოგიერთ შემთხვევაში მასწავლებლებს ეკლესიის ხარჯზე ზრდილხენ იმ პირობით, რომ სემინარიის კურსდამთავრებულს 4 წელი „საზოგადოების“ უწყების დაწესებულებებში ემუშავენა, ხოლო შემდეგ კი — სურვილის მიხედვით. „სწავლის ხალისი ხალხში ძალიან აღძრულია. რამდენიმე ოსის შვილები თავისი ხარჯით თბილისის სასულიერო სემინარიაში გამოზარდეს და კიდევაც ზრდიან, რომელთაც, მღვდლათ ნაკურთხს, ოსებშივე ამწესებენ. ასე, რომ ამჟამად მომეტებული ნაწილი მღვდლები, ოსები არიანო“; — წერდა 1873 წელს გაზ. „დროება“⁴¹².

აქედან ცხადია, რომ რუსეთსა და საქართველოს სხვადასხვა მასწავლებლებში აღზრდილი ოსი ინტელიგენციის (მათ შორის მასწავლებლების და სხვ. პირთა) რიცხვი თანდათანობით იზრდებოდა. საეკლესიო-სამრევლო სკოლებში მოსწავლეთა შომზადებისა და აღზრდის საქმე მეტად დაბალ დონეზე იდგა. ამის ერთ-ერთ მთავარ მიზეზს წარმოადგენდა მასწავლებელთა დაბალი შომზადება და პედაგოგიური ოსტატობის უქონლობა.

ეკლესიის საქმეებით გადატვირთულ მღვდლებს არ ეცალა პედაგოგიური ცოდნის ამალგებაზე ზრუნვისათვის. მათ სუსტად ესმოდათ სწავლა-აღზრდის თეორიისა და პრაქტიკის საკითხები. მასწავლებელთა ერთ ნაწილს სათანადო განათლება არ ჰქონდა მიღებული. სამხრეთ ოსეთის ზოგიერთ საბლალოჩინოში მოუშზადებელი ან დაბალკვალიფიციური მღვდლები ეწეოდნენ ბავშვებთან პედა-

⁴¹² გაზ. „დროება“, 1876 წ., № 128, გვ. 4.

გოგიურ მუშაობას. ჯაეის საბლადოჩინოში იყო ცხრა მღვდელი. რომელმაც დაასრულა სემინარიის კურსი, ხოლო ორტევის საბლადოჩინოს ასეთი მღვდელი მხოლოდ ორი მოეპოვებოდა. „ყველა დანარჩენი აღმოჩნდა ან სკოლებიდან გარიცხულნი, ან ისეთნი, რომლებიც არსად არ სწავლობდნენ“¹¹⁴.

ბევრ სკოლაში არ ჰყავდათ მასწავლებელი, ხოლო სადაც ჰყავდათ ასეთნი, ისინი „...ნაკლებად იყვნენ მომზადებულნი თავიანთი მოვალეობისათვის“¹¹⁵.

XIX საუკუნის 80—90-იან წლებში ოსებში ფესვგადგმული იყო ძველი ზნე-ჩვეულებანი (ქორწინებისა თუ შიცივალებულთა პატივისცემის ადათ-წესები და სხვ.), რაც წინ ელობებოდა ხალხის გონებრივი და ზნეობრივი ამაღლების საქმეს.

„ოსების ამნაირის მდგომარეობიდან გამოყვანას და კეთილს გზაზედ დაყენებას“, გაზ. „შრომის“ ოსი კორესპონდენტი ხალხში საეკლესიო ქადაგების გაძლიერებით ფიქრობდა. „...თითქმის არც ერთს სამხრეთ ოსეთში მყოფს მღვდელს ოთხკლასიანი სასწავლებლის მეტი. უმაღლესი სასწავლებელი არ უნახავს და სანამდის სემინარიაში კურსშესრულებული მღვდლები არ ჩამოგვევა. მანამდის ჩვენ არაფერი გვეშველებათ“, — 1883 წელს გაზ. „შრომაში“ წერდა ოსი კორესპონდენტი¹¹⁶.

რა თქმა უნდა, საეკლესიო ღაღადისა და ხალხში ქრისტიანობის ქადაგების გზით უკულტურობის აღმოფხვრა შეუძლებელი იყო, მაგრამ ისიც ფაქტია, რომ გაუნათლებელ მღვდლებს ეფექტური როლის შესრულება არ შეეძლოთ ოსი მოსახლეობის ზნეობრივი ამაღლებისა და კულტურული განვითარების საქმეში. ამისათვის საჭირო იყო მაღალი ცოდნის, განათლებული და კვალიფიციურ მასწავლებელთა კადრების აღზრდა. საეკლესიო-სამრევლო სკოლების ქსელის ერთგვარი ზრდის აუცილებლობიდან გამომდინარეობდა მასწავლებელთა შესაფერი კადრების აღზრდა-მომზადების საქმის გაუმჯობესების აუცილებლობა. 1863 წელს „საზოგადოებაში“ შეიქმნა აზრი მასწავლებელთა მოსამზადებლად თბილისში ნორმალური სამასწავლებლო სკოლის დაარსების შესახებ, რის გარეშეც შეუძლებელი ხდებოდა საეკლესიო-სამრევლო სკოლების მასწავლებელთა მომზადების ამოცანის გადაწყვეტა.

¹¹⁴ გაზ. „Кавказ“, 1874 г., № 24, с. 2.

¹¹⁵ იქვე.

¹¹⁶ გაზ. „Шрома“, 1883 წ., № 17, გვ. 3. იხ. „ოსი-ჩ“-ს კორესპონდენცია ზგორის მახრიდან“.

1864 წელს ჩამოყალიბდა სპეციალური კომისია, რომელსაც აღნიშნული სკოლის დაარსების „პროექტი“, „დებულება“ და „წესდება“ უნდა შეემუშაებინა. ეს იდეა 1866 წლის 29 დეკემბერს განხორციელდა. ნავთლულში გაიხსნა ალექსანდროვის სახელობის სამასწავლებლო სკოლა. 1868 წლიდან „კავკასიაში მართლმადიდებელი ქრისტიანობის აღმდგენელი საზოგადოების“ სკოლები ამ უკანასკნელის მეთოდური ხელმძღვანელობის ქვეშ გადავიდა, რაც 1873 წლის 3 აპრილამდე გრძელდებოდა. ამის შემდეგ საეკლესიო-სამრევლო სკოლების მუშაობას ამავე „საზოგადოების“ სპეციალური ინსპექტორები უწევდა მეთვალყურეობას¹⁷.

სასულიერო პირთა და საეკლესიო-სამრევლო სკოლების მასწავლებელთა მომზადების საქმეში თვალსაჩინო როლს ასრულებდა არდონის სასულიერო სასწავლებელი (გაიხსნა 1887 წლის 11 ოქტომბერს), რომლის „დებულების“ მიხედვით, აღნიშნული სკოლის ძირითად ამოცანას შეადგენდა „ოსეთის მრევლისა და საეკლესიო-სამრევლო სკოლებისათვის მღვდლებისა და მასწავლებელთა მომზადება“¹⁸.

არდონის სასულიერო სასწავლებელი სამკლასიანი იყო—თითოეული ორწლიანი კურსით¹⁹. მოსწავლეთა რაოდენობა თითოეულ კლასში განსაზღვრული იყო 40 კაცით. მისაღებთა ასაკი 14—16 წწ. შეადგენდა. პირველ კლასში მიიღებოდა საეკლესიო-სამრევლო სკოლის წარმატებით კურსდასრულებულნი.

1895 წელს არდონის სასულიერო სასწავლებელი სასულიერო სემინარიად გადაკეთდა, რამაც საგრძნობლად შეუწყო ხელი ოსი ინტელიგენციის რიგების ზრდას. არდონის სას. სემინარიის ბევრმა კურსდამთავრებულმა მიიღო უმაღლესი პედაგოგიური, იურიდიული, ტექნიკური, აგრონომიული და სამედიცინო განათლება და სათავეში ჩაუდგა ერის სამეურნეო და კულტურული აღორძინებისა-

¹⁷ Газ. „Кавказ“, 1874 г., № 24, стр. 2. ფ. ნათიევის სტატიიდან.

¹⁸ История Осетии (макет), часть первая, 1954 г., стр. 206.

¹⁹ 1887 წლის 11 ოქტომბერს სოფ. არდონში მოხდა ახლად დაარსებულ ოსების სასულიერო სამკლასიანი სასწავლებლის კურთხევის ცერემონია, რომელსაც (თავისი კრებულის) ყოვლად უსამღვდელოესი—ვლადიკავკავია ეპისკოპოსი—იოსები ხელმძღვანელობდა. აღნიშნულ ცერემონიალს ესწრებოდნენ ოლქის უფროსი—სმეკალოვი. მაზრის უფროსი—გოლუბიევი და სხვ. სიტყვები წარმოსთქვეს ეპისკოპოსმა იოსებმა და ბლალაოჩინმა მიხილ სუბიშვილმა. არდონელებს ბარისა და მისი ოსების თითოეულ სოფელზე მიწეული ჰყავდათ ხუთ-ხუთი კაცი. სტუმრებმა მათ ბევრი საჩუქრები გადასცეს. ამ უკანასკნელებს ჰყავდათ სამხედრო მუსიკა (იხ. ვახ. „ივერია“, 1887 წ., № 229, გვ. 2).

თვის ბრძოლის საპატიო საქმეს. ცნობილია, მაგალითად, რომ 1899 წელს ოსეთის გარეთ უმაღლეს სასწავლებლებში 17 ოსი სწავლობდა, ხოლო საშუალო სკოლებში კი — 47 ახალგაზრდა იღებდა შესაფერ განათლებას. ყოველივე ეს გარკვეულ როლს ასრულებდა ოსი ხალხის კულტურული დაწინაურების საქმეში.

1905—1906 სასწ. წლის დასაწყისში არდონის სასულიერო სემინარიაში 175 მოსწავლე ირიცხებოდა, ხოლო წლის ბოლოს — 166. სხვადასხვა მიზეზით სკოლიდან გავიდა — 5 მოსწავლე, ცუდი ყოფაქცევის გამო — 4. პირველი თანრიგზე — კურსი დაამთავრა — 14 მოწაფემ, მეორეზე კი — 11-მა (სულ 25 მოსწავლემ). ყოფაქცევაში 125 მოსწავლეს ეწერა შეფასება — „5“, ხოლო 41-ს — „4“. ეს სწავლების უვარგის სისტემაზე და უანდარმულ რეჟიმზე მიგვიბრუნებდა, რაც მაშინდელს სკოლებში იყო გამეფებული. სემინარიის მოსწავლეები გადატვირთულნი იყვნენ (განსაკუთრებით III კლასი) ისეთი საგნებით, როგორცაა: კატეხიზმი, ლიტურჯია, სიტყვიერების თეორია, რუსეთის გეოგრაფია და სხვა, მაშინ, როდესაც ოსური ენა და ისტორია-გეოგრაფია აღნიშნულ სასწავლებელში სრულებითაც არ ისწავლებოდა¹²⁰.

არდონის სასულიერო სემინარიის დაარსებამდე ქრისტიანობის აღმდგენელ საზოგადოების ინიციატივით და მის ხარჯზე ოსთა შვილები კავკასიის სხვადასხვა სასწავლებლებში იღებდნენ სასულიერო-პედაგოგიურ განათლებას.

1862 და 1863 წწ. „საზოგადოების“ ყველა პანსიონატებში 131 მთიელი ბავშვი სწავლობდა, მათ შორის:

1) თბილისის სასულიერო სემინარიაში	—26 მოსწ.
2) მოსკოვის სასულიერო სემინარიაში	—1
3) სტავროპოლის	—1
4) თბილისის სას. სასწავლებელში	—32
5) ვლადიკავკაიის	—40
6) ალაგირის	—20
7) ქუთაისის	—11

მათ შორის, ტომობრივ-ეროვნული შემადგენლობის მიხედვით: ოსები — 100 მოსწავლე, წოვა-თუშები — 4, ინგილოები — 3, სვანები — 7, ლეკები — 2, უდინები — 4, აისორები — 8 და აფხაზე-

¹²⁰ Отчет деятельности общества восстановления православного христианства на Кавказе за 1906 - 1907 гг.; 1909 г., стр. 82—84.

ბი—34²¹. როგორც ვხედავთ, წარმოდგენილ კონტინგენტში პახსიონატებში ყველაზე მეტი ადგილი ოსებს ეჭირა, რაც მთის ამ ხალხში ქრისტიანობის გავრცელებით და სხვა მისიონერული მიზნებით იყო გათვალისწინებული.

1880 წელს „კავკასიაში მართლმადიდებელი ქრისტიანობის აღმდგენელი საზოგადოების“ სკოლებში იყო:⁴²²

- 1) მასწავლებელი — სპეციალისტი (კაცი) .21;
- 2) მასწავლებელი — სამასწავლებლო სემინარიის კურსდამთავრებული 21;
- 3) მასწავლებელი (ქალი), რომელმაც ვლადიკავკავის ოსური ქალთა სკოლის კურსი დაასრულა. 4;
- 4) ქალები, რომელთაც მასწავლებლის წოდება არ ჰქონდათ 11;

„საზოგადოება“ მაღალ შეფასებას აძლევდა არდონის სამასწავლებლო სემინარიის კურსდამთავრებულთა გამოშვებას, რომელიც, მათი გამოთქმით, „თავიანთი სამაგალითო მოღვაწეობით“. მათი თავდადებული შრომით და ცოდნით ენერგიულად ემსახურებიან მშობლიურ კუთხის წინსვლა-განვითარების საქმეს⁴²³. ამასთან ერთად, საეკლესიო საქმის ხელმძღვანელობა საყვედურს გამოთქვამდა ამიერკავკასიის სამასწავლებლო სემინარიის კურსდამთავრებულთა მიმართ იმის გამო, რომ: ა) ისინი „საზოგადოებისაგან“ ჩვეულებრივზე მეტ ხელფასს მოითხოვდნენ; ბ) 1—1/2 წლის მუშაობის შემდეგ „საზოგადოებას“ სთხოვდნენ სოფლიდან ქალაქში სამუშაოდ გადაყვანას; გ) ხშირად იმუქრებოდნენ სამსახურის მიტოვებით; 4) უძნელდებოდათ „განუვითარებელ სოფლის ხალხში“ მუშაობა და ა. შ.⁴²⁴

„საზოგადოების“ ხელმძღვანელთა შეხედულებით, ამიერკავკასიის სამასწავლებლო სემინარია კადრებს არა სოფლებისათვის,

⁴²¹ Отчет общества восстановления православного христианства на Кавказе за 1862 и 1863 г. Тифлис, 1865 г., стр. 16—18.

⁴²² Отчет общества восстановления православного христианства на Кавказе за 1880 год, Тифлис, 1884 г., стр. 70—71.

⁴²³ იქვე, გვ. 72.

⁴²⁴ ამის მაგალითად „საზოგადოების“ ხელმძღვანელობა ასახელებდა ამიერკავკასიის სამასწავლებლო სემინარიის კურსდამთავრებულებს—ჩერნოვსკის, მინდელს, ჩაგუნოვს და ნიჟარაძეს, რომლებიც ანალოგიურ მოთხოვნებს უყენებდა საეკლესიო ხელმძღვანელობას. იხ. „Отчет общества восстановления православного христианства на Кавказе за 1880 год“, Тифлис, 1884 г., стр. 72.

არამედ უმთავრესად ქალაქებისათვის ამზადებდა⁴²⁵. ჰერ კიდევ 1870 წელს „საზოგადოების“ უწყების სკოლებში მუშაობდა საძმასწავლებლო სკოლის კურსდამთავრებული 33 მასწავლებელი, რომელთა დიდი უმრავლესობა მატერიალურ-ყოფაცხოვრებითი მდგომარეობის მხრივ მეტად აუტანელ პირობებში ცხოვრობდა. მასწავლებელთათვის შეუფერებელი საცხოვრებელი ბინები, უკიდურესად ცუდი საყოფაცხოვრებო მდგომარეობა „საზოგადოებას“ ხელს უშლიდა მთის აულებში გამოეყენებინა ყოველივე ის, რასაც საძმასწავლებლო სკოლა ასწავლიდა⁴²⁶.

„კავკასიაში მართლმადიდებელი ქრისტიანობის აღმდგენელი საზოგადოების“ 1880 წლის „ანგარიშის“ მიხედვით დასტურდება, რომ აღნიშნული უწყების მასწავლებლები მძიმე ეკონომიურ პირობებში ცხოვრობდნენ. მასწავლებელთა შემადგენლობიდან (57 კაცი) ყოველწლიურად ხელფასის სახით იღებდა:

- | | |
|--------------------------------------|-----------------------|
| 1) 14 მასწავლებელი (კაცი და ქალი) | — 200 მანეთამდე; |
| 2) 6 მასწავლებელი და მასწ. თანაშემწე | — 200—300 |
| 3) 27 მასწავლებელი | — 300—400 „ |
| 4) 10 | — 400 მან. ცოტა მეტს. |

⁴²⁵ 1890-იან წლებში არდონის სასულიერო სასწავლებლის დაარსების სამი წლის თავზე (1887, 1888 და 1889 წწ.) წარდგენილ „ანგარიშში“ ნათქვამი იყო საყვედურები („კავკასიაში მართლმ. ქრისტ. აღმ. საზოგადოების“ მიმართ). თითქოს ოსეთში მიცვალებულთა პატივსაცემი ალაბები, ქელებები, მცირეწლოვან (4—5 წლის) ქალ-ვაჟთა დანიშვნის „წესი“ და სხვა ადათ-ჩვეულებანი იმის შედეგს წარმოადგენდა, რომ წირვა-ლოცვა ქართულად მიმდინარეობდა, ხოლო ქართული განის არმცოდნე ხალხი მოლეების გავლენის ქვეშ ადვილად ექცეოდა. ამასთან, ეპოქოტული იყო არასწორი მოსახრება, თითქოს ქართველ მღვდლებს არ შეეძლოთ რუსული საეკლესიო წიგნების კითხვა, რაც ახსნილი იყო თბილისის სასულიერო სემინარიის მიერ შეუფერებელი კადრების გამოშვებით. ამგვარ შეხედულებათა ავტორების მოსახრებით, მისიონერებად ოსეთში არდონის სას. სასწავლებლის კურსდამთავრებულნი უნდა იგზავნებოდეს, რადგანაც სემინარიელებს (თუ გინდ ოსებიც იყოს) ისინი აჯობებენ.

ამგვარ შეხედულებათა წინააღმდეგ 1891 წელს საეკლესიო ჟურნალი „მწყემსი“ (№ 7) წერდა: „ოსეთში თბილისის სასულიერო სემინარიაში კურსდამთავრებულნი ოსებთაგანები მრავალნი არიან. ქართველ მღვდლებმაც იციან ოსური; მაშასადამე, მ. იოანესაგან მოყვანილი მიხეზები და ბრალი ახლანდელ მისიონერებზე საფუძვლიანი არ არის. საქართველოს ხაზღვდლოების ღვაწლი მისიონერობის ახსარეზზე ოსეთში ასე დამდაბლებული არ არის. რა შუაშია ქართველი მღვდლები, ოსებმა რომ თავიანთი ძველი მამაპაპური ჩვეულებისამებრ ქელებები არ მოიშალონ და ტირილზე პირი დაიფხაპნონ და ეკლესიაში ნიადაგ ერთვულად არ იარონ“.

(იხ. ჟურნ. „მწყემსი“, 1891 წ. № 7, გვ. 5—6).

⁴²⁶ Обзор деятельности общества восстановления православного христианства на Кавказе за 1860—1910 гг., Тифлис, 1910 г., стр. 190.

საშუალო წლიური ხელფასი მასწავლებლისა ამ პერიოდში 352 მანეთს შეადგენდა. მათ შორის: მასწავლებელი ქალისა — 117 მანეთს, ხოლო სამღვთო სკულის მასწავლებლისა — 100 მანეთს. ამრიგად, ნათელია, რომ საეკლესიო-სამრევლო სკოლების მასწავლებელთა დიდი უმრავლესობა (რომელნიც თავიანთ სახლკარს მოშორებულნი შორეულ მთის აულებში მუშაობდა) აუტანელ პირობებში ცხოვრობდა⁴²⁷.

მომზადებული მღვდლებისა და მასწავლებლების სიმცირას მხრივ მდგომარეობის გამოსასწორებლად (როგორც ზემოთ გვექონდა ნათქვამი) 1887 წელს გახსნილ იქნა ოსეთის (ალექსანდროვის) სასულიერო სასწავლებელი (6 წლიანი კურსით), რომელიც თავისი პროგრამული მოცულობით უფრო ფართო იყო, ვიდრე სამაზრო სასულიერო სასწავლებელი⁴²⁸. 1895 წელს, როგორც ცნობილია, აღნიშნული სასწავლებელი მისიონერულ სასულიერო სემინარიად გადაკეთდა, სადაც განსაკუთრებული ყურადღება ექცეოდა: ა) კატეხიზმის, ბ) წმინდანების ისტორიის, გ) ძველი და ახალი აღქმის, დ) ლიტურგიის, ე) რუსული და სლავიანური ენების, 3) სიტყვიერებისა და რუსული ლიტერატურის ისტორიის, ზ) არითმეტიკის, გეოგრაფიის, თ) საეკლესიო გალობისა და ი) სუფთა წერის სწავლებას⁴²⁹.

1909 წელს თერგის ოლქის უფროსი „მასწავლებელთა ადგილობრივი კადრების მოსამზადებლად“ მოითხოვდა ოლქში სპეციალური სამასწავლებლო სემინარიის გახსნას. ამგვარ მოთხოვნას ოლქის უფროსი ასაბუთებდა იმით, რომ 1) მუსულმანები არ ენდობოდნენ რუსულ სკოლებს, რადგანაც მათ „გაქრისტიანების“ ეწინოდათ; 2) მთიელთა უმრავლესობა აქამდე არ იყო სათანადოდ დარწმუნებული სასკოლო განათლების სარგებლობაში, რადგანაც ასეთი სარგებლობა მათ თვალსაჩინოდ არ უგვერძნიათ; 3) მთიელთა სკოლების უმრავლესობაში „მოღვაწეობდნენ“ ადგილობრივი ენის სრულიად უცოდინარი მასწავლებლები, რომელთაც არ შეეძლოთ ცოდნის მიწოდების საქმეში ხალხისათვის ეფექტური დახმარების გაწევა. ასეთი მოტივების საფუძველზე მოთხოვნილ

⁴²⁷ Отчет общества восстановления православного христианства на Кавказе за 1880 год. Тифлис, 1884 г., стр. 72—75.

⁴²⁸ იქვე, 83. 190.

⁴²⁹ იქვე, 83. 190—191.

იქნა ოლქში სპეციალური სამასწავლებლო სემინარიის გახსნა „მასწავლებელ ტუზემცების“ მოსამზადებლად⁴³⁰.

მიუხედავად ამგვარად „დასაბუთებული“ მოთხოვნისა, 1909 წელს მისიონერული სემინარია ჩვეულებრივი ტიპის სასულიერო სემინარიად გადაკეთდა, რომელსაც მთლიანად ვლადიკავკავის ეპისკოპოსი განაგებდა. „უწმინდესი სინოდის“ დადგენილებით „საზოგადოება“ ამ სემინარიის შენახვაზე ყოველწლიურად 11.125 მანეთს ხარჯავდა⁴³¹.

კავკასიის სამასწავლებლო სკოლა, სასულიერო სემინარიები და სასწავლებლები ოსეთის ეკლესიებისა და სკოლებისათვის მღვდლებისა და მასწავლებლების საკმაო რაოდენობას ამზადებდა. ასე მაგალითად: სამღვთო სკულის 62 მასწავლებლიდან (1906 წელს) დამთავრებული ჰქონდა⁴³²:

1. მისიონერული კურსები ყაზანის სასულიერო აკადემიასთან	1 კაცს;
2. სასულიერო სემინარიის კურსი	20
3. სამასწავლებლო სემინარია	2
4. რეალური სასწავლებელი	1
5. სასულიერო სასწავლებელი	11
6. საქალაქო სასწავლებელი	3
7. 2 კლასიანი სამინისტრო სკოლა	1
8. განათლების სამინისტროს ნორმ. სასწ.	2
9. საფერშლო სკოლა	1 „
ს უ ლ	42 კაცს;
სასწავლებლებიდან გავიდნენ:	
1. სასულიერო სემინარიიდან	12 კაცი;
2. სამასწავლებლო ინსტიტუტიდან	2
3. სამასწავლებლო სემინარიიდან	3
4. სასულიერო სასწავლებლიდან	1
5. რეალური სასწავლებლიდან	1
6. სამინისტრო სკოლებიდან	1
ს უ ლ	20 მასწ.

⁴³⁰ Материалы по истории осетинского народа, т. V, сборник документов по истории народного образования в Осетии, Госиздат, СОНИИ, 1942 г., стр. 283—284.

⁴³¹ Отчет состоящего под августейшим покровительством ея императорского величества государыни императрицы Марии Феодоровны Общества восстановления православного христианства на Кавказе за 1906—1907 гг., Тифлис, 1909 г., стр. 45.

⁴³² იქვე, გვ. 191.

„კავკასიაში მართლმადიდებელი ქრისტიანობის აღმდგენელი საზოგადოების“ სკოლებს 1906—1907 წწ. ექსახურებოდა 98 მასწავლებელი, რომელთა შორის დამთავრებული ჰქონდა:

1. სასულიერო სემინარია	20 კაცი;
2. სამასწავლებლო ინსტიტუტი	1
3. სამასწავლებლო სემინარია	6
4. სასულიერო სასწავლებელი	17
5. საქალაქო სასწავლებელი	15
6. სახელოსნო სასწავლებელი	1
7. ორკლასიანი ვაჟთა სკოლა	2
8. ორკლასიანი სამინისტრო სასწავლებელი	1
9. ქალთა ინსტიტუტი.	1
10. ქალთა გიმნაზია .	3
11. თბილისის წმ. ნინოს ქალთა გიმნაზია	2
12. ეპარქიალური სასწავლებელი	2
13. ვლადიკავკაეის ქალთა „ბრიუტი“	5
14. ქალთა ორკლასიანი სკოლა	3 „
სასწავლებლებიდან სხვადასხვა მიზეზით გასულები იყვნენ:	
1. სასულიერო სემინარიიდან	10 კაცი;
2. ქალთა გიმნაზიიდან	1
3. ეპარქიალური სასწავლებლიდან	2
4. საოჯახო განათლებით (ქალები)	2
5. მასწავლებლის წოდებით	1 „

აღნიშნული უწყების მასწავლებელთა წლიური ხელფასი შეადგენდა: მინიმუმი — 240 მანეთს, ხოლო მაქსიმუმი — 500 მანეთს, რაც მასწავლებელთა ელემენტარულ საყოფაცხოვრებო მოთხოვნილებასაც ვერ აკმაყოფილებდა.

სამხრეთ ოსეთის ეკლესიებისა და სკოლებისათვის საჭირო კადრებს (გარდა თბილისისა და არდონის სასულიერო სემინარიებისა) ამზადებდა აგრეთვე ნავთლულის სამასწავლებლო სკოლა (დაარსებული 1866 წ.), რომელიც ხუთიოდე წლის შემდეგ (1871 წ.) სამასწავლებლო ინსტიტუტად გადაკეთდა.

XVIII—XIX საუკუნეებში სემინარიებში ჩაბმულ ოს მოსწავლეთა რიცხვი გამრავლდა. XVIII საუკუნის ნახევარში მოზდოკში ცხოვრობდა მოსკოვის აკადემიის კურსდამთავრებული, ოსეთის საქრისტიანო კომისიის წევრი მღვდელი — ბაზალაძე, რომელმაც მოსკოვის აკადემიასა და სასულიერო სემინარიაში მოს-

წავლედ რამდენიმე ოსი მოაწყო⁴³³. 1818 წლიდან თბილისის სასულიერო სემინარიის გარდა, ოსები სწავლობდნენ აგრეთვე გორის სასულიერო სასწავლებელში, ასევე „...თბილისის სემინარიაში მრავლად სწავლობდნენ ყოველთვის ოსთა ძენი და ზოგნი მათგან აკადემიაშიც მიდიოდნენ სასწავლებლად“⁴³⁴.

ამგვარ ნასწავლ ოსთა შორის ზ. კიკინაძეს დასახელებული ჰყავს ქრისტეფორე ჯიომვილი, „ქარგად განათლებული და მასთანვე... მასწავლებელი და მოძღვარი თბილისის I კლასიკური გიმნაზიისა“⁴³⁵.

ზემოაღნიშნულ სემინარიებსა და ინსტიტუტებში აღზრდილ ოსი პედაგოგები ასწავლიდნენ როგორც ჩრდ. ოსეთის სკოლებში, ისე ჯაეის, ყორნისისა და სამხრეთ ოსთა ზოგიერთ სხვა სკოლებშიაც, მაგრამ ეს ღონისძიება არასაკმარისი აღმოჩნდა.

ამიტომ „ქვეყანიაში მართლმ. ქრისტ. აღმ. საზოგადოებამ“ ჯერ კიდევ 1866 წელს განიხილა როგორც ჩრ. კავკასიის, ისე სამხრეთ ოსთა საეკლესიო-სამრევლო სკოლებისათვის ძღვედლებისა და მასწავლებლების მოსამზადებელი სკოლის გახსნის საკითხი, მაგრამ ეს პრობლემა მაინც გადაუწყვეტელი დარჩა⁴³⁶.

1909 წელს კვლავ წამოიჭრა სამხრეთ ოსეთის სკოლებისათვის მასწავლებელთა მოსამზადებლად პედაგოგიური სასწავლებლის დაარსების საკითხი, მაგრამ იგი ისევ უშედეგოდ დამთავრდა⁴³⁷.

1913 წელს საეკლესიო-სამრევლო სკოლების მეთვალყურის მიერ საეკლესიო მმართველობის წინაშე აღძრულ იქნა შუამდგომლობა სამხრეთ ოსეთში საეკლესიო სამასწავლებლო სკოლის დაარსების შესახებ⁴³⁸, მაგრამ ეს არარეალური ნაბიჯიც მარცხით დამთავრდა.

სამხრეთ ოსეთის საეკლესიო-სამრევლო სკოლებში სავარაუდო ცნობებით მუშაობდა⁴³⁹:

⁴³³ ზ. კიკინაძე, ოსეთის ისტორია, გვ. 227.

⁴³⁴ ოსეთის ისტორია, ქართულის ისტორიულის წყაროებით, სურათებით აღწერილი და გამოცემული ზ. კიკინაძის მიერ 1913 წ., თბილისი, გვ. 228.

⁴³⁵ იქვე.

⁴³⁶ საქ. სსრ ცსს საისტორიო არქივი, ფონდი 141, საქმე № 520, ფურც. 13—65.

⁴³⁷ იქვე, ფონდი 141, საქმე № 1355, ფურც. 63 - 64.

⁴³⁸ იქვე, ფონდი 141, საქმე № 1572, ფურც. 1—4.

⁴³⁹ იქვე, ფონდი 141, საქმე № 104, ფურც. 13 17, საქმე № 1123, ფურც. 41, საქმე № 1181, ფურც. 19—20, საქმე № 531, ფურც. 27, საქმე № 882, ფურც. 17, საქმე № 1590, ფურც. 3—4, საქმე № 1572, ფურც. 1—4.

1864—1865 წწ.	1	კაცი (თომა ჩოჩიშვილი);
1866—1867	2	
1873—1881	4	
1882—1886	7	
1904—1905	12	
1908—1913	14	„

ამათში (1913 წ.) ოსი ეროვნებისა იყო 11 მასწავლებელი⁴³⁰.

1913—1917 წწ. სამხრეთ ოსეთის საეკლესიო-სამრევლო სკოლებში მომუშავე 48 მასწავლებლის კვალიფიკაციას გვიჩვენებს იმ სასწავლებელთა ჩამოთვლა, სადაც ისინი იღებდნენ ცოდნას⁴³¹:

1. თვითნასწავლი 1 მასწავლებელი;
2. თბილისის სას. სემინარიიდან 8 „
(კურსდამთ. და კურსდაუმთავრებელი);
3. ნავთლუღის სამასწ. სკოლიდან 1
4. ქუთაისის სას. სასწ-დან 1
5. თბილისის ეპარქ. სასწ. 7
6. გორის სას. სასწავ-დან 4
7. გორის საქალაქო სკოლიდან 3
8. არღონის სას. სასწავ-დან .2
9. არღონის სას. სემინარიიდან 11
10. ხონის სამასწ. სემინარიიდან 1
11. ელიზავეტოპოლის საქალაქო სასწ-დან 1
12. ალექსანდროვის სამასწ. ინსტ-დან 1
13. ტირქნისის ორკლასიანი სკოლიდან 1
14. ამიერკავკ. გორის სამასწ. სემინარიიდან 1
15. ორლოვის სას. სემინარიიდან 1
16. ახალციხის საქალაქო სასწავ-დან 1
17. თბილისის მესამე გიმნაზიიდან 1
18. პროგიმნაზიიდან 1
19. რეალური სასწავლებლიდან 1 „

ზემოჩამოთვლილი სასწავლებლების უმრავლესობა საეკლესიო უწყებაში შედიოდა და ცხადია, მისგან გამოსული კადრებიც, უმთავრესად, სკოლების საშუალებით მოზარდი თაობის რელიგი-

⁴³⁰ იქვე, ფონდი I-1, საქმე № 137, ფურც. 20; საქმე № 182, ფურც. 4, საქმე № 616, ფურც. 3-5; საქმე № 631, ფურც. 49, 50, 51; საქმე № 804; ფურც. 171; საქმე № 1590, ფურც. 3-4.

⁴³¹ П. И. Гаднев, История развития народного образования в Юго Осетии до установления со петской властью, стр. 74.

ურ აღზრდას ანხორციელებდნენ. თუ არ მივიღებთ მხედველობაში სასულიერო სემინარიებს, რომლებიც თავიანთი მიზანდასახულების მიხედვით ეკლესიის მუშაკებს ამზადებდა, დასახელებული 48 მასწავლებლიდან პედაგოგიური განათლებით იყო მხოლოდ ოთხი კაცი, რომელთაც სამასწავლებლო სკოლა ან ინსტიტუტები ჰქონდათ დამთავრებული.

მასწავლებელთა პედაგოგიური კვალიფიკაციის მხრივ სახარბიელო მდგომარეობა არც სამინისტრო სკოლებს ჰქონდა.

1913 წელს სამხრეთ ოსეთის 20 სამინისტრო სკოლაში სულ 25 მასწავლებელი მუშაობდა. 1916 წელს ჯავის უმაღლეს-დაწყებითი სასწავლებლის ჩათვლით სამინისტრო სკოლების მასწავლებელთა რაოდენობა 32 კაცს შეადგენდა, რომელთაგან დამთავრებული ჰქონდათ:

1. თბილისის სასულიერო სემინარია	4	მასწავლებელს:
2. არდონის სასულიერო სემინარია	1	
3. ამიერკავკასიის (გორის) სამასწ. სემინარია	1	
4. სამასწავლებლო სემინარია	7	
5. თბილისის სამასწავლებლო ინსტიტუტი	1	
6. სასულიერო სემინარიის V კლასი	1	
7. ბოდბის ქალთა სამასწ. სკოლა	1	
8. დაწყ. სკოლის მასწავლებლის წოდება	3	
9. ეპარქიალური სასწავლებელი	2	
10. საქალაქო სასწავლებელი	3	
11. სასულიერო სასწავლებელი	1	
12. ქალთა გიმნაზია	4	
13. ქალთა პროგიმნაზია	1	
14. წმ. ნინოს ქალთა გიმნაზია	1	
15. ჯავის საეკლ.-სამრევლო სკოლა	1	

აღნიშნულ მასწავლებელთა შორის იყო ოსი—10 კაცი⁴². ამრიგად, სამხრეთ ოსეთის საეკლესიო-სამრევლო სკოლებსა და განათლების სამინისტროს უწყების ერთკლასიან და ორკლასიან სასწავლებლებში 1913—1917 წწ. სულ ითვლებოდა 80-მდე მასწავლებელი (მათ შორის 21 ოსი), რომელშიაც პედაგოგიური განათლება მხოლოდ 15 კაცს ჰქონდა მიღებული.

⁴² П. Г а л и е в. История развития народного образования в Юго Осетии, стр. 70—77 (ველთაწერი). შტრ. საქ. სსრ ცსს საისტორიო არქივი, ფონდი 109, საქმე № 378, ფურც 201-212; იქვე, ფონდი 109, საქმე № 416, ფურც. 99. იხ. Отчет попеч. Кавк. уч. округа за 1885. г. стр. 227 за 1887 г. стр. 202, за 1894 г. стр. 332.

სამხრეთ ოსეთის სკოლებში მომუშავე მასწავლებელთა ძირითადი შემადგენლობა საქართველოს სასულიერო და სამასწავლებლო სემინარიების, სამასწავლებლო ინსტიტუტებისა და სხვა სკოლების მიერ იყო გამოშვებული. ოსი ბავშვები თბილისისა და თელავის სასულიერო სემინარიებს გარდა უმთავრესად სწავლობდნენ: თბილისისა და გორის სასულიერო სასწავლებელში, თბილისის ქალთა ეპარქიალურ სკოლაში, თბილისის საფერშლო სკოლაში, გორის რეალურ სასწავლებელში, ბოდბის ქალთა სამასწავლებლო სკოლაში, თბილისის რკინიგზის სასწავლებელში, გორის სამასწავლებლო სემინარიაში, დუშეთის სახელოსნო სასწავლებელში და სხვა სკოლებში. მასწავლებელთა უმრავლესობა შედარებით შეძლებულ და პრივილეგიურ ფენებიდან იყო გამოსული, თუმცა, ცნობილია ისიც, რომ სასულიერო და სამასწავლებლო სემინარიებსა და ინსტიტუტებში წესდების მიხედვით გლებთა შვილებსაც იღებდნენ. გარდა ამისა, ქართულ და რუსულ წერაკითხვასა და საეკლესიო მსახურების წესებს ოსი ბავშვები სწავლობდნენ საქართველოს საეგზარხოზო სახლში, სადაც მათ იღებდნენ მშობლისა და მამასახლისის ნებართვით. ეგზარხის სახლში არასწორდელად მიღებულ ბავშვებს ყოველთვიური ხარჯებისათვის ეძლეოდათ (თითოეულს) 5 მანეთი ოსეთის იმ თანხებიდან, რომელიც დანიშნული იყო „მოფერებისა და საჩუქრებისათვის და თბილისში ოსების მიღებისათვის“.

უნდა ვიფიქროთ, რომ ეგზარხის სახლში სწავლაშიღებულებს ნიშნავდნენ არა მარტო ოსეთის ეკლესიების დიაკვნებად, არამედ ზოგჯერ სამღვთო სჯულის მასწავლებლადაც.

XIX საუკუნის ბოლოს და XX საუკუნის დასაწყისში მდღის თვითმპყრობელობის კოლონიალური პოლიტიკის გაძლიერებამ რუსეთის განაპირა მხარეებში (მათ შორის—კავკასიაში) გამოიწვია ნაციონალურ უმცირესობათა ადგილობრივი ინტელიგენციის

⁴⁴³ ამ მხრივ, გამონაკლისს წარმოადგენდა გროზნოს სკოლის ჩეჩენი მასწავლებლის თანაშემწე—ელდარხანოვი, რომელსაც თბილისის სამასწავლებლო ინსტიტუტის კურსი ჰქონდა დამთავრებული და დროებით მასწავლებლის მოვალეობას ასრულებდა. ჩეჩენის განკუთვნილ მისი ნამდვილი მასწავლებლის შატში აკანის შესახებ განათლების სამინისტროს უარი უპასუხა, იმ მოტივით, რომ ის მუსულმანი იყო. 10 წლის შემდეგ სენტ-პეტერბურგში ელდარხანოვმა მიიღო მასწავლებლის თანამდებობა, რასაც უშუალოდ მოჰყვა მასწავლებლის დროებით აღმსრულებლად მის გამწვევებელ ხელმძღვანელ პირებზე (სახ. სკოლების დირექტორზე) სასჯელის დადება (იხ. Известия Северо Кавказского педагогического института им. М. Ю. Гадиева, том XIII, стр. 252).

როგორც ეკონომიური შევიწროება, ისე უფლებრივი ძღვომარეობის გაუარესებაც. მასწავლებლებად და მათ თანაშემწეებად შეიძლებოდა გაგზავნილიყო „პედაგოგიურად მომზადებული და ზნეობრივად მისაღები“ ადამიანები (განსაკუთრებით ისეთები), რომელთაც შეეძლოთ ოსეთში ადგილობრივი მოსახლეობის დამარჩილების პოლიტიკის განხორციელება.

მასწავლებლის თანაშემწეები მოსამზადებელ კლასებში (ახლად მიღებულ ბავშვებთან) მეცადინეობის დროს (სასწავლო წლის პირველი ნახევრის განმავლობაში) მთარგმნელთა როლს ასრულებდნენ. ასეთ პირებს მთიელებიდან არჩევდნენ. მათი უფლებები შეზღუდული იყო. მათ არ ჰქონდათ მთიელთა სკოლაში ნამდვილ მასწავლებლებად მუშაობის უფლება.⁴⁴⁴

1864 წლიდან „საზოგადოებასთან“ არსებობდა ინსპექტორთა შტატი (2 კაცი), რომელიც მასწავლებელთა მუშაობისა და საერთოდ, სკოლების საქმიანობაზე კონტროლს ანხორციელებდა. 1867 წლიდან „საზოგადოების“ სკოლები ალექსანდროვსკის „სადირექციოს“ კონტროლქვეშ გადავიდა. ამ უკანასკნელს ევალეობდა სკოლების რევიზია. სკოლებისა და მასწავლებელთა მუშაობის შემოწმებას აწარმოებდა სამასწავლებლო სკოლის დირექტორი და ორი ინსპექტორ-მასწავლებელი. რევიზიის დროს ინსპექტორ-რევიზორი აწარმოებდა მოსწავლეთა ცოდნის უშუალო შემოწმებას — გამოკითხვას, აკვირდებოდა და სწავლობდა მასწავლებელთა მუშაობის მეთოდებსა და ხერხებს, ასწრებდა ერთი სკოლის რამდენიმე (1—2) მასწავლებელს მეზობელი (სხვა) სკოლის მასწავლებელთა მუშაობას, ამოწმებდა იმას, თუ რა ჟურნალ-გაზეთებსა და წიგნებს კითხულობდნენ მასწავლებლები. ყოველი სკოლის შემოწმებას ხმარდებოდა არანაკლებ ორი დღისა. მაგალითად, ცნობილია, რომ ინსპექტორებს (საეკლესიო უწყების ხაზით) 1860 წ. 37 სკოლის შემოწმებისათვის გამოუყენებია 94 დღე. სკოლიდან სკოლაში გადასვლისას ინსპექტორს აცხადებდა 1—2 მასწავლებელი, რომელიც ეცნობოდა რა მეზობელი სკოლების მუშაობას, რასაც კარგს (მოსაწონს) ნახავდა, გამოცდილება თავის სკოლაში გადაჰქონდა. ასეთ შემთხვევაში შემოღებული იყო საცდელი გაკვეთილების ჩატარება, სადაც ხდებოდა მასწავლებელთა შორის

⁴⁴⁴ Обзор деятельности общества восстановления православного христианства на Кавказе за 1860—1910 гг., Тифлис, 1910 г., стр. 193—198.

პედაგოგიური გამოცდილების (საუკეთესო ხერხებისა და მეთოდების) ურთიერთგაზიარება⁴⁴⁵.

„აქ ცოცხალი საქმე კეთდებოდა... ამ გაკვეთილების ირგვლივ ჩაღდებოდა სახალხო დავა და მათ ღირსებასა და ნაკლოვანებებზე, ამა თუ იმ დეტალისა და გაკვეთილის ჩატარების მეთოდების შესახებ“⁴⁴⁶.

მახლობელი სკოლების მასწავლებელთა ურთიერთგაკვეთილებზე დასწრება საეკლესიო-სამრევლო სკოლებში რეკომენდირებული იყო და ნაწილობრივ პრაქტიკაშიაც ხორციელდებოდა, რათა ამით გაეძლიერებინათ საზოგადოებრივობის წინაშე მასწავლებელთა პასუხისმგებლობის გრძნობა და გაეზიარებინათ ურთიერთ სასარგებლო ცოდნა-გამოცდილებანი. ოსეთის მახლობელი სკოლების მასწავლებლები თავიანთ გამოცდილებას ერთმანეთს უზიარებდნენ აგრეთვე მახლობელი სკოლების მასწავლებელთა თათბირებზე, ხოლო უფრო ფართო მასშტაბით — მასწავლებელთა საოლქო ყრილობებსა და კონფერენციებზე. მასწავლებელი ვალდებული იყო ყოველი სასწავლო წლის ბოლოს სკოლის დირექციისათვის წარედგინა პედაგოგიური და ეთნოგრაფიული ხასიათის თხზულება. ამ თხზულებების მიხედვით ირკვეოდა: ა) მასწავლებლის შთაბეჭდილებანი მოსწავლეებისა და სასკოლო ცხოვრების შესახებ; ბ) რამდენად იზრდება, რას კითხულობს და როგორ მიდის წინ მასწავლებელი. მასწავლებლებს თავიანთ თხზულებებში წლის ბოლოს პასუხი უნდა გაეცა კითხვებზე: „რა შეგიძლიათ თქვათ ოსი ქალისა და ვაჟის ფიზიკური და ზნეობრივი განვითარების შესახებ?“ შემდეგ კითხვები ეხებოდა ოსების ხასიათს, მათ ენას, დამწერლობას, ქველმოქმედებასა და სიღარიბეს, მამაკაცების, ქალებისა და ბავშვების ცხოვრების მაგალითებისა და საინტერესო სახეების გაშუქებას, მატერიალური და ჰიგიენური მდგომარეობის აღწერას და ა. შ.⁴⁴⁷.

ყოველივე ეს — მდიდარ ფაქტიურ მასალას იძლეოდა ოსების კულტურული მდგომარეობის შესასწავლად და მასწავლებელთა ურთიერთგამოცდილების გაზიარებისათვის, რათა ამ ნიადაგზე შესაძლებელი გამხდარიყო მისი გამოყენება ოსეთში სწავლა-

⁴⁴⁵ Отчет общества восстановления православного христианства на Кавказе за 1880 г., Тифлис, 1884 г., стр. 69.

⁴⁴⁶ С. В. Ф а р ф а р о в с к и й, Народное образование у осетин. сб. „Журнал Министерства народного просвещения“ 1917 г., № 1, стр. 96-97.

⁴⁴⁷ ი ქ ვ ე, გვ. 97.

განათლების საქმის პროგრესულად განვითარებისათვის. მიუხედავად იმისა, რომ მასწავლებელთა გამოცდილების ურთიერთგაზიარების ზემოაღნიშნული ფორმები ზოგიერთ სასარგებლო და დადებით ელემენტებს შეიცავდა, იგი, არსებულ პირობებში პრიმიტიულ ჩარჩოებს არ გასცილებია⁴⁴⁸.

1885 წლიდან ჩრდ. კავკასიის სკოლებში რეაქცია მძვინვარებდა. სწავლების პროცესი კიდევ უფრო მეტად გაუღებთილ იქნა რელიგიური სულით. გაძლიერდა ადგილობრივი ენის შევიწროება, მოსწავლეთა ფიზიკური დასჯის ზომების მაქსიმალურად გამოყენება, ზნეობრივი ინკვიზიცია და მასწავლებელთა ჩაგვრად ბეჩაეობა. 1885 წლის აგვისტოს, კავკასიის სასწავლო ოლქის „სამზრუნველომ“ თერგის ოლქის სახალხო სკოლების დირექტორს „საიდუმლო წერილი“ გაუგზავნა მასწავლებელთა ყრილობების აკრძალვის შესახებ. აღნიშნული „წერილით“ განათლების სამინისტრომ (შინაგან საქმეთა სამინისტროს მითითების საფუძველზე) შესცვალა 1881 წლის 21 ივნისის განკარგულება (№ 9280), რომლითაც სახალხო სკოლათა დირექტორებს პირველდაწყებითი სკოლის მასწავლებელთა ყრილობების მოწვევის ნება ეძლეოდათ. მასწავლებელთა ყრილობებისა და თათბირების მოწვევის აკრძალვას განათლების სამინისტრო მთავრობის საწინააღმდეგო მოძრაობაში მასწავლებელთა მონაწილეობის შემთხვევების თავიდან აცილების მოტივით „ასაბუთებდა“.

დაწყებითი სკოლების მასწავლებელთა ყრილობების გახსნა, — ცირკულიარის მიხედვით, — სრულიად არასასურველ მოქმედებას წარმოადგენდა⁴⁴⁹. სამინისტროს შესაძლებლად მიაჩნდა მასწავლებელთა კურსების გახსნა მხოლოდ იმ პირობით, თუ მსმენელთა

⁴⁴⁸ მოწინავე მასწავლებელთა შორის XIX საუკუნის 80-იან წლებში „სახოგადობის“ ანგარიშების მიხედვით დასახლებულნი არიან 1) ილია კანჯოვი (დარგომსკის სკოლა), ტოლმაჩოვი (ალაგარის სკოლა), ღარიბოვი, დიგუოვი (ოღლის სახ ქალთა სკოლა), გარ უევი ეოლნობრისტიანოვსკოეს სკოლა), სერაგევი (მიზურის სკოლა), ვანეევი (სადონის სკოლა) კოვალევსკაია და ლოლაძე (ალაგარის სკოლა). სმირნოვა (ვლადიკავკაის ოსური ქალთა სკოლა) და სხვები. ჩვენთვის ძნელია იმ ნიხნების დადგენა, რომლითაც მასწავლებელთა მთელი შემადგენლობიდან „მოწინავეთა“ გამოყოფა ხდებოდა (იხ. Отчет общества восстановления православного христианства на Кавказе за 1880 год, Тифлис, 1884 г., стр. 75).

⁴⁴⁹ Материалы по истории осетинского народа, т. V, сборник документов по истории народного образования в Осетии, Госиздат С/Ас. АССР, Орджоникидзе, 1942 г., стр. 264.

სია, კურსების ადგილი, მეცადინეობის დრო და სხვა — წინასწარ, ზუსტად იქნებოდა შეტყობინებული, როგორც შინაგან საქმეთა, ისე განათლების სამინისტროსათვის⁴⁵⁰. ამ პერიოდში მასწავლებელთა შორის დაიწყო მლიქვნელობა, კინკლაობა და ინტრიგები. ურთიერთგამოცდილების გაზიარების ადგილი დაიჭირა ურთიერთდასმენამ, წაქეზება და სტიმულირების ზომები—ინიციატივის ჩახშობამ, სამსახურიდან გადაყენებამ, დაშინებამ და შევიწროების სხვა ფორმებმა შესცვალეს⁴⁵¹.

ნამდვილი სახალხო მასწავლებლების ადგილი (ხშირს „შემთხვევაში“) მღვდლებმა დაიჭირეს. საუკეთესო მასწავლებელთა მიმართ ინტრიგების მოწყობაში გამოირჩეოდნენ მღვდლები, რომლებიც პატიოსან მუშაებს ასმენდნენ „ეკლესიაში გამოუცხადებლობის“, „სამორიგეო ადგილზე უყურადღებობის“ და სხვა „დანაშაულისათვის“. ამგვარი ინტრიგების „ნაყოფს“ წარმოადგენდა მიაწინავე მასწავლებლების დაჯარიმება, სასტაჟი საყვედურები, სხვა სკოლაში გადაყვანა, გადადგომის შესახებ განკარგულებათა მიღება, გაკიცხვა, დაშინება, მუქარა და სხვა სასჯელები. დაბოლოს, მოსწავლეები ასმენდნენ მასწავლებლებს, რომ „...დიდი ძარხვის დროს მათი (მასწავლებელთა.—ტ. ს.) ფანჯარების ქვეშ ეჯდო კვერცხის ღერქო“⁴⁵². ამრიგად, მასწავლებელთა დევნა-შევიწროება, სკოლის უანგარო მუშაკთა უფლებრივი, მატერიალური და მორალური ჩაგვრა ოსეთში პროლეტარული რევოლუციის სრულ გამარჯვებამდე გრძელდებოდა.

⁴⁵⁰ იქვე. გვ. 264.

⁴⁵¹ საეკლესიო უწყების ხელმძღვანელობა ზოგჯერ მასწავლებელთა „გადაჯგუფების“ ხერხს მიმართავდა. 1891 წელს ლეონიძმა ჯაჯაში მასწავლებლად დანიშნა ხონის სემინარიის ახლად კურსდამთავრებული—ჯიკაევი, ჯაიელი მასწავლებელი გ. ათაევი ვანათში გადაიყვანა. ხოლო ვანათისა სულ დაითხოვა. ედისში, როკასა და კოშ აში ლეონიდს კურსდა თავრებულთა დანიშვნა სურდა (უფუფებოთა და კურსდამთავრებულთა მაგიერ), მაგრამ სათანადო კადრების სიმციროს გამო აღნიშნული გეგმა განუზოცდლებელი დარჩა (იხ. გახ. „ივერია“, 1891 წ., № 227, გვ. 2-3).

⁴⁵² „Журнал Министерства народного просвещения“, 1917 г., январь, стр. 99. იხ. ს. ვ. ფარფაროვიცის სტატია. „Народное образование у осетин“.

თ ა ვ ი VI

გამოჩენილი ოსი მოღვაწეები სკოლისა და სახალხო განათლების შესახებ

XIX საუკუნის 50-იან წლებში ოსი ინტელიგენცია უძთავრესად საეკლესიო პირთა და სამხედრო მოსამსახურეთაგან შედგებოდა. გასული საუკუნის შუაწლებში საზოგადოებრივი ცხოვრების არენაზე სამოქალაქო ინტელიგენცია ჯერ კიდევ არ ჩანდა. სასულიერო ინტელიგენციის მნიშვნელოვანი ნაწილი ხალხის წრიდან იყო გამოსული და ხალხის კეთილდღეობისათვის (ოსური დამწერლობისა და კულტურის განვითარებისათვის) იბრძოდა, იაშინ, როდესაც სამხედრო წრის ინტელიგენცია ოსი ხალხის კულტურული აღორძინების საქმეებისადმი ინდიფერენტულ დამოკიდებულებას იჩენდა⁴⁵³.

XIX საუკუნის 30—40 წლებამდე ოსეთზე გაცილებით ძლიერი იყო ქართული კულტურის გავლენა, ხოლო 40—50-იან წლებში გაიზარდა რუსეთის ხელმძღვანელი კლასების ზემოქმედება, რომელიც 60—70 წლებში რუსული დემოკრატიული კულტურისა და ქართული პროგრესული ინტელიგენციის თანდათანობით კეთილმოქმედი ზეგავლენით შეიცვალა. როგორც რუსეთის, ისე საქართველოს ინტელიგენციის მოწინავე ძალები თანაგრძნობით ეკიდებოდნენ ოს ხალხს და მათ რევოლუციურ ძალებს შეფის თვითმპყრობელობის კოლონიალური პოლიტიკის წინააღმდეგ ბრძოლაში.

საგლეხო რეფორმის პერიოდში ჩრდილო კავკასიის ოსეთის მოსახლეობის ნახევარზე მეტი (პოლიტიკურად და ეკონომიურად) ადგილობრივ ფეოდალებზე („ალდარებსა“ და „ბადელიატებზე“) იყო დამოკიდებული. მიუხედავად იმისა, რომ „რეფორმის“ შემდეგ ოსეთი თანდათანობით ჩაება რუსეთის ეკონომიური, პოლი-

⁴⁵³ М. С. Тотоев, Развитие культуры и общественной мысли в Северной Осетии во второй половине XIX и в начале XX вв. 1950 г., стр. 10—11.

ტიკური და კულტურული განვითარების ფერხულში, იგი შინკე გალატაკებულ, დაბეჩაებულ, უკულტურო და ჩამორჩენილ განაპირა კუთხეს წარმოადგენდა. რეფორმის პერიოდში კლასობრივი წინააღმდეგობანი ოსეთში მწვავედებოდა და იგი არა მარტო ანტი-ფეოდალურ, არამედ ანტიკოლონიალურ ხასიათს იღებდა. ეკონომიური ჩამორჩენილობის გამო ოსეთის კულტურა და საზოგადოებრივი აზროვნება მეტად ნელი ტემპით ვითარდებოდა. ოსეთის ინტელიგენცია ჭერ კიდეც არ იყო მზად აღზრდა-განათლების საკითხების რევოლუციურად გადაჭრისათვის.

XIX საუკუნის 60-იან წლებში ოსეთში მოღვაწეობდნენ გამოჩენილი მწერლები, იურისტები, პედაგოგები, აგრონომები, მეცნიერების, ხელოვნებისა და კულტურის სხვა დარგის წარმომადგენლები, რომელთაც გარკვეული წვლილი შეჰქონდათ კავკასიის მთის ხალხთა კულტურულ განვითარებაში. მისიონერული სკოლებისა და ეკლესიების ქსელის გაშლა მეფის თვითმპყრობელობის ინტერესებიდან გამომდინარეობდა, რაც თავის მხრივ შესაფერი კადრების აღზრდას მოითხოვდა. ვლადიკავკაის ოსური სასულიერო სასწავლებლებისა და სხვა ოსური სკოლების კურსდამთავრებულნი ხშირად სხვადასხვა უმაღლეს სასწავლებლებსა და გიმნაზიებში იღებდნენ განათლებას. ასე, მაგალითად, ვლადიკავკაის სასულიერო სასწავლებლის ყოფ. ინსპექტორმა — მღვდელმა კოლიევმა 1848 წელს ვლადიკავკაის სამხედრო ოლქს უმაღლეს სასწავლებლებში გასაგზავნად 7 მოსწავლე წარუდგინა: ი. ჟუკაევი — თბილისის სას. სემინარიაში, მ. კორაევი, დ. ჩეხოევი, ი. დოევა — ვორონეჟის სას. სემინარიაში, ხ. ანდროვა, ტ. შორგოევა — ეკატერინოსლავში, ვ. ცოროევი — მოსკოვის სას. აკადემიაში, რომელთა ერთი ნაწილი (ცორაევი და სხვ.) ოსეთში დაბრუნების შემდეგ განათლების ფრონტს ემსახურებოდა.

XIX საუკუნის მეორე ნახევარში ჩრდილო კავკასიის ოსეთში სამოღვაწეო ასპარეზზე გამოვიდნენ ისეთი ცნობილი პირები, როგორც იყვნენ ი. კანუკოვი, ხ. ურუიმაგოვი და სხვები.

იმაგე საუკუნის 70-იან წლებში სწავლობდნენ — პეტერბურგის სატყეო ინსტიტუტში — ა. არდასენოვი, იბრ. შანაევი, დ. სოხიევი, ე. გაზდანოვი, პეტროვსკო-რაზუმოვსკის მოსკოვის აკადემიაში — ხ. ტუსკაევი, ოდესის უნივერსიტეტში — დ. შანაევი, ი. კანუკოვი, კიევის სასულიერო აკადემიაში — ა. გასიევი, ყაზანის სას. აკადემიაში — ვ. გატიევი და სხვები.

ოსი ინტელიგენციის ზოგიერთი სხვა წარმომადგენელი ამ პერიოდში გიმნაზიებში, მიწისმზომელთა სასწავლებლებში, სასულიერო სემინარიებში, სამხედრო სასწავლებელსა და სხვა ტიპის სკოლებში სწავლობდა. ბევრი მათგანი 70-იან წლების რევოლუციონერ-ხალხოსნურ მოძრაობაში იღებდა მონაწილეობას. ოსი ატუდენტებისა და მოსწავლეების გარკვეული ნაწილი ამავე პერიოდში ჩაბმული იყო ხალხოსნური ორგანიზაციების ფარულ მუშაობაში. ასეთი იყო იბრ. შანაევი, რომელიც „ნეჩაევის წრეში“ მონაწილეობისათვის ორი წლით პეტრე-პავლოვსკის ციხეში იჯდა. ასეთივე ბედი ხვდა წილად ა. არდასენოვს, რომელიც მოწინავე რუს, ქართველ, სომეხ, ოს და სხვა ეროვნების წარმომადგენლებთან ერთად კავკავის რევოლუციურ-ხალხოსნური წრის მუშაობაში აქტიურ მონაწილეობას იღებდა. მოღვაწეთა ამ ჯგუფში შედიოდნენ ალ. არდასენოვი, ხ. ტუსკაევი, იბრ. შანაევი, გოჯიევი, ე. გაზდანოვი, აიდაროვი, დ. ცოხიევი, მ. ზ. ყიფიანი, ნ. ო. ყაზბეგი, ნ. გ. კანანოვი, ათაბეგოვი, პეტრე და სტეფანე პოპოვები, მასწავლებელი კიზერი, ლავროვი (გაზ. „ტერეკსკიე ვედომოსტის“ თანამშრომელი) და სხვები⁴⁵⁴. რევოლუციური ლიტერატურის გავრცელებაში დიდი როლი შეასრულა ლ. ვ. კანანოვამ (პალიცინამ), რომელმაც კავკავის ბიბლიოთეკის დაარსებით და რევოლუციური ლიტერატურის თავმოყრით ხელი შეუწყო ოსებში ახალი იდეების გავრცელებას.

70-იანი წლების ოსი ნაროდნიკების რევოლუციურ საქმიანობას ისეთივე შეცდომები (ინტელიგენციის როლის გაზვიადება, მუშათა კლასის როლის შეუფასებლობა, გლეხური „ობშჩინების“ იდეალიზაცია, „ხალხში სიარულის“ როლის გაზვიადება, ტერორის ტაქტიკა და სხვ.) ახასიათებდა, როგორც ამავე პერიოდის რუსეთის ნაროდნიკულ მოძრაობას. მიუხედავად ამისა, ოს მოღვაწეთა ამ ჯგუფმა გარკვეული პროგრესული ნაბიჯი გადადგა რევოლუციური ლიტერატურისა და რევოლუციური აზრების გავრცელების, ხალხის გამოფხიზლებისა და მეფის თვითმპყრობელობის წინააღმდეგ ბრძოლის შემდგომი გაძლიერების საქმეში.

70-იანი წლების ოსეთის პროგრესული ინტელიგენცია რუსული კულტურის მძლავრ გავლენას განიცდიდა, რუს ხალხთან

⁴⁵⁴ ბ. ვ. სკიტსკი, სამხრეთ ოსეთის რევოლუციური მოძრაობის ისტორიიდან 70-იან წლებში, 1929 წ., ტ. V, გვ. 252—254.

მეგობრობისა და ყველა სხვა ხალხებთან ძმური კავშირის განმტკიცებას მოითხოვდა.

ოსეთის დემოკრატიული ინტელიგენცია, რომელსაც XIX საუკუნის ბოლო მეოთხედში კ. ხეთაგუროვი შეთაურობდა, რუსეთში დემოკრატიული და ანტიდემოკრატიული, რევოლუციური და რეაქციული ძალების ბრძოლას კარგად ამჩნევდა და ამ ბრძოლაში იგი რევოლუციურ ძალებთან, დიდი რუსი ხალხის რევოლუციურ კულტურასთან განუყრელი კავშირისა და რეაქციული ძალების წინააღმდეგ შეურიგებელი ბრძოლის იდეას იცავდა. რუს ხალხთან, რუსულ კულტურასთან და ყველა სხვა ხალხებთან კავშირის განმტკიცების აქტიური მომხრენი იყვნენ: ალექსი (აქსო) კოლიევი (1823 — 1866), ინალ კანუკოვი (მწერალი), გასიევი, ურუიმაგოვი და სხვები.

XIX საუკუნის 70-იანი წლების ინტელიგენცია ძირითადად ორ ნაწილად იყოფოდა. ინტელიგენციის პირველი ჯგუფის შემადგენლობა (ინალ კანუკოვი, ბორის გადიევი, ძმები შანაევები, ალიხან არდასენოვი, ე. გაზდანოვი, იბრ. შანაევი, დრ. სოხიევი, დ. გოლიევი, ა. გასიევი და სხვ.), რომელთაც რუსეთში შიილეს განათლება, რუსეთის დემოკრატიულ ფენებთან და რუსულ პროგრესულ კულტურასთან განუყრელი კავშირის იდეას იცავდა, ოსი ხალხის თავისუფლებისა და ეროვნული კულტურის აღორძინებისათვის იბრძოდა. ამ პროგრესული ჯგუფის წინამორბედი (50—60-იან წლებში) იყო მასწავლებელთა წრე, რომელსაც გამოჩენილი ოსი მოღვაწე, მღვდელი—მასწავლებელი აქსო კოლიევი ხელმძღვანელობდა.

ოსი ინტელიგენციის რეაქციულ-ფეოდალური ჯგუფი (რომელშიაც 50—60-იან წლებში შედიოდნენ: გენერალი მ. კუნდუხოვი, გენერალი ასლანბეკ ტუგანოვი, მაიორი კრიმ სულტან დუდაროვი, ასლამურზა ესიევი) ოსეთში მემამულურ-ჩინოვნეიური წყობილების დაცვისა და რუსეთისაგან მთის ხალხთა იზოლირების პოლიტიკას ანხორციელებდა.

70—80-იან წლებში ინტელიგენციის პროგრესული ჯგუფის წინააღმდეგ ოსეთში ცარიზმის „კულტურტრეგერობის“ ხოტბით გამოდიოდა თავადაზნაურთა რეაქციული ჯგუფის შეთაური (ისტორიული ნარკვევის: „Татарское общество и экспедиция кн. Афанасия“-ს, ავტორი, 1869 წ.), გენერალ ლეიტენანტი მ. ბაევი, რომელიც თავადაზნაურთა და ოს ალდართა ძალაუფლების დაცვისათვის იბრძოდა.

ა. კოლიევის პედაგოგიური მოღვაწეობა

სახალხო განათლების გამოჩენილი მოღვაწე ალექსი (აკსო) ბესარიონის ძე კოლიევი (1823—1866 წწ.) პირველი რსი მესამოციანელი იყო, რომელმაც 1845 წელს დაამთავრა თბილისის სასულიერო სემინარიის კურსი. იგი კავკავის სასულიერო სასწავლებლის ინსპექტორად, უფროსი კლასების მასწავლებლად, ხოლო ბოლოს, ამავე სკოლის ზედამხედველად იქნა დანიშნული. კოლიევის ინიციატივით, მისივე ბინაზე, 1862 წელს ოსი გოგონებისათვის გახსნილ იქნა დაწყებითი სკოლა, რომელშიაც პირველ ხანებში 20 ბავშვი სწავლობდა. ეს სკოლა შემდეგში სამკლასიან სასწავლებლად გადაკეთდა, რომელმაც კოსტა ხეთაგუროვის სიტყვებით, ქვეყანას ბევრი „სამაგალითო დედა, გამრჩელი მეოჯახე და სახალხო მასწავლებელი აღუზარდა“⁴⁵⁵.

ამრიგად, კ. კოლიევი ოსეთში ქალთა განათლების შემოღების ერთ-ერთი პირველი ორგანიზატორი და ფუძემდებელია, რომელმაც თავისი დროისათვის უდიდესი როლი შეასრულა ოსი ხალხის განათლებისა და კულტურის განვითარების საქმეში. კოლიევის შეხედულებით, ახალი თაობის საუკეთესოდ აღზრდისათვის უხდა შეიქმნას ახალი, განათლებული ოჯახი. „ახალი თაობის აღზრდისათვის, კოლიევის სიტყვით,—პირველყოვლისა საქიროა განათლებული ოჯახი, მაშასადამე, განათლებული — დედა“⁴⁵⁶. და იგი, არა მარტო თეორიულად ქადაგებდა ახალი ოჯახის შექმნისა და დედის აღზრდის საქიროებას, არამედ საქმიტაც ცდილობდა ოსეთში ქალთა განათლებისათვის შესაფერი ნიადაგი შეექმნა. მღვდელი კოლიევი თარგმნიდა საეკლესიო წიგნებს, წერდა ლექსებს და, როგორც ოსური კულტურის საუკეთესო მცოდნე, ხელს უწყობდა მშობლიური ენისა და მწერლობის ერთგვარ პროგრესს. კოლიევი ოსეთში მაჰმადიანური სარწმუნოების გავრცელების წინააღმდეგ იბრძოდა, როგორც ისეთი ძალისა, რომელიც საგრძნობლად აფერხებდა ხალხის სულიერი ძალების განვითარებას. კ. ხეთაგუროვი პატივისცემით იხსენიებდა კოლიევის კულტურულ-საგანმანათლებლო მოღვაწეობას და მას ოსი ინტელიგენციის „პირველი გაწვევის“ ერთ-ერთ ყველაზე გამოჩენილ მოღვაწეს უწოდებდა.

⁴⁵⁵ История Осетии (макет), часть первая, СОННИ, 1954 г., стр. 200.

⁴⁵⁶ М. С. Тотоев, Развитие культуры и общественной мысли в Северной Осетии во второй половине XIX и в начале XX вв. 1954 г., стр. 15.

გრაფ ევდოკიმოვის შეხედულებით: „მთელი მასა ბლალოჩინ კოლიევის მაგალითით ხელმძღვანელობდა და მოქმედებდა. მან ხალხზე მოიპოვა უდიდესი ზეგავლენა. კოლიევის ინფორმაციებზე დამყარებით, ვლადიკავკაის სასულიერო ხელმძღვანელობას ვლადიკავკაის ოსები ყველაზე სამაგალითო ოსებად გამოჰყავდა“¹¹⁷.

მართალია, ა. კოლიევისა და მისი პროგრესული - ჯგუფის ბრძოლას ფეოდალურ-ბატონყმურ ოსეთში გავრცელებული ძველი ზნე-ჩვეულებებისა და ფეოდალური თვითნებობის მოსპობის საქმეში ეფექტური როლი არ შეუსრულებია, მაგრამ იგი მაინც საგრძნობ ძალას წარმოადგენდა მთის ხალხთა კულტურული განვითარებისა და ზნეობრივი ამაღლების საქმეში. 60-იანი წლების ოსი ინტელიგენცია ა. კოლიევის ხელმძღვანელობით ცდილობდა თავისი პატარა სამშობლო მოწინავე კულტურის, განათლებისა და ევროპული ცივილიზაციის გზაზე დაეყენებინა. თავიანთი პროგრესული აზრებით, ხალხისადმი ერთგული სამსახურით და საგანმანათლებლო მოღვაწეობით, იგი, ოს „სამოცდაათიანელებზე“ მნიშვნელოვან გავლენას ახდენდა.

გასიევის კულტურული მოღვაწეობა და პედაგოგიური შეხედულებანი

70-იანი წლების საზოგადოებრივ მიძრაობაში მნიშვნელოვან ძალას წარმოადგენდა პროგრესული ინტელიგენცია, რომელიც ორ ნაწილად იყოფოდა: პირველი ლიბერალური ინტელიგენციის ჯგუფი (დ. შანაევი, გ. შანაევი, ი. ტხოსტოვი და სხვ.), ხოლო მეორე—პროგრესულ დემოკრატიული მიმართულების ბანაკი (ი. კანუკოვი, ა. გასიევი და სხვ.), რომელიც უდიდეს როლს ასრულებდა ოსი ხალხის კულტურულ განვითარებაში. ათანასე აბრამის ძე გასიევი (1844—1916 წწ.) საზოგადოებრივი მოღვაწეობის ასპარეზზე XIX საუკუნის 70-იან წლებში გამოვიდა. იგი კიევის აკადემიის დამთავრების (1870 წ.) შემდეგ მოზდოკის სასულიერო სასწავლებლის ზედამხედველის პოსტზე მუშაობდა. ეკლესიის რეაქციულ ნაწილთან შეჯახების გამო მან მიატოვა სასულიერო უწყება და პუბლიცისტურ მოღვაწეობაში ჩაება. მის კალამს ეკუთვნის ასზე მეტი სტატია რელიგიის ისტორიის, ფილოსოფიის, ეკონომიკის, ნუმისმატიკის, მორალისა და აღზრდის საკითხების შესახებ. იგი არის გრამატიკის, ეტიმოლოგიის სახელმძღვანელო

¹¹⁷ იქვე, გვ. 18.

და ლექსიკონის ავტორი. მისი ნარკვევები: „ისტორიის პედაგოგური მნიშვნელობა“, „მთიელთა დამწერლობის შესახებ“, „ყურანის, დოგმატიკისა და მორალის ანალიზი“, „რელიგიის საფუძვლები და ზნეობრიობა ფილოსოფოს პერბარტისა და მისი სკოლის მოძღვრების მიხედვით“, „ყურანი, მისი წარმოშობა და შექმნა“, „უახლოესი ფილოსოფიური რეალიზმი დაძვარებული რელიგიასა და მორალზე“, „კავკასიის მთიელთა ზნე-ჩვეულებანი“, „მთის მუსულმან-ქალთა მდგომარეობა“ და სხვა, უმთავრესად გაზ. „კავკაზში“, „ტიფლისკი ვესტნიკში“, „კიევის აკადემიის შრომებში“ და სხვა გამოცემებში იბეჭდებოდა.

ა. გასიევის შეხედულებით, XIX საუკუნის 40—50 წლებიდან „მთელი ჩრდილოეთ კავკასიისათვის ჩვეულებრივი გახდა ცოდნაში დაინახოს უდიდესი ბედნიერება... ამით აიხსნება ის, რომ გამრავლდა განათლებულ ადამიანთა რიცხვი ჩერქეზთა შორის, განსაკუთრებით კი ოსებში“.

ა. გასიევის უდიდესი დამსახურება ოსი ხალხის კულტურისა და სწავლა-განათლების დარგში მდგომარეობს იმაში, რომ იგი:

ა) თავისი მოღვაწეობის მთელ მანძილზე მტკიცედ მოითხოვდა კავკასიის მთის მოსახლეობის (განსაკუთრებით, ოსი ხალხის) კულტურული დონის ამაღლებას და მისი ცივილიზაციის გზაზე დაყენებას;

ბ) სასტიკი კრიტიკის ქარცეცხლში ატარებდა ცარიზმის რუსიფიკატორულ პოლიტიკას და მტკიცე ბრძოლას ეწეოდა ოსეთში მეფის თვითმპყრობელობის კოლონიალური ჩაგვრის წინააღმდეგ;

გ) მკაცრად მოითხოვდა სწავლების მშობლიურ ენაზე დაძვარებას და მტკიცედ მოქმედებდა სასკოლო ცხოვრებაში აღნიშნული პედაგოგიური პრინციპის განხორციელებისათვის;

დ) მოითხოვდა სკოლებში რუსული ენის, როგორც სავალდებულო სასწავლო საგნის შემოღებას;

ე) საჭიროდ თვლიდა ოს ქალთათვის სკოლების ქსელის გაშლას და ვაჭებთან თანაბარი უფლებით მათი სწავლა-განათლების მოწესრიგებას;

ვ) აღიარებდა ოსეთის კულტურული დაახლოების საჭიროებას რუსეთის პროგრესულ კულტურასთან, რუსეთის ცივილიზაციის კერასთან, რაც ერთ-ერთ მთავარ გზად მიაჩნდა ოსი ხალხის პროგრესულ გზაზე განვითარებისათვის;

ზ) შეუწელებელ ბრძოლას უცხადებდა დიდმპყრობელურ შოვინისტ „სწავლულებს“, რომლებიც არ სცნობდნენ არა მარტო

„პატარა ხალხების“ (მაგ.: ოსების) კულტურას, არამედ მათ ადამიანურ უფლებებსაც⁴⁵⁸.

ყოველივე ზემოთქმულიდან ნათელია, რომ ა. გასიევაძე, როგორც დემოკრატიკა მოღვაწე, გარკვეული წვლილი შეიტანა ოსი ხალხის კულტურულ წინსვლაში. მიუხედავად იმისა, რომ იგი თავისი ფილოსოფიურ-რელიგიური კონცეფციით იდეალიზმისაკენ იხრებოდა.

ბ. ურუშიაგოვის როლი ახალი სკოლისათვის ბრძოლაში.

ბ. ურუშიაგოვი გამოჩენილი ოსი პედაგოგი, მწერალი და სწავლადო მღვდელი იყო, რომელმაც XIX საუკუნის მეორე ნახევარში არა ერთი ნაწარმოები მიუძღვნა ოსეთში სწავლა-განათლების საქმეს. მისი შეხედულებანი ოსეთში სწავლა-აღზრდის მდგომარეობის შესახებ მოცემულია სტატიაში: „ნაჩალნია მკოლა ე ოსეთი“, რომელიც 1910 წ. ჟურნალ „უტრო გორ“-შია (№ 1) გამოქვეყნებული.

გამოჩენილი ოსი პედაგოგი-პუბლიცისტი ურუშიაგოვი, ჰის თანამედროვე ოსეთის სკოლების მდგომარეობის შესახებ წერდა: „ეს იყო არა სკოლები, არამედ იგივე ეკლესიები მხოლოდ მინიატურაში და იმ განსხვავებით, რომ ეკლესიებში საღვთო სჯულს მოზრდილი ადამიანები სწავლობდნენ, სკოლებში კი — მოზარდები. შეუძლებელია, რა თქმა უნდა, ლაპარაკი იმის შესახებ. რომ ასეთმა სკოლებმა ხალხის ზნეობრივ სისპეტაკეზე, მისი გონების სინათლეზე, შეწყენებისა და გაგების გაღრმავებასა და გაფართოებაზე იქონიონ რაიმე დადებითი გავლენა“.

1870 წლამდე პერიოდს, როდესაც სკოლებზე ეკლესიის გავლენა განსაკუთრებული სიძლიერით იგრძნობოდა, ურუშიაგოვი „განსაკუთრებული სიბნელის“ პერიოდს უწოდებდა. მისი გაგებით, ეკლესიის ბატონობის ამ ხანით იწყება „...სამწუხარო ფურცელი ოსეთის განათლების ისტორიაში“. ბ. ურუშიაგოვის ოსეთის სკოლებში სწავლების გაუმჯობესების ერთ-ერთ მნიშვნელოვან საშუალებად მიაჩნდა მღვდლების ნაცვლად პედაგოგიური განათლებით აღჭურვილი ახალგაზრდა კადრების მომზადება. მისი აზრით, თუ სკოლებში სადმე კი შეიმჩნევა სწავლა-აღზრდის ოღნავი

⁴⁵⁸ М. С. Тогоев, Развитие культуры и общественной мысли в Северной Осетии во второй половине XIX и в начале XX вв., 1950 г. стр. 25—26.

გაუქმობესება, ეს იმით აიხსნება, რომ ინჟინებთან ახალგაზრდა ადამიანები — ოსები, რომელთაც თბილისის სამასწავლებლო ინსტიტუტში აქვთ მიღებული სპეციალური პედაგოგიური განათლება.

80—90 წლების ოს მასწავლებელთა შორის ხ. ურუშიაგოვი ერთ-ერთი პროგრესული მოღვაწე იყო, რომელიც (ა. ცალდოვოვთან და სხვებთან ერთად) მრითხოვდა სკოლების ქსელის გაშლას, მთის ხალხებში სწავლა-განათლების შუქის შეტანას და თავის პრაქტიკულ-პედაგოგიურ მუშაობას საუკეთესოდ უთავსებდა ნაყოფიერ მეცნიერულ-საგანმანათლებლო მოღვაწეობას.

ხ. ურუშიაგოვი კავკასიის ხალხთა მეგობრობისათვის დაუღალავი მებრძოლი, რუსეთის დემოკრატიულ ძალებთან ოსი ხალხის მჭიდრო ურთიერთობისა და რუსეთის პროგრესულ კულტურასთან განუყრელი კავშირის განმტკიცებისათვის ერთ-ერთი გამოჩენილი მედროშე იყო, რომელიც XIX საუკუნის მიწურულში წერდა: „ჩვენ, ოსებს, რომლებიც კარგა ხანია რუსული საზოგადოების კულტურული ოჯახის წევრებად ვითვლებით, ესარგებლობთ რა რუსული ცივილიზაციის ნაყოფით, ნათლად გვაქვს შევხებულნი, სად არის ჩვენი ხალხის გადარჩენის შესაძლებლობა. ესაა — განათლება რუსულ ენაზე, რომლის სიძლიერე, როგორც სახელმწიფო ენისა, ეხლა მეტად ცხადია ყველა ჩვენთაგანისათვის“⁴⁵⁹.

ამრიგად, ხ. ურუშიაგოვის თეორიული შეხედულებანი და საზოგადოებრივ-პედაგოგიური მოღვაწეობა მნიშვნელოვან წვლილს შეადგენს ოსეთის პედაგოგიკის ისტორიაში.

კოსტა ხეთაგუროვის პედაგოგიური შეხედულებანი

XIX საუკუნის მეორე ნახევარში პროგრესულ-რევოლუციურ ძალთა ბრძოლამ მეფის თვითმპყრობელობის წინააღმდეგ თავი იჩინა არა მარტო რუსეთის სამრეწველო ცენტრებში, არამედ მის პერიფერიულ ოლქებშიაც. ოფიციალური რუსეთისა და მისი საგანმანათლებლო პოლიტიკის წინააღმდეგ მოძრაობაში თანდათანობით ჩაება მოსახლეობის დემოკრატიული ფენები. მშრომელებთან ერთად გამოჩნდნენ ინტელიგენციის წარმომადგენლები, საზოგადო მოღვაწეები, მწერლები, კრიტიკოსები, მხატვრები, მუსიკოსები, მეცნიერებისა და სკოლის მუშაკები, რომელთაგან „...სწავ-

⁴⁵⁹ ივ. „Кавбек“ 1899 г., № 611.

ლობდნენ, მათ მაგალითს მიჰყვებოდნენ და მაღალი პატრიოტიზ-
მით იმსჭვალებოდნენ მათი თანამედროვენი და მოძღვენო თაო-
ბები“.

ცარიზმის წინააღმდეგ პროგრესულ ძალთა ზრდა-განვითარე-
ბამ ხელი შეუწყო რევოლუციური და დემოკრატიული ელემენტე-
ბის გაერთიანებას. „...კონსოლიდაციის ამ პროცესმა ჩაგრულ ერ-
თა ყველაზე შეგნებულ ელემენტებს მაინც შესაძლებლობა მისცა
დაენახათ სხვა რუსეთი — კეთილშობილი, თავისუფლების მოყვა-
რე, არა მჩაგვრელი, არამედ კულტურული, ნიჭიერი რუსეთი,
რომელიც ხელს უწყობდა მოსახლეობის ფართო მასებში ცოდნის
განვითარებას“ (მ. კალინინი).

ჩაგრულ ერთა ყველაზე შეგნებული ელემენტების ამ მოწინა-
ვე პლეადას ეკუთვნოდა გამოჩენილი ოსი პოეტი, ნიჭიერი მწერა-
ლი, საუკეთესო მხატვარი, სახალხო განათლების თვალსაჩინო
მოღვაწე და ხალხის თავისუფლებისათვის დაუღალავი მებრძო-
ლი — კოსტა ლევანის ძე ხეთაგუროვი, რომელიც დიდ სამწერლო
მოღვაწეობასთან ერთად ნაყოფიერ პედაგოგიურ მუშაობას
ეწეოდა.

დიდი ოსი პოეტი კოსტა ხეთაგუროვი, ახალგაზრდობის სწავ-
ლა-აღზრდისა და სკოლის საკითხებს უდიდეს ყურადღებას აქცევ-
და. კ. ხეთაგუროვის პედაგოგიური შეხედულებანი ძეფის რუსე-
თის რეაქციული სასკოლო პოლიტიკის წინააღმდეგ ბრძოლის
პროცესში შემუშავდა XIX საუკუნის 80—90-იან წლებში: ამ პე-
რიოდის საგანმანათლებლო პოლიტიკაში აღსანიშნავია სასულიერო
უწყების მისწრაფება — თავისი გავლენის ქვეშ მოექცია და-
წყებითი სკოლები. სწავლების შინაარსი ამ ტიპის სკოლებშიც
გაბატონებულ წოდებათა და კლასთა ინტერესებით განისაზღვრე-
ბოდა.

კ. ხეთაგუროვი მოსწავლეთა აღზრდის ამგვარი უკუღმართი
სისტემის წინააღმდეგ იბრძოდა. მისი აზრით, „არანორმალური და
სრულიად ზედმეტი ტვირთია რუსულ ენაზე წერა-კითხვის ჭერ
კიდევ სუსტად მცოდნე ან სრულიად უცოდინარი 7—8 წლის
ბავშვებისათვის ძველი საეკლესიო სლავური ენის სწავლება“⁴⁰.
იგი ასაბუთებდა, რომ ოსურ დაწყებით სკოლებში ყველა საგნის
სწავლება მშობლიურ ენაზე უნდა წარმოებდეს, და მოითხოვდა:
ა) სწავლებაში ყველა ბავშვის ჩაბმას (განურჩევლად წოდებისა

⁴⁰⁰ კ. ხეთაგუროვი. თხ. ტომი III, (რუს. გამოცემა). 1951 წ. გვ.
167—168.

და მდგომარეობისა); ბ) ქალებისა და ვაეების თანაბრად აღზრდას; დ) სწავლების პროცესის წარმართვას ბავშვთათვის გასაგებ ენაზე. კ. ხეთაგუროვს არ აკმაყოფილებდა მაშინდელ სკოლებში შემოღებული, ცხოვრების სინამდვილეს მოწყვეტილი დოგმატური სასწავლო პროგრამებით მუშაობა. იგი მოითხოვდა პროგრამების განტვირთვას დოგმატური საკითხებისაგან, მათ გაფართოებას და შევსებას ცოცხალი სინამდვილის საკითხებით, ქალთა გიმნაზიის პროგრამებსა და სასწავლო გეგმაში სასკოლო ჰიგიენის ელემენტარული კურსის შეტანას, ხოლო პროგიმნაზიაში ისტორიის, გეოგრაფიისა და პედაგოგიის სწავლების შემოღებას. კ. ხეთაგუროვი ახალგაზრდობის ცოდნის განმტკიცების მიზნით საჭიროდ თვლიდა გიმნაზიის პროგრამების გაფართოებას თუნდაც საშასწავლებლო სემინარიის დონემდე. ამასთან იგი წინადადებას იძლეოდა, რომ თეორიული ცოდნის პრაქტიკაში გამოყენებისა და სათანადო ჩვევების შეთვისების მიზნით სკოლებში დამატებით შემოეღოთ შემინდვრობის, მებაღეობისა და რძის პროდუქტების წარმოების საქმეში ვარჯიში და პრაქტიკული მეცადინეობა.

ყოველივე ამას გარკვეული მნიშვნელობა ჰქონდა პრაქტიკულ შრომასთან თეორიული სწავლების შეერთებისა და საჭირო ცოდნა-ჩვევებით მოსწავლეთა შეიარაღებისათვის.

კ. ხეთაგუროვი ვერ ითმენდა სკოლებში უვარგისი დოგმატური სახელმძღვანელოებით მუშაობას. იგი დიდად აფასებდა საუკეთესო სახელმძღვანელოებს და მათ ავტორებს, მიუხედავად იმისა, თუ ვის მიერ, რა საგანში და რომელ ენაზე იყო ისინი შედგენილი. პოეტი განსაკუთრებული ყურადღებით ეპყრობოდა გამოჩენილი ქართველი პედაგოგის—ი. გოგებაშვილის სახელმძღვანელოებს, მათ შორის „რუსკოე სლოვოს“, რომლის ოსეთის საეკლესიო-სამრევლო სკოლებში შემოღება ჩრდილოეთ კავკასიის მასწავლებელთა ყრილობამაც საჭიროდ მიიჩნია. წერილში „საეკლესიო-სამრევლო სკოლები ოსეთში“, კ. ხეთაგუროვი გაზ. „სევერნი კავკაზში“ (1901 წ. № 88) წერდა: „ჩრდილოეთ ოსეთის საეკლესიო-სამრევლო სკოლების მასწავლებელთა ყრილობამ სასკოლო ცხოვრების მეტად რთული საკითხები წამოაყენა. ცოტად თუ ბევრად გამოსადეგი სახელმძღვანელოების უქონლობის გამო, ყრილობამ დაადგინა. ოსურ სკოლებში შემოღებულ იქნეს ცნობილი სახელმძღვანელო რუსული ენისა — იაკ. გოგებაშვილის „რუსკოე სლოვო“¹⁰¹.

¹⁰¹ კ. ხეთაგუროვი, თხზ., ტ. III, გვ. 155. რუს. გამოცემა.

კ. ხეთაგუროვის მიერ ი. გოგებაშვილის „რუსკოე სლოვოს“ ასეთი შეფასება მოწმობს პოეტის გულწრფელ პატივისცემას მოძვე ხალხების კულტურული მონაპოვრისა და მათი საუკეთესო შვილებისადმი.

როგორც ცნობილია, მაშინდელ სკოლებში გაბატონებულ იყო საპროგრამო მასალის გაზეპირება, რელიგიური ლოცვების ნეკანეკურად წარმოთქმა, სამღვთო სჯულისა და საეკლესიო დოგმატების უაზრო დასწავლა, ხოლო ზნეობრივი აღზრდის მეთოდთა შორის უმთავრესად გამოყენებული იყო მოსაბეზრებელი ჩიჩინი „წმინდანებზე“, გაკვიანურებული დარიგებები. ამასთან დაკავშირებით კ. ხეთაგუროვი სწორად შენიშნავდა, რომ საჭიროა ბავშვებს „...ვასწავლოთ არა ჭკვიანური დარიგებებით, არამედ მაგალითებით“⁴⁶². სწავლა-აღზრდის მოძველებული მეთოდების საწინააღმდეგოდ, იგი მოითხოვდა აღზრდის პროგრესული სისტემის შესაფერისი რაციონალური მეთოდებისა და მორალურ-დიდაქტიკური პრინციპების გამოყენებას.

მეფის თვითმპყრობელობის ბატონობის პერიოდში სახალხო მასწავლებლები სასტიკ დევნას, ეკონომიურ და უფლებრივ შევიწროებას განიცდიდნენ. მთავრობის მოხელეები მათ აუტანელ მდგომარეობაში აყენებდნენ. პოემაში — „ვინ ცხოვრობს მხიარულად“, კოსტა ხეთაგუროვმა ნათლად დაგვანახა თუ როგორ სდევნიდნენ და აბუჩად იგდებდნენ მასწავლებლებს სოფლის მწერალი, მამასაზღისი და სხვა მოხელეები.

პოეტი აღშფოთებული იყო სახალხო მასწავლებელთა უძწეო, აუტანელი და მათხოვრული მდგომარეობით. იგი კარგად ხედავდა, რომ თავგანწირული შრომისა და დაუღალავი სასწავლო-საგანმანათლებლო მოღვაწეობის ბადალად სახალხო მასწავლებელი „უწყისებით“ განკუთვნილ კაპიკებსაც კი — თვეობით ვერ იღებდა.

კ. ხეთაგუროვი ხშირად გამოდიოდა პრესაში მასწავლებელთა უფლებების დასაცავად და მოითხოვდა: ა) მათი ხელფასის გადიდებას; ბ) კუთვნილი ჯამაგირის დროულად გაცემას; გ) სკოლებთან მასწავლებელთა საცხოვრებელი ბინების მოწყობას; დ) პედაგოგიური ცოდნის ამაღლების სპეციალურ ღონისძიებათა (ქალთა სამასწავლებლო სემინარიის დაარსება და სხვ.) განხორციელებას. პოეტი-განმანათლებელი საფუძვლიანად იცნობდა მასწავლებელთა მდგომარეობას, მათი ყოფაცხოვრებისა და შრომის პირობებს.

⁴⁶² ი ქვე. გვ. 133.

ხერსონის სასოფლო სკოლაში იგი თვითონ ასრულებდა სახალხო მსწავლებლის საპატიო მოვალეობას, ღარიბთა ბავშვებს ასწავლიდა წერა-კითხვას, ხოლო მთელი რიგი წლების განმავლობაში იყო სტავროპოლის ვაჟთა საკვირაო სკოლის მსწავლებლად, სადაც მოსწავლეებს ლიტერატურის აქტუალურ თემებზე უკითხავდა ლექცია-მოსხენებებს და აძლევდა ფერწერის გაკვეთილებს.

ბუნებრივია, რომ პედაგოგიურ შრომაში და სასწავლო-საგანმანათლებლო საქმიანობაში ღრმად ჩახედული პოეტი დიდად აიჯანსებდა სკოლის უანგარო მუშაკთა მძიმე შრომას. გახუწყვეტივებრივად მათი მატერიალური და უფლებრივი მდგომარეობის გაუმჯობესებისათვის.

გამოჩენილ რუს და ქართველ მოღვაწეთა და პოეტ-დიდაქტიკოსთა მსგავსად, კ. ხეთაგუროვი თავის ნაწარმოებებში აყენებდა პატრიოტიზმის, ეროვნული სიამაყის, სიმამაცის, გმირობის, პატიოსნების, შრომისმოყვარეობის და ადამიანის სხვა მრავალი ძვირფასი ზნეობრივი თვისების აღზრდის საკითხებს. პოეტის პედაგოგიური იდეალი იყო დიადი საქმეებისათვის მებრძოლი, მშობელი ქვეყნისა და ხალხისათვის თავდადებული ახალი ადამიანების აღზრდა, ისეთი თაობის მომზადება, რომელიც არ გაექცევა სიძნელებს, არ შეუშინდება სიკვდილს, გაუფრთხილდება სიცოცხლეს მხოლოდ იმისათვის, რომ შეეძლოს მისცეს „სამშობლოს სიცოცხლე მთელი“.

პოეტის მიერ წარმოსახული იდეალური ადამიანი ისეთი მებრძოლია, რომელსაც მთელი მსოფლიოს ჩაგრული და ექსპლოატირებული მასებისადმი თანაგრძნობის, სიყვარულისა და ერთგულების ძვირფას გრძნობასთან ერთად, ეროვნული სიამაყის, თავისი მშობელი მხარისა და ხალხისადმი უღრმესი სიყვარულის გრძნობაც აქვს. ყველა ერის მშრომელთა პატივისცემისა და ძეგლობის მოტრფიალე პოეტი თავისი ერის ღირსების დაფასებას ყოველი პატიოსანი მოქალაქის პატრიოტულ მოვალეობად თვლიდა. კ. ხეთაგუროვი მთელი მსოფლიოს მშრომელთა ბედნიერ მომავალზე ფიქრობდა, მაგრამ წინა პლანზე თავისი ქვეყნის, თავისი ხალხის გამარჯვებისა და ბედნიერებისათვის ბრძოლას აყენებდა.

ახალი ადამიანის ერთ-ერთ უმთავრეს თვისებად და ზნეობრივ მოვალეობად პოეტ-განმანათლებელს მიაჩნდა პატიოსანი შრომა. მის ლექსებსა და პუბლიცისტურ ნაწერებში ხაზგასმითაა აღნიშნული შრომის უდიდესი აღმზრდელობითი მნიშვნელობა და გარდამქმნელი როლი. სკოლასა და ოჯახში ბავშვის შრომითს საქ-

მიანობაში ჩაბმას, გონებრივი და ფიზიკური შრომის პროცესში მოსწავლეთა აქტიურ მონაწილეობას კ. ხეთაგუროვი მოზარდა თაობის ზნეობრივი სრულყოფის მნიშვნელოვან ფაქტორად თვლიდა. 1897 წლის 23 დეკემბერს ვ. ი. სმირნოვისადმი საავადმყოფოდან გაგზავნილ ბარათში იგი გიმნაზიელების საყურადღებოდ წერდა: „...ახსოვდეთ მათ, რომ დედ-მამისათვის არ არის იმ-ზე მეტი სიხარული, ვიდრე აღზარდონ შვილები პატიოსან და მშრომელ ადამიანებად. ამ თხოვნის შესრულებით ისინი შეეცა-ხდიან თავიანთ ნამდვილ მეგობრად“⁴⁶³.

პოეტი დიდ მნიშვნელობას აძლევდა ბავშვებში ვოსუბრივი შრომის: სიყვარულისა და სიბეჯითის აღზრდას. იგი გიმნაზიელებს მოუწოდებდა:

„გიუვარდეთ შრომა და განათლება,
გასწით წინ, ბედგრად, ცხოვრების გზაზე.
თუ გასურთ ფეთქავდეს თქვენი მკერდები,
კეთილშობილურ გრძნობებით სავსე“.

პოეტს შრომა და გონებრივი განათლება ცხოვრების გზაზე ადამიანის წინსვლის, მასში კეთილშობილური გრძნობების აღ-ძერისა და ზნეობრივი სისპეტაკის საფუძვლად მიაჩნდა. შემთხვე-ვითი როდია, რომ ოსი ხალხის დიდი განმანათლებელი თავის დრამატულ ნაწარმოებში („დუნია“) მუქთახორული, მღორე ცხოვ-რებას შეჩვეული დედ-მამის წინააღმდეგ შრომისმოყვარე და ახ-ლი ცხოვრების მოტრფიალე შვილს — დუნიას ათქმევინებს: „სანამ ცოცხლები ვართ, უნდა ვიმუშაოთ, რამდენადაც შეგვეძლე-ბა, იმდენი სარგებლობა უნდა მოვიტანოთ, უამისოდ არც ერთ სულდგამულს უფლება არა აქვს არსებობისა“⁴⁶⁴.

შრომა ადამიანში ზნეობრივი სისპეტაკის, პატიოსნებისა და კეთილშობილური თვისებების დანერგვის, გონებრივი აღზრდის ერთ-ერთი მნიშვნელოვანი საშუალებაა. შრომითი აღზრდისა და მისი გამაკეთილშობილებელი მნიშვნელობის შესახებ პოეტი იმავე დუნიას პირით ამბობდა: „ჩვენ შრომის არ უნდა გვეშინოდეს. პირიქით, ყოველგვარად უნდა გავუბროდეთ უსაქმობას, რომელ-მაც ქალები გადააქცია ყველაზე უბედურ არსებად ქვეყანაზე.“

⁴⁶³ კ. ხეთაგუროვი, რჩეული ნაწერების კრებული, 1939 წ., გვ. 567.

⁴⁶⁴ იქვე, გვ. 401.

ამის გამო ჩვენ დავკარგეთ პატიოსნების გაგება... ჩვენ არ გვრცხვენია მთელი სიცოცხლის განმავლობაში სხვის კისერზე ჯდომისა... არ ვთავილობთ ჩვენი ცხოვრების უშუშენიერეს ხახაში ვიყოთ სასიამოვნო გასართობნი... ქმრებისა, ანდა ხშირად ასეულ გარყვნილ მოქიფეთა. ეს სულერთია, როგორც ერთი, ისე მეორეც სისაძაგლეა, უხამსობა. როგორც ერთს, ისე მეორეს საფუძვლად უდევს უსაქმურობა“⁴⁶⁵.

კ. ხეთაგუროვი შრომისა და განათლების საკითხს ურთიერთ-კავშირში განიხილავდა. იგი ბრძოლის გზით ფიქრობდა მშრომელებისა და შრომის განთავისუფლებას ექსპლოატაციისაგან, ხოლო შრომის გზით — ხალხის მატერიალური, გონებრივი და სულიერი ცხოვრების ამაღლებას. ზემოთ დასახელებულ დრამატულ ნაწარმოებში მწერალმა ჩერნიშევსკის ცნობილი რომანის („რა ვაკეთოთ?“) ძირითადი გმირების ანალოგიით წარმოგვიდგინა ახალი, შრომისმოყვარე ადამიანები — ლაპტევი და დუნია. ეს ადამიანები შრომას არათუ გაუტრბიან, არამედ იგი მათ ადამიანის ზნეობრივ მოვალეობად, მისი არსებობისა და ცხოვრების უმთავრეს წყაროდ მიაჩნიათ. ამ ახალი ტიპის ადამიანებს არ ეშინიათ შრომისა და გარჯის, მათ სჯერათ, რომ „...კეთილსინდისიერი მუშაკის ინტელიგენტური შრომა ყოველთვის პოვებს გასაველს და სათანადო გასამრჯელოს...“

შრომის ამ უდიდესი აღმზრდელობითი მნიშვნელობის ღრმა ანალიზიდან გამომდინარე კ. ხეთაგუროვი თავისი დრამატული ნაწარმოების ამ მთავარი გმირების პირით ასაბუთებდა, რომ ბავშვებზე ზრუნვა „...გადაგვექცევა უდიდეს სიამოვნებად, და ჩვენ ყოველთვის შევძლებთ გამოვზარდოთ ისინი შრომისმოყვარე მუშაკებად და პატიოსან ადამიანებად“.

მოსწავლეს, რომელიც სკოლაში სისტემატურად დადის და ბეჯითად სწავლობს, კოსტა ათქმევენებს:

„იჲ დადივარ ყოველდღე, იჲ ბევრი რამ შევიტყე,
იჲ ვისწავლე წერა-კითხვა: ანი, ბანი, განი, დონი,
გადავაბი სიტყვა სიტყვას, მოვიკრაფე ჰკუა, გონი:
რინა სწავლას დავეწაფო, გავიწვრთნა და გავიწაფო“.

აჲ წინა პლანზეა წამოწეული ბავშვთა გონებრივი აღზრდის, ბეჯითობისა და შრომის ჩვევების აღზრდის საკითხი. ნორჩ თაო-

⁴⁶⁵ ი ქ ე ე. გვ. 470.

ბაში ბეჯითობისა და შრომისმოყვარეობის ძვირფას თვისებათა დანერგვისაკენაა მიმართული იმავე ლექსის შემდეგი ადგილი:

სანუკვარ, საყვარელ ფიქრის
თავშესაფარი და მყუდრო ბინა...
კაბუკს უქირავს ბეჯითად წიგნი,
ფიქრობს, აზროვნობს და აღარ სძინავს..."

პოეტის პედაგოგიური იდეალია ახალგაზრდებში ენერგიული შრომის, აზროვნების, მოვლენებისადმი კრიტიკულ დამოკიდებულებისა და გონებრივი სიფხიზლის უნარ-ჩვევების გამომუშავება. პოეტი-დიდაქტიკოსი ნათლად გვიჩვენებს ბეჯითი შრომით გართული და სწავლის შექცენით გატაცებული შეილის მგზნებარე სიყვარულს თავისი უსაზღვროდ ერთგული მშობლის — საყვარელი დედისადმი. საოჯახო შრომის სიხარულით აღგზნებულ ბავშვს, თავდადასავლის თხრობისას, პოეტი ათქმევინებს:

..იქნებ მთხოვდით საქმეს სხვასა. მე ვიყავი საოცარი,
თვით მაუღის მოქსოვასა და ქარგვაში ხელოვანი.
ჩემსს, მაკრატელს მოვიხმარდი. როგორც მარჯვე ქალიშვილი,
მაგრამ მაინც სულ მიყვარდა სიმღერები ნაზი, ტკბილი."

ამ ტექსტში შრომისმოყვარეობის აღზრდის საკითხი წინაპლახზეა წამოწეული.

პოეტი, რომელიც დიდ მნიშვნელობას აძლევდა მოძვეალ თაობაში სიმართლის, პირდაპირობის, უზნეობისა და ნაკლისადმი შეურიგებლობის გრძნობების აღზრდას, თავისი ცხოვრება-მოღვაწეობის ყოველი ნაბიჯით ამგვარი ქცევის მაგალითს იძლეოდა. „არასოდეს... სკოლის სკამზედაც კი:— ამბობდა კოსტა,— არ ჩამიდენია რაიმე „საზრახისი საქციელი“. მე ყოველთვის ყოველ ჩემს აზრს გამოვთქვამდი და ჩემს მოქმედებას ვაძელავნებდი აშკარად, ჩემის ხელის მოწერით, მტრის პირდაპირ, ვინც არ უხდა ყოფილიყო იგი..." არა „საზრახისი საქციელის“ მიჩქმალვა, არამედ მისი აღიარება და გამოძვლავნება. არა ორგულობა და ნამძვილი აზრის დაფარვა; არამედ საქმისადმი ერთგულება. საკუთარი და სხვისი ნაკლის აშკარად მხილება,— ასეთია ის თვისებები, რომელთა ვამომუშავებდას ახალგაზრდობაში კ. ხეთაგუროვი სკოლისა და ოჯახის გადაუდებელ ამოცანად სახავდა.

კ. ხეთაგუროვი, როგორც რევოლუციონერ-დემოკრატი მოღვაწე, თავისი მსოფლმხედველობით ათეისტი იყო და ჩრდილოეთ

ოსეთის ხალხში გავრცელებული რელიგიისა და შაჰადიანური მოსახლეობის ფანატიკური შეხედულებების წინააღმდეგ იბრძოდა. ვაზ. „სევერნი კავკაზში“ (1901 წ. № 73) „ნარონის“ ფსევდონიმით გამოქვეყნებულ წერილში პოეტი მოლებს უწოდებდა „ისლამიზმის ანბანის უცოდინარ აგენტებს“, რომლებიც ჩრდილოეთ კავკასიის ოს მოსახლეობაში ანტირუსული განწყობილების შექმნას და ისლამიზმის გავლენის გაძლიერებას ცდილობდნენ. საეკლესიო-სამრევლო სკოლების ნაცვლად კ. ხეთაგუროვს საჭიროდ მიაჩნდა დაწყებითი სახალხო (საერო) სკოლების ქსელის გაშლა. იგი რელიგიის წინააღმდეგ შეურიგებელი მებრძოლი იყო და ძოწარდ თაობაშიც ამგვარივე ათეისტური გრძნობის გამომუშავებას მოითხოვდა.

ბავშვობიდანვე დედის ალერსსა და ოჯახურ ნეტარებას მოკლებულ პოეტს გასაოცარი ძალითა და გულწრფელი გრძნობით უყვარდა ბავშვები, განიცდიდა „საბავშვო ასაკის სიხარულსა და ღარდებს“. იგი არავისთან თავს ისე ბედნიერად არ გრძნობდა, როგორც ბავშვებთან. კ. ხეთაგუროვის თხოვნა, მისი რჩევა-დარიგება გიმნაზიელებისა და სხვა ბავშვებისადმი ის იყო. რომ „...ისინი თავისი წარმატებებით მეცნიერებაში და ხელოვნებაში, თავისი ყოფაქცევით არა მარტო გიმნაზიაში, არამედ სახლშიაც, მუდამ ახარებდნენ თავიანთ დედ-მამას, რომელთაც ასე უსაზღვროდ უყვართ ისინი, რომელნიც ასე დაუღალავად მუშაობენ მათი აღზრდისათვის, მათი ახლანდელი და მომავალი კეთილდღეობისაჲ თვის“⁴⁶⁶.

პოეტი სამართლიანად მოითხოვს, რომ მოსწავლეები ამაყობდნენ თავიანთი სკოლით, არ არცხვენდნენ „აღმზრდელ კერას“, პატივს სცემდნენ მას ისე, როგორც საკუთარ ოჯახსა და შშობლებს. მოსწავლეთა კულტურული ქცევისადმი წაყენებული ეს დიდაქტიკური მოთხოვნები ნათლად ჩანს „სტავროპოლის გიმნაზიის მოწაფეებისადმი“ მიძღვნილ ლექსში, რომელშიაც ნათქვამია:

„გთხოვთ, გიმნაზიას, ჩვენს აღმზრდელ კერას,
რომ სცეთ პატივი, ვით დედას მშობელს,
მის სახელს ზშირად ახსენებთ მჭერა,
რომ შეებმებით ყოფნას უღმობელს...“

პოეტს ბავშვებში კულტურული ყოფაქცევის ჩვევათა და ჩვეულებათა აღზრდა-ჩამოყალიბების ყველაზე უფრო ეფექტურ

⁴⁶⁶ კ. ხეთაგუროვი, რჩეული ნაწერების კრებული, 1939 წ., გვ. 567.

საშუალებებად მიაჩნდა დარწმუნება, წახალისება, დაგმობა და ზნეობრივი საქციელის საუკეთესო მაგალითების ჩვენება.

აღმზრდელ-მასწავლებლებისადმი მგზნებარე სიყვარულის გრძნობითაა დაწერილი ლექსი „სტავროპოლის გიმნაზიის შოწაფეებისადმი“ (გიმნაზიის 50 წლის იუბილეს აღსანიშნავად). პოეტი პატივისცემით იგონებს იმ მასწავლებელთა სახელებს, რომლებმაც მოსწავლეებში დანერგეს „სიმტკიცის გრძნობა“. გააღვივებს „მეცნიერებისა და ხელოვნების სიყვარული“, გაუშუქებს „ახალგაზრდებს წარსული ბნელი“, ჩაახედვს ისინი „საგნის სიღრმეში“, შეიტანეს „მომავლის იმედები“ და აღუძრეს მათ „დიადი მიზნისათვის მედგარ ბრძოლაში“ სიცოცხლის მსხვერპლად მიტანის სურვილი. აქედან გამომდინარე, მასწავლებლის ძირითადი ამოცანებია პოეტის აზრით:

ა) გამოიმუშაოს ბავშვებში პატრიოტიზმისა და ეროვნული სიამაყის ფაქიზი გრძნობები; ბ) აღზარდოს მათში მტკიცე ხასიათი და ნებისყოფა, განავითაროს „სიმტკიცის გრძნობა“; გ) გააღვივოს მოსწავლეებში „მეცნიერებისა და ხელოვნების სიყვარული“; დ) ხელი შეუწყოს ახალგაზრდობაში შრომისმოყვარეობისა და ბეჯითობის აღზრდას; ე) გაუშუქოს ბავშვებს თავისი და სხვა ქვეყნების ხალხთა „წარსული ბნელი“ და ჩაუენერგოს მოძაველს რწმენა და იმედები; ვ) აღკურვოს ბავშვები და მოზარდები მეცნიერებათა საფუძვლების ღრმა ცოდნით, ჩაახედოს „საგნის სიღრმეში“; ზ) გამოიმუშაოს ბავშვებში საუკეთესო ზნეობრივი თვისებები (სიმართლე, პატიოსნება, კეთილშობილება, დისციპლინიანობა, თავდაპყრილობა, შრომისმოყვარეობა, ჰუმანიზმი, ათეისტური გრძნობები და სხვ.); თ) დანერგოს ახალგაზრდობაში მშობლების, აღმზრდელ-მასწავლებლების, ამხანაგებისა და ყველა პატიოსანი მშრომელის სიყვარული და პატივისცემა და ა. შ.

ოსი ხალხის დიდ განმანათლებელსა და პედაგოგს — კ. ხეთაგუროვს მშვენიერად ესმოდა, რომ ამ ამოცანების განხორციელება მასწავლებლისაგან მოითხოვდა მაღალ კულტურას, ღრმა ცოდნას აღზრდის საქმეში დახელოვნებას და ბავშვების გოლწრფელ სიყვარულს.

კოსტა ხეთაგუროვმა კარგად იცოდა, რომ ბავშვთა წესიერა სწავლა-აღზრდა, მათი სრულყოფილი განვითარება შესაძლებელი იყო მხოლოდ კერძო საკუთრების მოსპობისა და ახალი საზოგადოებრივი ცხოვრების პირობებში, რომლისთვისაც იგი თავისი მშვენიერი სიცოცხლის მთელ მანძილზე იბრძოდა.

**ოსი ხალხის ბრძოლა სახალხო განათლების ახალი სისტემისა
და ახალი სკოლისათვის**

რუსეთის განაპირა მხარეების სხვა ხალხების მსგავსად, ოსი შრომელი ხალხი სიღარიბის, უმეცრებისა და სიღატაკის აუტანელ პირობებში ცხოვრობდა.

როგორც რუსეთის კომპარტიის (ბ) X ყრილობაზე აღინიშნა: „...ძველმა სახელმწიფომ, მემამულეებმა და კაპიტალისტებმა შექცვიდრებოდნ დაგვიტოვეს ისეთი დაბეჩავებული ხალხები, როგორიც არიან ყირგიზები, ჩეჩნები, ოსები... ამ ხალხების ხვედრი იყო საშინელი ტანჯვა და გადაშენება“⁴⁶⁷.

მეფის თვითმპყრობელობა მთელ თავის ძალებს ოსი ხალხის ძარცვა-გლეჯისა და კოლონიალური ჩაგვრისაკენ მიმართავდა, იმ დროს, როდესაც რუსი ხალხის მოწინავე შვილები, კავკასიის რევოლუციურ დემოკრატიულ ძალებთან ერთად ოსეთის შრომელთა განთავისუფლების, ეკონომიური აღორძინებისა და კულტურული დაწინაურებისათვის იბრძოდა.

მიუხედავად იმისა, რომ XIX საუკუნის ბოლო წლებში და XX საუკუნის დასაწყისში (განსაკუთრებით საეკლესიო-საშრეველო) სკოლების ქსელი ოსეთში ერთგვარად გაფართოვდა, იგი სწავლის მთხოვნელთა მინიმუმსაც ვერ აკმაყოფილებდა. ოსეთის ზოგიერთ კუთხეს არც სკოლა ჰქონდა და არც სხვა კულტურული დაწესებულებანი, ხოლო ზოგიერთ პროვინციაში არსებული დაწყებითი სკოლები სწავლას მოწყურებულ ბავშვთა შემადგენლობის ნახევარსაც ვერ იტევდა. პრესის მასალებიდან ცნობილია, რომ სოფ. ხუმელაგაში 1891 წლის თებერვლის დასაწყისში გაიხსნა „ქრისტიანობის აღმდგენელი საზოგადოების“ დედათა სკოლა, სადაც „ალაგი 50 მოსწავლისათვის იყო მომზადებული. გამოცხადდა მსურველი სწავლისა ასზე მეტი ქალი. ნახევარი უკან დააბრუნეს. ამაზე მოხდა უსიამოვნება დედ-მამათა შორის. ყველას უნდოდა, რომ მისი შვილი მიეღოთ“⁴⁶⁸.

⁴⁶⁷ ციტირებულია რუსეთის კომუნისტური პარტიის (ბ) X ყრილობის სტენოგრაფიული ანგარიშებიდან.

⁴⁶⁸ გაზ. „ივერია“, 1891 წ. № 40, გვ. 2.

ცხადია, ამგვარი მდგომარეობა ადგილობრივ მოსახლეობაში სამართლიან უკმაყოფილებას იწვევდა. ოს ხალხში სწავლის სურვილი და ცოდნისადმი მისწრაფება იმდენად გაიზარდა, რომ ზოგიერთი მათგანი სკოლისათვის სრულიად უსასყიდლოდ საკუთარ საცხოვრებელ შენობებსაც თმობდა. 1890 წელს „ქრისტიანობის აღმდგენელი საზოგადოების“ ინსპექტორს და სხვა ხელმძღვანელ პირებს ბათაყოსა და დარკოსში „ერთმა ოსმა... დაახახვა ერთი მშვენიერი სასკოლო სახლი და აღუთქვა, მუქთად დაუთმო სკოლასაო. ამას გარდა, სკოლისათვის საჭირო ავეჯის შეძენა იმ ოსმა იტვირთა“⁴⁶⁹.

1891 წელს ბესლანელმა ოსმა გაკა გუთიევმა „საზოგადოებას“ სკოლისათვის გადასცა თავისი ხარჯით აგებული მშვენიერი შენობა⁴⁷⁰.

ანალოგიურ შემთხვევებს ადგილი ჰქონდა გორის მაზრის ოსურ სოფლებშიაც, მაგრამ მთავრობა ხალხის განათლებაზე ნაკლებად ზრუნავდა. XIX საუკუნის 80-90-იან წლებში ქსნის ხეობის მოსახლეობაც (ეკონომიურად და კულტურულად) მეტისმეტად იყო ჩამორჩენილი. როგორც გაზ. „ივერია“ წერდა, 90-იან წლებში „ეს ამოდენა მხარე, პატარ-პატარა გორაკებზედ და თითქმის შთის წვერებზედ გაშენებული, მოკლებულია ყოველნაირ სახსარს წარმატებისას. დღევანდლამდე ქსნის ხეობამდე არ მიულწევიან განათლების მადლიან სხივს. დღევანდლამდე ამ ხეობაში არ არსებობს არც ერთი სასოფლო სასწავლებელი. ქსნის-ხეველების უსინათლობით და უმეცრებით სარგებლობენ წურბელა ვაჟრები. რომლებიც საკმაოდ დაურიდებლად ისქელებენ ჯიბეებსა“⁴⁷¹.

ხალხის უმეცრება, სიბნელე და გაუნათლებლობა თვითმპყრობელობის მოხელეთა ხელში მშრომელი მასების ჩაგვრის მოხერხებულ იარაღს წარმოადგენდა. ამიტომ, მთავრობა მოსახლეობის განათლების საქმეს ყოველნაირად აფერხებდა. მთავრობის მოხელეები ხალხის, მიერ სკოლებისათვის შეგროვებულ სახსრებს პირადი დანიშნულებისათვის იყენებდა. სწორედ, ამგვარი მდგომარეობის გამო გაზ. „ივერია“ 1888 წელს (№ 125) წერდა: „თუშქა მთავრობა კარგა ხანია ჰკრეფავს სკოლის ფულსა, კომლზე სამს აბაზს. მაგრამ დღემდე სკოლა არსადა სჩანს. სოფელს ახალგორში (დღევანდელ ლენინგორს ეწოდება.—ტ. ს.) ეს ორი წელიწადია და

⁴⁶⁹ გაზ. „ივერია“, 1890 წ., № 112, გვ. 3.

⁴⁷⁰ გაზ. „ივერია“, 1891 წ., № 23.

⁴⁷¹ გაზ. „ივერია“, 1888 წ., № 125, გვ. 2.

ნიშნულია მასწავლებელი და სკოლის შენობა კი არსად არის. მასწავლებელი შეუმწყვდევიანთ სომხის ეკლესიის საყარაულო ოთახში, ჩაუბარებიათ ოთხიოდე ახალგორელივე სომხის ყმაწვილი და ანით გაუთავებიათ საქმე. სკოლას ინახავს შვიდი საძაძასახლისო და სკოლაში — კი დღემდე ამ ოთხიოდე ყმაწვილის შტეტი აიავინა სწავლობს. მეორე ადგილი სკოლისათვის დანიშნულია ქსისის ხეობის შუაგულ ადგილას. ურიგო არ იქნება, რომ წერა-კითხვის გამავრცელებელმა საზოგადოებამ მიაქციოს ამ მხარეს ყურადღება, გაუწიოს წინამძღოლობა, აჩვენოს გზა და კვალი და ჩაავიხოს სწავლა-განათლების საქმეობა“⁴⁷².

ასეთივე მდგომარეობა იყო ჩრ. კავკასიის სოფ. ზაყაში, სადაც 1895 წლის იანვარში მღვდელ ჭანუყევის ინიციატივით გაიხსნა „...წერა-კითხვის სასწავლო სკოლა“. ამ სკოლის „ერთ პატარა უბრალო ოთახში... წვალბით“ პირველად 30 ბავშვი სწავლობდა. ისე როგორც სხვებში, აღნიშნულ სასწავლებელში ბავშვებს არ ჰქონდათდასასწავლო და სხვა საჭირო საგნები, მაგრამ თავისი მცუადინეობით (მასწავლებელ ჭანუყევმა) მშვენივრად შეასწავლა ამ ცოტა ხანში უბირი ხალხის შვილებს წერა-კითხვა, ლოცვები და ზოგიერთი საგალობელი“... რისთვისაც ადგილობრივი მოსახლეობა მის მიმართ მადლიერების გრძნობებს გამოხატავდა“⁴⁷³. ხალხი კავკასიის ეპისკოპოსს—ელადიმერს თხოვდა ყურადღება მიექციეა ზაყის სკოლისათვის. დახმარება გაეწია მისთვის სასწავლო წიგნებისა და ნივთების შეძენის საქმეში. მაგრამ სკოლის მდგომარეობა დიდხანს კვლავინდებურად გრძელდებოდა, რაც მოსახლეობაში სამართლიან უკმაყოფილებას იწვევდა. მთიელთა შორის უკმაყოფილების ზრდას ხელს უწყობდა არა მარტო ეკონომიური სიდუხჭკირე, პოლიტიკური ჩაგვრა და თვითნებობა, არამედ ხალხის სწავლა-განათლების საქმისადმი ცარიზმის ადგილობრივ მოხელეთა გულგრილი დამოკიდებულება. ცნობილია მაგალითად, რომ 1888 წელს ქუთისის, კეხვის, ქვემო და ზემო აჩაბეთის მოსახლეობა, რომელიც ორიათას კომლს ითვლიდა, მოითხოვდა თავიანთ ბარჯზე სკოლის გახსნას, მაგრამ მთავრობის ადგილობრივ მოხელეთა მხრივ უზრუნველობისა და სკოლის შესანახი სახსრების სიმძიმით მოსახლეობის დაშინების გამო, ხალხის ეს თხოვნა დიდხანს არ ყოფილა დაკმაყოფილებული“⁴⁷⁴. იყო შემთხვევები,

⁴⁷² გაზ. „ივერია“, 1888 წ., № 125, გვ. 3.

⁴⁷³ თურნ. „მწყემსი“, 1895 წ., № 11, გვ. 5—6.

⁴⁷⁴ გაზ. „ივერია“, 1888 წ., № 167, გვ. 2.

როდესაც მდიდრები (აღმსარებლები და ბაღმსარებლები) უკმაყოფილებას გამოთქვამდნენ თავიანთი შვილების ღარიბთა ბავშვებთან ერთად ერთ სკოლაში სწავლის გამო და თავიანთი ბავშვებისათვის მოითხოვდნენ ცალკე სკოლის გახსნას. ამგვარი მდგომარეობა სოფლის ორ ბანაკს შორის ხელს უწყობდა შეურიგებელი ბრძოლის გაძლიერებას. ასე მაგალითად, 1903 წლის 28 აგვისტოს სოფ. შანაევოს ღარიბი მოსახლეობის მიერ არჩეული „სასკოლო კომისია“ თერგის ოლქის სახალხო სკოლების დირექტორს თხოვდა არააღმსარებლურ ბავშვებისათვის ცალკე სკოლის დაარსებას. ღარიბი სოფლების ეს თხოვნა იმით იყო დასაბუთებული, რომ მდიდარი აღმსარებლები და მათი შვილები დასცილდნენ ღარიბთა ბავშვებს, აბუჩად იგდებდნენ მათ, არ სურდათ, რომ მათი შვილები ღარიბთა ბავშვების გვერდით მსხდარიყვნენ. ამის გამო ღარიბი შშობლები მათ მიერ (3000 მანეთად) აგებულ სკოლის შენობაში (სოფლის ღარიბი ბავშვებისათვის) მოითხოვდნენ ცალკე სკოლის გახსნას და განათლების სამინისტროს ხარჯზე (600 მან. წლიური ხელფასით) მასწავლებლის მოწვევას. მათი გაგებით, არსებულ ზნე-ჩვეულებების, რწმენა-შეხედულებებისა და მიდრეკილებათა პირობებში არ არის და არც შეიძლება შესაძლებელი გახდეს ღარიბებსა და მდიდრებს შორის შერიგების მიღწევა და აღმსარებლის მხრივ შშობმელებისადმი ადამიანური დამოკიდებულების გამოჩენა⁴⁷⁸.

მიუხედავად იმისა, რომ „ღარიბთა კომისიის“ შოტივები სწორად იქნა მიჩნეული და ფორმალურად მათ სკოლის გახსნის ნებართვაც მიეცა, ფაქტიურად ღარიბი მოსახლეობის კულტურული მოთხოვნების დასაკმაყოფილებლად არც ერთი პრაქტიკული ნაბიჯიც არ ყოფილა გადადგმული. მთავრობის მოხელეები სკოლების გახსნის მაგიერ ხალხის ხარჯზე ეკლესიებისა და ეკლესიის მსახურთა ბინების მშენებლობით იყვნენ დაინტერესებულნი. 1903 წლის 17 სექტემბერს თერგის ოლქის სახალხო სკოლების დირექტორმა მიიღო ოლქის უფროსის მიმართვა, რომლითაც სოფ. ხრისტიანოვსკის ზემო მხარის მცხოვრებლებს უარი ეთქვა საქალაქო სკოლის გახსნაზე იმის გამო, რომ მოსახლეობამ დაპირების მიუხედავად ვერ შესძლო ეკლესიის მეორე შენობისა და ეკლესიის მსახურთა საცხოვრებელი ბინების აშენება. „...მე არ შემიძლია თანხმობა განვაყენებოთ ორ კლასიანი სკოლის აშენებაზე, ვიდრე ზე-

⁴⁷⁸ Архив СОНИИ, фонд дирекции народных училищ Тергской области, дело 1903 г., № 39, л. 1 и 29.

მოქსენებელი სოფლის საზოგადოების მიერ დაკმაყოფილებული არ იქნება სოფლის ყველაზე უფრო უსაქიროესი მოთხოვნილება. სახელდობრ: 1) აშენება მეორე ეკლესიისა, რადგანაც არსებული ეკლესია მოსწავლეებსაც ვერ იტევს და 2) აგება ბინისა ეკლესიის მღვდელ-მსახურთათვის, რასაც დიდი ხნის წინათ იყო დაპირებული სოფლის საზოგადოება, მაგრამ არ სრულდება⁴⁷⁶.

დასახელებული სოფლის მცხოვრებთა სამართლიანი მოთხოვნის დაუკმაყოფილებლობას კავკასიის „სასწავლო ოლქის მზრუნველი“ კავკასიის მეფისნაცვლის—გრაფ ვორონცოვ-დაშკოვისადმი 1907 წლის 28 მარტს გაგზავნილ მიმართვაში იმით ასაბუთებდა, თითქოს ხრისტიანოვსკოეს მცხოვრებნი „თავიანთი ყოფაქცევით“ არ იმსახურებენ საქალაქო სკოლის გახსნას. თავის მხრივ „სასწავლო ოლქის მზრუნველი“ თერგის ოლქის უფროსის ანალოგიურ მოტივირებას ემყარებოდა, რომ „ეს სოფელი საკმაოდ მდიდარია და გარდა ამისა, თავისი ყოფაქცევით და მცხოვრებთა საერთო განწყობილებით არ იმსახურებს...“ ორკლასიანი სკოლის გახსნასო⁴⁷⁷.

მშრომელი ხალხის ამგვარი „ყოფაქცევა“ და მათი „განწყობილება“ ცარიზმის კოლონიალური პოლიტიკის წინააღმდეგ იყო მიმართული, რამდენადაც მეფის თვითმპყრობელობა მოსახლეობის სამართლიანი მოთხოვნილებების დაკმაყოფილებაზე უარს აცხადებდა⁴⁷⁸. მოსახლეობაში უკმაყოფილების გაძლიერებას ხელს უწყობდა უვარგისი სასკოლო სისტემა, სწავლების ყაზარშული რეჟიმი და აღზრდის იეზუიტური მეთოდების გამოყენება. სწავლება საეკლესიო-სამრევლო სკოლებში დოგმატური მეთოდით მიმდინარეობდა. ბავშვებს სკოლებში სხვადასხვა დროს იღებდხენ, რადგანაც სწავლის დრო არ იყო ზუსტად განსაზღვრული. უმთავრეს შემთხვევაში გაკვეთილები მთელ დღეს გრძელდებოდა. ზავშვთა უმრავლესობა (სწავლების უვარგისი სისტემის გამო) სახალხო I დაწყ. სკოლის კურსს 6—7 წელიწადსაც ვერ ამთავრებდა. სკოლებში უმთავრესად ასწავლიდნენ პედაგოგიურად გაუნათლებელი პირები, რომლებიც თავიანთ საქმიანობას ეგოისტური მიზნებით და ეკლესიის მიერ მათ წინაშე დასახული ამოცანებით განსაზღვრავდნენ.

⁴⁷⁶ Архив СОНИИ, фонд дирекции народных училищ Тергской области, дело 1907 г., № 563, лист 7.

⁴⁷⁷ Материалы по истории осетинского народа, т. V, сборник документов по истории народного образования в Осетии, Госиздат СОНИИ 1942 г., стр. 271.

⁴⁷⁸ იქვე, გვ. 272—273.

სწავლება ბავშვთათვის გაუგებარ ენაზე მიმდინარეობდა. რელიგიური დოგმატების ზეზირება და ვერბალური სწავლება მოსწავლეთა ინიციატივას ახშობდა. პედაგოგიურ პროცესში დამკვიდრებული იყო „მეთოდები ტექსტების მშრალი ზეპირობისა, სადაც იდევენობა კონკრეტულობა და თვალსაჩინოება“⁴⁷⁹. მასწავლებელთა მიმართევისა და დახასიათებებში მოსწავლეები ხშირად „მხეცებად“, „უხეშებად“, „უზრდელებად“ და „უკულტუროებად“ იწოდებოდა. აღზრდის მთავარ პრინციპებად გამოყენებული იყო მთის მცხოვრებთა ახალგაზრდობაში „ველური სულის ჩაღრმობა“. ბავშვთა „გამოსწორების“ მეთოდთა შორის გაბატონებული იყო მოსწავლის კარცერში ჯდომა, გარიცხვა, როზგი და უსადილოდ დატოვება⁴⁸⁰.

სკოლების მატერიალური ბაზა უაღრესად ჩამორჩენილი და ღარიბი იყო. ბავშვთა თავშესაფარებსა და პანსიონებში ძყოფი მოსწავლეთა უმრავლესობა მათხოვრულ მღვდმარეზბაში ცხოვრობდა. მოსწავლეთა დიდი უმრავლესობა ეკონომიურ სივიწროეს განიცდიდა.

ოსთა შორის თავისი სასწავლო-აღმზრდელობითი მიზნების განსახორციელებლად მეფის მთავრობა სხვადასხვა ჰეთოდებს ძი-მართავდა. ამავე მიზნებს ემსახურებოდა კლასგარეშე და სკოლის-გარეშე მუშაობა. სასკოლო ბიბლიოთეკები სავსე იყო საეკლესიო მორალური ხასიათის წიგნებით, რომლებიც ათეული წლების მანძილზე თაროებზე ხელშეუხებლად ეწყო⁴⁸¹. ამგვარი წიგნებით ხელს უწყობდნენ მოსწავლეთა გონების დაზნელებას. მოსწავლეებისაგან ადგენდნენ მგალობელთა გუნდებს, რომელთაც სასკოლო დილა-საღამოებზე და რელიგიური დღესასწაულებების დროს (ეკლესიებში) ავალდებულებდნენ საეკლესიო საგალობლებისა და სხვა (ეკრემონიალების შესრულებას. „კავკასიაში შაითლქადიდებელი ქრისტიანობის აღმდგენელი საზოგადოების“ მიერ დამტკიცებული განაწესით საეკლესიო-სამრევლო სკოლის მასწავლებლებს ევალებოდათ:

ა) ეკლესიებში ღვთისმსახურებისათვის (კვირა-უქმე დღეებში) მისწავლეთა სისტემატური ტარება:

⁴⁷⁹ Отчет Общества восстановления православного христианства на Кавказе за 1906—1907 гг., Тифлис, 1909 г., стр 52—56.

⁴⁸⁰ Известия, Сев. Кавк. пед. института, т. XIII, 1937 г., стр. 275-276.

⁴⁸¹ საქ. სსრ ცსს საისტორიო არქივი, ფონდი 141, საქმე № 649, ფურც. 12—15, საქმე № 970, ფურც. 14, 37—38, გვ. 64—67.

ბ) საეკლესიო კითხვასა და გალობაში მოსწავლეთა პრაქტიკული ვარჯიშების მოწყობა;

გ) გაკვეთილების დაწყებამდე (სამღეთო სჯულის მასწავლებლის მონაწილეობით) მოსწავლეთა მიერ დღის ლოცვების შესრულება;

დ) საეკლესიო დღესასწაულების წინ და ყოველ შაბათობით უქმე დღეების მნიშვნელობაზე ბავშვებთან საუბრების ჩასატარებლად სამღეთო სჯულის ნახევარი გაკვეთილის გამოყენება. საუბრების დროს „წმინდანებზე“ განსაკუთრებული ყურადღების შეჩერება;

ე) ბავშვებისათვის „არაქრისტიანული სახელების“ ტარების რომელთა სახელსაც ისინი ატარებენ, მოსწავლეთა მიერ თავიანთი სახელობის დღის უქმობა და ამ დღის აღსანიშნავად მოსწავლის მკუადინეობისაგან განთავისუფლება;

ვ) ბავშვებისათვის არაქრისტიანული სახელების ტარების აკრძალვა, მშობელთა მიმართ შვილებისადმი ამგვარი სახელწოდების მინიჭების წინააღმდეგ ზომების მიღება;

ზ) მშობელთა დავალებულება, რომ სახლში ჰქონდეთ ნატები, მკერდზე კი — ყველას ეკიდოს ჯვრები.

ამავე მიზნით ეკლესიის კარების წინ მღვდლების შორიგეობის დაწესება და ა. შ.⁴⁸².

ამგვარი „მორალური კოდექსებით“ ბურჟუაზიულ-მეძაძულური მთავრობის მესვეურები „...მუშათა და გლეხთა ახალგაზრდობას იმდენად არ ზრდიდნენ, რამდენადაც ჰგეშავდნენ იმავე ბურჟუაზიის სასარგებლოდ“ (ლენინი).

ამასთან ერთად ცნობილია, რომ „...ღმერთის სახელით ლაპარაკობდა სამღვდლოება, ლაპარაკობდა ბურჟუაზია, რათა დაეცვათ და გაეტარებიათ თავისი ექსპლოატატორული ინტერესები“ (ლენინი).

ეკონომიური, პოლიტიკური და კულტურული ჩაგვრა, რომელიც XIX საუკუნის დასაწყისში თანდათანობით ძლიერდებოდა, კავკასიის მთის ხალხებს ბიძგს აძლევდა უფრო აქტიურად ჩაბმულიყვნენ მეფის თვითმპყრობელობის წინააღმდეგ ბრძოლაში. რუსეთის 9 იანვრის ამბებმა ხალხის მძლავრი აზვირთება გამოიწვია არა მარტო რუსეთში, არამედ მის განაპირა მხარეებშიაც. მუშათა და გლეხთა მასობრივ გამოსვლებს (მეფის ტახტის წინა-

⁴⁸² იქვე, ფონდი 141, საქმე № 955, ფურც. 2-3. ზღრ დოც. პ. ი. გადიგვის დასახ. ნაშრომი, გვ. 103-104.

აღმდეგ) შეუერთდნენ მშრომელი ინტელიგენციის მოწინავე ძალები, მასწავლებელთა და მოსწავლე ახალგაზრდობის დიდი უმრავლესობა. ამ უკანასკნელთა პროტესტებს, უკმაყოფილებას, მსობრივ გამოსვლებს თვითმპყრობელობის წინააღმდეგ ადგილი ჰქონდა, როგორც ცენტრალურ რუსეთში, ისე კავკასიის თითქმის ყველა კუთხეში, მათ შორის: თბილისში, ბაქოში, გროზნოში, ვლადიკავკავეში, არღონში, ბათუმში და ა. შ.

აჯანყებულ ოსებზე ძლიერ გამარეოლუციონერებელ ვაჟლენას ახლენდა მარქსისტული იდეები. 1905—1907 წწ. რევოლუციურ მოძრაობაში აქტიურ მონაწილეობას იღებდნენ ჩრდილოეთ ოსეთის სკოლის მოწინავე პედაგოგები (ხარიტონ ურუშიმაგოვი, ანდრო ცალაგოვი და სხვ.) და მოსწავლეები, რომელთა ნაწილი „მთავრობის წინააღმდეგ მოქმედებისათვის“ დასჯილ იქნენ, როგორც პატიმრობით, ისე სამსახურიდან გადაყენებით, სკოლიდან გარიცხვით და ა. შ. მთავრობა აჯანყების მონაწილეებს სასტიკი ტერორით. ხოცვა-ჟლეტით, საღრჩობელებით, კარცერებით, როსტით და დასჯის სხვა ზომების გამოყენებით უმასპინძლდებოდა. რევოლუციურ მოძრაობაში ჩაბმულ მასწავლებელთა დიდი უმრავლესობა მოითხოვდა:

ა) სწავლა-აღზრდის არსებული სისტემის რადიკალურად შეცვლას ახალი, სახალხო-დემოკრატიულ საფუძვლებზე აგებული სასკოლო სისტემით;

ბ) საყოველთაო-სავალდებულო — უფასო სწავლებას შემოღებას და სახელმწიფოს ხარჯზე ბავშვების აღზრდას;

გ) მშობლიურ ენაზე სწავლების დამყარებას და რუსული ენის ერთ-ერთ სასწავლო საგნად შემოღებას;

დ) სკოლის დაახლოებას ცხოვრებასთან და ოჯახის აქტიურად ჩაბმას განათლების საქმეში;

ე) როგორც სახალხო პირველდაწყებითი, ისე საშუალო და უმაღლესი სასწავლებლების ადგილობრივ დაარსებას და სკოლის საფეხურებს შორის წინააღმდეგობათა მოსპობას;

ვ) სკოლებიდან რელიგიისა და ფიზიკური სასჯელების უკუგდებას და ბავშვის პიროვნების პატავისცემას და ა. შ.

მშრომელი მასების, მასწავლებელთა და მოსწავლეთა მიერ ანალოგიური ხასიათის მოთხოვნების წამოყენება და მზარდი ბრძოლა აღნიშნულ მოთხოვნებათა განხორციელებისათვის რუსეთის სდმპ რევოლუციურ-მარქსისტული, ბოლშევიკური ორგანიზაციების განუხრელი ორგანიზატორული ხელმძღვანელობის

შედგეს წარმოადგენდა. რუსეთისა და კავკასიის სხვა კუთხეების მსგავსად, ოსეთის სკოლების მასწავლებელთა ნაწილი ბოლშევიკების მხარეზე იდგა. იგი აქტიურ მონაწილეობას იღებდა მუშებსა და გლეხებში რევოლუციური იდეების დანერგვასა და მარქსისტულ-ლენინურ შეხედულებათა გავრცელების საქმეში.

1905 წელს აჯანყდნენ დიგორელი გლეხები, რომელთა მხარდამხარ იბრძოდნენ მასწავლებლები და მოსწავლეები. ისინი არსებული სახელმწიფოებრივი წყობის დამხობასთან ერთად ცარიზმის სასკოლო სისტემის ძირეულად შეცვლას მოითხოვდნენ. 1905 წლის ივლისში მთავრობის ადმინისტრაციის მიერ გაცემულ იქნა განკარგულება რევოლუციურად განწყობილ მასწავლებელთა სამსახურიდან გადაყენებისა და მათ ადგილებზე (ოსეთის საეკლესიო-სამრევლო სკოლებში) ზღვდლების მოწვევის შესახებ, რაც სისრულეში იქნა მოყვანილი⁴⁸³. მასწავლებელთა და მოსწავლე ახალგაზრდობის რევოლუციური ნაწილი შეურიგებელ ბრძოლას ეწეოდა თვითმპყრობელობის ყველა საშინელებათა წინააღმდეგ. მაშინ, როდესაც ინტელიგენციის ლიბერალური ჯგუფი (1905 წლის ივნისში) სასკოლო რეფორმებით, ხალხის „მშვიდობიანი კულტურული განვითარებით“ და „ეკონომიური მდგომარეობის გაუმჯობესების“ მოთხოვნით კმაყოფილდებოდა⁴⁸⁴. ამგვარი ლიბერალური მოთხოვნები ოსი მუშების, გლეხებისა და ინტელიგენციის რევოლუციისაგან ჩამოცილებისა და სახალხო-დემოკრატიული მოძრაობის შესუსტებისაკენ იყო მიმართული.

მასწავლებელთა ერთ ნაწილზე ლიბერალური ბურჟუაზიის იდეოლოგიური ზეგავლენის გაძლიერების შედეგად, 1905 წლის აგვისტოში არღონში მოწვეულმა მასწავლებელთა ყრილობამ ელადიკავკასისა და მოზდოკის ეპისკოპოსის—გედეონის სახელზე ლიბერალური ხასიათის პეტიცია გაგზავნა, რომლითაც მოითხოვა: ა) საეკლესიო-სამრევლო სკოლას ეწოდოს სახალხო სკოლა; ბ) შეიკვეცოს სამღვთო სჯულის პროგრამა; გ) მშობლიური ენა შემოღებულ იქნას, როგორც სავალდებულო სასწავლო საგანი; დ) გაუმჯობესდეს მასწავლებელთა უფლებრივ-მატერიალური მდგომარეობა; ე) შეტანილ იქნას საჭირო ცვლილებანი სკოლის ცხოვრებაში⁴⁸⁵.

⁴⁸³ История Осетии (макет), ч. I-я, 1954 г., стр. 234.

⁴⁸⁴ Газ. „Тифлисский листок“, 1905 г., № 133.

⁴⁸⁵ История Осетии (макет), часть первая, 1954 г., стр. 233—234.

ამგვარი ლიბერალური, ოპორტუნისტული და მთავრობასთან შემრიგებლური მოთხოვნებით გამოსვლა დამახასიათებელი იყო მასწავლებელთა პრივილეგიური ნაწილისათვის (ე. წ. პოლიტიკანებისათვის), რომელიც მთავრობის მოხელეთა ნასუფრალით ცხოვრობდა.

ინტელიგენციის სწორედ ამ მერყევი ნაწილის შესახებ, რევოლუციონერი მასწავლებელი მ. ი. ვასილიევი ბაქოდან თბილისის მოსწავლე ახალგაზრდობას სწერდა: „...ასეთი მახინჯები ვახსაყურებით ბევრი აღმოჩნდა მასწავლებელთა შორის. სახალხო დაბნელების სამინისტროს ამ საზიზღარ მოხელეებს ასეთ ღირსშესანიშნავ მომენტშიც კი, მეფის მთავრობის იმ საშინელ დანაშაულობათა შემდეგ, რაც მათ თავიანთი თვალთ ნახეს, იძღვნი გამბედაობა არ აღმოაჩნდათ, რომ გამოსულიყვნენ ხალხის საძულველი მტრის რიგებიდან და ებრძოლათ მის წინააღმდეგ ყველა პატიოსან მოქალაქეებთან ერთად. ამით მათ აშკარად აღიარეს თავიანთი სოლიდარობა ხალხის მტრებთან, აშკარად გაისვარეს ხელი მის უდანაშაულო ურიცხვ მსხვერპლთა სისხლში, რისთვისაც ამიერიდან ყველა პატიოსანი ადამიანი ზიზღით ზურგს შეაქცევს მათ“⁴⁸⁶.

მასწავლებელთა ლიბერალური ჯგუფების ოპორტუნისტული საქმიანობის წინააღმდეგ. პედაგოგთა პროგრესული ნაწილი, კავკასიის მთელ მშრომელ მასებთან ხელი-ხელ ჩაკიდებული, ცარიზმის დამხობისა და სწავლა-აღზრდის ახალი სისტემის შემოღებისათვის იბრძოდა.

1905—1907 წწ. რევოლუციურ მოძრაობაში ფართოდ ჩაება კავკასიის მოწინავე ახალგაზრდობა. კავკასიის ახალგაზრდობის გამოსვლა მეფის ტახტის წინააღმდეგ მთელი რუსეთის მუშათა მოძრაობის განუყოფელ ნაწილს წარმოადგენდა. „რუსეთისა და კერძოდ კავკასიის სკოლა,— წერდა გამოჩენილი ქართველი მოღვაწე — სიმონ ქვარიანი,— სრულიად დამორებულია ქვეშარიტ პედაგოგიურ ნიადაგს, როგორც სწავლის სისტემაში, ისე აღზრდაში. იგი გაყდენთილია ვიწრო პოლიტიკური ტენდენციით..., ბიუროკრატიზმის დამხმობელ ატმოსფეროთი. აქ გამეფებულია პოლიციური სისტემა და ყაზარმული დისციპლინა. სასტიკი რეჟიმი ხუთავს ახალგაზრდობის სულს, ჰკლავს მის ინტელექტში შექმნილ

⁴⁸⁶ მარკსიზმ-ლენინიზმის ინსტიტუტის თბილისის ფილიალის არქივი, ფონდი 33, საქმე № 477, ფურც. 1, 1905 წ., იხ. წერილი, რომელიც რსდმპ კავკასიის კავშირის კომიტეტმა ცალკე ფურცლად გამოსცა.

ქალას და ინიციატივას, უდუნებს ხასიათს, ენერჯიას და უსეტყვავს ზნეობას. ამის შემდეგ აღარაა გასაკვირი, თუ ეს ახალგაზრდობა უცხადებს პროტესტს სკოლის რეჟიმს, თუ მათ სწადიან დაძმუთველი ჰაერის გაწმენდა და აკადემიური თავისუფლების ცხოველმყოფელ სხივების შემოშვება სასწავლებელთა შენობაში, იმ თავისუფლებისა, რომელსაც თხოულობენ დღეს მთელი რუსეთის უმაღლესი და საშუალო სასწავლებელნი, საუკეთესო პროფესორები და მასწავლებელნი. დღეს დროა შეიცვალოს ძირიანად სკოლის მავნე სისტემა, დროა დაარსდეს სასწავლებელნი, რომელთაც უნდა მოგვცენ საჭირო თანამედროვე ცოდნით აღჭურვილი მხნე, ფხიზელი, საქმიანი და მართლმოყვარე მოქალაქენი“⁴⁸⁷.

არსებული უვარჯისი სასკოლო სისტემის ძირეულად შეცვლას, სწავლების დემოკრატიზაციას, მშობლიურ ენაზე სწავლავანათლების მოწყობას, მოსწავლეთა პირადი ღირსების დაფასებას, ფიზიკური სასჯელის აღკვეთას და აღზრდა-განათლების დარგში სხვა რეფორმების გატარებას მოითხოვდნენ როგორც ჩრდილო ოსეთის, ისე გორისა და თუშეთის მაზრების ოსური სოფლების მშრომელები და ოსი ახალგაზრდობა.

1905 წლის 13 მარტს სოფ. თამარაშენის, შინდისის და დგვრისის მშრომელთა 15 ათასიანმა შეკრებამ აღნიშნა, რომ მათ გულით უნდოდათ ესწავლებინათ შეილებსათვის, მაგრამ ეს ვერ შესძლეს სიღარიბის გამო, ვინაიდან მათ შემოსავალს იტაცებენ მებატონეები, მღვდლები, აქციზი, მამასახლისი, მწერალი და მენალოგები⁴⁸⁸.

1905 წლის მარტის შუა რიცხვებში ახალგორის გლეხობა მთავრობას თხოვდა: უფასო საყოველთაო-სავალდებულო სწავლების გატარებას 16 წლამდე ახალგაზრდობისათვის, ღარიბ მოსწავლეთა აღზრდას სახელმწიფოს ხარჯზე, ბავშვთა უზრუნველყოფას ტანსაცმლითა და უფასო სასწავლო ნივთებით და ა. შ.⁴⁸⁹

ქსნისა, ლიახვის და არაგვის ხეობების ოს გლეხთა შიტინგებზე მშრომელები მოითხოვდნენ:

ა) სკოლების ქსელის გაშლას; ბ) საყოველთაო-სავალდებულო სწავლების შემოღებას; გ) სკოლების რეორგანიზაციას; დ) მშობლიურ ენაზე სწავლების შემოღებას; ე) რუსული ენის ერთ-ერთ

⁴⁸⁷ გაზ. „ივერია“, 1905 წ., № 6, გვ. 2-3.

⁴⁸⁸ შერნ. „მოგზაური“, 1905 წ., № 10, გვ. 140.

⁴⁸⁹ შერნ. „მოგზაური“, 1905 წ., № 11, გვ. 175.

საქალდებულო სასწავლო საგნად დატოვებას: ვ) ოთხკლასიანი სასწავლებლის დაარსებას სამეურნეო განყოფილებით; ზ) ქალთა სკოლების დაარსებას (საქირო რაოდენობით)— პროფესიული განყოფილებით; თ) დაბალ და საშუალო სკოლებს შორის კავშირის განმტკიცებას; ი) საშუალო სკოლებში სტიპენდიატთა რიცხვის (20-მდე) გადიდებას და ა. შ.⁴⁹⁰. ცხადია, აღნიშნულ მოთხოვნათა განხორციელება რევოლუციის გამარჯვებაზე, ცარიზმის დამხობაზე და მშრომელი მასების მიერ ძალაუფლების შოპოვებაზე იყო დამოკიდებული.

1905—1907 წწ. რევოლუციურმა ტალღებმა ოსეთის საეკლესიო-სამრევლო სკოლებისა და სას. სემინარიის კედლებშიაც შეაღწია. ამიტომ, შემთხვევითი არ იყო, როდესაც „კავკასიაში მართლმადიდებელი ქრისტიანობის აღმდგენელი საზოგადოება“ „1906—1907 წწ. მოქმედების ანგარიშში“ წერდა: „1906 წლის პირველი ნახევარი სწავლის მზრივ უნდა ჩაითვალოს „დაღუპულად“. ცნობილმა განმათავისუფლებელმა მოძრაობამ ჩაითრია აგრეთვე საეკლესიო-სამრევლო სკოლებიც, შეიტანა მათში სრული განადგურება და არეგ-დარევა“⁴⁹¹.

ასეთივე „არეგ-დარევა“ და „უწესობანი“ 1905 წ. ფართოდ ვრცელდებოდა არღონის სასულიერო სემინარიაში, სადაც სემინარისტებმა უარი თქვეს მეცადინეობის გაგრძელებაზე და მოითხოვეს სასწავლებელში „საქირო რეფორმის“ განხორციელება.

1905—1906 წწ. ქ. ვლადიკავკავში და საერთოდ. თერგის ოლქში (მუშებსა და ინტელიგენციაში) ფართოდ ვრცელდებოდა რსდმპ კავკასიის კავშირის პროკლამაციები, რომელიც შრომელებს ცარიზმის წინააღმდეგ შეურიგებელი ბრძოლისაკენ მოუწოდებდა.

„ოსებით დასახლებულ მრავალ სოფელში, უმთავრესად სოფ. არღონის გარშემო და იქ, სადაც ოსური მისიონერული სემინარია არსებობს,— თერგის ოლქის უანდარმთა სამმართველოს უფროსი უპატაკებდა კავკასიის მეფისნაცვლის კანცელარიის უფროსს,— საგრძნობი რაოდენობით იყო გავრცელებული რუსულად დაბეჭდილი პროკლამაციები, გამოცემული „რუსეთის სდმპ კავკასიის კავშირის კომიტეტის“ მიერ, სათაურით: „ოსებისა და კავკასიის

⁴⁹⁰ გახ. „ცნობის ფურცელი“, 1905 წ., № 2796, გვ. 2.

⁴⁹¹ Отчет Общества восстановления православного христианства на Кавказе за 1906—1907 гг., Тифлис, 1909 г., стр. 47.

მთიელებისადმი“⁴⁹². ცხადია, ეს და ამგვარი პროკლამაციები ჰოს-წავლევებზე ცხოველმყოფელ გავლენას ახდენდა, ხელს უწყობდა მათი მონაწილეობის გაძლიერებას ცარიზმის წინააღმდეგ რევოლუციურ-დემოკრატიულ მოძრაობაში. ყოველივე ამის შედეგად, თუ 1905 ნოემბერში საქმე „მშვიდობიანად“ დაძაბვრდა, 1906 წლის დასაწყისში მღელვარებამ კვლავ თავი იჩინა და უფრო მწვავე ბასიათი მიიღო.

ადმინისტრაციის ცნობით, აღნიშნული წლის 22 მარტს სემინარისტებმა ე. წ. „წმინდა ფინჯანი“ („მირონის“ მაგიერ) საწაძლავით შეავსეს, ხოლო 20 აპრილს სემინარიის შენობის კოშკს ხანძარი გაუჩინეს იმ მიზნით, რომ „ძიელწიათ სემინარიის დახურვისა და ხელმძღვანელობის გარეკვისათვის“⁴⁹³. რა თქმა უნდა, სემინარისტების მოძრაობა რევოლუციის მოთხოვნილებათა დონეზე არ ამოდებულა, მაგრამ იგი არც ისე შეზღუდულ და ვიწრო ხასიათს ატარებდა, როგორც მას სემინარიის ხელმძღვანელობა სასჯელად.

ჯერ კიდევ 1906 წლის 6 მარტს არდონის მისიონერული სასულიერო სემინარიის რექტორი არსენი სასწავლო კომიტეტისადმი წარდგენილ „მოხსენებით ბარათში“ მწუხარებას გამოთქვამდა იმის გამო, რომ თერგის ოლქის სამხედრო-სამოქალაქო და ეპარქიული ხელისუფლება მას ბრალად სდებდნენ რევოლუციური იდეების პროპაგანდას. არსენის აზრით, სემინარიაში არავითარ რევოლუციურ გამოსვლებს არ ჰქონია ადგილი, თუმცა გენერალ-გუბერნატორის მტკიცებით, დაპატიმრებული რამდენიმე მასწავლებელი ოსები იყვნენ, რომელთაც არდონის სემინარია ან ოსური სასულიერო სასწავლებელი ჰქონდათ დამთავრებული. სემინარიის ხელმძღვანელთა განცხადებით, ამჟამად მოსწავლეთა შორის არ იყო შემჩნეული არავითარი მოძრაობა. ამის საბუთად სემინარიის ადმინისტრაცია ასახელებდა იმ ფაქტს, რომ 1905 წელს, როდესაც სემინარიის კედლებში მასიურად ჰყრიდნენ პროკლამაციებს, სემინარიელებს იგი ინსპექციაში მიჰქონდა.

„მართალია, ოსეთში ენერგიული პოლიტიკური პროპაგანდა მიმდინარეობს და მასში არდონის სასულიერო სემინარიიდან გამოსული ოსეთის სკოლების ბევრი მასწავლებელი იღებს თვალსაჩინო მონაწილეობას, მაგრამ ასეთი პირები წინადაა გამოშვე-

⁴⁹² История Осетии (макет), часть I-ая, 1954 г., стр. 226.

⁴⁹³ იქვე, გვ. 84—85.

ბული და უცნობია სემინარიის ახლანდელი „შემადგებლობისათვის-სო“, — თერგის ოლქის სამხედრო ადმინისტრაციას და სასწავლებელთა ხელმძღვანელობას „არწმუნებდა“ სემინარიის რექტორი“⁴⁹⁵.

მიუხედავად ამგვარი „მტკიცებისა“, 1907 წლის 7 მაისს თერგის სამხ. ოლქის კანცელარიის უფროსი თავის ხელმძღვანელობას „სრულიად საიდუმლოდ“ აცნობებდა არდონის სემინარიაში მომხდარი გაფიცებისა და მღელვარების სასწრაფოდ ჩაქრობის აუცილებლობის შესახებ.

ჯერ კიდევ 1907 წლის 3 მაისს სემინარიის პედაგოგიურმა საბჭომ გედეონის წინადადებით სემინარისტების მღელვარების გამო მიიღო დადგენილება ახალ წლამდე III—IV კლასების დახურვისა და I კლასის იმ მოსწავლეთა (ივან გეტოევის, ნიკოლა კარდანოვის, ალექსანდრე როგატკინის და ტიხონა სტოროჟენსკოს) სკოლიდან გარიცხვის შესახებ, რომლებიც „...შემჩხეულ იქნენ უწესრიგობისაკენ ამხანაგების წაქეზებაში“⁴⁹⁵. ამასთან ერთად, სემინარიაში „ჩხრეკის“ ჩასატარებლად, მოსწავლეთა „მღელვარების ჩასაქრობად“, სასწავლებლიდან დათხოვნილ სემინარისტთა „საკბოვრებელ ადგილებზე“ გაგზავნის უზრუნველსაყოფად და „წესრიგის აღსადგენად“ ალაგირის სამხედრო ნაწილებიდან გამოწვეულ იქნენ ყაზახთა რაზმები. გარიცხულ მოსწავლეთა შორის ხელისუფლებისათვის „ყველაზე საშიშ პირებად“ გამოცხადებულ იქნენ: იაკობ ალადეიკოვი (სოფ. ნუზალიდან), სიმონ ახშაძე (სოხუმელი — სოფ. ლინნიდან), გრიგოლ კოჩიევი (გორის შაზრის — სოფ. ჯაიდან) და სხვები, რომელთაც აკრძალული ჰქონდათ სემინარიაში დაბრუნება.

როგორც ვლადიკავკავის ოლქის გენერალ-გუბერნატორის 1907 წლის 9 მაისის „რაპორტიდან“ ირკვევა, სემინარიაში აღვილი ჰქონდა: ა) მოსწავლეთა კუთვნილი პროდუქტების, ტანსაცმელისა და ნივთების მითვისებასა და განიავებას; ბ) სემინარიელთა დამცირების, აბუჩად აგდებისა და მათ მიმართ უხეშად მოპყრობის შემთხვევებს; გ) ეკლესიაში წირვა-ლოცვის დროს სემინარისტების მიერ „უწესო პოზის“ მიღების გამოვლინებებს; დ) მოსწავლეთა

⁴⁹⁵ Архив СОНИИ, фонд прокуратуры окружного суда, дело 1906 г. № 30.

⁴⁹⁶ Сборник по истории народного образования в Осетии, Госизд. С/О. 1942 г., стр. 251—253.

არალეგალურ სხდომებს, რომლებზედაც სემინარიის ადმინისტრაციისათვის „გაურკვეველი საკითხები“ ირჩეოდა და ა. შ.⁴⁴.

ამრიგად, სემინარიელთა მღელვარება წარმოადგენდა არა მარტო მათი აუტანელი ეკონომიური შევიწროებისა და ყაზარძული სასკოლო რეჟიმის გაძლიერების შედეგს, არამედ იმ უდიდესი იდეოლოგიური მუშაობის ნაყოფსაც, რომელსაც ჩრ. ოსეთში რსდმპ რევოლუციურ-მარქსისტული ორგანიზაცია ატარებდა.

1905 წლის ბოლოს, როგორც ცნობილია, ვლადიკავკავში ჩავიდნენ ქართველი ბოლშევიკები: ნოე ბუაჩიძე და ნიკოლოზ კიკნაძე, რომლებმაც უზრუნველჰყვეს ამიერკავკასიისა და თერგის ოლქის რევოლუციურ ს. დ. ორგანიზაციებს შორის კავშირის განმტკიცება. ვლადიკავკავის ბოლშევიკური ორგანიზაციები ნოე ბუაჩიძისა და სხვათა ხელმძღვანელობით ოსეთის მშრომელთა შორის დიდ მუშაობას ეწეოდნენ მშრომელთა რევოლუციური შეგნების ამაღლებისა და ცარიზმის წინააღმდეგ გადამწყვეტი შეტევის მომზადებისათვის.

1905 წლის 18 და 19 ოქტომბერს ვლადიკავკავში მეფის ძანფესტის წინააღმდეგ მღელვარებასა და გამოსვლებში აქტიურ მონაწილეობას იღებდა ადგილობრივი მოსწავლე ახალგაზრდობა. 6 მოკლულსა და დაჭრილებს შორის იყო რეალური სასწავლებლის მოსწავლე ვიქტორ ძუწევი, რომელიც 1906 წლის ივნისში გარდაიცვალა. მოსწავლე ძუწევის დაკრძალვის დღეს (1906 წ. 26 ივნისს) ადგილობრივი ბოლშევიკური ორგანიზაციებისა და ძისი ხელმძღვანელის — ნოე ბუაჩიძის წინამძღოლობით მეფის ხელისუფლების ვანდალური მოქმედების წინააღმდეგ უდიდესი პოლიტიკური დემონსტრაცია ჩატარდა. ამგვარი მანიფესტაციები და რევოლუციური გამოსვლები მთავრობის წინააღმდეგ (სასტიკი რეპრესიების მიუხედავად) რეაქციის პერიოდშიაც გრძელდებოდა.

1908—1909 წწ. რეაქციის ძალები რევოლუციური ფრონტის წინააღმდეგ შეტევაზე გადავიდა. იატაკქვეშეთის სტაჰბა მთავრობამ ხელთ ჩაიგდო. დაიწყო მუშათა რევოლუციურ-სოციალ-დემოკრატიული ორგანიზაციების დარბევა, მათ ხელმძღვანელთა (ნ. ბუაჩიძე და სხვ.) დევნა და გასამართლება, მუშების, გლეხების, ინტელიგენციის, მასწავლებელთა და მოსწავლეთა შევიწროება და დაპატიმრება. დახურეს რევოლუციურ-პროგრესული გაზეთები: „უტრო გორ“, „ვეს კავკაზ“, „ირონ გაზეტი“, „ნოვაია ვიზნ“,

⁴⁴ იქვე, გვ. 253—254.

„ზონდ“ და სხვა. სკოლებში დამკვიდრდა მათრახი და ყაზარძული დისციპლინა. ასეთ პირობებში უდიდესი მნიშვნელობა ჰქონდა ჩრდილოეთ ოსეთში სამუშაოდ ვ. ი. ლენინის საუკეთესო მოწაფის — კიროვის გადასვლას, მის ბრძოლას დაქსაქსული რსდმპ ბოლშევიკური ორგანიზაციების გაერთიანებისა და მუშათა რევოლუციური მოძრაობის ახალ რელსებზე შეყენებისათვის. კიროვი რევოლუციურ-მარქსისტულ პროპაგანდას, პრაქტიკულ რევოლუციურ მუშაობას მასებში განუყრელად უკავშირებდა კულტურულ-მასობრივ მუშაობას. მისი ინიციატივით მოეწყო (ალაგირის ქარ-განაში) საკვირაო სკოლა, სადაც მუშებს „რუსულ ენას“ ასწავლიდა, ხოლო ასეთი გაკვეთილები ხშირად პოლიტიკურ საუბრებად იქცეოდა. იგი გაზ. „ტერეკში“ ათავსებდა ლიტერატურულ-კრიტიკული ხასიათის წერილებს, კავკასიის მთის ხალხებში და კერძოდ მთის ხალხთა ინტელიგენციაში აწარმოებდა ფართო მასშტაბის რევოლუციურ-მარქსისტულ მუშაობას, რაც თავის მხრივ როგორც მასწავლებლებზე, ისე მოსწავლე ახალგაზრდობაზე გამარევიოლუციონერებელ ზეგავლენას ახდენდა. ს. მ. კიროვი, ნ. ბუაჩიძე, ს. კორჯონიკიძე და სხვები (ოსი ხალხის საუკეთესო შვილებთან ერთად) ჩრდილოეთ კავკასიის მშრომელებს რაზმად-დნენ თვითმპყრობელობის დამხობისათვის, რევოლუციის გამარჯვებამდე მიყვანისა და მუშათა კლასის საბრძოლო ამოცახვბის ბოლომდე განხორციელებისათვის.

მეფის მოხელეები კავკასიაში მცხოვრებ ყველა ერს აქეზებდა: ურთიერთ წინააღმდეგ ბრძოლისაკენ, ეროვნებათა შორის შუღლისა და მტრობის გაღვიძებისაკენ, ხოლო ყოველივე ამას, ცარიზში, ჩვენს მხარეში „კულტურული საწყისების დანერგვის“ საბაბით აკეთებდა.

„...კავკასიის ყველა ხალხი მტრულადაა განწყობილი ერთიმეორის წინააღმდეგ, ურიგდებიან თავიანთ თანაცხოვრებას მხოლოდ რუსული ხელისუფლების გავლენით. უამისოდ ეხლავე შექმნიდნენ სისხლისმღვრელ მეტოქეობასო“, — არწმუნებდა გრაფი ვორონცოვ-დაშკოვი (თავის „უქვეშევრდომილეს ანგარიშში“) რუსეთის სამეფო ტახტის მფლობელს — ნიკოლოზ მეორეს⁴⁹⁷. მაგრამ, ამგვარი „მტკიცება“ სიყალბეს წარმოადგენდა. ქართველთა და ოსთა შორის კულტურული კავშირი და მეგობრული განწყობილება კვლავ ცოცხლობდა. როგორც გავეცანით, რუსი, ქართველი და

⁴⁹⁷ ვორონცოვ-დაშკოვის „უქვეშევრდომილესი ანგარიში“, 1913 წ., გვ. 14.

ოსი ხალხის საუკეთესო შვილები, სამივე ერის განათლებისა და კულტურის გამოჩენილი მოღვაწეები, თვითმპყრობელობის უღლისაგან მშრომელთა განთავისუფლებისა და ახალგაზრდობის ბედნიერი მომავლის შექმნისათვის იბრძოდნენ.

ოსი ხალხის საყვარელი პოეტის, მთის ჩაგრულ ხალხთა განთავისუფლებისათვის გამოჩენილი მებრძოლისა და ქართველთა იშვიათი მეგობრის — კოსტა ხეთაგუროვის ლექსში, ქართველი საზოგადო მოღვაწის „მ. ზ. ყიფიანის გარდაცვალებაზე“ გამოხატულია ქართველთა და ოსთა განუყრელი მეგობრობა, სულიერი კავშირი, კულტურულ-საგანმანათლებლო ურთიერთობა და გულწრფელი სიყვარულის გრძნობები.

„მოკვდა... ეს სიტყვა ცივი, დუხჭირი,
ისმის მწუხარედ, გული სცემს ობლად.
გარდაიცვალა, შენ ახლა სტირი,
ჩვენო კავკასო, ჩვენო სამშობლო,
შვილი დაკარგე შენ ღირსეული...
რაც გვიანდერძე საუნჯე წმინდა,
როგორც ქართველის სახე ჩვეული,
ჩვენს დაუვიწყარ ძმაში გაბრწყინდა.
განა ბევრია თვეგანწირული,
ვინც ხალხს შესწირა სიცოცხლე მთელი,
ვისი ბრძოლაა მუდამ გმირული,
ვისაც ქოხებში შეაქვს ნათელი?
არ არის ბევრი, მებრძოლის სახელს,
შთამომავალი იტყვის მრავალი,
ვეუსმენ, კავკასო, შენ გლოვის ძახილს,
რომ კვლავ ვიწამო მე მომავალი“⁴⁹⁸.

დიდმა ოსმა პოეტმა — კოსტა ხეთაგუროვმა მ. ყიფიანში დაინახა „დაუვიწყარ ძმაში გაბრწყინებული“ ქართველის „სახე ჩვეული“, ხალხისათვის თვეგანწირული, გმირი მებრძოლი, ვისაც დარიბთა ქოხებში შეჰქონდა განათლებისა და კულტურის „შუქი ნათელი“.

ქ. ხეთაგუროვი ქართველ მშრომელ ხალხში, მის ნიჭიერ შვილებში ხედავდა საუკეთესო ადამიანურ თვისებებს. ამგვარი

⁴⁹⁸ ქ. ხეთაგუროვი, რჩეული ნაწერების კრებული, სამხრეთ ოსეთის სახელგამი, 1939 წ. გვ. 200.

ადამიანური თვისებებისადმი სიყვარულისა და ქართველი ხალხისადმი გულწრფელი პატივისცემის ნიშნად შექმნა მან მ. ყიფიანის პორტრეტი.

მაგრამ არა მარტო ოსი ხალხი და მისი საუკეთესო შვილები აცხადებდნენ ქართველ ხალხს, მის კულტურას და ღირსეულ შვილთა სასახელო მოღვაწეობას. ქართველი ხალხი, ქართული კულტურის მოღვაწენი კიდევ უფრო მეტად იბრძოდნენ ოსი ხალხის განააღების დონის ამალგებისათვის. ამას ნათლად ადასტურებს გამოჩენილი ქართველი პედაგოგის ლ. ბოცვაძის მიერ კავკაში ქართველთა და ოსთა დამეგობრებისათვის გაწეული უდიდესი მუშაობა, მათთვის სკოლების, სახალხო სახლების, ბიბლიოთეკების, მუზეუმებისა და სხვა სასწავლო-საგანმანათლებლო დაწესებულებათა გახსნა, ოს მოსახლეობაში წიგნიერებისა და ჟურნალ-გაზეთების გავრცელება.

ოსი ხალხის საყვარელი შვილის—კოსტა ხეთაგუროვის გარდაცვალებასთან დაკავშირებით გაზ. „ტერეკში“ გამოქვეყნებულ წერილში ლ. ბოცვაძე წერდა:

„დადუმდა საუკუნოდ მოციქული სიმართლისა, თანასწორობისა და თავისუფლებისა. ძვირფასი კავკასიის ცის კაშარას მოსწყდა ერთი შუქურა ვარსკვლავი, რომელიც თავის ნათელ სხივებს მიმოათენდა სამშობლო ქვეყნის ყოველ ტევრსა და სახლს“.

ბოცვაძისავე სიტყვით „...კოსტამ განვლო ეკლიანი გზა და გზასვე უკაფავდა იგი მომავალ თაობას, რომელსაც არ მოუხდებოდა გამოსცადოს ის, რაც თავის მხრებზე გადაიტანა უუძძიძეს დროს თავისუფლების მწერალმა და მამაცმა მებრძოლმა“.

ლუარსაბ ბოცვაძე გულწრფელად გამოხატავდა კოსტა ხეთაგუროვის გარდაცვალებით ქართველ ხალხში გამოწვეულ უსახლერო მწუხარებას, როდესაც იგი პოეტს მგრძნობიარე სიტყვებით მიმართავდა: „განისვენე მშვიდად. ძვირფასო მეგობარო და ამხანაგო კოსტა. ხსოვნა შენი არასოდეს არ გაჰქრება შენი ხალხისა და შენი ნაცნობი და მახლობელი ქართველების გულში, რომელნიც ყოველთვის ხედავდნენ შენში ნათელი აზრებისა და იდეების თავდადებულ მოციქულს“⁴⁹⁹.

და მართლაც, ის ამალგელებელი, გულწრფელი სიყვარულის გრძნობებით აღსავსე სიტყვები, რომლითაც კ. ხეთაგუროვი მ. ყიფიანს მიმართავდა, ხოლო ლ. ბოცვაძე — კოსტა, ხეთაგუროვის

⁴⁹⁹ კ. ხეთაგუროვი, რჩეული ნაწერების კრებული, 1ხმ9 წ., გვ. 30.

მისამართით ამბობდა, იმის აშკარა საბუთს წარმოადგენს, თუ როგორ ნიადაგზე უნდა გაშლილიყო მომავალში ამ ხალხთა შორის კულტურული კავშირი და მეგობრული ურთიერთობა.

მეფის ძალაუფლების დამსობის შემდეგ (1917 წ. თებერვალი) კავკასიის ე. წ. „სოციალისტური პარტიები“ ეკონომიური, პოლიტიკური და კულტურული ცხოვრების ყველა დარგში მეფის თვითმპყრობელობის პოლიტიკას ანხორციელებდა.

„...ცარიზმის მთელი ცენტრალიზებული ბიუროკრატიული აპარატი ნაციონალურ რაიონებში სრულიად ხელუხლებლად იქნა დატოვებული. სახელმწიფო ენას წინანდებურად რუსული ენა წარმოადგენდა. სახელმწიფო სკოლადაც რუსული სკოლა რჩებოდა“⁵⁰⁰.

ბურჟუაზიულ-მემამულური დროებითი მთავრობის სათავეში მენშევიკების, ესერებისა და სხვა ოპორტუნისტული პარტიების ჩადგომას, შედეგად არა თუ არ მოჰყოლია ეროვნული ჩაგვრის მოსპობა და მშრომელთა ეკონომიურ-კულტურული ძღვომარეობის გაუმჯობესება, არამედ პირიქით, „...ნაციონალური ჩაგვრის ძველი, უხეში ფორმა შეიცვალა ახალი, მოქნილი, მაგრამ ჩაგვრის უფრო საშიში ფორმით“.

კავკასიის ყველა კუთხისა და მათ შორის ოსეთის მშრომელი მოსახლეობა აშკარად დარწმუნდა, რომ მათი განთავისუფლება და კულტურული წინსვლა შეუძლებელი იყო „თავისი“ ნაციონალური ბურჟუაზიის დამსობისა და თვით მშრომელი მასების მიერ ხელისუფლების ხელში აღების გარეშე.

„კულტურულ-ნაციონალური ავტონომიის“ რეაქციონური „პროგრამის“ მესვეურები განთავისუფლების, სკოლისა და სწავლა-განათლების მაგიერ, ოსეთის მშრომელებს სისხლიანი ხოცვა-ჟლეტით, სასწავლო-საგანმანათლებლო დაწესებულებათა ნგრევით, საპატიმროებითა და სახრჩობელებით უმასპინძლებოდნენ“⁵⁰¹.

ბოლშევიკური პარტიის ხელმძღვანელობით ოსი ხალხი, რუსეთისა და კავკასიის მთელ მშრომელ მასებთან ერთად, გაძანადგურებელ ბრძოლას ეწეოდა მენშევიკური მთავრობის ნაციონალისტურ-შოვინისტური პოლიტიკის წინააღმდეგ.

ბოლშევიკები მოითხოვდნენ ოსებისათვის ნაციონალური თვითგამორკვევის უფლების მინიჭებას, სასტიკად ამხელდნენ მენშევიკებსა და სხვა ბურჟუაზიულ-ნაციონალისტურ პარტიებს, რო-

⁵⁰⁰ სამოქალაქო ისტორია სსრკ-ში, გვ. 208.

⁵⁰¹ ს. ბერიძე, 1917-1921 წლები საქართველოში, 1941 წ., გვ. 244.

მელნიც ყოველმხრივად უშლიდნენ ხელს პატარა ერების თვით-გამორკვევას, ცეცხლითა და მახვილით ახშობდნენ მათს რევოლუციურ მოძრაობას⁵⁰². თვითგამორკვევის მინიჭების, სკოლების გახსნისა და სწავლა-განათლების საქმის მოწესრიგების ნაცვლად, მენშევიკური მთავრობა აჩანყებულ ოსებს ბორჩალოსა და ყარაიაზში „გადასახლებით“ ემუქრებოდა.

1917—1918 წლებში სამხრეთ ოსეთში მეფის თვითმპყრობელობის დროს დაარსებული საეკლესიო-სამრევლო და სამინისტრო სკოლებიც განადგურდა. ორივე უწყების 32 სკოლის ნაცვლად (1917 წ.) 1918—19 სასწავლო წელს სკოლათა რაოდენობა 7—8-მდე შემცირდა. ხოლო მოსწავლეთა შემადგენლობა 1415-დან ორი მესამედით განითესა. ანალოგიური მდგომარეობა იყო ჩრდ. კავკასიის ოსეთში, სადაც მოიშალა სკოლები და საგრძნობლად შემცირდა მოსწავლეთა რაოდენობა. აუტანელი ეკონომიური მდგომარეობისა და სიღარიბის გამო სხვა მშრომელებთან ერთად მასწავლებლები შიმშილობდნენ. უპატრონოდ მიტოვებული სასკოლო შენობები დანგრეულ-გაძარცული იყო. ამგვარი სავალალო მდგომარეობის შედეგად, ცხინვალის ნორმალური სასწავლებლის ზედამხედველი (1917 წ.) თბილისის გუბერნიის სახალხო სკოლების გამგეობას თავის ოჯახთან ახლოს გადაყენას და ამ გზით „წიმშილით სიკვდილისაგან დახსნას“ სთხოვდა⁵⁰³.

1918 წლის 11 ოქტომბერს ჯავის უმ. დაწყებითი სასწავლებლის ინსპექტორი წერდა: „სკოლის მასწავლებლები ამა წლის 1 იანვრიდან დღევანდლამდე ხელფასით არ არიან დაკმაყოფილებულნი. მარტში, აპრილში და სექტემბერში ვიარე გორში, მაგრამ ყოველთვის ამაოდ. ხაზინაში ფული არ აღმოჩნდა... არ არსებობს ახლო მომავალში მისი მიღების არავითარი იმედი. ამასთანავე მასწავლებლების მდგომარეობა საშინელი ხდება — პირდაპირ შიმშილობენ“⁵⁰⁴.

მთელს გორის მაზრაში (რომელშიაც ეხლანდელი სამხრეთ ოსეთიც შედიოდა) 1919—1920 წწ. სულ 106 სკოლა და 162 მასწავლებელი ითვლებოდა.

ქართველი ბურჟუაზია ოსთა სწავლა-განათლების საქმეს სრულიადაც არ აქცევდა ყურადღებას. გორის სამაზრო ერობის სკოლების მიმღებმა კომისიამ ყველა სკოლა ჩაიბარაგარდა მთა

⁵⁰² საქ. სსრ ცსს საისტორიო არქივი, ფონდი 18, საქმე № 331, ფურცელი 121.

⁵⁰⁴ იქვე, ფონდი 16, საქმე № 44, ფურც. 1—2.

ოსეთისა“, სადაც ხალხის კულტურული წინსვლისადმი მთავრობის გულგრილი დამოკიდებულების გამო სკოლები უპატრონოდ იყო მიტოვებული.

ოსეთში სკოლებისათვის არ იყო საკუთარი შენობები და კვალიფიციური მასწავლებლები, რის გამოც სწავლას მოწყურებული ოსი ბავშვები უცოდინარობის სიბნელეში იმყოფებოდა. ამის გამო გორის მაზრის განათლების განყოფილების წარმომადგენელი 1920 წელს წერდა: „ყველა სკოლებში, გარდა... ოსურისა, რომელშიაც დღესაც არ არის მეცადინეობა უმასწავლებლობის გამო, თავის დროზე დაიწყო მეცადინეობა“⁵⁰⁵.

აღსანიშნავია ისიც, რომ 1919—1920 სასწ. წელს გორის მაზრის განათლების განყოფილებამ თავის ხარჯზე მიიღო ცხინვალის უმაღლეს დაწყ. სასწავლებელი, რომელშიაც სულ 70-მდე მოსწავლე სწავლობდა. გარდა ამისა, „...მთა-ოსეთში არსებობდა უმაღლესი პირველ-დაწყ. სასწავლებელი, სადაც ფაქტიურად მეცადინეობა არც კი სწარმოებდა“⁵⁰⁶. 1920 წლის 8 მარტს სამხრეთ ოსეთის ნაციონალური საბჭოს „კულტურულ-საგანმანათლებლო სექცია“ წერდა: „ოსურ სკოლებში დღემდე მეცადინეობა არ არის მოწესრიგებული, სწავლა ნორმალურად არ მიმდინარეობს და ზოგიერთ მათგანში სულაც არ დაწყებულია“⁵⁰⁷.

ოსეთის მშრომელები ქართველი და რუსი ხალხის მხარდამხარ და მისი მეთაურობით იბრძოდნენ ბურჟუაზიული მთავრობის დამხობისა, მემამულეთა მიწების ჩამორთმევისა. მათ შენობათა სკოლებზე გადაცემისა და ხალხის სწავლა-განათლების საქმის დემოკრატიულ საწყისებზე აგებისათვის⁵⁰⁸.

რკპ (ბ) სამხრეთ ოსეთის კომიტეტმა ვ. ი. ლენინის დეკემბრით მიმართა მენშევიკური მთავრობის წინააღმდეგ ბრძოლაში დახმარებისათვის, ამასთანავე რ.კ.პ. (ბ) სამხრეთ ოსეთის კომიტეტმა ლენინს აუწყა, რომ სამხრეთ ოსეთი არასდროს არ შესულა და არც შევა საქართველოს მენშევიკური მთავრობის შექმნილობაში, რადგანაც იგი თავის თავს საბჭოთა რუსეთის განუყოფელ ნაწილად თვლის⁵⁰⁹. მართლაც, ოსი ხალხი კავკასიის სხვა ხალხებ-

⁵⁰⁵ გაზ. „ახალი კომუნისტი“, 1920 წ., № 23.

⁵⁰⁶ ჟურნ. „განათლება“, 1920 წ., № 4—5, გვ. 126.

⁵⁰⁷ ჟურნ. „განათლება“, 1920 წ., № 4—5.

⁵⁰⁸ საქართველოს სსრ ცსა საისტორიო არქივი, ფონდი 16, საქმე № 528,

91, ფურტ. 30.

⁵⁰⁹ Известия Юго Осет. научн. ислед. инстит. Краев т. III, стр. 32,

⁵¹⁰ ს. ბერიძე, 1917 — 1921 წლები საქართველოში (მნიშვნელოვან ამბავთა ქრონიკა., 1941 წ., გვ. 246—247.

თან და რუს მშრომელებთან ხელიხელჩაკიდებული, ბოლშევიკური პარტიის ხელმძღვანელობით გმირულად იბრძოდა ბურჟუაზიულ-მემამულური მთავრობის დამხობისა და კავკასიის მთიანეთში საბჭოთა ხელისუფლების დამყარებისათვის, სოციალისტური ცხოვრების ახალი წესების განმტკიცების, სწავლა-აღზრდის კომუნისტური პრინციპების განხორციელებისა და სოციალისტური კულტურის განვითარებისათვის.

რუსეთისა და კავკასიის მთელ მშრომელ მასებთან განუყრელ ჯავშირში ოსი ხალხის გმირული ბრძოლა ოქტომბრის რევოლუციის გზით წარმატებით დამთავრდა.



გამოყენებული ძირითადი წყაროების დასახელება

I. მეცნიერულ-პოლიტიკური ლიტერატურა და სხვა წყაროები

1. კ. მარქსი და ფ. ენგელსი სახალხო განათლების შესახებ, 1948 წ. გვ. 66, რედაქტორ-შემდგენელი პროფ. გ. თავიშვილი.
2. კ. მარქსი, გოთას პროგრამის კრიტიკა, 1932 წ., ქართული გამოცემა, გვ. 35—36.
3. ფ. ენგელსი, მუშათა კლასის მდგომარეობა ინგლისში, ქართული გამოცემა.
4. ვ. ლენინი, თხზ. ტ. 30, IV გამოცემა.
5. ვ. ლენინი, თხზ. ტ. 31, IV გამოცემა.
6. ვ. ლენინი, ახალგაზრდობის კავშირთა ამოკანები, სახელგამი, 1955 წ., ქართული გამოცემა.
7. ვ. ლენინი სახალხო განათლების შესახებ, 1936 წ., გვ. 116, 205, 206.
8. ი. სტალინი სახალხო განათლების შესახებ. 1939 წ., გვ. 117.
9. სამოქალაქო ომის ისტორია სსრ კავშირში. ტომი I, 1938 წ., გვ. 208.
10. ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ნაწ. 1, 1946 წ., ქართული გამოცემა, გვ. გვ. 11, 158, 159, 169, 206, 211, 277, 287.
11. ივ. ჯავახიშვილი, ქართველი ერის ისტორია, წიგნი 11, 1946 წ., გვ. გვ. 26, 35, 28, 39, 63, 66, 156, 189, 199, 216, 217, 297, 298, 267, 268, 297 296, 307, 313.
12. ივ. ჯავახიშვილი, ქართველი ერის ისტორია, წიგნი III, 1949 წ. გვ. გვ. 1, 245, 256—258.
13. ივ. ჯავახიშვილი, ქართული და კავკასიური ენების თავდაპირველი ბუნება და ნათესაობა, 1937 წ., გვ. გვ. 100, 108.
14. ივ. ჯავახიშვილი, საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები, 1950 წ., გვ. გვ. 21, 22, 272, 276.
15. ახალი ქართლის ცხოვრება, პროფ. ივ. ჯავახიშვილის რედაქციით 1940 წ., გვ. გვ. 12—13.
16. ხ. კიკინაძე, ოსეთის ისტორია, თბილისი, 1913 წ., გვ. გვ. 8, 19, 34, 70—79, 101—104, 137—138, 152, 160, 207, 221, 222, 227, 228, 229.

17. ხ. კიკინაძე, ოსების ჩამოსახლება ქართლში და ქარაუღლების აჯაკი და ღვაწლი მათზედ. თბილისი, 1916 წ., გვ. გვ. 1, 9, 14, 21.
18. ოსეთი ქართული წიგნებით, გამოცემული ზაქარია კიკინაძისაგან, თბილისი, 1915 წ., გვ. გვ. 182, 188, 206, 217, 221, 223, 227, 230, 233.
19. პროფ. კეკელიძე, ქართული ლიტერატურის ისტორია, ტ. 1, 1941 წ., გვ. გვ. 32, 43, 59, 60, 75, 500—501.
20. ქართლის ცხოვრება, მარიამ დედოფლისეული ვარიანტი, გვ. 376.
21. მიმომხილველი, ტ. I, საქართველოს სსრ მეცნიერებათა აკადემიის 1949 წ. გამოცემა, გვ. 112, 113, 115.
22. ვახუშტი, აღწერა სამეფოსა საქართველოსა, თ. ლომოურისა, და ნ. ბერძენიშვილის რედაქციით, თბილისი, 1941 წ., გვ. 71, 107, 111.
23. პროფ. გ. ახვლედიანი, ოსური ენის ისტორიისათვის, თბილისი, სახ. უნივერსიტეტის მოამბე, ნ. 1925 წ., გვ. 319—320.
24. პროფ. არნ. ჩიქობავა, ზოგადი ენათმეცნიერება, პროექტული კურსი, 1946 წ., გვ. გვ. 192—193, 219.
25. ქრონიკები, 2, გვ. 2.
26. იაკ. გოგებაშვილი, თხზულებანი I, II, III და IV. ახალი გამოცემა პროფესორების გ. თავეზიშვილისა და დ. ლორთქიფანიძის რედაქციით.
27. პროფ. გ. თავეზიშვილი, სახალხო განათლებისა და პედაგოგიური ახროვნების ისტორია საქართველოში, 1948 წ., გვ. გვ. 24—25, 83, 116, 129—129 197.
28. არჩილიანი, 2, პროფ. ალ. ბარამიძის რედაქციით, გვ. 7.
29. ძველი ქართული ენა და ლიტერატურა, პროფ. ა. შანიძის რედაქციით, 1950 წ., გვ. 175—177.
30. აპ. როგავა, სახალხო განათლება ერეკლე მეორის ხანის ქართლ-კახეთში და ანტონ პირველი, თბილისი, 1950 წ., გვ. 88—89.
31. ტ. რუხაძე, ქართული ეპოსი „გარდამავალი ხანის“ ლიტერატურაში, თბილისი, 1939 წ., გვ. გვ. 197—198.
32. არკ. ხუნდაძე, დანიელ კონჭაძე, თბილისი, 1932 წ., გვ. გვ. 27, 33, 44, 45, 51, 53.
33. ს. ბერიძე, 1917—1921 წლები საქართველოში, თბილისი, 1941 წ., გვ. 224, 246, 247.
34. მასალები საქართველოსა და კავკასიის ისტორიისათვის, 1937 წ. ნაკვ. I, გვ. 5.
35. მასალები საქართველოსა და კავკასიის ისტორიისათვის, 1939 წ. ნაკვ. III, გვ. 57.
36. იესე ბარათაშვილის ცხოვრება-ანდერძი, 1950 წ., გვ. გვ. 22, 83, 88.
37. საქართველოს სიძველენი, ტომი II, პროფ. ექვთ. თაყაიშვილის რედაქციით, 1909 წ., გვ. 296, 297, 457, 467.
38. საქართველოს სიძველენი, ტომი II. პროფ. ექვთ. თაყაიშვილის რედაქციით, 1910 წ., გვ. 152, 159, 445, 447.
39. ძველი საქართველო, საქართველოს საისტორიო და საეთნოგრაფიო საზოგადოების კრებული, ტ. 1, 1909 წ., გვ. 7—10, 11—12, 16, 33, 34.

40. ძველი საქართველო, ტ. 2, 1909 წ., გვ. 49.
41. კ. ხეთაგუროვის რჩეული ნაწერების კრებული, სამხრეთ ოსეთის სახელგამი 1939 წ., გვ. 30, 200.
42. История Осетии (макет), часть первая (с древнейших времен до 1917 г.), Селеро Осетинское книжное издательство, Орджоникидзе, 1954 г.
43. Д. Пурцеладзе, Грузинские церковные гужары, 1861 г. стр. 40—42.
44. В. И. Абаев, Осетинский язык и фольклор, АН СССР, 1950 г.
45. Известия Юго Осет. Научно-иссл. института Краев. 11, стр. 32.
46. Краткий очерк истории Грузинской церкви экзархата за XIX столетие, Тифлис, 1901 г., стр. 92.
47. Отчет Общества восст. православного христианства на Кавказе за 1862 и 1863 гг., Тифлис, стр. 11, 12, 15.
48. Отчет попечителя Кавк. уч. округа за 1887 г. стр. 262, 268 за 1900 г. стр. 44, за 1902 г. 1885 г. за 1897 г. стр. 200, за 1894 г., стр. 332.
49. П. И. Гадиев, История развития народного образования в Юго Осетии до установления Советской власти (рукопись хранится в НИИО).
50. Обзор российских владений Закавказья, ч. II, 1836, стр. 164.
51. Путеводитель по Кавказу, сост. Е. Вейденбаум, Тифлис, 1888 стр. 271, 272, 273, 274, 275, 276.
52. История грузинской иерархии М., 1886 г., стр. 77, 88, 89, 91, 92.
53. А. Кодзиев, Древние осетины и Осетия, Владикавказ, 1903 г. стр. 1.
54. Обзор деятельности общества восстановления правосл. христианства на Кавказе, за 1860—1910 г. Тифлис, 1910 г., стр. 6—14, 90, 186—199
55. Отчеты общества восстановления православного христианства на Кавказе, за 1862—1909 гг., Тифлис.
56. М. С. Тотоев, Развитие культуры и общественной мысли в Северной Осетии во второй половине XIX и в начале XX вв. (Автореферат), Дзауджикау, 1950 гг.
57. Документы по истории Грузии (1862—1917), том I, под ред. проф. Ш. Чхетия, Тифлис, 1954 г., стр. 541—542.
58. К. Хетагуров, Собрание сочинений, том III, изд. АН СССР Москва, 1951.
59. В. Абаев, 30 лет Советской власти и развитие науки в Юго Осетии. Известия Юго Осет. НИИ. 1948 г., VI, стр. 5—18.
60. А. Гадиев, Владикавказское осетинское духовное училище (уч. запись С. Осет. Гос. пед. института. 1940 г., стр. 63—71).
61. Е. К. Осетинская Духовная комиссия и ее деятельность (Прил. к дух. Вестник, 1901 г., № 17—18, стр. 59—75).

62. Д. Лавров, Заметки об Осетии и осетинах, СМОМПК, 1833 I, III, стр. 310—312.
63. Сборник документов по истории народного образования в Осетии (материалы по истории осетинского народа. 1942 г., том V).
64. П. Симонов, Горские школы (Изв. Сев. Кавк. пед. института. 1937 г., т. XIII, стр. 241—264).
65. Б. Скитский, Очерки по истории осетинского народа (изд. Сев. Осет. Н. И. И. 1947 г., т. XI, стр. 186—189).
66. С. Фарфоровский, Народное образование у осетин, (ЖМИП 1917 г., № 1, отд. III, стр. 87—100).
67. Акты Археографической комиссии, том I, 1846, стр. 82—83.
68. Акты, том IX, стр. 33.
69. Известия С/Осет. Н. И. института, т. XI, 1947 г., стр. 165—166.
70. ქართული წიგნი, ბიბლიოგრაფია, ტ. I, 1941 წ., გვ. VIII, XII, XIII, 63, 71, 74, 90, 91, 92, 96, 104.
71. ტ. სარიშვილი, სკოლა და სახალხო განათლება რევოლუციამდელ საქართველოში, 1956 წ., გვ. 95—124.
72. ტ. სარიშვილი, კუსტა ხეთაგუროვის ქედაგოგური შეხედულებანი სტალინირი. 1955.
73. კ. ხეთაგუროვი, რჩ. ნაწ. 1949 წ. სამხრეთ ოსეთის სახელგამი.
74. Акты, т. XI, стр. 726.

II. ჟურნალ-გაზეთები

1. ჟურნ. „განათლება“, 1908 წ., № 3 და 4 გვ. 209.
2. ჟურნ. „განათლება“, 1910 წ., № 1, გვ. 35.
3. ჟურნ. „განათლება“, 1912 წ., № 1, გვ. 52—60.
4. ჟურნ. „განათლება“, 1913 წ., № 9, გვ. 99.
5. ჟურნ. „განათლება“, 1920 წ., № 4 და 5, გვ. 126, 127, 128, 129.
6. ჟურნ. „მოგზაური“, 1905 წ., № 10, გვ. 140; № 11, გვ. 163, 175.
7. ჟურნ. „კვალი“, 1699 წ., № 51, გვ. 865—867.
8. ჟურნ. „კვალი“, 1901 წ., № 14, გვ. 223.
9. ჟურნ. „კვალი“, 1902 წ., № 3, გვ. 41.
10. ჟურნ. „კვალი“, 1903 წ., № 3, გვ. 44.
11. ჟურნ. „მწყემსი“, 1885 წ., № 2, გვ. 4—5.
12. ჟურნ. „მწყემსი“, 1691 წ., № 7, გვ. 5—6.
13. ჟურნ. „მწყემსი“, 1695 წ., № 11, გვ. 5—11.
14. გაზ. „Кавказ“ 1868 г., № 24.
15. გაზ. „Кавказ“, 1873 г., № 10, № 75.
16. გაზ. „Кавказ“, 1875 г., № 40 სტრ. 1.
17. გაზ. „Кавказ“, 1880 г., № 37, № 38, № 32.
18. გაზ. „დროება“, 1867 წ., 20/X, გვ. 1—2, 1876 წ., № 128, გვ. 3—4.
19. გაზ. „დროება“, 1880 წ., 25/1, გვ. 3 24/11, გვ. 2.
20. გაზ. „დროება“, 1880 წ., 16/III, გვ. 3.
21. გაზ. „დროება“, 1880 წ., 1/VIII, გვ. 2—3.
22. გაზ. „დროება“, 1880 წ., 13/VIII, გვ. 1—2.

23. გაზ. „დროება“, 1881 წ., 22|II, გვ. 2, 1861 წ. 5|IV, გვ. 2, 1862 წ. 29|XII, გვ. 8—4.
24. გაზ. „დროება“, 1883 წ., 22|VII, გვ. 1—2.
25. გაზ. „დროება“, 1883 წ., მარტი, გვ. 2.
26. გაზ. „დროება“, 1881 წ., 22 იანვარი, გვ. 1—2, 1884 წ., 13|IX, 1884 წ., 7|IV.
27. გაზ. „დროება“, 1885 წ., 17|VIII, გვ. 1.
28. გაზ. „ივერია“, 1876 წ., № 10, გვ. 1—2, 1886 წ., 7|XI, გვ. 2—3.
29. გაზ. „ივერია“, 1887 წ., 19|II, გვ. 2.
30. გაზ. „ივერია“, 1887 წ., 9|XII, გვ. 2.
31. გაზ. „ივერია“, 1888 წ., 10|VIII, გვ. 2, 21|XI, გვ. 2.
32. გაზ. „ივერია“, 1890 წ., 31|V—გვ. 3.
33. გაზ. „ივერია“, 1891 წ., 8|I გვ. 2, 30|I, გვ. 3.
34. გაზ. „ივერია“, 1891 წ., 20|II, გვ. 2, 1905 წ. № 6, გვ. 2—3.
35. გაზ. „ცნობის ფურცელი“, 1899 წ. 11 მარტი, გვ. 2.
36. გაზ. „ცნობის ფურცელი“, 1899 წ. 17 მარტი, გვ. 2.
37. გაზ. „ცნობის ფურცელი“, 1899 წ. 19 მარტი, გვ. 2.
38. გაზ. „ცნობის ფურცელი“, 1899 წ. 20 მარტი, გვ. 2.
39. გაზ. „ცნობის ფურცელი“, 1899 წ. 21 მარტი, გვ. 1—2.
30. გაზ. „ცნობის ფურცელი“. 1899 წ. 28 მარტი, გვ. 3.
41. გაზ. „ცნობის ფურცელი“, 1899 წ. 15 ოქტომბერი, გვ. 3, 1905 წ. 13 აპრილი, გვ. 2.
42. გაზ. „სახალხო გაზეთი“, 1911 წ. № 83, გვ. 2—3.
43. გაზ. „შრომა“, 1883 წ., 4 მაისი, გვ. 3.
44. გაზ. „სასოფლო გაზეთი“, 1887 წ., № 1, გვ. 5.
45. გაზ. „ახალი კომუნისტი“, 1920 წ., № 23, № 26.
46. გაზ. „კომუნისტი“, 1920 წ., № 10.
47. გაზ. „ნოვ ცარდ“, 1907 წ., № 24.
48. გაზ. „ნოვ ცარდ“, 1907 წ., № 46.
49. გაზ. „ტიფლისკი ლისტოკ“, 1905 წ., № 133.

III. საარქივო მასალები და სხვა დოკუმენტები

1. მარქსიზმ-ლენინიზმის ინსტიტუტის თბილისის ფილიალის არქივი, ფონდი 33, საქმე № 477, ფ. 1, 1905 წ.
2. Архив СОНИИ, фонд Владикавказского Окр. отделения епархиального училищного совета, дело 1913 г. № 815.
3. ЦГИА ГССР ф. 219, дело № 61, л. л. 3—28.
4. ევრონციფ-დამკოცი. უკვეშეგრდონეღესი ანგარიში, 1913 წ. გვ. 14. ს. პეტერბურგი.
5. საქართველოს სსრ ცსს საისტორიო არქივი, ფონდი 139, საქმე № 267, ფურც. 100.
6. იქვე, ფონდი 139, საქმე № 1616, ფ. 1.
7. იქვე, ფონდი 139, საქმე № 1626, ფ. 2, პ. 4.
8. იქვე, ფონდი 139, საქმე № 5427.

9. იქვე, ფონდი 139, საქმე № 12806, ფ. 7.
10. იქვე, ფონდი 141, საქმე № 1726, ფ. 46—48, 65—67.
11. იქვე, ფონდი 141, საქმე № 570, ფ. 12—13.
12. იქვე, ფონდი 107, სერია ბ, საქმე № 539, ფ. 2—4.
13. იქვე, ფონდი 141, საქმე № 684, ფ. 89—90.
14. იქვე, ფონდი 141, საქმე № 580, ფ. 13—65
15. იქვე, ფონდი 141, საქმე № 903, ფ. 114.
16. იქვე, ფონდი № 109, საქმე № 104, ფ. 14—15.
17. იქვე, ფონდი 141, საქმე № 1121, ფ. 7—8.
18. იქვე, ფონდი 141, საქმე № 1127, ფ. 9.
19. იქვე, ფონდი 139, საქმე № 16468, ფ. 5.
20. იქვე, ფონდი 141, საქმე № 82, ფ. 65—70.
21. იქვე, ფონდი 139, საქმე № 1616, ფ. 1.
22. იქვე, ფონდი 139, საქმე № 1626, ფ. 2, 3, 4.
23. იქვე, ფონდი 141, საქმე № 7, ფ. 60—62. საქმე № 58, ფ. 11.
24. იქვე, ფონდი 109, საქმე № 177, ფ. 189.
25. იქვე, ფონდი 141, საქმე № 549, ფ. 12—15.
26. იქვე, ფონდი 141, საქმე № 796, ფ. 2—9.
27. იქვე, ფონდი 93, საქმე № 399, ფ. 3—6, 7—9.
28. იქვე, ფონდი 109, საქმე № 416, ფ. 89—91.
29. იქვე, ფონდი 141, საქმე № 1572, ფ. 1—4.
30. იქვე, ფონდი 141, საქმე № 1001, ფ. 1, 3—8.
31. იქვე, ფონდი 109, საქმე № 574, ფ. 89.
32. იქვე, ფონდი 141, საქმე № 649, ფ. 12—15.
33. იქვე, ფონდი 141, საქმე № 896, ფ. 2—9,
34. იქვე, ფონდი 141, საქმე № 1494, ფ. 12—18. 1912 წ.
35. იქვე, ფონდი 109, საქმე № 373, ფ. 69, 1913 წ.
36. იქვე, ფონდი 141, საქმე № 810, ფ. 5.
37. იქვე, ფონდი 141, საქმე № 1094, ფ. 2.
38. იქვე, ფონდი 141, საქმე, 1391, ფ. 66, 67, 92, 96.
39. იქვე, ფონდი 141, საქმე № 812, ფ. 9.
40. იქვე, ფონდი 141, საქმე № 183, ფ. 26—29, 1914 წ.
41. იქვე, ფონდი 141, საქმე № 520, ფ. 13—65.
42. იქვე, ფონდი 141, საქმე № 1335, ფ. 63—65.
43. იქვე, ფონდი 141, საქმე № 1572, ფ. 1—4.
44. იქვე, ფონდი 141, საქმე № 137, ფ. 20. საქმე № 506, ფ. 3—5, საქმე № 681, ფ. 49, საქმე № 804, ფ. 171, საქმე № 1590, ფ. 3—4.
45. იქვე, ფონდი 109, საქმე № 378, ფ. 201—202.
46. იქვე, ფონდი 109, საქმე № 416, ფ. 99.
47. იქვე, ფონდი 139, საქმე № 2066, ფ. 1—6. 14—17, 1828 წ.
48. იქვე, ფონდი 107, სერია „ბ“, საქმე № 539, 1873 წ.
49. იქვე, ფონდი 141, საქმე № 539, ფ. 23, საქმე № 802, ფ. 2,9, საქმე № 857 1897 წ. საქმე № 1094, ფ. 14—15, 1902 წ. საქმე № 953, ფ. 2.
50. იქვე, ფონდი 139, საქმე № 1616, ფ. 18.
51. იქვე, ფონდი 141, საქმე № 896, ფ. 2—9, საქმე № 649, ფ. 12—15.

52. იქვე, ფონდი 139, საქმე № 12806, ფ. 4. 1847 წ.
 53. იქვე, ფონდი 141, საქმე № 1590, ფ. 24, 29, 32.
 54. იქვე, ფონდი 141, საქმე № 810, ფ. 79, 1913 წ.
 55. იქვე, ფონდი 141, საქმე № 649, ფ. 12—15.
 56. იქვე, ფონდი 141, საქმე № 970, ფ. 14, 37—38, 64—67.
 57. იქვე, ფონდი 141, საქმე № 955, ფ. 2—3.
 58. იქვე, ფონდი 18, საქმე № 331, ფ. 121.
 59. იქვე, ფონდი 16, საქმე № 44, ფ. 1—2.
 60. იქვე, ფონდი 16, საქმე № 528, 91, ფ. 30.
 61. Архив СОНИИ, фонд дирекции народных училищ Тергской области, дело 1912 г., № 697, стр. 60.
 62. Архив СОНИИ, фонд дирекции народных училищ Тергской области, дело 1909 г., № 636, л. 23—30.
-

ს ა რ ჩ ე ვ ი

თ ა ვ ი I

ქართველთა და ოსთა კულტურული ურთიერთობის ზოგიერთი საკითხი ადრინდელი ფეოდალური წყობისა და მსხვილ სამთავროთა გაერთიანების პერიოდში (III—X სს.)

83-

6

თ ა ვ ი II

ქართული კულტურის გავლენა კავკასიის მთის ხალხებზე საქართველოს სამეფოს გაძლიერების ხანაში (XI—XIV სს.) . . .

14

თ ა ვ ი III

კულტურული ვითარება ოსეთში XV საუკუნიდან ოსეთის რუსეთთან შეერთებამდე .

35

თ ა ვ ი IV

ამიერ და იმიერკავკასიის ოსთა სწავლა-განათლების მდგომარეობა ოსეთ-საქართველოს რუსეთთან შეერთების პერიოდიდან ცარიზმის დამხობამდე (1801—1917) . . .

47

1. სოციალურ-ეკონომიური, პოლიტიკური და კულტურული ვითარება ოსეთში XVII—XIX საუკუნეებში

47

2. სასკოლო ქსელი, მატერიალური ბაზა და მოსწავლეთა შემადგენლობა . . .

49

3. სწავლების შინაარსი, ორგანიზაცია და მეთოდები

120

4. ოსური დამწერლობის განვითარება, წიგნიერების გავრცელება და სასწავლო სახელმძღვანელოები . . .

133

თ ა ვ ი V

მასწავლებელთა მომზადება-გადამზადება .

153

თ ა ვ ი VI

გამოჩენილი ოსი მოღვაწეები სკოლისა და სახალხო განათლების შესახებ	170
ა. კალიევის პედაგოგიური მოღვაწეობა .	174
ა. გასიევის კულტურული მოღვაწეობა და პედაგოგიური შეხედულებანი	175
ბ. ურუიმაგოვის როლი ახალი სკოლისათვის ბრძოლაში	177
კოსტა ხეთაგუროვის პედაგოგიური შეხედულებანი	178

თ ა ვ ი VII

ოსი ბაღის ბრძოლა სახალხო განათლების ახალი სისტემისა და ახალი სკოლებისათვის .	188
--	-----



შეცდომების გასწორება

წ.წ.	სტრიქონი		დაბეჭდილია	უნდა იყოს
	ქვ.	ზემ.		
93		1—2	გადმომხედრა	გადმომხედა
121		2—3	შემიღებული	შემოღებული
194		11	ბავშვებისათვის „არაქრის- ტიანული სახელების“ ტარების	მოსწავლეთათვის იმ „წმინ- დანების“ ცხოვრების სწავ- ლება

რედაქტორი ბრ. ნადარეიშვილი

* * *

კორექტორი ნ. ფერაძე

* * *

გადაეცა წარმოებას 7/VII 1956 წ. ხელ-
მოწერილია დასაბეჭდად 1956 წ. 25/IX..
ქალაქის ზომა 60×92. წიგნის ანაწყ-
ზომა 6×10. ტირაჟი 2.000.
სტამბის შეკვ. 1078. უე 06132.

* * *

საგამ.-საალრ. ფორმ. რაოდენობა 11,86..
სასტამბო ფორმათა რაოდენობა 13,75.

* * *

სტამბა „ზარია ვოსტოკა“-ს, თბილისი,
რუსთაველის ქრ., № 42.
